

DE MIRACULIS
AUCTORE ANDREA
SPAGNIO
SACERDOTE
FLORENTINO

Andrea Spagni, Josè Maria Fonseca
de Evora





MAG 30 58

D E
MIRACULIS

AUCTORE
ANDREA SPAGNIO
SACERDOTE FLORENTINO



ROMAE MDCCLXXVII.



Typis Archangeli Cafalletti ad S. Eustachium.

Superiorum Permissu.

1000

1000





XII. APOSTOLIS
JESU. CHRISTI. D. N.

QUI. NATURÆ. POTENTES
AD. PROMULGATIONEM. DIVINÆ. LEGIS
SALUTEM QUE. HUMANI. GENERIS
ORBEM. TERRARUM. PRODIGIIS. PERAGRARUNT
ANDREAS. SPAGNIUS
COMMENTARIUM. SUUM
DE MIRACULIS
SACRUM. ESSE. JUBET
PATRONIS. CÆLÆSTIBUS. SALUTARIBUS



THE UNIVERSITY OF CHICAGO

THE DIVISION OF THE PHYSICAL SCIENCES

THE DIVISION OF THE BIOLOGICAL SCIENCES

THE DIVISION OF THE SOCIAL SCIENCES

THE DIVISION OF THE HUMANITIES

THE DIVISION OF THE ARTS

THE DIVISION OF THE MEDICAL SCIENCES

THE DIVISION OF THE ENGINEERING SCIENCES

THE DIVISION OF THE AGRICULTURAL SCIENCES

THE DIVISION OF THE ENVIRONMENTAL SCIENCES

THE DIVISION OF THE EARTH SCIENCES

THE DIVISION OF THE PLANETARY SCIENCES

THE DIVISION OF THE COSMOSCIENCES

THE DIVISION OF THE SPACE SCIENCES

THE DIVISION OF THE ATMOSPHERIC SCIENCES

THE DIVISION OF THE OCEANOGRAPHIC SCIENCES

THE DIVISION OF THE POLAR SCIENCES

THE DIVISION OF THE CLIMATE SCIENCES

THE DIVISION OF THE ENVIRONMENTAL SCIENCES

THE DIVISION OF THE EARTH SCIENCES

ANDREAS SPAGNIUS

LECTORI

S. D.



Iracula sunt argumentum, de quo frequens est sermo inter homines, quos dividam in. Incredulos & Christianos. Ac primi quidem negant omnia miracula: Ex Christianis autem qui sunt hæretici, admittunt quæ suis erroribus non opponantur, & alia fingunt, quæ iisdem faveant. Qui vero sunt Catholici, etsi omnes, ut tales ea sola credant, quæ ab ipsa Catholica Ecclesia audiant admitti ut vera, nihilominus ubi nondum hoc ipsius iudicium intercesserit, aliqui nimis facile accipiunt tamquam vera miracula, quæ sunt falsa, vel contra præfalsis habent quæ vera sunt. Quare non injuria primi accusantur de credulitate vel superstitione, secundi de morositate, utrique autem de ignorantia. Quis itaque non videat quanti intersit statuere naturam veri miraculi, & certas habere regulas, quibus vera miracula a falsis dignoscantur. Qui hoc rite faciat, jam poterit Incredulis demonstrare certitudinem miraculorum, & surperstitiosos ac ignorantes cautos reddere in admittendis aut reiiciendis, quæ audiant tamquam nova miracula celebrari. Hoc mihi propositum fuit pro meis viribus exequi in hoc commentario, quem placuit aggredi post alios bene multos, quia inf-

insedit animo S. Augustini sententia, (1) *Utile est plures (libros)
a pluribus diverso fieri stylo, non diversa fide etiam de questionibus
iisdem ut ad plurimos res ipsa perveniat ad alios sic, ad alios autem
sic* : Tuæ erit humanitatis Lector benevole, hisce meis con-
natibus favere, iisque ignoscere, quæ minus apposite cen-
seas pertractata. Vale.



(1) S. August. l. 1. de Trin. c. 3.

I M P R I M A T U R ,

Si videbitur Reverendissimo Patri Sacri Palatii Apostolici
Magistro .

Franciscus Antonius Marcucci ab I. G. Episc. Montis Alti Viceff.

A P P R O B A T I O N E S .

U T jussis obtemperarem Rñi P. Magistri Ricchinii legi librum, cui Titulus , de *Miraculis*, in quo tantum abest, ut aliquid vel contra Fidem, vel bonos mores repperim, quin immo cum ea tradat, quæ miraculorum spectant naturam, ac veritatem tam dilucide, tamque perspicue, ut hæreticis contra eadem delirantibus os prorsus occludat, & aliunde eas doceat leges, veramque tesseram statuatur, quibus vera a falsis, ab incertis certa secerni possint, idcirco reor, ut quam primum Typis mandari possit.

Dabam ex Aedibus S. Mariæ Novæ de Urbe die 21. Novembris 1776.


D. Angelus Mancini Lector Theol. Olivetanus & in Archigymnasio Sapiientiæ publicus Hist. Ecclesiasticæ Professor .

E X mandato Rñi P. Ricchinii S. P. A. Magistri legi opus de *Miraculis* Cl. Auctoris Andreæ Spagni, in eoque nihil quod notis legibus quæ librorum editionem impediunt opponatur inveni; sed omnia rursus quæ hanc commendent atque accelerent. Res enim tota de miraculis ita pertractatur ut ad ejus completam cognitionem non solum directa sed affœna etiam via Lectorem deducat. Quorum alterum debemus ingenio Auctoris in severioribus disciplinis constanter exercitato, ut declarant tot alia ab eo jam edita commentaria, in quibus video quasi sagacem Architectum qui supra claras rerum de quibus agit notiones primo propositas tanquam supra stabile fundamentum novit suorum tractatum ædificium in suas partes aptissime distributum erigere: Alterum vero ejusdem eruditioni qui meminit de iis quæ apud alios legerit qui jam antea in eadem re scripserunt. Atque cum de miraculis extiterint jam hac ipsa nostra ætate tam multi impro-

probi homines, quorum interest ea elevare vel in dubium revocare conquestis undique sophismatis calumniis & mendaciis, ut licentiæ vivendi, ex qua nascitur eorum contra omnem religionem odium, indulgeant, hos invenio suis quosque locis profligatos penitus, & oppressos. Est igitur opus meo quidem iudicio omni ex parte pulcherrimum, quod typos omnino illustriores mereatur. Sic censeo.

Romæ apud SS. Vincentium & Anastasium in Trivio Sexto Kalendas Julii 1777.

*Thomas Gabrini C. M. Lector Emeritus tertio Visitator
& Parochus ejusdem Ecclesiæ.*



IMPRIMATUR.

Fr. Thomas Augustinus Ricchinius Ordinis Prædicatorum Sacri Palatii Apostolici Magister.

OR.

ORDO OPERIS

PARS I.

Definitiones & diversiones miraculi .

ART. I. <i>DE Miraculi definitione quam sequor .</i>	pag. I.
ART. II. <i>De Synonymis miraculi .</i>	4
ART. III. <i>De diversis miraculi acceptionibus .</i>	7
ART. IV. <i>De tribus miraculi speciebus .</i>	9
ART. V. <i>De Miraculis primi gradus .</i>	11
ART. VI. <i>De miraculis secundi & tertii gradus .</i>	13
ART. VII. <i>Animadversiones ad gradus miraculorum .</i>	15
ART. VIII. <i>De miraculis supra præter & contra naturam .</i>	18
ART. IX. <i>De Miraculis punitionis .</i>	20
ART. X. <i>De miraculi beneficii .</i>	23
ART. XI. <i>De Gratiis Sapientia Scientia Fidei Sanitatis & Virtutum .</i>	25
ART. XII. <i>De gratia prophetia .</i>	27
ART. XIII. <i>De Gratia discretionis spirituum , linguarum , & interpretationis .</i>	32

PARS II.

De Essentia miraculi .

PROPOSITIO. <i>Ad essentiam miraculi pertinent quatuor , sensibilitas effectus , impotentia ad illum efficiendum in omnibus causis creatis , ea ipsius supernaturalitas , qua non supponat media ad illum habendum ordinariæ , & finis ad Divina conducenti .</i>	35
ART. I. <i>Argumenta pro tota propositione .</i>	35
ART. II. <i>Argumenta particularia pro prima propositionis parte .</i>	36
ART. III. <i>Argumenta pro secunda propositionis parte .</i>	38
ART. IV. <i>Argumentum pro tertia propositionis parte .</i>	41
ART. V. <i>Argumenta pro quarta propositionis parte .</i>	44
ART. VI. <i>De definitionibus miraculi quorundam Anglorum .</i>	48
ART. VII. <i>De definitionibus miraculi quorundam Gallorum .</i>	51
ART. VIII. <i>De definitionibus miraculi aliorum Autorum .</i>	53

• •

PAR

P A R S III.

De possibilitate miraculorum.

PROPOSITIO . I. <i>Miracula sunt possibilia .</i>	58
ART. I. <i>De aduersantibus propositioni .</i>	58
ART. II. <i>Argumenta pro propositione .</i>	61
ART. III. <i>Objectiones .</i>	63
PROPOSITIO . II. <i>Miracula fieri non possunt in confirmationem ullius erroris .</i>	66
ART. I. <i>Argumenta pro propositione .</i>	66
ART. II. <i>Objectiones ex Scriptura .</i>	71
ART. III. <i>Objectiones ex historia .</i>	75
ART. IV. <i>Alia objectiones .</i>	79

P A R S IV.

De existentia Miraculorum .

PROPOSITIO . I. <i>Multa ante legem Gratia extiterunt miracula .</i>	81
ART. I. <i>De Aduersantibus propositioni .</i>	81
ART. II. <i>De Miraculis Novi Testamenti in cognitionibus .</i>	83
ART. III. <i>De miraculis Veteris Testamenti in Celo .</i>	90
ART. IV. <i>De miraculis Veteris Testamenti in igne .</i>	93
ART. V. <i>De Miraculis Veteris Testamenti in aere .</i>	95
ART. VI. <i>De Miraculis Veteris Testamenti in aqua .</i>	96
ART. VII. <i>De Beneficiis Veteris Testamenti Miraculis in Terra .</i>	99
ART. VIII. <i>De poenalibus aliisque in Terra miraculis V. I. .</i>	102
ART. IX. <i>Argumenta pro propositione .</i>	105
ART. X. <i>Objectiones generales .</i>	107
ART. XI. <i>Objectiones contra miraculum Diluvii quantum ad existentiam .</i>	112
ART. XII. <i>Objectiones contra Diluvium ex illius causa formali .</i>	116
ART. XIII. <i>Objectiones contra Diluvium ex illius causa efficiente .</i>	119
ART. XIV. <i>Obiectio contra iraejectionem Erythraei & Jordanis .</i>	122
ART. XV. <i>Objectiones contra stantem solem sub Iosue .</i>	125
ART. XIV. <i>Obiectio contra miraculum ieiunii Moysi & Eliae .</i>	126
ART. XVII. <i>Objectiones contra ecstases & splendorem vultus .</i>	130
ART. XVIII. <i>Objectiones contra prophetas .</i>	132
PROPOSITIO . II. <i>Multa in promulgatione Legis Christiana extiterunt miracula .</i>	136
ART. I. <i>D. Aduersantibus propositioni .</i>	136
ART. II. <i>D. miraculis Novi Testamenti ante predicationem Christi .</i>	139
	De

ART. III. De Miraculis Novi Testamenti in predicatione Christi <i>exceptis sanationibus.</i>	143
ART. IV. De Miraculis sanationum in predicatione Christi.	149
ART. V. De Miraculis in Passione & Resurrectione Christi.	154
ART. VI. De Miraculis Sanctorum quae sunt in N. vo Testam.	157
ART. VII. Argumenta pro propositione ex ratione.	163
ART. VIII. Argumentum ex Testimoniis scriptis.	166
ART. IX. Argumentum ex Testimoniis profanis.	321
ART. X. Argumentum ex negatis miraculis.	327
ART. XI. Objectiones contra miraculum resurrectionis Christi.	178
ART. XII. Objectiones contra miracula Christi tamquam opera Diaboli.	184
ART. XIII. Obiectio contra miracula Christi tamquam effectus sui temperamenti.	188
ART. XIV. Objectiones contra miracula Christi tamquam effectus naturales.	190
ART. XV. Aliæ objectiones contra miracula Christi.	192
PROPOSITIO. III. Miracula tam Judaica religionis, quæ in veteri, quam Christiana, quæ in novo Testamento referuntur non habent exemplum apud Ethnicos.	195
ART. I. Argumenta pro propositione.	195
ART. II. Obiectio pro reditiois etiam apud Ethnicos.	198
ART. III. Obiectio pro miraculis apud Ethnicos similibus illis Christi Dni.	200
ART. IV. Objectiones pro prophetiis etiam apud Ethnicos.	206
ART. V. Objectiones pro martyribus in quavis religione.	208
ART. VI. Objectiones pro aliis miraculis apud Ethnicos similibus illis utriusque Testamenti.	214
PROPOSITIO. IV. Multa quovis tempore in Ecclesia Catholica existunt miracula.	217
ART. I. Argumenta a priori pro propositione.	218
ART. II. Argumenta a posteriori pro propositione.	221
ART. III. Objectiones ex Auctoritate.	226
ART. IV. Objectiones ex vi Imaginationis.	230
ART. V. Objectiones contra multa miracula ex illorum levitate.	234
ART. VI. Objectiones ex aliis rationibus.	236
PROPOSITIO. V. Miracula quæ promulgantur a Sede Apostolica in Beatificationibus & Canonizationibus Sanctorum certiora sunt aliis quavis historia.	239
ART. I. De jure olim servato a Sede Apostolica in promulgatione miraculorum.	240
	De

ART. II. *De jure quod nunc servat Sedes Apostolica in promulgatione miraculorum.* 243

P A R S V.

De Causâ finali miraculorum.

PROPOSITIO. <i>Causa finalis miraculorum est multiplex.</i>	252
ART. I. <i>Argumenta pro propositione.</i>	252
ART. II. <i>Objectiones contra miracula ex fine omnibus communi.</i>	254
ART. III. <i>Objectiones contra miracula ex fine particulari constituendi Religionem revelatam.</i>	258
ART. IV. <i>Objectiones contra miracula ex fine conservandi religionem revelatam.</i>	265
ART. V. <i>Objectiones contra miracula ex fine manifestandi alicujus Sanctitatem.</i>	269

P A R S VI.

De potestate creaturis concessâ patrândi miracula.

PROPOSITIO. I. <i>Sancti tum in terris viventes tum beati in Calis, quin immo ipsa Christi Dn. humanitas sunt miraculorum causa dumtaxat moralis.</i>	272
ART. I. <i>Argumentum pro prima parte.</i>	274
ART. II. <i>Argumentum pro secunda parte.</i>	276
ART. III. <i>Argumenta pro tertia parte.</i>	280
ART. IV. <i>Objectiones contra primam & secundam partem.</i>	283
ART. V. <i>Objectiones contra tertiam partem.</i>	286
PROPOSITIO. II. <i>Sancti quamvis sint causa dumtaxat morales miraculorum, nihilominus cum proprietate possunt absolute dici facere miracula.</i>	290
Corollarium. <i>Possumus sine ulla absurditate Sanctos orare, ut nobis miracula faciant.</i>	291
PROPOSITIO. III. <i>Homines actu mali possunt esse causa morales miraculorum.</i>	292
ART. I. <i>Argumenta pro propositione.</i>	292
ART. II. <i>Objectiones & Corollaria.</i>	298



DE MIRACULIS

AUTHORE

ANDREA SPAGNIO



PARS I.

Definitiones & Divisiones miraculū.

ARTICULUS I.

De Miraculi definitione quam sequor.

1.



Iraculum significat effectum aliquo modo nobis sensibilem, qui non solum supernaturalis est, sed non habetur per media, quæ per Divinam institutionem ordinaria evaserint ad illum habendum, & qui nos ad Divina deducit. Definitio indiget determinatione sensus in quo accipitur effectus supernaturalis. Hæc per me est hujusmodi: Effectus quem nulla causa creata efficere potest. Cum effectus supernaturalis contraponatur effectui naturali, jam per oppositam definitionem innotescit, in quo sensu sumatur hoc loco effectus naturalis. Sed quoniam plures aliæ sunt tam naturalis, quam supernaturalis acceptiones, e re nostra censeo ipsarum aliquas observare post

A

post Cardin. Ptolemæum (1), Buffierium (2), & Vernejum (3). Incipiam a nomine naturalis.

2. I. Naturale dicitur, quod evenit secundum consuetas atque communes naturæ leges in subiecto, prout est in quodam determinato statu, cujus est capax. Ita talis arteriarum motus in sano animali æqualibus micationibus se manifestans dicitur naturalis. Naturali in hoc sensu opponitur insuetum, sive extraordinarium. Sic pulsus irregularis in homine ceteroquin sano non dicitur pulsus naturalis.

3. II. Naturale appellatur quod non est Diabolicum, sive per Magiam superstitiosam, quæ juxta Layman (4) est *ratio efficiendi mira opera, auxilio Dæmonis per signa ab ipso instituta*, & in varias species, quæ apud ipsum videri possunt, dividitur. In hoc sensu naturale sumitur ab iis, qui visio aliquo admirabili effectu, qui potest esse ab aliquo Dæmone, statuunt ipsum non esse effectum naturalem. Atque hujusmodi sunt, qui ad sui existentiam non postulant circumstantias mere physicas, sed alias etiam ut ita dicam morales, ut talis hominis, talis figuræ, talium characterum, talis intentionis. Ita si cyaneus, aut anulus aureus suspensus per filum intra vas vitreum, quo utimur ad bibendum, & non ad alium usum, pulsaret horas, utique effectus iste, quem aliqui quidem affirmant haberi, alii vero, inter quos Derhamus (5) negant, non esset naturalis.

4. III. Naturale idem aliquando est ac non artificiale, seu dependens ab industria humana. Ita naturaliter eloquens dicitur, qui nullius excultus studiis ita loquitur, ut persuadeat. Ita arbores, quæ in silvis nascuntur sunt quid in hoc sensu naturale: contra vero ejusdem speciei arbores, quæ manum cultoris patiantur, jam sunt aliquid artificiale. Atque perpauca sunt in iis, quæ versantur in usu quotidiano, quæ in hoc sensu dici non possint esse artificialia.

5. IV. Naturale dicitur, quod confert ad conservationem aliqujus rei. In hoc sensu vinum, & multo magis aqua est potio naturalis homini: contra vero spiritus vini non est potio naturalis.

6. V. Tandem naturale opponitur libero a necessitate sive intrinseca sive extrinseca. In hoc sensu dicebat S. Thomas (6) *si fuerint talia apprehensa, quibus naturaliter intellectus assentiat, sicut prima principia, assensus talium, vel dissensus non est in potestate*

(1) Pto. Philos. diff. 22. Logico-Phys.

sec. 1.

(2) Buff. Prem. Verit. n. 325.

(3) Ver. Metaph. li. 4. c. 13.

(4) Lay. Theol. li. 4. tr. 12. c. 4. nu. 1.

(5) Dcr. Physico-Theol. ca. 9. nota ultim.

(6) S. Tho. 1. 2. q. 17. art. 6. O.

state nostra, sed in ordine naturæ, & ideo proprie loquendo naturæ imperio subjacet. Et in eodem sensu est hæc S. Augustini doctrina (1), Quia motum animi ab incommutabili bono ad commutabilia non dubitamus esse culpabilem, omni modo negandum est esse naturale, & ideo non est similis illi motui, quo naturaliter movetur lapis.

7. Venio ad sensus diversos alterius nominis *supernaturale*. Philosophi hoc nomine denotant id, quod non est corporeum, & de eo tractant in Metaphysica, quæ propterea ut notavit Fonseca (2) appellatur etiam scientia supernaturalis, sive supernaturalium. Theologis *supernaturale* idem est ac ens *supra naturam*. Hinc illa cum Cajetano (3) divisio entis in ens *supra omnem naturam* tum creatam tum creabilem, & ens *supra naturam creatam* per solam vim intelligendi nostram cognitam. Primum vocatur etiam ens *supernaturale* per dignitatem: secundum vero *supernaturale* per causalitatem.

8. Ens *supernaturale* per dignitatem aliud non est nisi solus Deus: & huic *supernaturalitati* synonymum est *super substantialitas*, quam passim Deo tribuit S. Dionysius Areopagita (4) illum vocans essentiam *super substantialem*. Ens *supernaturale* per causalitatem est illud, cujus causa physica nequit esse ulla creatura. Exemplum illustre hujusmodi entium commemorat Apostolus, ubi de cælestibus bonis utique *supernaturalibus* dicit (5), *Oculus non vidit, nec auris audivit, nec in cor hominis ascendit, quæ preparavit Deus iis, qui diligunt illum*. Quid enim magis remotum a potentia creaturæ, quam id quod ne in ejus quidem mentem cadit. Hæc acceptio communis est apud Auctores; Nam naturæ nomine, *supra* quam dicunt esse effectum *supernaturalem*, certe non intelligunt neque essentiam rei, cum effectus etiam *supernaturales* habeant suam essentiam: Neque ipsum Deum; Nihil enim esse potest *supra Deum*, cum interea multa admittant *supra naturam*: Nec universitatem rerum omnium creatarum; Nam cum inter entia creata sint etiam ipsi effectus *supernaturales*, non possent amplius dici *supernaturales*: Nec aliud quid, quod nomine naturæ veniat, quæ aliter explicetur, quam per collectionem omnium rerum creatarum, quas esse aut esse posse cognoscimus per solam vim intelligendi nostram, exclusâ scilicet Divina revelatione, & omni miraculo. Hanc ipsam naturæ notionem videtur mihi Ripalda protulisse, ubi postquam fuse disseruit de sensu, in quo sumi debeat natura, dum loquimur

A 2

de

(1) S. Aug. de lib. arbit. lib. 2. c. 22. nu. 54.

(2) Fon. Metaph. c. 8. in proemio.

(3) Caj. in 1. par. qu. 12. ad art. 5.

(4) S. Dio. de divin. nomin. c. 1. & 2. & alibi.

(5) 1. ad Corinth. ca. 2. v. 9.

de ente supernaturali, hunc tandem adprobat (1), *Natura est collectio substantiarum nunc existentium, earumque possibilem, quæ existentibus adnexæ & affines sunt.*

9. Theologi, qui passim ens & effectum supernaturalem commemorant, tum sensum tum nomen a SS. Patribus desumpserunt; Nam S. Dionysius Areopagita dicit (2), *Virginem supernaturaliter concepisse*; S. Cyrillus Alexandrinus (3), *Ascendamus*, inquit, *ad supernaturalem dignitatem per Christum*; & alibi, *Gratia ad supernaturalem gloriam evolamus*; S. Jo: Damascenus loquens de Eucharistia ait (4), *Panis vinumque & aqua per invocationem & adventum Spiritus Sancti supernaturaliter transmutatur in Corpus & Sanguinem Christi*. Idem tandem nomen cum exposita significatione confirmatum jam habetur autoritate Apostolica post damnatas per Bullam propositiones Baii, inter quas præter xxii., *Humana nature exaltatio in consortium Divinæ Naturæ naturalis dicenda est, & non supernaturalis*, est hæc xxv. *Absurda est eorum sententia, qui dicunt hominem ab initio quodam supernaturali dono fuisse exaltatum, ut Deum supernaturaliter coleret.*

ARTICULUS II.

De Synonimis miraculi.

10. **M**iraculi nomen in Novo Testamento nusquam, & in Veteri solum novies reperitur, ut ex Concordantiis Bibliorum patebit, sed in sensu positæ jam definitionis ibi solum sine controversia accipitur, ubi scriptum est Israelitis intellecturos ex insigni miraculo subitæ intra unam noctem mortis primogenitorum omnium tam in hominibus Ægyptiis, quam in eorum jumentis (5), *quanto miraculo dividat Dominus Ægyptios & Israel.*

11. Pro miraculo alia in Scripturis usurpantur nomina. Quod frequentius occurrit est nomen signi. Itaque omnia miracula, quæ per Moysen facta sunt, ipsemet Deus appellat signa (6), *Quousque non credent mihi in omnibus signis, quæ feci coram eis? Omnes (7) viderunt signa, quæ feci in Ægypto & in solitudine.* Evangelistis pariter familiare est hoc nomen; Nam conversio aquæ in vinum dicitur (8), *initium signorum Jesu*; Sanatio (9) filii Reguli: Visus (10)

cæco

(1) Rip. de Ente supernat. to. 1. l. 1. disp. 33. sec. 2.

(2) S. Dio. epist. 4. ad Cajum.

(3) S. Cyr. in Joa. li. 1. c. 13. & 14.

(4) Dam. de Fide li. 4. c. 14.

(5) Exod. c. 11. v. 7.

(6) Num. 14. v. 11.

(7) Ibid. v. 22.

(8) Joan. c. 2. v. 11.

(9) Ibid. c. 4. v. 53.

(10) Ibid. c. 9. v. 16.

cæco nato restitutus: Lazari (1) reditus ad vitam signa appellantur. Ipsemet Christus Dominus signum dicit satisse quinque millia hominum præter mulieres ac pueros foecunda quinque panum & duorum piscium distributione: Aiebat enim (2), *Queritis me, non quia vidiſtis ſigna, ſed quia manducaſtis de panibus*. Quoniam autem ſignum juxta Auguſtinum (3) eſt res, quæ præter ſpeciem, quam ingerit ſenſibus, aliquid aliud ex ſe facit in cognitionem venire, hoc aliud ſemper eſt cognitio potentiæ Dei, & quicquid tamquam particularem finem ipſæ cujuſcumque miraculi circumſtantiæ ſolent declarare, quemadmodum docet S. Thomas (4), *Secundum id, propter quod miracula ſunt, ſcilicet ad manifeſtandum aliquid ſupernaturale communiter dicuntur ſigna*.

12. Aliud miraculi Synonimum eſt prodigium. Quod S. Thomas citato nuper loco docuit denotare excellentiam miraculi: Lyranus vero deinde expreſſius dixit ſignificare miraculum, quod ſit admodum ſingulare, vel quia perquam rarum, vel quia eſt evidens vindictæ alicujus culpæ, vel vindictæ timorem incutit. Video primum ſenſum de ſingularitate, aut ſecundum de vindicta in Scriptura, ubi mentionem faciens de miraculis, quæ acciderunt in exitu Iſrael de Ægypto, utitur utroque nomine ſigni & prodigii (5), *Dominus fecit ſigna atque prodigia magna & pſſima in Ægypto: Poſuit (6) in eis (Aaron & Moyſe) verba ſignorum ſuorum & prodigiorum: Poſuit (7) in Ægypto ſigna ſua & prodigia. Eduxiſti (8) populum tuum de terra Ægypti in ſignis & prodigiis*. Similiter poſtquam Scriptura meminit de diverſis Apoſtolorum miraculis & definite de morte Ananiæ & Zaffiræ, quæ accidit ſimul ac Petrus illorum mendacium reprehendit, dicit (9) *Per manus Apoſtolorum fiebant ſigna & prodigia multa*. Video autem ſignificari timorem Divinæ vindictæ, ubi contra Divinarum legum prævaricatores dicitur (10) *Erunt in te ſigna atque prodigia*. Dabo (11) *prodigia in Cælo & in Terra*. In hoc ſenſu verum eſt, quod dicit S. Auguſtinus, miracula nuncupari (12) *prodigia, quod porro dicant, id eſt futura prædicant*: & alibi (13) *Prodigium appellatum eſt quaſi porrodictum, quod porro dicat, & aliquid futurum eſſe portendat*, quam etimologiam afferebant etiam Calepini uſitati ante illum Facciolati.

13. Alia duo ſynonima ſunt portentum & oſtentum, quorum ſigni-

(1) Ibid. c. 12.

(2) Joan. c. 6.

(3) S. Aug. de Doctr. Chriſtia. c. 1.

(4) S. Th. 2. 2. q. 178. art. 1. ad 3.

(5) Deut. c. 6 v. 22.

(6) Pſal. 104. v. 17.

(7) Pſal. 77.

(8) Baruch. 2. v. 11.

(9) Act. 5. v. 12.

(10) Deut. c. 28. v. 46.

(11) Joel. c. 2. v. 30.

(12) S. Aug. de Civit. li. 21. c. 8.

(13) Id. in Joan. u. 16.

significatio eadem est ac prodigii, quandoquidem in Scripturis plerumque usurpantur, ubi sermo est de liberatione Israelis ab Ægypto (1) per *signa atque portenta*, seu *ostenta* (2).

14. Frequens est etiam nomen virtutis pro miraculo. Itaque (3) *Nemo est*, inquit Christus apud Marcum, *qui faciat virtutem in nomine meo, & possit cito male loqui de me*. Passim alia exempla occurrunt apud eundem Marcum (4), Matthæum (5), Lucam (6), & Paulum (7). Hoc autem nomen alludit ad primum miraculi attributum, esse quid superans omnes naturæ vires: (8) *Miraculum*, inquit S. Thomas, *est aliquid excedens facultatem naturæ, & secundum hoc miracula dicuntur virtutes*: quod magis declarat Maldonatus (9) dicens, *quia iis faciendis maxime Dei virtus & potestas ostendatur*.

15. Monstra etiam, Mirabilia, Magnifica, Magnalia sunt in Synonimis miraculi. Monstra & Mirabilia tribuuntur Eliseo (10), *In vita sua fecit monstra, & in morte mirabilia operatus est*: Et de Elia paulo ante scriptum fuit (11), *Amplificatus est Elias in mirabilibus suis*. Mirabile sæpe etiam habetur in Psalmis (12). Magnifica legitur in primo Regum (13), *Vidistis magnifica, quæ in vobis gesserit Dominus*. Magnalia vocantur in Psalmis, quæ pro Hebræis Deus (14) *fecit in Ægypto*, & quæ in eodem Psalmo appellantur *terribilia in Mari rubro*, in Exodo dicuntur magnalia (15), *State & videte magnalia Domini*.

16. Tandem miraculum appellatur gloria Dei. Itaque de cortunicibus ad Hebræos in deserto missis, & de primo mannae descensu e Cælo, quo iidem ad satietatem vescerentur dictum fuit (16), *Mane videbitis gloriam Domini*: Et de exsuscitatione Lazari a quatuor diebus mortui prædixit Christus Marthæ (17), *Si credideris, videbis gloriam Dei*. Ratio appellationis est ad exprimendum finem primarium omnium miraculorum esse ut Deus a nobis cognoscatur colatur commendetur; (18) *Deus enim*, sic S. Augustinus, *non dignatur facere visibilia miracula in Cælo vel in Terra, quibus ad se invisibilem colendum excitet animum*.

A R-

(1) Deut. c. 4. v. 34. Et c. 7. v. 19. Et c. 19. v. 3. Et Josue c. 24. v. 5.

(2) Exod. c. 4. v. 2. Et c. 7. v. 3.

(3) Mar. c. 9. v. 39.

(4) Mar. c. 6. v. 5. & v. 14.

(5) Mat. c. 6. v. 5. Et c. 7.

(6) Luc. c. 6. v. 19. Et c. 10. v. 13.

(7) 1. ad Corinth. 12. v. 9. Et 2. ad Corinth. c. 12.

(8) S. Tho. 2. 2. q. 178. art. 1. ad 3.

(9) Mald. in Marc. c. 6. v. 5.

(10) Eccli. c. 48. 14.

(11) Ibid. v. 4.

(12) Psal. 71. 85. 135.

(13) 1. Reg. c. 12. 24.

(14) Psal. 105.

(15) Exod. c. 14. 13.

(16) Exod. c. 16. v. 7.

(17) Joa. c. 11. v. 40.

(18) S. Aug. de Civit. lib. 10. c. 12.

ARTICULUS. III.

De diversis miraculi acceptionibus .

17. **S**tabilitatem (n. 1.) miraculi definitionem esse communem apud Autores , dum castigate loquuntur , inferius ostendam . Nunc dicam de acceptionibus diversis a data definitione , quæ passim occurrunt apud eos , quibus occasio non erat scrupulose versari in usu hujus nominis .

I. Miraculi nomen usurpatum est pro quovis effectu non vulgari , seu insolito causæ nobis ignotæ . Hæc acceptio adhæret etymologiæ ; Nam miraculum dicitur ab admiratione , quæ nunquam deest ubi effectus est manifestus , & causâ occulta . Hujus acceptionis usum videmus in vulgato nomine miraculum naturæ , quod tribuimus quibusdam effectibus naturalibus , ex quibus plures enumerat S. Augustinus (1) .

18. II. Miraculum dicitur de effectu , quem omnes homines admirantur , quia arduum & insolitum , etiamsi ejus causâ cognoscatur esse ex creatis . In hoc sensu miracula artis dicta sunt plura hominum opera , in quibus septem sunt , quibus quasi proprium evasit hoc nomen propter ipsorum celebritatem , I. Templum Dianæ Ephesæ columnis 127. ornatum altitudinis pedum 60. , opus annorum 220. II. Mausoleum ab Artemisia Regina Carie Mausolo viro suo defuncto erectum . III. Colossus Solis in Rhodo . IV. Simulacrum Jovis Olympici ex ebore a Phydia cælatum . V. Muri Babylonis a Semiramide constructi . VI. Pyramides Ægypti . VII. Ædes Ciri Medorum Regis ex lapidibus auro colligatis Memnonis arte fabricatæ . Aliqui loco harum ædium ponant Pharam Alexandriæ .

19. III. Miraculum sumitur pro effectu ipsius causæ increatæ etiam quotidiano , quem non possumus comprehendere , quonam modo existat . In hoc sensu S. Augustinus miraculum appellat Mundum , ejusque gubernationem , (2) *Miracula omnia , quæ sunt , minora sunt , quam hic mundus , quem fecit Deus . Majus (3) miraculum est gubernatio totius mundi , quam saturatio quinque millium hominum de quinque panibus .* Miraculum dicit hominem , ejusque animam , (4) *Omni miraculo quod fit per hominem , majus miraculum est homo . Quid (5) ipsa anima humana quæ non videtur ? Et per opera*

(1) Id. Ibid. li. 21. c. 4. & 5.

(2) Id. Ibid. li. 10. c. 12.

(3) Id. in Joan. 11. 24.

(4) Id. de Civit. li. 10. c. 12.

(5) Id. in Evang. Joan. tra. 8.

opera quæ exhibet in carne magnam præbet admirationem. Miraculum vocat accensionem calcis vivæ per aquam, (1) *Hoc miraculum si de aliquo indico lapide legeremus, & in nostrum conspectum venire non posset, profecto aut mendacium putaremus, aut certe granditer mirareremur*. Idem persæpe ortum (2) animalium, diei noctisque vices, decedentes & redeuntes frondes, vim feminum, pulchritudinem hinc, colorum sonorum odorum saporumque varietatem vocat quotidiana miracula, quæ non cognoscendi facilitate, sed sentiendi assiduitate viluerunt.

20. IV. Miraculum idem aliquando est ac effectus quivis supernaturalis etiam insensibilis. Sic S. Augustinus de mysterio Incarnationis dixit (3), *Miraculum majus est, quod Deus factus est Homo, quam miracula omnia, quæ Deus fecit inter homines*. Eodem jure S. Bernardus (4) transitum parvulorum ad beatam vitam, qui de hac terra exeunt per baptismum regenerati, dixit miraculum Dei.

21. V. Miracula tandem dicta sunt effecta sensibilia, quæ sint supra id, quod potest ea virtus causarum creaturarum quæ nota nobis est ex eo, quod plerumque solet ab illis fieri. In his consistit Ars, quæ vulgo vocatur Magia, & dividitur in naturalem & superstitiosam. Atque prima bene definitur cum Antoine (5), *Ratio efficiendi mira industria humana absque Demonis opera*; quare est licita: Secunda vero, *ratio efficiendi mira opera Demonis*, quare est illicita & detestabilis. In hoc sensu nomen miraculi est apud Jeremiam (6), *Seduxerunt populum meum in mendacio suo & miraculis suis*. Et in Apocalypsi, (7) *sunt spiritus Demoniorum facientes signa*; Nam signa & miracula ex dictis (n. 11.) sunt synonyma. Idem sensus est S. Augustino familiaris; Dicit enim (8) *Miraculum voco quicquid arduum aut insolitum supra spem aut facultatem mirantis apparet*, quod hoc loco dividit in duas species; *Quædam enim sunt quæ solam faciunt admirationem, quædam vero magnam etiam gratiam benevolentiamque conciliant*; Nam si quis volantem hominem cernat, miratur tantummodo: Si quis autem desperato morbo affectus, mox ut iussu fuerit convalescat, admirationem sanitatis suæ sanantis etiam charitate superabit. Alii vero (9) in quatuor species distinguit, Divinum & mere humanum, & humanum per auxilium Dæmonis, & Dæ-

(1) Id. de Civit. li. 2. c. 14.

(2) Id. in Joan. tr. 8. & 9. Et de Util. creden. c. 16 Et li. 50. homil. 32. in fine c. 2.

(3) Id. in Evang. Joan. tr. 17.

(4) S. Ber. in Cantic. ferm. 5. n. 1.

(5) Ant. Theol. Mor. tr. de Virt. reli. c. 5. art. 1. qu. 6.

(6) Jer. c. 23. v. 31.

(7) Apoc. c. 16. v. 14.

(8) S. Aug. de Util. creden. c. 16.

(9) Id. de Civit. li. 21. c. 6.

& Dæmoniacum a solo Dæmone factum. Et illud commemorans (1) *Pseudopropheta dabunt signa magna & prodigia*, dicit (2), *intelligamus quædam miracula etiam sceleratos homines facere*. Quod hic dicit *quædam miracula*, distinctius alibi apud S. Thomam dixit (3) *miracula similia illis quæ fiunt per servos Dei*, & quasi per contemptum *Mirabilarios* (4) appellavit, qui ea facerent.

22. S. Thomas sæpe advertit hanc significationem (5), *Dicitur*, sic ille, *quandoque miraculum large quod excedit humanam facultatem & considerationem; & sic Dæmones possunt facere miracula*. Quare alibi distinxit miraculum simpliciter a miraculo quoad nos, quod alii dicunt miraculum secundum quid. Et primum statuit in iis (6), *quæ fiunt præter ordinem totius nature creata*. Secundum vero in iis, *quæ fiunt præter ordinem nature creata nobis nota per virtutem creatam nobis ignotam*. Et alio in loco vult ea, quæ non sunt miracula simpliciter, appellari (7) *mira vel mirabilia*. Data itaque definitio (§. 1.) procedit de miraculo simpliciter, quod verum etiam miraculum opportune dicitur, quoniam Scriptura vocat (8) *prodigia mendacia*, quæ Pseudoprophetæ, ut Antichristus olim patrabunt per operationem Satanæ.

ARTICULUS IV.

De tribus miraculi speciebus.

23. **M**iraculum dividitur in miraculum quoad substantiam, quoad subiectum, & quoad modum. Divisio est cum S. Thoma (9), & exhibet tres miraculi species, quarum prima ut idem ait *tenet summum gradum*: secunda *secundum*: tertia *infimum*. Perquam multi hanc divisionem amplexi sunt, quos erudite nominat Lambertinus (10).

24. Dices: Quævis miracula sunt supra totum ordinem naturalium causarum, & omnia ut addit S. Thomas (11), *Divina Potentia comparata sunt minima*, & urget Clarke eos reprehendens (12), qui in notione miraculi notam difficultatis importune obtrudunt: ergo omnia miracula sunt æqualia, & temere constituuntur diversi illorum gradus.

B

Resp.

(1) Matt. c. 24. v. 24.

(2) S. Aug. li. 83. qu. 79.

(3) S. Tho. 1. par. q. 114. art. 4.

(4) S. Aug. tr. 13. in Joan.

(5) S. Tho. 1. p. q. 114. art. 4. O.

(6) Id. 1. par. q. 110. art. 4.

(7) Id. de Potentia qu. 6. art. 2. O. Et

in 2. ad Thes. lec. 2. in fine.

(8) 2. ad Thessal. c. 2. v. 9.

(9) S. Tho. 1. p. q. 105. art. 8.

(10) Lam. de Beatif. li. 4. c. 1. nu 6.

(11) S. Tho. li. 3. cont. Gent. c. 102.

(12) Cla. Relig. Chret. 6. 19. n. 1.

Resp. *Conc. ans*, & *dist. consequ.* Omnia miracula sunt æqualia, & nulli sunt in illis gradus, quatenus omnia sunt extra facultatem causarum secundarum, *conc. consequ.* quatenus omnia æquali ut ita dicam intervallo sunt extra hanc facultatem, aut eadem facilitate cognoscuntur a nobis esse extra hanc facultatem, *nego consequ.* Itaque quoniam miraculum dicitur juxta S. Thomam (1) *per comparisonem ad facultatem naturæ, quam excedit, cum nihil possit dici miraculum ex comparatione Potentie Divinæ*, jam quod magis distat a vi naturæ, cujusmodi est, quod per illam prorsus nunquam existit, est majus miraculum, quam id quod extra certas circumstantias talis subiecti aut modi per ipsam existit. Hac de causa laudat S. Angustinus Medicum, qui feminæ narranti sibi modum, quo divinitus sanata fuit a cancro, quem ipse insanabilem pronunciaverat, respondit, (2) *Putabam magnum aliquid te mihi fuisse dicturam: Quid grande fecit Christus sanare cancerum, qui quatruiduanum mortuum suscitavit.*

25. Præterea facilius sine ullo errore statuitur esse miraculum id, quod non indiget consideratione, & ne mentione quidem subiecti aut ejus status, quam id quod hujusmodi considerationes requirit, antequam in miraculis computetur. Tandem cum in iis etiam, quæ pro miraculis habemus, aliqua sint, quæ quasi splendidiorem suæ qualitatis supernaturalis evidentiam præferant, ideo altera majora alteris miracula communiter dicuntur. Itaque sanat Christus multos infirmos, & admirantur, qui vident: Sanat deinde cæcum a nativitate, & admiratio tanta est, ut brevi tota urbs & synagoga commota fuerit: Tendens postea ad monumentum Lazari lacrymatur, & qui hoc observant, dicunt (3) *Non poterat hic, qui aperuit oculos cæci nati, facere ut hic non moreretur*, nec venit illis in mentem ex eodem antecedenti inferre quod posset ipsum ad vitam revocare, tamquam miraculum longe majus altero. En igitur in subita infirmorum sanatione, in cæci illuminatione, in mortui suscitatione quasi series quædam crescentis miraculorum magnitudinis, quam ipsa Sacra Scriptura proponit commemorans aliqua miracula cum adjuncto diversæ granditatis, ut (4) *Factum est grande miraculum*. Et (5) *Admirationem faciam populo huic miraculo grandi & stupendo*. Et (6) *Dominus fecit signa atque prodigia magna & pessima*. Et (7) *Viderunt oculi tui signa illa portentique ingentia*. Et (8) *Signum magnum apparuit in Calo*. Quid plura? Christi Dni sunt

(1) S. Tho. 1. pa. q. 105. art. 8.
 (2) S. Aug. de Civit. li. 22. c. 8.
 (3) Joan. c. 11. v. 37.
 (4) Num. 26. v. 10.

(5) Isai. 29. v. 14.
 (6) Deut. c. 6. v. 22.
 (7) Ibid. c. 29. v. 3.
 (8) Apocaly. 12. 4.

sunt hæc, (1) *Qui credit in me, opera quæ ego facio, & ipse faciet, & majora horum faciet.*

ARTICULUS V.

De Miraculis primi gradus.

26. **Q**uod dixi miraculum primi gradus, sive quoad substantiam, alii vocant miraculum simpliciter: Sic Ferrariensis, (2) *Simpliciter, inquit, miraculum dicitur, quod fit præter ordinem totius naturæ creatæ per virtutem secundum se a quocumque intellectu creato incomprehensibilem*, quam appellationem ex dictis (n. 22.) adhibuit etiam S. Thomas. Alii miraculum appellant supernaturale per se, vel intrinsece, vel quidditative. Melius quia magis latine Pererius (3) dixit esse miraculum in eo quod fit. Hoc definit effectum sensibilem, qui propter ipsam suam essentiam cognoscitur esse supernaturalis (n. 1.), & nos ad Divina deducit. Exempla hujusmodi miraculorum habentur in robore Samsonis, in splendore vultus Moysis post colloquium cum Domino, in Sole stante in Cælo, in Nativitate Christi Dni ex Virgine ante partum & in partu, in ejus Resurrectione ex sepulcro non aperto, in ejus ingressu ad discipulos januis clausis, in ejus splendida & gloriosa transfiguratione supra montem Thabor, in jejuniis Moysis ceteroquin sani & robusti, qui (4) *per quadraginta dies & quadraginta noctes non comedit & non bibit*, quod etiam de Elia, & Christo Dno prædicatur. Hæc & similia præstare certe natura rerum quam cognoscimus, omnino non potest. Quare subito pronunciamus ea non esse effectus naturales, sed supernaturales, & quidem tales, ut bene iisdem aptetur definitio miraculi quoad substantiam, ut consideranti patebit.

27. Eiusdem speciei miracula sunt rerum multiplicationes, qualis illa panum & piscium bis facta ad benedictionem Christi, ut superfuerint in prima (5) duodecim cophini, & in secunda septem sportæ, quam multiplicationem tenet S. Thomas (6) *non factam per modum creationis, sed per additionem extraneæ materiæ in panes conversæ*, quia ut in simili alibi dicit (7) *omnia simul fuisse creatæ ad minus in materiâ, Sancti communiter tradunt*. Huc reducuntur rei unius in aliam conversiones, qualis illa aquæ in vinum in nuptiis

B 2

(1) Joan. c. 14. v. 12.

(2) Fer. in li. 3. cont. Gent. c. 101.

(3) Per. in Exod. disp. 7. in c. 7. n. 37.

(4) Exod. 34. v. 28.

(5) Matt. c. 14.

(6) S. Tho. 3. p. q. 44. art. 4. ad 4.

(7) Id. in 4. sent. dist. 18. q. 1. art. 1.

ptiis Canæ. Quare bene Authores apud Lambertinum (1) advertunt calliditatem Diaboli, dum volens certum fieri de Divinitate Christi, de qua vehementer dubitabat ex audita forte voce cælesti, *Hic est filius meus dilectus*, aut ex prædicatione Joannis, aut ex fama, postulavit ab illo miraculum primi gradus conversionem lapidum in panes, (2) *Si filius Dei es, dic ut lapides isti panes fiant*.

28. Ad eandem pariter speciem pertinent Prophetiæ. Hoc suadet ipsa Scriptura, in qua prophetare aliquando idem est ac patrare miracula præclarissima, ut ubi de Eliseo dicit, (3) *mortuum prophetavit corpus ejus*, quia projectum in ejus sepulcro cadaver cum (4) *tetigisset ossa ejus, revixit*. Idem sentiunt quovis tempore omnes tam docti quam indocti. Docti erant, quos tempore Danielis Rex Babylonis Nabuchodonosor volebat, ut sibi revocarent in mentem somnium, de quo non meminerat, illudque explicarent: qui ei responderunt, (5) *Non reperietur quisquam, qui indicet illud exceptis Diis, quorum non est cum hominibus conversatio*, idque confirmavit deinde Daniel (6) *respondens coram Rege, mysterium quod Rex interrogat, sapientes, magi, arioli, auspices nequeunt indicare Regi: sed est Deus in calo revelans mysteria*. Nec Nabuchodonosor aliter reipsa cogitabat; Nam cum a Daniele divinitus instructo audisset somnium suum, ejusque significationem, (7) *cecidit in faciem suam, & Daniele adoravit, & ait, vere Deus vester Deus deorum est, & Dominus regum revelans mysteria, quoniam tu potuisti aperire hoc Sacramentum*. Doctus erat etiam Nathanel, quem aliqui recentiores apud Maldonatum (8) dissidentes a S. Augustino & antiquis authoribus contendunt eundem esse cum Apostolo Bartholomæo; Hic enim audiens a Christo Dno, cum primo in ejus conspectum venit id sibi dici, quod sibi soli notum esse certo sciebat, statim magnitudine miraculi correptus, ut Cyrillus & Augustinus notant, (9) *respondit ei & ait, Rabbi tu es Filius Dei*.

29. Indocti erant, qui dixerunt, (10) *Propheta magnus surrexit in nobis*, quando viderant filium viduæ revocatum ad vitam a Salvatore: Indoctus pariter erat cæcus natus, cui Christus Jerosolymis aperuit oculos, qui interrogatus a Phariseis, (11) *Tu quid dicis de illo, Ille dixit quia propheta est*: Et duo discipuli euntes in Emmaus, qui ipsi Jesu sibi ignoto narrabant, quod Jesus Nazarenus (12) *fuit*

(1) Lam. de Beatific. li. 4. par. 1. c. 4. nu. 7.

(2) Matt. 4. v. 3.

(3) Eccli. 48. v. 14.

(4) 4. Reg. c. 13. v. 21.

(5) Dan. c. 2. v. 11.

(6) Ibid. v. 27.

(7) Ibid. v. 46.

(8) Mal. in Joan. c. 1. v. 47.

(9) Joan. c. 1. v. 49.

(10) Luc. c. 7. v. 16.

(11) Joan. c. 9. v. 17.

(12) Luc. c. 24. v. 19.

vir propheta, potens in opere & sermone. Quare non est mirum Iustinum Ethnicorum Philosophorum doctissimum a prophetiis, quas legebat in Sacra Scriptura de Christo Dno ejus vita miraculis & novæ legis per ipsum institutione, aliisque multis, quæ jam suismet oculis videbat eventum comprobata, persuasum fuisse ipsomet proficiente (1) tum de Divinitate Bibliorum; est enim ut argute de illis dixit Tertullianus (2) *testimonium Divinitatis, veritas divinationis*: tum de sanctitate ac necessitate Christianæ Religionis ad salutem obrinendam, ut eam amplexus pro eadem martyr extiterit gloriosissimus.

ARTICULUS VI.

De Miraculis secundi & tertii gradus.

30. **M**iraculum secundi gradus, sive quoad subjectum, sive in eo in quo fit, significat effectum sensibilem, qui non propter suam essentiam, sed propter circumstantiam subjecti, in quo fit, cognoscitur esse supernaturalis, & nos ad Divina deducit. Exempla hujus sunt cum S. Thoma (3), Visio reddita cæco, Vita reddita mortuo, Generatio in conjugibus jam decrepitis, ut (4) in Abraham centenario, & Sara nonagenaria, & in femina sine opera viri; Nam quod homo videat, vivat, generet, sunt in se, sive ut ait Suarez (5) in facto esse quid, quod quotidie a natura videmus effici, non tamen in cæco, in mortuo, in decrepito, in virgine.

31. Consuli potest Paulus Zacchias (6) qui sint morbi, quorum sanationes adscribi tuto possint huic miraculi speciei saltem si fiant in instanti, quia extra controversiam est nullo modo ea tribui posse naturæ. Huc spectant quæ S. Augustinus sic commemorat, (7) *Vi divina advocantur aquæ maris & effunduntur supra faciem terræ: sed cum orante S. Elia factum est, quia præcesserat longa serenitas, nec ea hora, qua ipse oravit, nec mox futura pluvia signa præstulerat, consecutis tantis imbris apparuit Vis Divina. Deus operatur solemnia fulgura atque tonitrua: sed quia in monte Sinai inusitato modo siebant, miracula erant. Quis attraxit humorem per radicem vitis ad botrum, & vinum fecit, nisi Deus? sed cum ad nutum Domini aqua in vinum conversa est, Vis Divina declarata est. Quis arbuscula fronde & flore vestit, nisi Deus? Verum cum floruit virga Aaron, colloquuta est quodam-*

(1) S. Just. Dial. cum Triphone.

(2) Tert. Apologet. c. 10.

(3) S. Tho. 1. p. qu. 105, art. 8.

(4) Gen. c. 17, v. 17.

(5) Sua. Metaph. dis. 30. sec. 17. n. 30.

(6) Zac. li. 4. q. 8. n. 23.

(7) S. Aug. de Trinit. li. 3. c. 6.

dammodo cum dubitante humanitate Divinitas: Et alia ibidem profequitur.

32. Eiusdem gradus miraculum est expulsio malorum Dæmonum ab obsessis aliter quam per facultatem in Ordine Exorcistatus collatam. ut per orationem aut invocationem alicujus Sancti, aut contactum reliquię sive carnis sive ossis sive vestis sive alterius rei ipsius, quemadmodum de sudariis & semicinctiis Pauli scriptum est, quod cum (1) *super languidos deferrentur, recedebant ab eis languores, & Spiritus nequam egrediebantur*; Nam ut arguit Laurentius Brancatus de Lauręa, qui postea fuit Cardinalis (2), imprimis quod homo sit sine Dæmone in ipso inhabitante est evidenter conforme naturę humanę: igitur non est miraculum quoad substantiam, quod ab illo quis liber realiter sit. Deinde Dæmon, qui aliquem ex Dei permittiora invaserit, non potest vi ulla humana ab eo expelli, quandoquidem de Dæmone dicitur, (3) *Non est potestas quę comparetur ei super terram, qui factus est, ut nullum time-ret*. Igitur hæc expulsio est miraculum ratione subiecti jam incapacis redeundi naturaliter ad pristinam libertatem.

33. Miraculum tertii gradus, sive quoad modum, sive in modo quo fit, significat effectum sensibilem, qui nec propter suam essentiam, nec propter subiectum, sed propter modum quo fit cognoscitur supernaturalis, & nos ad Divina deducit. Hujus exemplum habemus in cessatione venti, & tranquillitate maris simul ac Jesus (4) *dixit mari, tace obmutescere*. Experientia enim docet a procella magna ad tranquillitatem magnam non dari saltum in natura, sed per gradus paulatim venti deserviant, & aquę fluctus conquiescunt. Pluvia pariter quam Elias post tres annos cum dimidio perpetuę siccitatis impetravit, hujus tertii gradus miraculum fortasse melius quam secundi dici potest; Nam quod nubes & pluvię consequantur diurnam serenitatem naturale est, non vero quod ad preces hominis condita hora dicatur cum veritate, (5) *Ecce Cali conturbati sunt, & nubes & ventus & facta est pluvia magna*.

34. Hujus classis miracula sunt etiam sanationes sine præviis remediis aut crisi, & cum subita virium recuperatione, quoties tamen hæc contingant in ægrotis, de quibus spes adhuc esset recuperandi valetudinem progressu temporis, & artis medicę auxilio. In his enim accidit, ut miraculum non sit in eo quod fit, cum quotidie videamus naturaliter sanos fieri, qui ægroti antea fuerunt: neque in eo in quo fit, cum dicatur hujus ægroti valetudo nondum fuisse.

(1) Act. c. 19. v. 12.

(2) De Lau. in 3. Sent. disp. 10. de Miracu. n. 13.

(3) Job. c. 41. v. 24.

(4) Mar. c. 4. v. 36.

(5) 3. Reg. c. 18. v. 45.

fuisse conclamata: est igitur miraculum solum in modo, quo fit scilicet subito & perfecto; Causæ enim creatæ cum non agant nisi per motum, qui in instanti fieri nequit, ut alibi (1) demonstravi, non potest ab illis huiusmodi effectus provenire, & opus omnino ad hanc sanationem fuit potentia agentis per voluntatem, cuiusmodi est solus Deus. Huiusmodi miraculum videtur fuisse liberatio a febre in focu Petri, quæ ad imperium Christi (2) *dimisit illam, & continuo surgens ministrabat illis.*

35. Quod si sanationes sint a morbis, qui per vires naturæ, & cuiusvis rei creatæ depelli amplius nullo modo possunt, ut cæcitas a nativitate, vel ab oculo effosso aut aliter destructo, paralysis in omnibus vel fere omnibus corporis partibus, atrophia seu ariditas alicujus membri, carcinoma confirmatum, & alia similia, jam ad miracula secundi gradus pertinent, quia vere jam affirmatur sanationem restitui subiecto, quod illius erat jam naturaliter incapax. Hujus generis miraculum dicam cum Brancato (3) liberationem a febre in filio Reguli (4) *illa hora, in qua dixit ei (Patri obsecranti) Jesus, filius tuus vivit;* Nam novimus ad Jesum accurrisse regulam, quando filius *incipiebat mori*, adeoque quando jam deficiente virtute naturæ ad superandum morbum, subiectum incapax erat sanationis, etiamsi verum esset, quod idem Auctor (5) tenet non convaluisse nisi successive, propterea quod observat Jesum non dixisse, *Vade filius tuus sanus est, sed vivit*, nec servos occurrentes regulam nunciassse sanum esse, sed vivere, nec ipsum interrogasse an sanus esset, sed *in qua hora melius habuerit*, & servos non respondisse jam sanus est, sed *beri hora septima reliquit eum febris*. Multo autem magis miraculum secundi gradus est, si momento temporis perfectam valetudinem recuperavit, ut (6) *valde*, inquit Maldonatus, *probabiliter existimant* Chrysostomus & alii Patres, explicantes occursum servorum ad gratulationem de vita filio per preces ejus a Christo impetrata.

ARTICULUS VII.

Animadversiones ad gradus miraculorum.

36. **M**iraculis tam primi quam secundi gradus proprium est palam præferre iis visis aut auditis aut alio modo apprehensis operationem Virtutis Divinæ. Quare solent etiam ap-
pel-

(1) De Motu.

(2) Luc. ca. 4. v. 39.

(3) Bra. de Mirac. n. 87.

(4) Joan. c. 4. v. 50.

(5) Bran. ibid. n. 872.

(6) Mal. in Joan. c. 4. v. 51.

pellari miracula quoad rem, ut ait Brancatus (1): in quo fundari potuerunt Archidiaconus, & Bellamera, qui apud Lambertinum (2) duos solum miraculorum gradus admiserunt. Persuasum enim est omnibus ea superare vim cuiusvis creaturæ, cum ingerant statim ideam cuiusdam creationis, quæ solius Dei est. Propter quam etiam causam in sanationibus, quæ concludantur esse miracula quoad rem non requiritur, ut observat Brancatus (3) *probare quod aliquod remedium applicatum non sit, vel quod neque crisis acciderit, neque aliquod superstitiosum fuerit applicatum, cum hac media hos evenus efficere nequeant*. Neque attenditur successive ne an in instanti acciderint. Evidens enim semper est nihil in iis esse naturale. Itaque non minus miraculum apparuit cum in Sarepta Sidoniorum ad preces Eliæ statim (4) *reversa est anima (mortui) pueri intra eum, & revixit*, quam cum Sunæ ad illas Elisei primum (5) *calefacta est caro* alterius defuncti pueri, qui deinde *oscitavit septies*, & tandem *aperuit oculos*. Nec minus Christus Dn. probavit se Deum, cum cæcum Bethsaidæ quasi per gradus curavit ex vidente (6) *homines velut arbores, reddens clare videntem omnia*, aut cum alteri cæco visum reddidit, postquam (7) lavit in natatoria Siloe oculos luto linittos, quam cum oculos duorum cæcorum tangens Jerichunte (8) *confestim illuminavit*.

37. Sola igitur miracula tertiæ gradus sive quoad modum postulant ut fiant in instanti, vel saltem eo modo, quo naturaliter numquam contingunt, quemadmodum adducta exempla satis declarant. Itaque Auctores, qui visi sunt docere de ratione miraculi esse ut fiant in instanti, vel habuerunt præ oculis quod plerumque contingit in quavis miraculi specie, ut ostendit Brancatus (9), vel de miraculis dumtaxat quoad modum illud statuere intelligendi sunt juxta Bordonum (10), & alios multos, quos nominat Lambertinus (11).

38. Opus fuit diligenter distinguere hujusmodi miraculorum gradus, quia frequens illorum mentio est apud Auctores, qui scribunt in Causis de collocandis in numero Beatorum aut Sanctorum homines jam defunctos juxta ritum a Romano Pontifice Joanne XV. introductum, ut volunt Musantius (12), Novaes (13), aliique, ad quem

(1) Bran. de Mirac. n. 85.

(2) Lam. de Beatif. li. 4. p. 1. c. 1.

(3) Bran. de Mirac. n. 1068.

(4) 3. Reg. c. 17. v. 22.

(5) 4. Reg. c. 4. v. 34.

(6) Mar. 8. v. 24.

(7) Joan. c. 9. v. 6.

(8) Matt. c. 20. v. 34.

(9) Bran. de Mirac. n. 868.

(10) Bord. de Mirac. Medit. 1. n. 24.

(11) Lam. de Beatif. li. 4. par. 1. c. 8. nu. 18.

(12) Mus. Tabulæ Cronolog. Actas septima. Tab. 9.

(13) Novaes Storia de Pontefici ant. Giov. XVI.

quem effectum juxta rationem semper adhibitam a Sede Apostolica, & expressas constitutiones Innocentii III. (1), Gregorii IX. (2), aliorumque deinceps Pontificum requiritur juridicum examen miraculorum, quæ post mortem illius, de quo agitur patrata sint: cujus ratio est, quia illustriora habentur miracula, quo altioris gradus statuuntur. Atque hinc dum occurrunt miracula sanationis, Physiologia adhibetur, ut cognoscatur essetne curatio per naturam difficilis, & exquisita remedia & longum tempus requires, an rursus facilis, an impossibilis naturaliter, ut decerni possit secundine, an tertii gradus miraculum sit: & quando tertii, an sit ex minoribus, an ex insignibus.

39. Opus etiam fuit de his gradibus exactas definitiones stabilire, quia ex hoc solum defectu nasci potuit, ut Arauxo (3) aliqua, quæ optimo jure, quemadmodum Lambertinus (4) contra ipsum ostendit, habentur pro miraculis ad aliquem ex tribus ab ipso ceteroqui distinctis gradibus pertinentibus, ut expulsio Dæmonum a corporibus obsessis aliter quam per Exorcistatum, odor suavis, quem corpus in sepulcro jacens emittat, subita cessatio tempestatis in mari, longum per menses jejunium, & alia, noluerit ipse in ullo hujusmodi graduum numerare, sed in quartam quamdam classem rejecit, cujus nullam velit haberi rationem in causis Canonizationum: Et ex eodem pariter defectu nasci credo, eos qui de uno eodemque miraculo scribunt non convenire circa gradum, in quo illud collocandum sit. Hoc observare cuique licet in libris de causis Canonizationum, qui jam abundant, postquam sub Alexandro VII. eæ typis committi coeperunt primo quidem cum limitatione ad sexaginta exemplaria, & deinde sine ulla limitatione, quod antea parsimonie gratia in usu non erat.

40. Adverti tandem debet factam in diversas species seu gradus divisionem non significare, quod non possit unum miraculum participare attributa cujuscumque speciei, sed solum posse unumquodque ad unam ex tribus pertinere: Ceterum dantur etiam miracula, in quibus reperias differentias proprias duabus speciebus, ut in visu a Christo Dno reddito cæco, linitis luto ejusdem oculis, quod est miraculum quoad subjectum simul & modum, & alia etiam, in quibus sunt attributa omnium specierum, ut in loquutione humana ab asina Balaam instituta.

C

AR-

(1) Innoc. Const. Quia pietas.

(2) Greg. Constit. Cum dicat.

(3) Ara. Decis. moral. tr. 3. q. 23. §. 5.

(4) Lam. de Beatific. li. 4. par. 1. c. 6. nu. 10.

A R T I C U L U S V I I I.

De Miraculis supra præter & contra naturam.

41. **A**D divisionem miraculi jam expositam duæ aliæ referuntur, de quibus oportet meminisse, quia usitatæ. Illam quæ in titulo articuli enunciat, hic expono, dicturus de altera in sequenti. Est & tertia quædam partitio in miracula positiva & negativa, quam Matta proposuit, a qua statim me expedio, quia communiter explosa tamquam ex falsis principiis deducta, & nullius usus, ut ostendit Lambertinus (1). Quid nomine miraculi positivi author intelligat, patebit per definitionem negativi, quam sic profert, (2) *Miraculum negativum est illud, in quo nihil de novo ponitur alteratur vel immutatur, sed conservatur primus status*, adde, contra id quod ex physica necessitate deberet contingere. Hujusmodi dicit fuisse præsertionem rubi ardentis a combustionem, trium puerorum a fornacis incendio, & quascumque alias præservationes a morte ruina lapsu submersione, & similibus. Hanc ipse distinctionem intulit, quia censuit non posse in causis Canonizationis haberi rationem de miraculis negativis, primo quia juxta Juris dispositionem non admittuntur in eodem subiecto duæ præsumptiones, quarum alteram dicit esse aliquid physica necessitate fieri debuisse, alteram id per miraculum factum non esse. At in exemplis allatis præsumptio non est, sed physica certitudo, quod igne consumi debeat corpus, quod in ejus medio sit, & collidi debeat homo, qui ex alto supra durum solum decadat: atque quando neutrum accadat, physica evidentia est, & nulla iterum præsumptio. Omitto alias ipsius rationes nullas pariter momenti.

42. Venio ad primam divisionem, quæ est in miracula supra præter & contra naturam. S. Thomas sæpe (3) hanc commemorat, quem permulti citati a Lambertino (4) jam olim sequuti sunt, & adhuc sequuntur, ut Merlinus apud Trevoltianos (5), & cum eo Alphonsus Nicolai (6). Ejus sensus & modus, quo ad prædictam divisionem hæc quoque revocetur, explicatis terminis statim innotescent. Igitur esse supra naturam idem est ac non posse effici a natura, hoc est a causis naturalibus quacumque ratione cognitis, sive

(1) Lam. de Beatif. li. 4. p. 1. c. 11.

(2) Mat. de Canoniz. p. 3. c. 8. n. 13, & par. 4. c. 13.

(3) S. Tho. in 2. sent. dist. 18. qu. 1. art. 3. Et de Potentia qu. 6. art. 1.

O. Et art. 2. ad 3.

(4) Lam. de Beatif. li. 4. p. 1. c. 1. n. 5.

(5) Trev. ann. 1741. art. 41. pag. 1038.

(6) Nic. Lezion. 7. dell' Esodo.

sive in se ipsis, sive ab effectis, quia compertum est vim nullam illis inesse ad substantiam talis effectus. Exempla, quibus declarata sunt (n. 26.) miracula quoad substantiam, hic quoque sunt opportuna.

43. Else præter naturam idem est ac non posse effici a natura, quia compertum est vim nullam illi inesse non quidem ad substantiam efficiendam talis effectus abstracte ab omnibus circumstantiis consideratam, sed ad modum, quo ille producitur, spectatis scilicet circumstantiis, in quibus fit, cujusmodi sunt subjectum tempus modus. Itaque quod existant ranæ, quod manus arefeat, quod viscera ex aliqua portione putrescant, non sunt supra naturam absolute considerata, quia quotidie horum exempla habemus, sed sunt præter naturam, hoc est præter usitatum cursum ordinemque naturæ, sive ut ait Pallavicinus (1) *citra ulla exigentiam naturæ*, considerata cum relatione ad circumstantias amplæ regionis, qualis Ægyptus, quæ repente scateat ubique ranis: & manus dispositæ ad scelus patrandum, qualis illa Jeroboam (2) contra Prophetam extenta, quæ subito arefeat: & aquæ, qualis fuit illa Zelotypiæ (3) ab adultera epota, quæ ejus ventrem brevi putrefaciebat: quæ sunt exempla S. Thomæ in hac ipsa re. Quare miracula præter naturam sunt miracula vel quoad subjectum vel quoad modum.

44. Esse tandem contra naturam idem est, ac non posse effici a natura, quia compertum est illi inesse dispositionem ad oppositum. Redit hæc explicatio ad miracula quoad substantiam, vel quoad subjectum. Exempla S. Thomæ sunt ignis qui non comburat, ut habetur apud Danielelem (4), & aqua fluminis, qualis Jordanis (5), quæ cursum repente inhibeat. Quando S. Augustinus dicit, (6) *Portenta contra naturam dicimus esse, sed non sunt; Quomodo est enim contra naturam, quod Dei sit voluntate?* ibi nomine naturæ intelligit decretum Dei vel Deum ipsum, qui dicitur Natura universa-
lissima, sive Natura naturans ex dictis alibi (7), non intelligit cursum & ordinem nobis notum rerum creaturarum, aut rem ullam particularem creatam, quæ dicitur Natura particularis, sive Natura naturata. Deus quidem faciens in rebus creatis, quicquid vult, non facit contra voluntatem suam, sed potest facere contra id quod ex consuetu ipsarum ordine novimus esse ipsis proprium. Idem S. Doctor alibi hanc doctrinam sic clare exponit, (8) *Deus creator & conditor omnium naturarum nihil contra naturam facit; id enim erit*
C 2
cui-

(1) Pall. in 1. 2. dif. 2. q. 2. ar. 2. n. 6.

(2) 3. Reg. c. 13. v. 4.

(3) Num. c. 5. v. 27.

(4) Dan. c. 3.

(5) Josu. c. 5.

(6) S. Aug. de Civit. li. 11. c. 8.

(7) De causa efficien.

(8) S. Aug. li. 26. cont. Faustum. c. 3.

cuique rei naturale, quod ille fecerit . . . sed contra naturam non incongrue dicimus aliquid Deum facere, quod facit contra id quod novimus in natura.

ARTICULUS IX.

De Miraculis punitionis.

45. **V**enio ad alteram divisionem, quæ est in miracula punitionis, de quibus nunc, & miracula beneficii, de quibus postea dicam. Quando S. Augustinus distinxit miracula (n. 21.) in ea, quæ faciunt solam admirationem, & ea quæ benevolentiam etiam conciliant, dici potest hanc divisionem proposuisse, quam apertissime jam habent Trevoltiani (1). Hæ duæ miraculi species frequentius occurrunt, earumque differentia specifica ex ipso nomine manifesta est.

Ex miraculis punitionis multa habentur in utroque Testamento. Quin immo quæ sunt in Veteri maxima pars sunt hujusmodi; Nam sunt in vindictam malorum, ut advertit jam Brancatus (2) ad eorum differentiam, quæ leguntur in Novo, quæ paucis exceptis sunt in bonum aut privatum aut publicum, ut videas etiam ex hac parte, quam bene Novum Testamentum dicatur Legem Gratiæ continere. Juvat de miraculis punitionis mentionem facere percurrendo per eas Mundi ætates, quas Chronologi solent distinguere.

46. In prima itaque a Mundo condito ad diluvium universale est hoc ipsum diluvium perpetua quadraginta dierum pluvia, qua anno a creatione Mundi 1656. obruta omnia viventia deprehensa extra arcam a Noe jussu Dei fabricatam, intra quam ipse Noe cum uxore tribus filiis & tribus nuriis, & certo numero ex omnibus animantibus desumpto commune naufragium evasit.

In secunda a diluvio ad ortum Abrahæ est sublata repente unitas sermonis humani per exortum novarum linguarum in diversis familiis congregatis ad ædificationem turris Babelis susceptam contra Divinam voluntatem.

47. In tertia ab Abrahæ ortu ad exitum Israelis de Ægypto est incendium Sodomæ cum aliis urbibus prænuntiaturum ab Angelis Abrahamo, supra quas (3) *Dominus pluit sulphur & ignem*, quibus Scripturæ verbis quantum repugnet Lengletus de Fresnoy (4), qui a fulmine delapso in puteos bituminis & sulphuris reperit hujusmodi

(1) Trev. ann. 1742. ar. 41. p. 1011.

(2) Bra. de Mirac. n. 390.

(3) Gen. c. 19. v. 24.

(4) Frc. Metod. per l' Istor. to. 1.

di incendium per se patet, & melius intelligitur a Trevoltianis (1) ipsum confutantibus. Est præterea repentina mors uxoris Loth commutatæ in statuum salis, quia contra præceptum sibi divinitus indictum respexit. Quod factum contra communem interpretum acceptionem aliqui apud Lambertinum (2) a miraculo eximunt dicentes sulphuris odore aut fumo præfocatum processu temporis induruisse. Sunt tandem decem Ægypti plagæ illatæ per Moysem ab Angelis, quos proinde Scriptura vocat malos, (3) *Misit in eos iram indignationis suæ, immisiones per Angelos malos*, malos scilicet non morali malitia, sed vindicativa. seu non natura sed effectu, ut explicat Lalemand (4), & probabilius censuit Pererius (5) interpretandum.

48. In quarta ab exitu Israelis ad inceptam ædificationem templi Salomonis est excidium totius exercitus Ægyptiorum per aquas Erythræi supra ipsos relabentes, dum Hebræos obstinate insequitur. Est mors Chore, Datan, & Abiron, quos terra vasto hiatus absorbit Moyse & Aarone obtrecentes. Est insignis Philistinorum clades per Arcam Dei apud ipsos captivam illata: Est subita mors (6) multorum Bethsamaritarum propter Arcam Domini irreligiose spectatam. Est similis interitus Ozæ, dum ipsam arcam profanus homo audet contingere.

49. In quinta ab inchoato templi Salomonis ædificio ad finem captivitatis sub Cyro sunt plura poenalia miracula per Eliam & Eliseum patrata: Et occisio 83. millium Assyriorum una nocte per Angelum sub Hierosolyma a Sennacheribo obsessa.

In sexta a Cyro seu Monarchia Persarum ad Christi nativitatem est Heliodori castigatio per equitem cælestem, dum Hierosolymitani templi expilationem intentat. Et impotentia ad loquendum superveniens Zachariæ Sacerdoti (7) eo quod non crediderit verbis Angeli Gabrielis, quæ certiores illum faciebant de sublata uxori Elisabeth sterilitate, & sanctitate Jo. Baptistæ ex se & illa licet senibus nascituri.

50. In septima tandem quæ incipit a Christo nato habemus ex Scriptura mortem Herodis Agrippæ consumpti a vermibus Angelo Domini illum percutiente, (8) *eo quod non dedisset honorem Deo*, subitum interitum Ananiæ & Saphiræ (9) ad solam Petri increpationem,

(1) Trev. ann. 1731. ar. 44. & 52.

(2) Lam. de Beatif. li. 4. p. 1. c. 3. n. 10.

(3) Psal. 77.

(4) Lal. Paraphr. de Salmi.


(5) Per. disp. 12. in c. 7. Exod. n. 70.

(6) 1. Reg. c. 6.

(7) Luc. c. 1.

(8) Act. 12. v. 23.

(9) Ibid. c. 9. v. 5.



nem, & punitionem filiorum Scevæ, qui non credentes in Jesum (1) *tentaverunt invocare super eos, qui habebant spiritus malos nomen Domini Jesu, in quos insiliens homo, in quo erat Demonium pessimum, invaluit contra eos, ita ut nudi & vulnerati effugerent.* Evidens etiam miraculum punitionis habemus hac ætate in dispersione Gentis Hebrææ, quæ per totum terrarum orbem præsefert talem statum, in quo videas continenter impleri, quod de ea prædictum jam fuerat, (2) *Erit Israel in proverbium & in fabulam cunctis populis;* Adhæret enim Religioni Deo amplius non acceptæ, rituum multitudine perquam onerosæ, inter quos est nota circumcissionis, quæ nequit suscipi sine dolore, & vulgo jam deridetur: Nullibi habet formam reipublicæ quæ sit sui juris: Nullibi obtinet Magistratum gratiam, sed tolerantiam dumtaxat, & ubique infamiam atque contemptum experitur. Nihilominus, ubique extat, scilicet ut notitiam Evangelii omnes Gentes habeant, quæ dum quærunt de ipsius indole & natura Religionis quam sequitur, jam certiores fiunt de adventu Christi Dni ejusque redemptione per mortem a majoribus Judææ gentis per summam perfidiam ipsi inflictam, de quibus a Sacris libris, quos ipsa secum semper portat tamquam ut ait S. Augustinus (3) Cham servus fratrum suorum ad horum instructionem, sui vero onus, edoceri plenius possunt, aut in doctrina, quam jam didicerint, validius confirmari.

51. Cumulus demum hujusmodi miraculorum exabit sub finem mundi, & magnam horum partem exhibebunt Henoch & Elias, qui creduntur fore duo illi, de quibus scriptum est, quod (4) *prophetabunt diebus mille ducentis sexaginta: & quod habent potestatem claudendi calum ne pluat diebus prophetiæ ipsorum, & potestatem habent super aquas convertendi eas in sanguinem, & percutere terram omni plaga quotiescumque voluerint.* Quod utique volent, quoties ante tempus præfinitum quis voluerit eisdem nocere; Etenim (5) *ignis exiet de ore eorum, & devorabit inimicos eorum.*

AR-

(1) Ibid. c. 19. v. 13.

(2) 3. Reg. c. 9. v. 7.

(3) S. Aug. li. 13. c. Faustum c. x.

(4) Apoc. ca. 11. v. 4.

(5) Ibid. v. 5.

A R T I C U L U S X .

De miraculis beneficii .

52. **M**iracula beneficii sunt , quæ aliter Gratia gratis datæ dicuntur . Hæc Apostolus in novem species distribuit dicens , (1) *Unicuique datur manifestatio spiritus ad utilitatem . Alii quidem per Spiritum datur sermo sapientiæ : alii autem sermo scientiæ secundum eundem spiritum : alteri fides in eodem spiritu : alii gratia sanitarum in uno spiritu : alii operatio virtutum : alii prophetia : alii discretio spirituum : alii genera linguarum : alii interpretatio sermonum .* Nostrium est de singulis advertere , quæ earum quasi naturam declararent .

53. Imprimis omnibus convenit ratio miraculi beneficii , miraculi quidem , quia omnia dicuntur *manifestatio Spiritus* scilicet Divini : beneficii autem , quia dicuntur talis manifestatio ad utilitatem , & quidem alterius ; Nam juxta S. Thomam (2) hæc gratiæ dantur *ad hoc ut homo ad justificationem alterius cooperetur* : Et ideo convenienter ex ejusdem doctrina (3) novem sunt , quia ut quis aptus sit ad alios instruendos opus est habeat ipse horum certam cognitionem , & possit eadem invictè comprobare , & opportune declarare . Ad cognitionem autem pertinent sermo sapientiæ , sermo scientiæ , fides , & discretio spirituum : ad probationem gratia sanitarum , operatio virtutum , & prophetia : ad declarationem genera linguarum & interpretatio sermonum .

54. Deinde facultas efficiendi hæc miracula non est quædam entitas seu qualitas superaddita creaturæ rationali , quemadmodum ex Philosophia peripatetica aliqui existimarunt ; Nam hujusmodi qualitates non dari jam olim conclusum est . Præterea ut infra demonstrabitur , quævis creatura cum sit causâ miraculorum dumtaxat moralis non physica , satis est ipsamet ejus natura ad hoc munus implendum sive per preces , sive per aliam sibi proportionatam operationem , qua Deus moveatur ad miracula physice efficienda . Tandem hæc facultas est ita gratuita , ut non dependeat a meritis creaturæ ; Nam S. Jo Baptista ex testimonio Christi Dni erat (4) *plusquam Propheta . Et eo non surrexit major : attamen* (5) *nullum signum fecit* , quod fortasse Divina Providentia factum fuit , ne Judæi ejus admirabilem Sanctitatem suspicientes haberent pro Messia .

Qua-

(1) 1. ad Corinth. 12. v. 7.

(2) S Tho. 1. 2. q. 111. art 1. O.

(3) Id. ibid. art. 4.

(4) Matt. c. 11. v. 9. & 11.

(5) Jo. c. 10. v. 41.

Quare in Causis Canonizationum hujusmodi gratiæ non admittuntur tamquam argumenta, quæ ullius sanctitatem evincant.

55. Hæc habens præ oculis Brancatus, qui præter alios multos, quorum mentionem facit Lambertinus (1), de singulis pro dignitate disseruit, gratiam gratis datam definivit, (2) *esse donum Dei supernaturale sine meritis homini datum, non faciens per se gratum habentem illud, principaliter ordinatum ad Ecclesiæ utilitatem, externo aliquo signo manifestativum, quod Spiritus Sanctus operetur per illud*. Brevius & clarius ultima pars *externo* &c. exprimitur dicendo, & sensibile in suis effectibus, quod omnino pertinet ad notionem hujus gratiæ; Aliter enim tota definitio dici posset de Apostolatu, & Sacris Ordinibus, quæ non sunt in numero hujusmodi gratiarum, ut observat Lambertinus (3).

56. Præter gratias gratis datas sunt gratiæ quas vulgus ipsum sic absolute appellat, intendens significare effectum sibi quidem utilem divinitus operatum, sed qui non est miraculum, nec ulla gratia gratis data. Equidem hanc gratiam absolute dictam definiam esse effectum aliquo modo nobis sensibilem, utilemque, & a nobis exoratum, qui quamvis in se sit supernaturalis, attamen nobis non apparet talem esse, & ad actus religionis conducit. Exemplum fortassè habemus in visu reddito Tobię seniori, postquam Angelo Raphaelē monstrante ejus filius (4) *de felle piscis linivit oculos patris sui*; Nam cum dicatur, quod linitu factō *sustinuit quasi dimidiam fere horam, & capit albugo ex oculis ejus, quasi membrana ovi egredi, quam apprehendens Tobias traxit ab oculis ejus, statimque visum recepit*, credit Nicolaus Serarius (5) concludi hinc posse recuperationem visus Tobię fuisse effectum naturalem. Aliud esto exemplum in valetudine redeunte apparenter juxta leges naturales per medicos & remedia ab ipsis applicata, quæ tamen reipsa rediit per specialem seu non ordinariam actionem Dei, qui ad nostras vel aliorum preces fecit ut unum potius medicum adhiberemus quam alium, qui una potius via quam alia curam aggrediretur, & fortasse etiam effecit, ut remedia applicata operarentur modo insolito, etsi invisibili. Alia exempla dabit Arnaldus (6), ubi de Gratiis loquitur, quas tamen minus bene vocat miracula invisibilia; Nam de ratione miraculi, ut jam observavit Bordonus (7) non est esse beneficium & per preces impetrari, ut patet in miraculis punitionis, quorum utrumque est de ratione hujus gratiæ juxta positam definitionem.

AR-

(1) Lamb. de Beatif. li. 3. c. 42.

(2) Bran. in 3. sen. dist. 19. n. 6.

(3) Lam. de Beatif. li. 3. c. 42. nu. 4.

(4) Tob. c. 11. v. 13.

(5) Ser. Comm. in c. 11. Tob. qu. 2.

(6) Arna. sur le nouveau system. de la nat. & de la Grace li. 1. c. 10.

(7) Bord. de Mirac. med. 1. n. 35.

A R T I C U L U S X I .

*De Gratiis Sapientia Scientia Fidei Sanitatis
& Virtutum .*

57. **P**rima species gratiæ gratis datæ est *Sermo Sapientia*, hoc est Sermo de Divinis, qui sive dictus sive scriptus manifeste præferebat Spiritus Sancti inspirationem, quia factus sine humano studio, & quia tam efficax est, ut nemo illi contradicat, & increduli convertantur, & fideles in fide confirmantur. Talis gratia apparuit in Petro, dum die Pentecostes de Divinitate & Missionem Christi Dni eam repente concionem habuit, qua tria hominum millia ad ejusdem agnitionem adduxit arguens ex Psalmis & Joele, de quibus ne cogitare quidem fortasse poterat, utpote sibi illiterato ignotis. Talis etiam sermo fuit in S. Stephano, de quo scriptum est, quod (1) *disputantes cum eo non possent resistere Sapientia & Spiritui, qui loquebatur*. Talis in S. Paulo, prout apparuit in sermone, quem reterunt Acta Apostolorum (2) habitum ab ipso in Synagoga Antiochiæ Pisidiæ, & prout ipsemet testatus est dicens, (3) *Sermo meus & prædicatio mea in ostensione spiritus virtutis, ut fides vestra non sit in sapientia hominum, sed in virtute Dei*. Talis in feminis pueris & indoctis, de quibus Historia Ecclesiastica nos docet tanta vi & eloquentia de Fide Christiana coram Ethnicis Magistratibus prædicasse, ut omnes admirarentur, & plures ipsam Religionem amplecterentur.

58. Secunda species est *sermo scientia*. Cum de humanis dicatur Scientia, & de Divinis Sapientia ex communi Authorum consensu, bene nomine *sermonis scientia* juxta S. Augustinum (4) venit sermo sive verbo sive scripto prolatus de iis, quæ agere opus est ad æternam salutem consequendam præferens S. Spiritus inspirationem ex iisdem rationibus ac dictum est de sermone sapientiæ. Præter exempla ibi indicata, quæ huc etiam pertinent, extat aliud insigne ultimis hæc temporibus in libro Exercitiorum Spiritualium S. Ignatii Loyolæ, qui continet modum subtiliter excogitatum & optime ordinatum, uno verbo artem dirigendi vitam hominis mortalem juxta finem quo a Deo nobis concessa est, quem ipse per scriptam nulla humana scientia nondum instructus, adeoque per hanc gratiam gratis datam, quemadmodum censuerunt jam Auditores Rotæ in relatione Causæ pro ipsius Canonizatione. Utraque igitur

D

mira-

(1) Act. ca. 6.

(2) Act. ca. 13.

(3) 1. Corinth. c. 12.

(4) S. Aug. de Trini. li. 12. c. 14.

miraculi species Sermo Sapientiae & Scientiae numquam defuit in Ecclesia Catholica, & utraque reperitur non solum in hominibus, sed in mulieribus etiam, cum hac tamen differentia, quam observat S. Thomas (1), quod mulieres, quae juxta Apostolum (2) non permittuntur docere, & (3) in Ecclesiis jubenter tacere, uti non possunt sermone sapientiae aut scientiae ad publicam doctrinam, sed solum ad privatam & familiarem cum uno vel altero, certe quidem cum paucis.

59. Tertia species est *Fides*. Quo nomine vel intelligitur fiducia in Deum impetrandi vera miracula, qui est sensus S. Jo. Chrysostomi dicentis significari hoc loco (4) *fidem, non quæ dogmatum est, sed signorum*; quæ est etiam interpretatio S. Hieronymi: vel intelligitur fervor ille atque constantia in Fide, quæ elucet in sustinendis quibuscumque malis & morte ipsa pro ejus aperta professione, qualis apparuit in Martyribus cum tanta inspectantium utilitate, ut scitum sit effatum S. Cypriani, Sanguis Martyrum semen est Christianorum. Cornelius a Lapide in hunc locum relatis hujusmodi explanationibus dicit, *optime Fides hic est intelligentia magna Mysteriorum Fidei ad ea contemplandum & explicandum*. Sed gratia, quæ est ad explicanda mysteria Fidei includitur in interpretatione sermonum, de qua deinde fit mentio: gratia vero quæ est ad ea contemplanda est gratia ad utilitatem propriam, adeoque non pertinet ad gratias, quæ dantur in utilitatem Ecclesiae sive aliorum, de quibus hic sermo est juxta receptam ab ipso Cornelio interpretationem.

60. Quarta species est *gratia Sanitatum*, idest facultas curandi morbos sine ullo remedio naturali in instanti. Hæc autem facultas alia esse non potest, quam moralis quatenus Deus alicui concedit actuale quoddam jus ut ad preces suas Ipse sanitatem ægrotis retineat, ut explicat Brancatus (5). Talis gratia respexit in Petro, qui claudum in nomine Jesu sanavit (6), & Æneam paralyticum (7) ab annis octo jacentem continuo in eodem nomine erexit: & in Paulo, qui Melitæ (8) a febre & dysenteria principem insulæ salvavit impositis manibus ita ut omnes qui insula habebant infirmitates accederent & curarentur.

61. Quinta species est *operatio Virtutum*, hoc est facultas operandi in aliorum utilitatem miracula, quæ magis admirari solent homines, nec revocantur ad species jam dictas atque dicendas.

Hu-

(1) S. Tho. 2. 2. qu. 177. ar. 2.

(2) 1. ad Timot. ca. 2.

(3) 1. Corinth. ca. 14.

(4) Chr. hom. 29. in 1. Corinth. c. 12.

(5) Branc. de Grat. gratis data in 3.

sen. dist. 19. nu. 153.

(6) Act. ca. 3.

(7) Ibid. ca. 9. v. 14.

(8) Ibid. ca. 28: v. 8.

Hujusmodi sunt suscitare mortuos , a flammis non lædi , super aquas ambulare . Allata interpretatio hujus nominis *Virtus* prout adhibetur hoc loco ad Apostolo est juxta mentem SS. Patrum atque Doctorum , quos dabunt Interpretes . Sanctus Chrysostomus quidem , & Theodoretus hic dicunt ad virtutem pertinere non solum sanationes , sed etiam punitiones . Quod plane ostendit eos virtutem hic etiam accepisse prout in aliis Scripturæ locis usurpatur vel pro quovis miraculo , vel pro majoribus , non exclusis ipsis sanationibus , ut in illo Actorum (1) *Virtutesque non quaslibet faciebat Deus per manum Pauli , ita ut etiam super languidos deferrentur a corpore ejus sudaria & recedebant ab eis languores* . Quæ interpretatio merito relicta est , utpote minus consona Apostolo , qui hoc loco agens de gratis gratis datis intendit loqui de miraculis beneficii , non punitionis , & subiiciens gratiæ sanitatum operationes virtutum , jam virtutes aperte distinguit a sanationibus .

A R T I C U L U S X I I .

De Gratia Prophetiæ .

62. **S**exta species est *Prophetia* , hoc est manifestatio rerum , quæ cum naturaliter homini ignotæ sint , ipsi a Deo revelantur . Communem hanc notionem reliquit Incredulus Dumarfais , statuens in sua Gallica *Analyse Religionis Christianæ* , quam facile Nonnote (2) psumdat , *veram significationem Prophetæ esse prædicatorem aut hortatorem* ; Quod fecit ut quocumque modo viam sibi aperiret ad contemnendas omnes Sacræ Scripturæ prophetias , easque præsertim , quæ pro Religione Christiana maxima omnium celebrantur .

63. Ex data interea prophetiæ notione . I. sequitur , manifestationem eorum , quæ homo noverit per revelationem Dæmonis non esse prophetiam . Vulgus ipsum hoc novit , quod non habet tamquam prophetiam quicquid Dæmon per aliquem obsessum enuntiaverit , quod remoto etiam in loco contigerit .

II. Sequitur prophetias non esse quæcumque naturaliter de rebus futuris Dæmoni certo præcognita per suos Divinos prædixerit , & multo minus , quæ non certo sed conjecturaliter dixerit , etiamsi eveniant ; Nam non solum deest hic Revelatio Divina requisita ad rationem prophetiæ , sed etiam infallibilitas eventus propria omnibus . quæ authorem habeant Deum , primam & æternam veritatem . Iisdem de causis prophetiæ non sunt , quæ aliquis hypocri-

D 2

ta ,

(1) Act. ca. 19. v. 11.

(2) Non. Dict. Pihilos. ar. Prophetiæ .

ra. vel aliter perversus homo ad aucupandam famam vel ad alium finem temere prænunciet, licet contingant. Hæc confirmo verbis S. Thomæ, quæ suggerunt etiam distinctionem in prophetiam simpliciter, & secundum quid, qualis ex dictis (n. 22.) tribuitur etiam miraculo: (1) *Prophetia simpliciter, & proprie dicta fit per solam Divinam revelationem. Sed & ipsa revelatio facta per Dæmones potest secundum quid dici prophetia. Unde illi, quibus aliquid per Dæmones revelatur, non dicuntur in Scripturis Propheta, sed cum aliqua additione puta Propheta falsi vel Propheta Idolorum.*

64. III. Sequitur quod idem S. Doctor (2) notavit, omnes gratias gratis datas, in quibus intervenit aliqua cognitio objecti naturaliter ignoti, cujusmodi sunt sermo sapientiæ & scientiæ, fides & discretio spirituum, *sub prophetia comprehendi posse*, quæ ut inferius dixit (3) *se extendit ad omnia, quæ supernaturaliter fieri possunt.*

65. IV. Sequitur ad rationem prophetiæ non pertinere, quod ipsemet propheta cognoscat aut intelligat, quæ manifestat. Quod confirmat illud S. Augustini, (4) *Propheta nihil est nisi enunciator verborum Dei hominibus.* Quare idem alibi (5) docet posse Deum movere alicujus mentem ad dicendum ea, quæ nescit, ut in hoc loquens mere passive se habeat. Id accidit Caiphæ, quando concilio contra Christum congregato dixit, (6) *expedit vobis ut unus moriatur homo pro populo.* Quod notat Evangelista *a semetipso non dixit, sed cum esset Pontifex anni illius prophetavit, quod Jesus moriturus erat pro gente.* Idem fortasse accidit Patriarchæ Jacob, dum suis filiis annuntiabat (7) *ventura in diebus novissimis per ænigmata*, cujusmodi sunt hæc, *Simon & Levi vasa iniquitatis bellantia. Catulus Leonis Juda. Issachar osinus fortis accubans inter terminos.* Saltem non constat horum significationem eidem fuisse revelatam.

66. Plerumque tamen Prophetæ donati fuerunt etiam tam clara cognitione eorum, quæ manifestabant, ut scriptum sit, (8) *Qui propheta hodie dicitur, vocabatur olim videns:* Et prophetiæ Isaiæ Abdix & Nahum inscribuntur (9) *Visio Isaiæ*, (10) *Visio Abdix*, & (11) *Liber Visionis Nabum.* Prophetia conjuncta cum cognitione ipsius objecti dicitur a S. Thoma (12) perfecta prophetia, & quæ ea careat instinctus propheticus, quem infra dicit esse (13), *quidam imperfectum in genere prophetia.*

67. Per-

(1) S. Tho. 2. 2. qu. 173. art. 5. O.

(2) Id. ibid. qu. 171. in proemio.

(3) Id. ibid. qu. 178. art. 1. O.

(4) S. Aug. in li. 2. super Exod. qu. 17.

(5) Id. li. 2. de Gen. ad lit. c. 17.

(6) Joa. ca. 10. v. 50.

(7) Genes. ca. 49. v. 2.

(8) 1. Reg. ca. 9. v. 9.

(9) Isai. ca. 1.

(10) Abd. ca. 1.

(11) Nah. ca. 1.

(12) S. Tho. 2. 2. qu. 173. art. 4. O.

(13) Id. ibid. art. 5. O.

67. Perfecta autem prophetia suscipit magis & minus pro modo, quo cognitio ipsi essentialis acquiritur. Infimi gradus est, quæ cognitionem habet excitatam per impressionem factam in sensibus externis, quatenus Deus per suam potentiam obicit sensibus obiectum in re non existens, quod aliquando est merum symbolum alterius rei, cujus intelligentia donec divinitus non tribuitur, habetur solum ea quæ dicitur Visio: Revelatio autem, quoties hæc significatio cognoscitur: & Prophetia tandem, cum hoc ipsum aliis enunciatur. Visio fuit Ecstasis Apostoli, in qua (1) vidit linteum plenum animalibus omnis generis e Cælo descendens, & in Cælum iterum receptum, quin intelligeret quid significaret. Dum autem de hac cogitans audivit Cornelium & Gentiles, qui cum eo erant, missos ad se divinitus, ut eos Evangelium edoceret, jam novit linteum visum significare Gentium conversionem, jamque fuit revelatio, eaque prophetia evasit, quando hoc ipsum Cornelio enunciavit.

68. Magis perfecta prophetia habetur, in qua sit cognitio nata per solam commotionem sensuum interiorum similem illis, qua de objectis olim per sensus usurpatis recordamur. Perfectissima prophetia est, in qua ea cognitio sit sine ministerio ullius sensus neque externi neque interni, cujusmodi fuit, quæ commemoratur ab Apostolo, ut fuscè exponit S. Augustinus (2), quando (3) *raptus est in Paradisum, & audivit arcana verba, qua non licet homini loqui*; Nam profitetur se nescire essetne in corpore an extra corpus, quod plane significat alterius generis cognitiones habuisse, quam quæ contingunt in statu unionis animæ cum corpore, dependentes a sensibus vel immediate vel mediate. Ratio autem hujusmodi gradationis est juxta S. Thomam, quia perfectior habetur ratio cognoscendi aliquam veritatem, quo magis appropinquat modo cognoscendi Beatorum, qui in Deo veritates conspiciunt: (4) *Inde est quod prophetia, per quam aliqua supernaturalis veritas conspicitur secundum intellectualem veritatem est dignior, quam illa in qua veritas supernaturalis manifestatur per similitudinem corporalium rerum secundum imaginariam visionem. Sicut in doctrina humana auditor ostenditur esse melioris intellectus, qui veritatem intelligibilem a magistro nude prolata capere potest, quam ille qui indiget sensibilibus exemplis ad hoc manuduci*. Quare placent, qui nomine Paradisi, quem tertium Cælum paulo supra Paulus vocaverat, dicunt approbante eodem S. Doctore (5), venire cognitionem perfectissimam, quasi primum Cælum sit

co-

(1) Act. ca. 10.

(2) S. Aug. de Genes. ad lit. li. 12. c. 2.

(3) 1. ad Corinth. ca. 12.

(4) S. Tho. 2. 2. qu. 174. ar. 2. O.

(5) Id. ibid. qu. 175. ar. 3. ad 4.

cognitio per sensus externos, secundum cognitio per sensus solum internos, & tertium per solum intellectum.

69. In hujusmodi cognitionibus modo supernaturali habitis, quæ dum adsunt, impediunt apprehensionem objectorum sensibilium aliis communem consistit Ecstasis, quæ in Scriptura appellatur (1) *mentis excessus* & etiam *Spiritus*; Nam quod S. Joannes in Apocalypsi non semel (2) dicit se fuisse in Spiritu, Interpretes notant ibi Spiritum esse pro Ecstasi. Huic aliqui synonymum faciunt raptum: alii vero apud Lambertinum (3), hunc distinguunt ab Ecstasi tamquam speciem a genere, volentes raptum significare alienationem a sensibus conjunctam cum aliquo violento corporis motu, ut ejus elevatione aut volatu, qualem (4) *pluries*, inquit Brancatus, *vidi in Patre*, nunc per Decretum Clementis XIII. Sancto *Josepbo de Cupertino*, qui anno 1663 die 18. Septem. obiit, & alibi addit (5) *prima vice videns ejusmodi factum ita obstupui, ut & calorem vehementem in me senserim excitatum, & capitis mei capillos obriguissè, & per spatium aliquod temporis elanguerim præ stupore*. Qui sic distinguunt raptum ab Ecstasi, habent pro se ipsam etimologiam; quare magis mihi videntur audiendi, quam illi qui in raptu genus, & in Ecstasi speciem constituunt, raptum appellantes alienationem a sensibus a quacumque causa veniat etiam naturali, ut meditatione vehementi alicujus rei: Ecstasim vero illam quæ venit a causa supernaturali, quæ mentem defigit in alicujus objecti contemplatione, ita ut aliquando Ecstatici ne igne quidem admo- to, aut ferro compuncti ad communes sensus revertantur.

70. Prophetiam esse, ut verbis utar Jamblichi (6) *opus Dei proprium agentis in nobis, nobis tunc a propria actione vacantibus*, scilicet vel intelligendi quod enunciatur, vel inquirendi verba, quibus enunciatur, si forte careat propheta ipsius cognitione, docet ipsa Scriptura, in qua legimus, quod Sapientia Dei (7) *prophetas constituit*: & apud Isaiam (8) dicitur, *Annunciate quæ ventura sunt in futurum, & sciemus, quia Dii estis vos*. Idem persuadet hæc etiam obvia ratio, quod prophetia veniat necesse est a Deo, cui soli utpote infinito in omnibus perfectionibus præsens est omne tempus cum omnibus & singulis, quæ illud relate ad nos distinguunt. Idem tandem confirmat communis persuasio, quam habens præ oculis Huetius statuit inter axiomata collocandam esse hanc

(1) Act. ca. 10. v. 10.

(2) Apoc. ca. 1. v. 10. Et ca. 4. v. 2.

(3) Lam. de Beatif. li. 3. ca. 49. nu. 3.

(4) Bran. de Mirac. nu. 934 & 994.

(5) Id. ibid. nu. 991.

(6) Jam. de Mytheriis.

(7) Sap. ca. 7. v. 27.

(8) Isa. ca. 41. v. 23.

hanc propositionem (1), *Omnis prophetica facultas a Deo est.*

71. Porro prophetiæ species sunt plures, de præteritis, de præsentibus tempore & loco, sed soli Deo notis, de præsentibus solo tempore, & de futuris non tamen necessariis, sed ut ajunt contingentibus. De præteritis observante S. Gregorio (2) exemplum habemus in Moyse scribente ipsam rerum Genesim. De præsentibus tempore & loco sed humanitus ignotis, in Petro, dum respondit Christo, (3) *Tu es Christus filius Dei vivi*, quod ex ipsius Christi testimonio illi *revelavit Pater qui in Cælo est.* De præsentibus solo tempore in Christo, quando palam fecit internas hominum cogitationes quæ locum non occupant, ut illam Pharisei, qui videns mulierem, quæ pedes Jesu apud se manducantis lacrymis rigabar, (4) *ait intra se, Hic si esset propheta sciret utique quæ & qualis est mulier, quæ tangit eum*: Et in Eliseo, qui novit, quæ Gezi ejus servus accipiebat munera a Naaman Syro. De futuris in iis, quæ Jacob (5) morti proximus per allegorias atque ænigmata annuntiavit singulis filiis eventura. De omnibus simul speciebus in Cantico Beatissimæ Virginis *Magnificat*, & in verbis, quibus Mater Præcursoris S. Elisabeth ipsam Virginem se invisentem allocuta est. Cum enim (6) *repleta Spiritu Sancto dixit, Unde hoc mihi ut veniat Mater Domini mei ad me*, manifestat præsentia, Virginem esse Matrem Redemptoris, quem actu in alvo gestat: & prosequens, *Beata quæ credidisti, quoniam perficientur in te, quæ dicta sunt tibi a Domino* producit præterita & futura.

72. Observari potest cum S. Thoma, quod (7) cum prophetia ex vi vocabuli sit de iis, quæ procul sunt a cognitione nostra, ad prophetiam propriissime pertinet revelatio futurorum contingentium, quæ sunt procul ab omnium hominum cognitione, quia in se ipsis non sunt cognoscibilia, quæ ratio locum non habet in præteritis & præsentibus.

A R-

(1) Huc. Demonstr. Evang. axiom. 4.

(2) S. Greg. hom. 1. in Ezech.

(3) Matth. ca. 16. v. 16.

(4) Luc. ca. 7. v. 39.

(5) Genes. ca. 49.

(6) Luc. ca. 1.

(7) S. Tho. 2. 2. qu. 71. ar. 3. O.

A R T I C U L U S XIII.

*De Gratia discretionis spirituum, linguarum
& interpretationis.*

73. **S**eptima species Gratiae gratis datae est *discretio Spirituum*, hoc est illustratio mentis, qua statim sine discursu & sine errore cognoscitur Divinae sit an humana, an Diabolica aliqua cogitatio aut doctrina sive nostra sive aliorum, de qua dubium intervenit. Hujusmodi dubium in apparitionibus & revelationibus, quae sunt de objecto bono frequens est, & S. Augustinus docet esse (1) *discretionem sane difficillimam, cum Spiritus malignus transfiguratur se in Angelum lucis ad hoc, ut cum illi in manifestis bonis creditum fuerit, educat ad sua.*

74. Haec gratia differt a discretionem spirituum naturali, quia haec errori subijcitur & incertitudini, nec sine labore ac studio acquiritur, atque haec est quam Theologi mystici completis tractatibus conantur docere. Habet Ecclesia Christi quovis tempore, qui hujusmodi gratuita discretionem spirituum donantur, ne Fideles decipiantur ab iis, qui identidem erumpunt (2) *operarii subdoli transfigurantes se in Apostolos Christi, & non mirum, ipse enim satanas transfiguratur se in Angelum lucis.* Utinam istos consulant, qui iis pro circumstantiis indigeant, vel per humiles ad Deum supplicationes hanc sibi discretionem pro re nata impetrent. Quo ipestat S. Joannis admonitio, (3) *Nolite omni spiritui credere, sed probate spiritus si ex Deo sint, quoniam multi pseudopropheta exierunt in Mundum.*

75. Octava species est *genera linguarum*, hoc est loqui diversas linguas, quas numquam humano studio quis didicit, & loqui unam determinatam linguam, quam intelligant homines diversarum linguarum. Utrumque venire sub hac gratiae specie probatur ex iis, quae in Scriptura habemus. Primum de facultate loquendi diversas linguas divinitus insula constat ex Actis, ubi dicitur (4) *Repleti sunt Spiritu S. & coeperunt loqui variis linguis prout Spiritus Sanctus dabat eloqui illis*: & deducitur etiam ex eo, quod oportuit ut Apostoli non solum alloquerentur alios diversarum linguarum, sed cum iis etiam colloquerentur. Dubitatum autem est an haec scientia, atque facilitas loquendi diversas linguas fuerit in Apostolis per totam vitam permanens, & affirmativam partem sequutus est Car-

(1) S. Aug. de Genes. ad lit. li. 11. c. 13.

(3) 1. Joan. ca. 4. v. 1.

(2) 2. Corinth. ca. 11. v. 13.

(4) Act. ca. 2.

Carpovius (1) contra Salmasium, qui negativæ adhæsit. Secundum de intelligentia unius linguæ apud Auditores diversarum linguarum colligitur ex concione, quam S. Petrus in die Pentecostes habuit de Christi Dni mysteriis a Prophetis prænunciatis apud homines linguarum forte septemdecim, quoniam Acta mentionem faciunt de incolis toridem provinciarum, qui huic concioni aderant, & professi sunt Petri linguam optime a se intellectam, cum admirantes dixerint, *quomodo audivimus unusquisque linguam nostram, in qua nati sumus.*

76. Alterutra gratia vel utraque colligitur concessa Virgini Beatissimæ ex colloquio, quod habuit cum Magis, qui Christum natum adoraverunt. Eadem tempore Apostolorum erat quasi communis testera collata iis, qui Fidem Christi amplecterentur. Nam in concione, quam Petrus habuit in domo Cornelii Centurionis coram ipso, & ad hunc finem (2) *convocatis cognatis suis & necessariis amicis*, cum omnes crederent in Christum, (3) *ad huc loquente Petro cecidit Spiritus S. super omnes: & obstupuerunt ex circumcissione fideles; audiebant enim illos loquentes linguis, & magnificantes Deum.* Quare Petrus constitit (4) *jussit eos baptizari.* Et de iis, qui in Jesum Ephesi crediderunt edocti a Paulo, scriptum est, (5) *His auditis baptizati sunt in nomine Domini Jesu, & cum imposuisset illis manus Paulus, venit Spiritus S. & loquebantur linguis.*

77. Qui objiciant, quod aliena lingua alicujus auribus resonet tamquam propria, est gratia, quæ fit audienti non loquenti: ergo hæc gratia *genera linguarum* non admittit hujusmodi explicationem.

Resp. *Conc. ans, & nego consequi;* Nam hæc gratia *genera linguarum* sumpta etiam quantum ad perceptionem aliorum, qui sunt diversæ linguæ ab ea, quam quis loquitur, in quo ex dictis non habetur nisi pars quædam notionis hujus gratiæ, non consistit in eo, quod quis audiat suam linguam, dum alius loquitur alienam, sed in eo, quod loquens alienam efficiat ut audientes intelligant se ipsum quasi loquentem propriam ipsorum linguam. Obiectio non differt ab illa, quæ diceret, sanitas est gratia, quæ fit ægroto: ergo gratia sanitatum non potest dici de iis, per quos fiat sanitas, sed de iis in quibus fiat. In utraque argumentatione patet æquivocum in nomine gratiæ, quod sumitur in sensu passivo, quatenus respicit subiectum cui miraculum beneficii confertur, quando deberet sumi in sensu activo, quatenus appellat ad causam, quæ confert admirabile beneficium.

E

78. No-

(1) Car. de perfect. ling. §. 37.

(2) Act. 16. v. 24.

(3) Ibid. v. 44.

(4) Ibid. v. 48.

(5) Ibid. c. 19. v. 5.

78. Nona & ultima species est *Interpretatio sermonum* . hoc est declaratio sensus in sermone aliquo divino , qui minus apertus est . Exemplum hujus gratiæ habemus in interpretatione Scripturæ , quam discipuli eantes in Emmaus acceperunt ab ipsomet Christo Dno , quem nondum agnoverant , qui (1) incipiens a Moyse & omnibus Prophetis interpretabatur illis in omnibus Scripturis quæ de ipso erant ,



PARS

(1) Luc. cæ. 24. v. 27.

P A R S II.

De Essentia Miraculi.

P R O P O S I T I O.

Ad essentiam miraculi pertinent quatuor, sensibilitas effectus, impotentia ad illum efficiendum in omnibus causis creatis, ea ipsius supernaturalitas, quæ non supponat media ad illum habendum ordinaria, & finis ad Divina conducentis.

A R T I C U L U S I.

Argumenta pro tota propositione.

79.



Propositio postquam probata fuerit, planum erit bonam esse definitionem miraculi supra (§. 1.) traditam. Igitur probatur ex regulis discernendi vera miracula a fictis vel falsis, quæ solent ab Auctoribus proponi, quandoquidem ipsæ tandem dicunt ordinem ad singulas propositionis partes, ut ex earundem expositione quivis in-

telliget.

80. Prima itaque regula, quæ assignatur ad dignoscendum an aliquis effectus sit miraculum, est acquirere certitudinem de duobus, quæ dicuntur extrema miraculi, & sunt defectus præcedens rei, quæ asseritur facta per miraculum, & positio ipsius rei illi defectui opposita. Ita si agitur de cæco illuminato, debet constare tum de defectu antecedente visionis, tum de facultate videndi, quæ huic defectui supervenerit. Quod si non solum contendatur miraculum factum esse, sed factum ab uno definite ex cælitibus, tunc opus est constet etiam de invocatione seu precibus ad eum directis, quæ invocatio appellatur etiam medium miraculi, quia media est inter utrumque ipsius extremum, & etiam quia habet rationem medii ad existentiam secundi extremi. Quare ex hac regula manifestum est Authores requirere ad rationem miraculi, ut fit quid nobis sensibile.

81. Altera regula est acquirere certitudinem de impotentia causarum naturalium ad illud efficiendum, de quo agitur: quod ut patet est inquirere an effectus habeat quod principaliter est de essentia miraculi. In hac inquisitione consistit Relevantia ut ajunt

E 2

mira-

miraculi, nomen forense passim ulitatum in causis Sanctorum; Eam enim Brancatus definit (1) *rationem miraculi. quod scilicet non potuerit a natura vel arte aut Demone provenire. Et hac dicitur probatio negativa coarctata, idest excludentis omnem aliam causam, & restringentis ad supernaturalem causam.* Atque qui distinctius de Relevantia agunt, quod inferius ipse etiam aliquo modo faciam, inter alia quæ dicunt ad eam postulari, unum est, quod non habeatur per media ordinaria id, de quo quæritur an sit miraculum: alterum quod deducat ad cultum Dei, idque solet apparere tum ex ipsius immediata vel mediata invocatione, tum ex fine propter quem miraculum petitur. Atque in hac secunda regula palam elucet, quod erat probandum, Autores postulare ad rationem miraculi præter sensibilitatem effectus etiam impotentiam totius naturæ creatæ ad ejus efficientiam, & eam supernaturalitatis speciem, quæ excludit media ordinaria, & tandem apparentiam finis deducens ad Divina.

ARTICULUS II.

Argumenta particularia pro prima propositionis parte.

82. **P**rima pars, miraculum debere esse effectum aliquo modo sensibilem, probatur. I. quia aliter omnes effectus supernaturales, ut Unio hypostatica, hoc est Unio Personæ Verbi Divini cum natura humana, Transsubstantiatio Eucharistica, Modus existendi Corporis Christi sub speciebus panis & vini, Justificatio poenitentis, Glorificatio Justî, Gratia Divina, sine qua imbecilles sumus ad opera meritoria vitæ æternæ, dicenda essent miracula: quod est alienum a communi sensu & modo loquendi: ergo ad rationem miraculi requiritur ut sit aliquid sensibile. Non est tamen necessarium, ut illud sit sensibile secundum se, sed fati est, ut vel per effectus reddatur sensibile. Itaque S. Thomas miraculosam dicit fuisse scientiam Apostolorum, quia (2) *quamvis secundum se non fuerit manifestata, manifestatur tamen in effectibus.* Idem loquens de Justificatione, illam Pauli miraculosam dicit, quia (3) tam vehementer Deus ejas animam movit, ut statim quamdam perfectionem justitiæ fuerit assequutus, *adhibita etiam exterius miraculosa prostratione. & ideo converso Pauli tamquam miraculosa in Ecclesia commemoratur celebranter.*

83. II. Probatur ex eo quod aperte scriptum sit de gratiis gratis

(1) Bran. de Mirac. n. 1064.

(2) Id. l. 2. qu. 113. ar. 10. Q.

(3) S. Tho. 1. p. qu. 105. ar. 7. ad 3.

tis datis, specie miraculorum quod sit (1) *manifestatio spiritus ad utilitatem*: ergo quid sensibile.

III. Probatur ex causis finalibus miraculorum. Hæ enim, ut inferius demonstrabitur sunt Gloria Dei, Comprobatio alicujus veritatis præsertim si sit supra rationem humanam, cujusmodi sunt in mysteriis Christianæ Religionis, commendatio probitatis alicujus hominis adhuc viventis, vel jam defuncti, nostra demum utilitas aliqua vel spiritualis vel corporalis: Sed hi fines non possunt a nobis obtineri nisi illorum effectus, miracula, sint sensibiles: ergo.

84. IV. Probatur ex usu Authorum. Sic Richeome (2) in definitione miraculi ponit ex communi Theologorum doctrina illud esse effectum evidentem. Satis sit pro omnibus Theologis S. Thomas, qui hanc propositionem, Deus facit miracula sic circumscribit, Deus (3) *opera visibiliter ostendit, quæ totius nature superant facultatem*. Theologis addo Canonistas, qui ad rationem miraculi præter alia requirunt, quod non fiat ex vi verborum, uti sit *Transubstantiatio in Eucharistia*, ut habet Lambertinus, qui multos sic docentes citat (4). Quod autem ipse ibidem dubitet, an bene Canonistæ excluderint Eucharistiam a miraculis, & contendat legitime se hanc dubitationem solvere, hoc solum demonstrat frustra apud ipsum requiri distinctam miraculi notionem, ad quam non pertinent effectus non sensibiles, qualis non est ea transubstantiatio, nec qui sint infallibiles positæ mediis a Christo Dn. ad illos habendos institutis. Ceterum ad consensum circa attributum sensibilitatis in definitione miraculi necessarium impellit ipsa etimologia, quam S. Thomas profert citato nuper loco, & alibi dicens (5) miraculi nomen a mirando nomen sumere, admirationem autem consurgere, cum effectus sunt manifesti, & causa occulta, quæ in miraculis occultissima est omnibus creaturis, quia ut jam dicam, alia non est nisi Deus, cujus modus operandi est remotissimus ab omni creaturarum intelligentia.

85. Propter defectum hujus primi attributi, quod intelligi debet de sensibilitate non relate ad unum, & quasi privata, sed relate ad plures, & quasi communi, credo equidem Card. Bellarminum interrogatum an pro miraculo haberi deberet liberatio ab impura tentatione, cui per annum cum dimidio ita obnoxius fuerat Sacerdos quidam, ut amentię ac desperationi quotidie proximus Confessario videretur, simul ac collo suspendit reliquiam B. Aloysii Gonzagæ, respondisse, *Nescio an proprie appellari possit miraculum,*

scd

(1) 1 Corinth. ca. 12.

(2) Ric. De. mirac. ca. 2. nu. 5.

(3) S. Tho. contr. Gent. li. 1. ca. 76.

(4) Lam. ubi supra. ca. 4. nu. 6.

(5) S. Tho. de poten. qu. 6. ar. 3. O.

*sed nullus dubito illud testificari sanctitatem, & gloriam Beati Aloy-
sij, non secus ac quodvis verissimum miraculum: eodemque mo-
do respondit ad similem effectum de intento per quinquennium
mulieris amore in adulterum repente extirpato ad votum eidem
Beato nuncupatum. Utraque historia habetur in Summario Causæ
Canonizationis B. Aloysij edito Romæ ann. 1721. (1), & primam
retulit etiam Lambertinus (2). Qui de his & similibus diferentes
statuerunt ea esse vere & propria miracula, fortasse habuerunt præ
oculis sensibilitatem non solum experimentalem subjeutorum, in
quibus ea acciderunt, sed eam etiam, quam aliis modis habere po-
tuerunt eorum familiares, & maxime Confessarii.*

ARTICULUS III.

Argumentum pro secunda propositionis parte.

86. **S**Ecunda pars, scilicet ratio miraculi requirit impoten-
tiam in quibusvis creatis causis ad illud præstandum
probatur, quia hæc miraculi nota communiter recepta est ab Au-
ctoribus. Richardus a S. Victore apud S. Thomam (3) dicit mi-
raculum esse opus Creatoris manifestativum Divinæ Virtutis. Ipsius
S. Thomæ sententia est quod (4) *ex hoc aliquid dicitur esse miracu-
lum, quod sit præter ordinem totius naturæ creatæ: hoc autem non po-
test facere nisi Deus, quia quicquid facit Angelus, vel quæcumque alia
creatura propria virtute, hoc sit secundum ordinem naturæ creatæ, &
sic non est miraculum.* Clarius etiam alibi dicit (5) *Miraculum pro-
prie dicitur, quod sit præter ordinem totius naturæ creatæ, sub quo ordine
continetur omnis virtus creatæ.* Idem eandem notam ex aliorum
etiam mente non semel proposuit, (6) *Aliqui, inquit, miraculum
dicunt, quod est arduum, & insolitum præter facultatem naturæ, &
spem admirantis proveniens, quod paulo infra sic explicat, arduum
quia excedit facultatem naturæ: insolitum non quia frequenter non eve-
niat, sed quia est præter naturalem consuetudinem: præter facultatem
naturæ non solum propter substantiam facti, sed etiam propter modum
& ordinem faciendi: supra spem tandem naturæ, non supra spem gra-
tiæ, quæ est ex fide; Nam per fidem credimus & speramus resurrectio-
nem mortuorum. Quæ definitio jure dicitur desumpta ex Augusti-
no,*

(1) Smm. nu. 749. & 798.

(2) Lam. ubi supra l. 4. c. 28. n. 1.

(3) S. Tho. de Potent. qu. 6. ar. 2. O.

(4) Id. l. par. qu. 110. art. 4.

(5) Id. ibid. qu. 114. ar. 4. O.

(6) Id. l. pa. qu. 105. art. 7. ad 2. Et de
Potent. qu. 6. ar. 2. & 10.

no, qui illam sæpius adhibet (1), quin tamen recepta sit, tum quia minus claram esse suadent variæ objectiones a S. Thoma solutæ: tum quia aliud non enunciat, quam ad rationem miraculi requiri impotentiam creaturæ cuiusvis ad illud præstandum. Quod propter hoc ipsum, quod tantopere inculcet huiusmodi impotentiam, ipsa fuit commemoranda, utpote confirmans huiusmodi impotentiam ad notionem miraculi pertinere.

87. Idem confirmatur etiam ex eo, quod passim occurrit apud Auctores miraculum non aliter definiri seu explicari, quam per hoc unicum attributum. Bellarmini sunt hæc; (2) *Dicitur miraculum, quod superat vires omnium creaturarum*. Et alibi, (3) *Vera miracula dicuntur illa, quæ a solo Deo fieri possunt, idest, quæ non habent causas naturales, neque occultas neque manifestas, & ideo non solum in conspectu hominum, sed etiam Demonum & Angelorum sunt mirabilia*. Card. Pallavicinus, (4) *Miraculum, inquit, quatenus idem valet ac supernaturale est illud, quod est admirabile omnibus creaturis intellectualibus propter sublimitatem suæ causæ omnium captum excedentis*. Similia habent Pererius (5), Cornelius a Lapide (6), Sylvester Petrasancta (7), Antoine (8), & auctor E. W. (9), qui contra Stillingfleetum miracula propugnavit. Huiusmodi auctorum consensus circa secundam hanc miraculi notam ortus est ex scripturæ loquutionibus sæpius repetitis, quas inferius referam, in quibus proprium solius Dei dicitur esse facere miracula.

88. I. Objicitur. Supra naturalem facultatem cuiuscumque spiritus creati tam boni quam mali non est, quod se exhibeat conspiciendos in corporibus assumptis, ut accidit Christo Dno, quando ad eum (10) *Accessit tentator*, quem inquit Maldonatus, omnes Auctores forma corporea eaque humana accessisse putant: & sine ulla controversia accidit Tobię. Nec supra eorumdem facultatem est, brevi exercitum quantumvis magnum occidere, ut factum est cum illo Sennacherib. S. Thomas (11) virtuti Angelorum naturali tribuit cæcitatem improvisam Sodomitaram, qui (12) ostium domus Lot non potuerunt invenire. Idem docet Cornelius a Lapide de igne,

(1) S. Aug. de Utilit. creden. ca. 16. Et de Trin. li. 3. ca. 5. Et tract. 8. in Joann.

(2) Bell. de Notis Eccles. li. 4. ca. 14.

(3) Id. de Rom. Pontif. l. 3. ca. 15.

(4) Pall. in 1. 2. dist. 2. q. 3. ar. 2. n. 6.

(5) Per. dif. 5. in Exod. ca. 7. nu. 36.

(6) A Lap. in Exod. ca. 7. v. 11.

(7) Petr. Thaumasia tom. 1.

(8) Ant. Theol. Mor. tr. de Virt. Rel. ca. 5.

(9) E. discou. of mirac. ca. 1.

(10) Matt. ca. 4. v. 3.

(11) S. Tho. 1. par. qu. 111. ar. 3.

(12) Genes. ca. 19.

igne, qui oblationes Gedeonis (1), & illas parentum Samsonis consumpsit, & de conservatione trium puerorum in ardenti fornace, & de verbis ab asina Baalam pronuntiatis (2). Idem dico de aliis sexcentis, quæ in Bibliis narrantur tamquam miracula, & ut talia communiter habentur: Ergo ad miraculi notionem non pertinet impotentia ad illius productionem, omnis creaturæ. sed solum creaturæ visibilis & corporeæ.

89. Resp. *dist. an.* Quæ obijciuntur non sunt supra facultatem spiritus creati quantum ad eorum substantiam *conc.* quantum ad eorum modum, *nego ans. & consequ.* Esse quoad modum miracula concluditur ex eo, quod certum est Angelos sive bonos sive malos non posse uti sua facultate in iis efficiendis, quæ consuetum naturæ ordinem, & politicam humani generis gubernationem variarent ac perturbarent. Est igitur in illorum natura facultas ad hos effectus tantummodo in abstracto, numquam vero in concreto, nisi accedente imperio Dei, aut ejus permissione, qui utpote author ordines naturalis aliter aliquando disponat. Responsio confirmatur autoritate S. Augustini, qui agens de alloquutione Diaboli ad Evam per serpentem (3) *animal*, ut scite idem notat, *lubricum & tortuosum anfractibus mobile operi suo congruum*, docet quod (4) *cum Diabolus decipere cuperet, non potuit nisi per quod animal posse a Deo permissus est; nocendi enim cupiditas inest cuique a se, sed potestas a solo Deo est*, & loquens generaliter de apparitionibus dicit (5) *eas fieri credimus per dispensationem Providentie Dei*. Atque hanc doctrinam relate ad apparitiones mortuorum sic repetit S. Thomas, (6) *Quod mortui viventibus apparent qualitercumque, contingit per specialem Dei dispensationem, & est inter Divina miracula computandum*. Quibus expresse consentiunt plures apud Lambertinum (7) Doctores.

90. II. Obijcitur. Ratio veri miraculi postulat, quod sit effectus, quem quantum ad substantiam, aut saltem quantum ad circumstantiam subjecti nulla creatura nec visibilis & corporea, nec invisibilis & incorporea possit efficere: sed omnia miracula, quæ dicuntur tertii generis seu gradus, boni aut mali Angeli efficere possunt quantum ad substantiam & subjectum, ut constat ex ipsorum definitione, & ex ipsomet nomine, quo appellantur miracula non absolute, sed quoad modum: ergo omnia miracula quæ dicuntur tertii gradus non sunt vera miracula. Confirmatur, quia

(1) Levit. ca. 6. v. 21. & ca. 13. v. 18.

(2) Num. ca. 22. v. 28.

(3) S. Aug. de Civit. li. 14. ca. 10.

(4) Id. de Genes. ad lit. li. 11. ca. 3.

(5) Id. de Cura pro mortuis ca. 15.

(6) S. Tho. 1. p. qu. 89. art. 8.

(7) Lam. ubi supra ca. 32. nu. 12. & 13.

teste Castellino (1), & post ipsum Pignatello (2) Sedes Apostolica non decernit Canonizationem, si inter miracula, quæ approbantur, non sit aliquod primi vel secundi gradus.

91. Resp. *nego maj.* quia non completitur distinctionem completam, quæ juxta communem Doctorum consensum in veris & rigorosis miraculis includit etiam effectus, qui quantum dumtaxat ad modum sunt extra facultatem omnis creaturæ. At dicebatur in confirmatione falso assumi hunc consensum, cum sint Auctores, qui proferunt consuetudinem in contrarium Sedis Apostolicæ. Resp. cum Lambertino (3) citatos Auctores *deceptos fuisse*. Qui enim consulat collectionem Bullarum Pontificum, passim inveniet in iis, quæ sunt de Canonizatione alicujus Sancti approbata miracula, quæ non sunt nisi tertii gradus. Numquam igitur fuit hujusmodi consuetudo, nec esse poterit, tum quia miraculum sine controversia est in eo, quod hic & nunc constat a nulla creatura fieri potuisse, tum quia si ideo introduceretur ea consuetudo, quia fieri posset, ut quod dicitur miraculum tertii gradus esset effectus alicujus invisibilis creaturæ, jam multa miracula etiam primi gradus excludi deberent a causis Canonizationis. Ita quoniam fieri potest, ut aliunde per velocitatem agendi propriam spiritibus sit deportata res, quæ dicitur multiplicata, vel transmutata, non esset unquam de his miraculis in hujusmodi causis loquendum.

A R T I C U L U S I V .

Argumentum pro tertia propositionis parte.

92. **T**ertia pars, quod ad rationem miraculi requiratur ut effectus sit ita supernaturalis, ut non habeatur per media, quæ sint ad illos obtinendos ordinaria, probatur, quia si sola effectus sensibilitas, & impotentia omnium creaturarum ad illum efficiendum sufficeret ad rationem miraculi, multa dicenda essent miracula, quæ apud omnes ita habentur pro effectibus naturalibus, ut eorum intuitu Deus dicatur Auctor naturæ & ordinis naturalis, non vero Auctor gratiæ & ordinis supernaturalis. Cujusmodi sunt creatio animarum quotidiana, primariæ affectiones materiæ, motus primitus impressus materiæ, & perpetuo conservatus, qui juxta Cartesianos est fons omnium effectuum naturalium, vel leges mutuæ attractionis inter materiæ partes, quibus Neutroniani primas tribuunt in omnibus, quæ videmus contingere

F in

(1) Cast. de dilatio. Canoniz.

(2) Lamb. ubi alias ca. 6. n. 5.

(3) Pign. Consult. 26. nu. 7. to. 5.

in rebus materialibus, & quæ quotidie cuique obvia sunt, productio novorum fructuum, & generatio hominum, *de quibus dicebat S. Augustinus, (1) *si quis consideret vim unius grani cujuslibet seminis, magna res est & horror consideranti... Mortuus resurrexit, mirati sunt homines: quotidie tot nascuntur, & nemo miratur. Si consideremus prudentius majoris miraculi est esse, qui non erat, quam reviviscere qui erat. Hæc omnia constat solum Deum efficere & efficere posse, attamen miracula proprie non sunt.*

93. Præterea malorum spirituum, qui homines obsideant, manifestatio per operationes sensibiles, quæ ab ipsis exigantur supra vires humanas, & præter id quod per naturam rerum materialium fieri novimus, sanatio a morbis, quorum iidem sunt causæ, & ipsorum tandem expulsiō per exorcismos ab Ecclesia approbatos, quos prævia Superiorum licentia seu jussione ii exerceant, qui in Hierarchia Ecclesiastica habent Ordinem non solum Exorcistatus, sed etiam Sacerdotii, non habentur pro miraculis a Theologis, inter quos expresse sunt Brancatus (2), Calmet (3), & Lambertinus (4), qui improbat Bordonum, qui contrarium visus est sentire, & nuper Anonymus, qui pro Jo: Josepho Gassnero, hac nostra ætate exorcista per totam Europam, maxime vero per Germaniam, in qua vivit celeberrimo, edidit Augustæ Vindelicorum anno 1775., Demonstrationem de Conformitate cum principiis evangelicis, & sensu, & praxi Ecclesiæ in methodo prædicti Gassnerii medendi affectos vario morborum genere. Hujus opusculum placuit nominare, non quia sint extra controversiam, quæ de hoc Gassnerio narrantur: sed quia opusculi auctor egregie ibidem probat existentiam malorum spirituum, eorumque vim ex Dei permissione nocendi animis & corporibus hominum etiam post completam Redemptionem contra quosvis adversarios, qui si hæc non videant, somnia credunt & illusiones, vel si videant, aut sibi ipsi non credunt, aut vanis torquentur meditationibus, ut hæc aliter explicant, quam per malos spiritus in corporibus humanis inhabitantes, in quo suam jam profitentur vel impietatem vel ignorantiam vel audaciam, qui vel nesciant, vel contemnant, quæ de multis Dæmoniacis referunt Sacre Literæ, & quæ in utroque Jure habentur contra maleficos Leges & Constitutiones. Sed plura contra istos dabunt Theophylus Raynaudus in Libro, quem morte intercedente imperfectum reliquit, cui titulus *Angelus malus hominem colaphizans* (5) a Lambertino (6) laudatum, & Calmet in

Disser-

(1) S. Aug. in Evang. Joan. tr. 8.

(2) Branc. de Mirac. nu. 125.

(3) Cal. Diss. de obsident. Dæmon.

(4) Lamb. ubi alias ca. 29. nu. 10.

(5) Ray. Oper. tom. 9.

(6) Lamb. ubi alias ca. 29. nu. 3.

Dissertatione *De obsidentibus & possidentibus corpora Dæmonibus*, & nuper Joseph Benvenuto in simili Dissertatione Lucæ edita anno 1775. apud Ephemerides Literarias Romanas (1). Vulgus ipsum in liberatione a Dæmoniis per Exorcistas non agnoscit nisi vim potestatis ordinariæ, quam ad hunc effectum novit Christum Ecclesiæ suæ concessisse, quæ siquando careat effectu, persuasum eidem est hoc accidere vel ob defectum fidei in Ministro aut in Energumeno, vel ob hujus crimina, vel ob alias causas Deo notas.

94. Confirmatur hæc pars I. ex S. Augustino, qui ubi contra-tiorem sequitur miraculi notionem, alia ampliori (n. 21.) relicta, ponit in ea ut sit supra spem mirantis (2) *Miraculum*, inquit, *voco quicquid arduum aut insolitum supra spem aut facultatem mirantis apparet*; Quod enim ne cadit quidem in mentem hominis, profecto insolitum est, & supra ipsius spem. II. ex Theologorum auctoritate, ut Suarez, qui statuens (3) *de ratione miraculi esse ut causa effectus sit per se occulta*, dicit, *per se occultam voco, quæ ita excedit naturales causas, ut per se etiam superet naturalem cognitionem intellectus*. Huc spectant illi ut Martinus del Rio (4), & Leonardus Coquæus (5), qui ad notionem miraculi dicunt pertinere non solum, quod effectus productus sit supra, sed etiam præter naturæ creatæ vires, quod hic satis opportune explicabitur cum citato supra (n. 43.) Pallavicino citra ullam exigentiam naturæ, quemadmodum multi expresse dicunt apud Aegidium Cœninck (6).

95. Confirmatur iterum ex communi Doctorum sententia, quæ a supernaturalibus excludit quæcumque intelligantur exigi a rerum particularium naturis, quatenus sunt earundem necessariæ consequentiæ. Hoc pacto immortalitas animæ nostræ, prout est incapacitas dissolutionis statuitur a Philosophis esse naturalis animæ proprietas, quia inferitur ex demonstrata ipsius spiritualitate: Contrario modo immortalitas ex parte etiam corporis in homine concluditur supernaturalis, quia tantum abest ut ea inferatur ex data corporis nostri compositione, quin potius ex ea inferatur oppositum, quemadmodum confirmat damnatio Bajanzæ propositionis 78; *Immortalitas primi hominis non erat gratia beneficium, sed naturalis conditio*. Similiter hominem posse operari actus virtutum moralium, sed non conducentes ad vitam in æternum beatam est illi naturale, cum id ex ipsius rationali natura legitime inferri demon-

F 2

sirent

- (1) Efem. an. 1776. nu. 36. art. Lucca.
 (2) S. Aug. de Utilit. cred. cap. 16.
 (3) Sua. de Angel. li. 4. ca. 39. nu. 8.
 (4) Rio. Disq. Magi. li. 2. qu. 7.

- (5) Coq. in notis ad li. 18. S. Aug. de Civit. ca. 18.
 (6) Con. de Moralit. disp. 4. de actu supernat. dub. 1. nu. 3.

strent Ethici ut Conimbricenses (1): at hominem posse operari actus conducentes ad salutem, conclusum est ab Ecclesia Catholica non esse naturale contra Pelagium, Lutherum, & Bajum: & hominem ipsum pervenire ad Beatitudinem, in qua potitur visione Dei, probat S. Thomas (2) esse quid supernaturale, quia huiusmodi visio indebita est naturæ rationali creatæ.

ARTICULUS V.

Argumenta pro quarta propositionis parte.

96. **Q**uarta pars rationem miraculi postulare apparentem ad Divina ordinationem, probatur. I. quia Scriptura sæpe insinuat deductionem ad cognitionem Dei esse characterem miraculi. En aliqua testimonia. Deus prædicens Moyfi facturum miracula in Aegypto, quæ narraret nepotibus, addit (3) *Sciatis quia ego Dominus*. In Psalmis hæc ipsa miracula per Moysen & Aaron patrata vocantur Verba Divina, quatenus Dei voluntatem Aegyptiis manifestabant (4) *Posuit in eis verba signorum suorum & prodigiorum*. De Christo Dñ. dicitur quod per miraculum transmutationis aquæ in vinum (5) *manifestavit gloriam suam, & crediderunt in eum discipuli ejus*. De Gratiis gratis datis specie miraculorum Apostolus exprimit tamquam ipsarum attributum, quod sint (6) *manifestatio spiritus*, idest virtutis Divinæ. Christus ipse dum Lazarum quatuordecim annorum ad vitam revocaret, ter testatus est se id facere (7) *pro gloria Dei*. Idem discipulis missis a Joanne, ut ipsum interrogarent, an esset Messias, respondit, (8) *Euntes renunciate, quæ audistis & vidistis: cæci vident, claudi ambulant, mortui resurgunt*, ex quibus cum hæc olim prædixerint Prophetæ Messiam facturum, voluit intelligi a Joanne, quis esset.

97. II. Probatur, quia exclusa a ratione miraculi manifesta ad Deum ordinationem non superest nobis ratio expedita dignoscendi miracula vera a falsis, hoc est ab effectibus in se quidem naturalibus, sed admirabilibus, quia vel perquam raro contingunt, vel dependent ab arte & industria non vulgari, vel a vi creaturæ invisibilis & corporeæ, cuiusmodi sunt Dæmones, de quibus S. Augustinus dicit, (9) *Quid possint per naturam; & quid per ipsius naturæ suæ*

(1) Coni. in li. Ethic. dif. 7. qu. 3. ar. 1.

(2) S. Tho. 1. pa. qu. 12. ar. 4.

(3) Exod. ca. 10. v. 2.

(4) Psalm. 104. v. 6.

(5) Joan. ca. 2. v. 11.

(6) 1. Corinth. 12.

(7) Joan. ca. 11. v. 4. & 40. & 42.

(8) Matt. ca. 11. v. 4.

(9) S. Aug. de Trin. li. 3. ca. 9.

sua conditionem facere non sinantur, homini explorare difficile est, immo vero impossibilis. Et S. Thomas dicit, (1) *tempore Antichristi Diaboli potestatem solvendam, in quantum multa facere permittentur, quæ modo non permittuntur.* Assumptum magis etiam sic declaratur.

98. Imprimis qui de hoc miraculi characterē non curant, negligunt etiam, quin immo & condemnant distinctionem miraculorum in vera & falsā, quam cæteroqui ipsæ Sacræ Literæ adhibent. Testem appello Samuelem Clarkem, qui absolute pronunciat (2) præter vim creandi non videre se, quod repugnet Deum suis creaturis posse aliam quamcumque vim participare: consequenter eos respuit, qui miraculum definiunt per effectum, qui a sola Dei Omnipotentia fieri potest, eosque multo magis, qui falsā dicunt miracula, quæ Spiritus nequam præstent ad aliorum deceptionem adhibentes ex permissione Dei vires sibi naturales, ut cum Simonem Magum in aera dicuntur rapuisse.

99. Præterea cum tam multi referantur a diuturnis & gravibus morbis repente convaluisse vel ex vi imaginationis, vel ex naturalibus causis, quæ vim suam explicant ex insolitis circumstantiis, expedita regula judicandi hæc naturaliter contigisse habetur in effectu prædicti characteris eorum quæ miracula sunt.

100. Eadem de causā nemo jam dubitat nullum esse miraculum in iis, quæ circulatores quotidie exhibent, quorum aliqua enumerans Vives dixit, (3) *nisi a tali hominum genere agerentur, pro miraculis qui caperent non deessent. Sunt qui credant sine Dæmoniaca vi non perfici: artis tamen sunt exercitatissima, quæ celeri motu atque agitatione defixum in res obtutum præstigiis frustratur*, quæ verba adhibuit deinde etiam Michael Medina (4). Per eandem regulam quivis stans pede in uno negabit vera miracula esse, quæcumque mirabilia prædicitur facturum Antichristus, quorum aliqua definite commemorant Sacræ literæ, & alia plura nescio quo fundamento S. Hippolitus (5), suamque sententiam videbit approbari ab Apostolo, qui ea non aliter appellat quam (6) *prodigia mendacia*, nescias juxta Sanctum Augustinum (7), an quia apparenter tantum hæc faciet, an quia cum hæc per virtutem naturalem malorum Dæmonum exequetur, dicet facta a se esse virtute Divina: verosimiliter propter utramque causam relate ad diversā, ut declarat Bellarminus (8) post SS. Ambrosium (9), & Hieronymum.

(1) S.Tho. de Potent. qu. 6. art. 6.

(2) Clar. Relig. Chret. ca. 19. nu. 2.

(3) Viv. in not. ad cap. 16. de Civit. S. Aug. li. 10.

(4) Med. Christ. Patr. li. 2. ca. 7.

(5) S. Hipp. de Consumat. mundi.

(6) 2. ad Thessal. ca. 2. v. 9.

(7) S. Aug. de Civit. li. 20. ca. 19.

(8) Bell. de Rom. Ponti. li. 3. ca. 15.

(9) S. Ambr. in Apoc. ca. 13. Et in c. 2. Epist. 1. ad Theisa.

ronymum (1), Theodoretum (2), & S. Thomam (3).

101. Ejusdem fallacis generis per eandem regulam statim cognoscuntur fuisse, quæ malefici Pharaonis (4) fecerunt in Ægypto: Et quæ Ovidii Metamorphoses complectantur: Et quæ quidam referunt, si modo historias narrent, & non fabulas, ut quæ teste S. Augustino (5) ferunt Gentilium libri de quadam Circe, quæ Socios Ulixis mutavit in bestias, & de sacrificio oblato ab Arcadibus Deo suo Licæo, ex quo quicumque sumerent in bestiarum formas convertebantur: Et quæ leguntur in Decreto Gratiani (6) de mulieribus profitentibus se de nocte cum Diana Dea paganorum, vel cum Herodiade & innumera multitudine mulierum equitare super quasdam bestias: Et quæ de Simone Mago leguntur apud Anastasium Nicænum (7) Authorem sæculi septimi desumpta fortasse ex apocryphis Recognitionum libris S. Clementi Romano adscriptis, quod ille hominem ex aere formaverit, statuas animaverit, illæsus ab igne exierit, in ovem aut capram se commutaverit, invisibilem se reddiderit.

102. Non adhibita regula de conducentia miraculorum ad Deum, ut hæc & similia negentur esse miracula opus erit longioribus ratiociniis, cujus modi sunt quæ versantur circa efficaciam durationem utilitatem modum, aliasque regulas supra (n. 80.) stabilitas ad discrimen veri miraculi a falso, quemadmodum reipsa fecerunt Cornelius a Lapide (8), Pererius (9), del Rio (10), & Petrus Le Brun, qui cum primam faceret editionem anno 1702. suæ *Historia Superstitionum*, & in ipso titulo professus esset tradere se rationes & principia discernendi effectus supernaturales a naturalibus, opus dedit diffusum, quod usque ad quatuor tomos deinde auxit, ut habet ejusdem editio Italice reddita anno 1745. Et recentius Nonnote, ubi confutat quod Jo: Jacobus Rousseau in tertia ex suis *litteris ex monte Celso* aut alio Christiani nominis osore statuerat non posse discerni miracula vera a falsis, ideoque nulla addiberi posse pro ullius rei argumento. Hæc Nonnote habet ad articulum *Miracula* sui *Dictionary philosophici de religionem*, quod anno 1772. protulit, & eo modo inscripsit, ut opponeret credo *Dictionary philosophico portatili* quod dicas de Incredulitate, cui Auditor, qui communiter creditur Voltaire, nomen non apposuit, ne poenas condemnationis subiret, quas opus hoc execrabile incurrit.

103. III. Pro-

(1) S. Hiero. ad Algasiam qu. 11.

(2) Theod. in 2. ad Thessal. ca. 2.

(3) S. Tho. 2. 2. qu. 173. ar. 1. ad 2. Et de Potent. qu. 5. art. 5.

(4) Exod. ca. 7. nu. 11.

(5) S. Aug. de Civit. li. 18. ca. 17.

(6) Can. Episcopi 26. qu. 5.

(7) Ana. qu. 23.

(8) Lap. in Exod. ca. 7. v. 11.

(9) Per. Disp. 9. & 10. in ca. 7. Exod.

(10) Rio. Disp. Mag. li. 2. qu. 8.

103. III. Probatur quia hujusmodi ordinationem ad Divina in miraculi notione apponunt Patres & Doctores. Ex Patribus occurrit Tertullianus, qui observat præmissas fuisse prophetas de Divinitate Christi venturi, & de miraculis, quæ ad eam suadendam operaturus erat cum advenisset, quia sicuti per has prophetias manifestatur. & certus redditur finis suorum miraculorum, ita per easdem, quatenus hunc finem manifestant, ipsius miracula concludunt & evincunt propositum, & pro veris miraculis agnoscuntur. Aliter qui sola miracula sejunctim a prophetiis, adeoque a fine consideraret, putat quod in Christum credere ex sufficienti ratione non posset. Ipse enim Christus, inquit (1) *edicens multos venturos & signa facturos, & virtutes magnas edituros, averfionem etiam electorum, nec ideo tamen admittendos, temerariam signorum & virtutum fidem ostendit*. S. Augustini doctrina est, (2) *quæcumque miracula ita divinitus fieri, ut Dei unius cultum religionisque commendent*. Et intra jubet contemni omnia miracula tamquam falsa, quorum finis non est commendatio Dei, (3) *Quædam, inquit, miracula gentilium estis nonnullis piorum factis videantur opere coequari, finis ipse quo discernuntur, incomparabiliter hac nostra ostendit excellere; His enim non illis unus commendatur Deus*. Et quærens quonam modo, (4) *cum faciant Magi, qualia nonnumquam Servi Dei*, altera ab alteris discernantur, respondet, *Diverso fine; Illi enim faciunt querentes gloriam suam, illi gloriam Dei*. S. Hieronymus ait, (5) *ideo signa fieri per Servos Dei apud barbaras nationes, ut unius Dei cultus & religio prædicetur*.

104. Ex Doctoribus occurrit statim S. Thomas, qui (6) reddens rationem, quare Scriptura (7) distinguit gratiam sanitatum ab operatione virtutum, docet non aliter distingui, quam ut speciem quamdam a suo genere, assignans pro attributo gratiæ sanitatum, *conferre homini beneficium sanitatis corporalis, præter beneficium commune omnibus miraculis adducendi hominem in Dei notitiam*, adeoque per attributo generico in ratione miraculi assignat deductionem ad Divina. S. Thomam passim sequuti sunt alii Doctores. Horantius, qui fuit Oveti Episcopus contra Lutherum & Calvinum circa annum 1550. scribebat, (8) *Vana sunt ea miracula, quæ non Dei sed hominum gloriam spectant, sicut & illa quibus nec innocentia aut iustitia sed scelus commendatur, & infra* (9) *fieri nullo condigno fine, est*

(1) Ter. li. 3. con. Marcion. ca. 3.

(2) S. Aug. de Civit. li. 10. c. 12.

(3) Id. ibid. ca. 16.

(4) Id. li. 3. qu. 79.

(5) S. Hier. in ca. 6. Dani.

(6) S. Tho. 2. 2. qu. 172. art. 1. ad 3.

(7) 1. Corinth. ca. 2. v. 9.

(8) Hor. de Loc. theol. li. 4. ca. 9.

(9) Id. ibid. ca. 10.

est inter notas, quibus a veris miraculis distingui valeant falsa. Michael Medina aperte pronunciat (1) ubi neque bonor Dei promoveatur, neque credentium promoveatur utilitas, divinam intercessisse virtutem non est credendum. Maldonatus, (2) Miraculorum, inquit, finis est, ut homines credant, & Gloria Dei manifestetur: Hinc de miraculis judicandum. Justii Lipsii verba sunt, (3) Non fallax est iste character, quod vera miracula ad verum & unum Deum ducunt. Trevoltiani ubi rejiciunt regulam quamdam ab Anonymo propositam pro distinctione veri miraculi a falsis, concludunt (4) bonitatem objecti vel doctrinae, qua enunciat, & invocationem veri Dei esse duos characteres veri miraculi. Qui ad hos attendat expositus non est illusioni, idemque alibi (5) repetunt. Idem requirunt Martinus del Rio (6), Anglus E. W (7), Vernetus (8), & Franciscus tum in suis argumentis Religionis J. C. contra Spinostas, tum in ejusdem religionis Defensione contra Incredulos apud Trevoltianos (9). Idem teste Auctore Historiae Literariae Italiae (10) conatus est suadere P. Merlinus, & videri reipsa potest apud eisdem Trevoltianos in Epitoma hujus commentarii, & apud Alphonsum Nicolai (11), qui illum sequutus hanc notam vocat essentialem miraculo. Huc tandem coniungit Samuel Clarke (12) tamquam ad certam normam, qua cognoscatur miraculum quod est a Deo, & id quod est a Creatura, quae hominem superet in perfectione.

ARTICULUS VI.

De definitionibus miraculi quorundam Anglorum.

105. **E**X assertis miraculi characteribus tamquam ex Lydio lapide dignosci poterit quam bonae vel malae sint definitiones, quas de miraculis aliqui satis nominati diversarum gentium Auctores protulerunt, quarum aliquas incipiendo ab Anglis juvat examinare.

I. Locke in opusculo de miraculis, cujus Epitome habetur n. Diario Sapientum miraculum definit, (13) operationem sensibilem, qua

(1) Med. Christ. paræn. li 2. ca. 8. sub finem.

(2) Mal. in Joan. ca. 1. v. 12.

(3) Lip. de Virgine Hallensi ca. 5.

(4) Trev. ann. 1756. ar. 106. pag. 2516.

(5) Ibid. ann. 1753. art. 123. pag. 3010. Et ann. 1759. art. 53. pag. 1172.

(6) Ri. disc. mag. li 2. qu. 7.

(7) E. disco. of mirac. ca. 4. n. 7.

(8) Ver. Verit. de la reli. sec. 7.

(9) Tre. ann. 1751. art. 117. pag. 2389. Et ann. 1755. art. 85. pag. 1931.

(10) Sen. Vol. 12. li. 2. ca. 2. in not. ad nu. 5.

(11) Nic. Lez. 7. su l'Esodo.

(12) Clar. Relig. Chret. ca. 19. nu. 6.

(13) Journ. des Sçav. ann. 1708. ar. 9.

quæ superat spectatorum captum, & juxta illos est contra cûrsûm naturæ, & accipitur tamquam operatio Divina. Rejicitur. I. quia ita loquitur de impotentia creaturarum ad efficienda miracula, ut videatur loqui de impotentia etiam exilimata, non autem de impotentia reali, quæ unice spectat ad notionem miraculi simpliciter. II. cum Hooke (1), quia juxta illam vera miracula non essent amplius miracula, si talia non haberentur a spectatoribus, & rursus fraudes ipsæ essent miracula, quoties a spectatoribus Divinæ Virtutis operationes crederentur: immo idem effectus esset simul miraculum & non esset, si diversa de eo judicia ferrentur a diversis spectatoribus. Concludam hanc definitionem esse talem, quæ a solis Incredulis videbatur expectanda.

106. Vidit ipse Locke suam definitionem subjici prædictis objectionibus, quibus inquit (2) *sufficit respondere nullius roboris esse propter hoc argumentum: Objectiones factæ pertinent etiam ad illam definitionem satis communem, quæ dicit miraculum esse id, quod est supra leges juxta quas causæ naturales operantur; Hoc enim posito nihil dici poterit esse miraculum, nisi id quod censeatur esse supra hujusmodi leges, & proinde quod dependet a spectatoribus, & iis, qui horum relationi credant: ergo prædictæ objectiones nullius roboris sunt. At respondetur I. permissio ans, & nego consequam. Potior enim occurrit consequentia, quæ neutra definitio admitti debet. Resp. II. nego ans, ad cujus probationem negatur suppositum, quod ii, qui sapiunt, attendant judicium spectatorum de eo, quod aliquid sit vel non sit supra vires naturæ.*

107. II. Guglielmus Kingius (3) *Miraculum, inquit, appello operationem Dei sensibilem, quæ contra naturam fit, & ex eo quod extra ordinem certum aut fixum accidit, Deum immediatam causam & authorem probat.* Rejicitur, quia posita recepta distinctione de miraculis supra præter & contra naturam (n. 41.) non potest approbari, quod notio miraculi limitetur ad ea, quæ sunt contra naturam. Mitto argumentum, quod contra eundem urget Clarke (4) petitum ex obscuritate harum vocum *contra naturam*, quæ indigent prævia definitione, in quam non omnes consentiunt, cum ut idem advertit, aliqui opportunam protulerint, alii vero perquam absurdam, quemadmodum patet ex iis, qui male circa Divinam Providentiam philosophantur.

G

108. III. Gu-

(1) Hoo. Princip. relig. tom. 2. diss. de Miracul. ca. 1.

(2) Loc. Diss. sur le Miracul. to. 1. Ocu-vres divers.

(1) King. de Orig. mali ca. 5. sec. 5. suble. 4. nu. 6.

(4) Cla. Relig. Chret ca. 19. nu. 3.

108. III. Gulielmus Fleetwodius definit miraculum esse operationem Divinam contra cursum ordinarium naturæ, in sua de Miraculis Dissertatione, quæ non placuit Trevoltianis, qui ejusdem epitomam concludunt dicentes (1) potuisse eam etiam a Spinofitis produci, cum ceteroqui professus fuerit eandem se contra similes incredulos scripsisse. Illa rejicitur tum quia contra eam militant rationes, quibus rejecta nuper est Kingiana, tum quia non meminit de ordinatione sensibili ad divina, quæ est nota essentialis miraculi. Ille quidem hanc consulto neglexit, quia etiamsi admittat finem aliquem semper adesse in miraculis, tenet tamen hunc aliquando nobis esse incognitum. Atque hinc factum est ut miracula providentiæ vocaverit ea, quorum finem soli Deo cognitum reputavit, & quæ Sacra Scriptura satis aperte tribuit incantationibus magorum Pharaonis, ipsè tribuerit Deo, & statuerit esse vera miracula: contra quam opinionem aliquid infra distinctius dicam.

109. IV. Warburton (2) miraculum definit actionem entis superioris in aliquam partem rerum nobis sensibilem, per quam ipsæ acquirunt proprietates & directiones ab iis diversas, quas novimus posse habere juxta leges materiæ & motus. Vernetus in suo Gallico tractatu de Veritate Religionis Christianæ Sectione septima apud Trevoltianos (3) similem definitionem tribuens Lockio eandem approbat. Auctor verior ipsius est Clarke (4), qui verum miraculum vult esse quicquid fiat ab agente intellectuali, cujus natura perfectior sit humana. Rejicitur, quia actio Angeli alicujus sive boni sive mali in materiam, qualis illa quæ apparuit per magos Pharaonis, est actio entis superioris, cui convenit quicquid dicit Warburton, quæ tamen non est miraculum.

110. V. David Hume, quem publicæ Ephemerides nunciant in Anglia mortuum elapso anno 1776, agens de Miraculis in suo de his specimine, quod cum aliis ejusdem commentariis ad intellectum humanum pertinentibus Anglice Londini ter quod sciam prodit anno 1750, & 1753, & 1760, dicit (5) *Miraculum potest accurate definiri, transgressio alicujus legis naturæ per particularem voluntatem Dei, aut interpositionem alicujus invisibilis agentis*. Rejicitur quia cum transgressio significet culpabilem oppositionem legitime authoritati, hujusmodi vocabulum non potest habere locum in miraculo, re quæ a solo Deo dependet. Nisi paullo ante, & non semel deinde (6) violationem dixisset, quam nunc dicit transgressio.

(1) Trev. ann. 1703. ar. 189. p. 1997.

(2) W. r. Julian.

(3) Trev. ann. 1747. ar. 128. p. 2474.

(4) Cla. Reli. Chret. ca. 19. nu. 6.

(5) Hum. Essai of Mirac. p. 1. in not.

(6) Id. ibid. pa. 2. sub finem.

gressionem, credi poterat excidisse Auctori vocabulum transgressionis loco suspensionis, quo quidem modo liberaretur a nota incredulitatis vel impietatis, sed amitteret laudem accuratationis in definiendo, quam sibi usurpat.

111. III. Contra illam præterea est falsa suppositio, quod aliquod invisibile agens, quod non sit Deus, possit vi sua physice suspendere aut transgredi leges naturæ. Ab hac tam vitiosa definitione miraculi tamquam ab ovo colubri erupit ipsius *Specimen de Miraculis*, de quo Georgius Campbell verissime professus est in ejus examine Anglice pariter edito anno 1762., & iterum ann. 1776., nihil in eo inveniri, nisi malitiosam fallaciloquentiam, apertas contradictiones, & odium omnis Religionis. Cujus censuræ argumentum aliquod statim propono ab ipso Campbell observatum (1), quod in decursu speciminis miraculum sit synonymum modo cum improbabilitate, modo cum absurditate, & aliquando etiam cum absoluta impossibilitate.

A R T I C U L U S V I I .

De definitionibus miraculi quorundam Gallorum.

112. **C**laudius Buffier Parisiis mortuus anno 1737. ætatis suæ 76., qui illustrem locum tenet inter Metaphysicos, & aliarum disciplinarum Authores, (2) *Miracula*, dicit esse *effectus contra ordinem & cursum naturæ a Deo stabilitum*. Rejicitur tum propter rationes contra Kingium (n. 107.) dictas, tum propter defectum aliarum notarum, quas ostendimus necessarias in definitione miraculi.

113. Nonnote celebris multis contra Incredulos feliciter gestis dimicationibus in suo Dictionario Philosophico *miraculum*, inquit (3) *appellatur eventus, qui non potuit existere vi ullius causæ naturalis, & est contra naturæ leges constantes & notas, & nequit tribui nisi Authori & Domino Naturæ*. Rejicitur tum quia prima & tertia pars invicem includuntur, tum quia secunda habet contra se, quæ contra superiorem jam dixi, & præterea quamdam in vocabulo *leges naturæ* obscuritatem, quod si quis, ut aliqui dicunt, velit significare principia certa juxta quæ fiunt motus corporum, jam definitio miraculi limitaretur ad solas res corporeas.

114. III. Petrus Sylvanus Regis, qui obit Parisiis anno 1707. ætatis suæ 75. Academiæ Scientiarum Parisiensi adscriptus dicit

G 2

mira-

(1) Cam. A diss. on mirac. p. 1. sec. 2. in fine.

(2) Buff. Preuv. de la Relig. n. 229.

(3) Non. art. Miracl.

miraculum esse (1) rem de qua quantum ad modum, quo facta est, non potest haberi idea, etiamsi de ejus essentia & de modo, quo ipsa existat, habeatur in iis, quæ jam novimus existere. Hanc definitionem videor mihi invenire, ubi disserens de differentia miraculum inter & mysterium statuit miraculum esse effectum, qui quantum ad modum, quo factus est, non potest concipi, ut mutatio virgæ in serpentem. Quamvis enim noverimus quid sit serpens, tamen quo modo virga in serpentem commutari possit non intelligimus: Mysterium vero esse rem, quæ quantum ad suammet substantiam, & quantum ad modum quo existit non potest concipi. Exemplum proponit in mysteriis Trinitatis Incarnationis & Eucharistiæ. Quantum enim ad naturam non possunt concipi Deus unus & trinus, nec Verbum Divinum unitum cum natura humana in unitate Personæ. Quantum autem ad modum non potest concipi existentia Corporis Christi Dn. sub speciebus panis. Rejicitur quia præstigiæ circulatorum, & multo magis Dæmoniorum juxta hanc definitionem erunt miracula, ut consideranti patebit.

115. IV. Malebranche (2) & Occasionalistæ apud Leibnitium (3) dicunt miraculum esse actionem Dei, quam non facit juxta leges generales a se sibi stabilitas in rerum creaturarum conservatione & gubernatione. Rejicitur, quia leges generales in sensu Occasionalistarum sunt impossibiles, quippe non coherent cum virtute agendi creaturarum, quam certum est ex alibi (4) diis illas habere, immo de Fide est respectu creaturarum liberarum. Quod si leges istæ generales sumantur in sensu, qui non excludat a creaturis potentiam agendi, jam vel exceptio legum generalium significat effectum, qui fit a solo Deo, quia non potest fieri ab ulla creatura, & hoc non sufficit ad notionem miraculi, vel significat effectum, qui fit Deo aliquando permittente a causa etiam creata, ut bono aliquo vel malo Dæmone, & hec opponitur ipsi præcipuo attributo miraculi, quod postulat ut effectus sit solius Dei.

116. V. Petrus le Brun diversorum de re Ecclesiastica operum Auctor, mortuus anno 1729. ætatis suæ 67., in sua superstitionum historia (n. 102.) supra commemorata definit (5) *miraculum esse effectum a Deo productum independentem a legibus communicationis motus, aut ministerio Angelorum.* Rejicitur 1. qui confundit miracula cum effectibus quibusvis supernaturalibus. Et revera ipse miracu-
lum

(1) Reg. Usag. de la Raison. l. 1. p. 1. ca. 18. nu. 6.

(2) Mal. de la Natur., & de la Grace. dist. 1. nu. 59.

(3) Leib. Joura. des Scav. ann. 1709.

supl. pag. 60 r.

(4) De Caus. Efficient.

(5) Bru. Stor. delle Superstit. li. 1. c. 8. c. 9.

Iam facit synonymum (1) effectui supernaturali, & duas miraculorum species constituit (2), aliam de miraculis ordinariis, exemplum ponens in aqua Baptismi, quæ mundat animam, aliam de miraculis extraordinariis vel ad tempus, utens exemplo aquæ, quæ in lege veteri epota ab adulteris illas occidebat. Quæ omnia sunt aliena a communi Doctorum sensu & cogitatione. II. quia confundit miracula cum effectibus naturalibus; Nam Deus independentem a legibus Mechanicis, & ministerio Angelorum, aut cuiusvis creaturæ potest effectus naturales producere, quin immo aliquos quotidie producit. III. quia excludit a ratione miraculi, quæ Deus faciat independentem a legibus communicationis motus ministerio hominis; Nam meminisse speciatim in definitione miraculi de ministerio Angelorum dumtaxat est excludere a ratione miraculi ea, quæ fiant a Deo ministerio hominum.

ARTICULUS VIII.

De definitionibus miraculi aliorum Authorum.

117. I. **S**uares (3) approbat hanc miraculi definitionem, miraculum est opus superans omnem naturalem virtutem causarum naturalium visibilium & corporearum, & censet concedi posse & debere ut necessariam & sufficientem ad rationem veri miraculi, quia inde evidenter concluditur esse etiam supra omnem virtutem Angelicam, cum hæc non possit effectus sensibiles efficere, nisi applicando naturales & corporeas causas activas passivas. Rejicitur, quia insufficiens est ea miraculi definitio, quæ excludit solas causas visibiles & corporeas, etiamsi ex hac exclusionem inferretur illa causarum creaturarum invisibilium, quam tamen illationem non video esse legitimam; Nam effectus sensibiles sunt transferre hominem ex uno loco in alium, aut facere ut non possit penetrare, ubi nihil est sensibile præter aerem: Sed hi effectus possunt fieri ab Angelo nulla adhibita corporea causa: ergo.

118. II. Franciscus Bordoni in opere posthumo de Miraculis, (4) *Miraculum*, inquit, *est signum sensibile, arduum, insolitum, excedens vires naturæ, a Deo factum ministerio creature intellectuales ad bonum finem*. Rejicitur, quia imprimis in his verbis vires naturæ deficit claritas tam necessaria in definitione. Qui ex dictis (n. 114.) leges naturæ dicunt esse principia certa juxta quæ fiunt motus corporum, vires naturæ definiunt esse effectus legum naturæ, quæ explicatio

mira-

(1) Id. ibid. li. 1. ca. 8. nu. 6.

(2) Id. ibid. nu. 12.

(3) Sua. de Angel. li. 4. ca. 39. nu. 10.

(4) Bord. Medit. 1. nu. 3.

miracula ad solas res materiales perperam limitaret. Deinde attributum ardui non potest habere locum in hac definitione; Nam si arduum dicitur respectu Dei efficientis miracula, falsum est aliquid illi esse arduum. Sin dicitur relate ad causas secundas, harum respectu impossibile absolute est quodvis miraculum: ergo dici non debet arduum saltem in sensu obvio, qui est significare aliquid factu difficile: Tandem ne attributum quidem insoliti apponi debet, quia indiget explicatione, quæ cum allata fuerit, concludetur vel otiose vel falso positum. Si enim insolitum significet excludi solitum cursum naturæ, jam otiosum est, quia immediate dicitur miraculum esse quid excedens vires naturæ: sin insolitum excludat multitudinem atque frequentiam hujusmodi effectuum, jam falso dicitur; Nam ut advertit Lambertinus (1), cum Christus Dn. sanabat omnem languorem & infirmitatem, nemo negat fecisse miracula. Præterea primo Ecclesiæ tempore non solum Apostolis familiare quodammodo erat facere miracula, sed omnibus vel fere omnibus, qui recipiebant Sacramentum Confirmationis, communia erant hæc duo miraculorum genera, loqui linguis alias sibi ignotis, & ejicere Dæmonia, ut notat Maldonatus (2), eaque omnes ut talia celebrabant.

119. Confirmatur, quia cum communiter omnes agnoscant miraculum in dissolutione sanguinis S. Januarii, quoties in conspectu capitis ejusdem Martyris collocetur, Bordonus cogitur id negare, quia non est insolitum, sed quasi ordinarium, quemadmodum ex hac causa reipsa negat miraculum esse ad Gratiæ finitatis (n. 60.) pertinens, quod Reges Galliæ postquam inuncti fuerint, sanent quotquot strumis laborantes contingant, quin advertat (3) hinc sequi dicendum esse quid naturale, quod fortasse ipse idem non admittet. Mitto quod addit de ministerio creaturæ alicujus intellectualis, sine quo negat (4) ullum fieri miraculum Deo sic volente, quia non video satis ab eo hujusmodi Divinæ Voluntatis existentiam comprobari.

120. Dices. S. Augustinus agnovit in miraculis proprietatem insoliti, (5) *Miraculum*, inquit, *voco quicquid arduum aut insolitum supra spem aut facultatem miranti apparet*: & iterum (6) *servavit sibi quædam que faceret opportuno tempore præter usitatum cursum ordinemque naturæ, ut non majora sed insolita videndo stuperent, quibus quotidiana viluerunt*. His similia repetit alibi (7). Resp. agnoscitur

(1) Lamb. de Beatif. li. 4. par. 1. ca. 1.
nu. 7.

(2) Mald. in Marc. ca. 16. v. 17.

(3) Bord. Medit. 1. nu. 67.

(4) Id. ibid. nu. 63.

(5) S. Aug. de Utilit. cred. ca. 16.

(6) Id. in Joan. tr. 14.

(7) Id. in Joan. tr. 8.

fitur quidem hæc proprietas a S. Doctore in miraculis, quia plerumque in illis observatur, non vero quia sit essentialis, ut sine illa definat quid esse miraculum. & quoties ea sit in aliquo effectu, toties hic sit miraculum sumpto hoc nomine in sensu proprio, & non in sensu aliquo ampliori, ut sumi sæpe solet ex jam (n. 17.) dictis. Hæc non dicit S. Doctor, neque ibi de rigorosa miraculi definitione sollicitus est, quam nullo modo haberi posse per ea verba S. Doctoris ostendo veniens ad Authorem, qui eam definite proposuit.

121. III. Brancatus (1) *Miraculum*, inquit, *est aliquid insolitum & arduum supra spem naturæ inducens admirationem in spectantibus*. Rejicitur, quia attributa insoliti & ardui ex nuper dictis non spectant ad bonam miraculi definitionem: alterum autem attributum, quod sit supra spem naturæ est prorsus obscurum; Nam indiget determinatione significationis, quæ tribuatur nomini naturæ, quæ multis modis juxta alibi (2) adnotata accipitur. Qua posita poterit intelligi quid sibi velit spes naturæ. Tertium tandem attributum, quod sit mirabile, est otiosum; Nam dato miraculo admiratio consequitur necessario in quavis creatura. Imperfectio hujus definitionis ex eo etiam demonstratur, quod ejus Auctor juxta ipsam statuatur (3) *negari non posse, quod Magi Dæmoniacy, & Dæmones possunt facere miracula*, quæ si sint (4) *miracula quoad modum possunt vere & realiter ab eis fieri*: sin autem sint *miracula quoad substantiam vel quoad subjectum* (5), *non sunt vera & realia, sed apparentia & præstigia*. His auditis sic arguitur. Mala est ea definitio rei, per quam res ipsa non potest distingui ab omni alia diversa re: Sed per definitionem prædictam miraculi non potest distingui miraculum ab eo, quod non est miraculum; Nam præstigiæ non sunt miracula: ergo prædicta miraculi definitio mala est. Non dissimulabo aliud contra eandem argumentum ad hominem, quo ipse idem velit nolit se impugnat. Ejus est hæc thesis, (6) *Ad concludendum quod eventus aliquis sit miraculum probanda est ratio miraculi, quod scilicet non potuerit a natura vel arte aut demonis provenire*. Pro qua sic arguit: *Nisi ratio miraculi probetur, omnis eventus novus & insolitus diceretur miraculum: & sic omnia Dæmoniaca facta, omnes sanationes admirande a natura per crises, vel ab arte medica procedentes miracula essent dicenda*. Igitur ipsomet judice miraculi ratio excludit effectum fieri posse a Magis Dæmoniacy & Dæmone, & longe alia attributa postulat ejus definitio, ac ea quæ ipse posuit.

122. IV. Le-

(1) Bra de Mirac. nu. 677.

(2) De causa efficien.

(3) Bra. de Mirac. nu. 68c.

(4) Id. ibid. nu. 702.

(5) Id. ibid. nu. 684.

(6) Id. ibid. nu. 1064.

122. IV. Leibniti^{us} (1) dicit *miraculum in sensu rigoroso est id, quod nequit explicari per naturam rerum conditarum*: Alibi dicit, (2) *esse quod transcendit omnes naturæ creatæ vires*, addens inferius, *quicquid ex naturis rerum inexplicabile est, quemadmodum attractio generalis materiae Newtonianæ, vel miraculosum est vel absurdum*. Rejicitur, quia non convenit solis miraculis; Nam complectitur effectus supernaturales insensibiles, & etiam effectus naturales, qui non possunt explicari per naturam rerum conditarum, quoties non fiant, nec fieri possint nisi a solo Deo, cuj^{us}modi sunt creatio animarum & alii supra 148. relati.

123. V. Merlinus apud Trevoltianos (3), & Alphonsus Nicolai (4) in ea de miraculis dissertatione, cujus copiosa enarratio datur a Trevoltianis dicit *miraculum est effectus supernaturalis, in quo Deus suspendit cursum ordinarium naturæ, & derogat suis legibus, ut confirmet quod nobis nomine suo annuntiatur*. Rejicitur, tum quia non meminit de attributo sensibilitatis saltem clare: tum quia redundat in illis verbis *derogat suis legibus*, postquam dictum erat *suspendit cursum ordinarium naturæ*: vel si nomine legum intelligat leges Mechanicas, nomine vero cursus naturæ intelligat creaturas ex se operantes, cuj^{us}modi sunt, quæ sunt spirituales, jam deficit a claritate necessaria in definitionibus: tum tandem quia finis miraculorum multiplex est ex dictis (n. 83.) nec proinde sola confirmatio veritatis nomine Dei annuntiatur.

124. VI. Liberatus Fasson^{us} definit miraculum esse (5) effectum, qui præter usitatas naturæ leges mechanicas accidit, & omnes causarum naturales vires egreditur. Similem definitionem dederat jam Antonius Genuensis (6). Rejicitur I. quia in definitione non debent apponi superflua, cuj^{us}modi est dicere, quod accidat præter usitatas naturæ leges mechanicas, postquam dictum fuit, superare omnes causarum naturalium vires. Leges enim mechanicæ sunt ceu ramus hujus arboris vis causarum naturalium, quo nomine non solum mechanicæ leges, sed etiam immechanicæ vires, cuj^{us}modi sunt actiones spirituum quorumvis creatorum comprehenduntur. II. quia definitio debet enunciare sufficientem differentiam ad distinguendam rem definitam ab omni alia: sed dicere miraculum esse id, quod superat omnes vires naturales omi^sa nota sensibilitatis & conducentiæ ad Divina confundit miraculum cum omnibus effe-

(1) Leibn. Essai. de Theodic. par. 2. nu. 207.
(2) Id. Commerc. philos. epist. 131.
(3) Trev. ann. 1743. art. 41. pag. 1015. & art. 63.

(4) Nic. Lez. 7. su l' Esodo.
(5) Fass. de Mirac. nu. 4.
(6) Gen. Elem. Metaph. par. 3. def. 8.

effectibus supernaturalibus, nec assignat sufficientem differentiam in multis casibus saltem facilem & expeditam: ergo.

125. VII. Benedictus Spinosā (1) dicit miraculum esse opus, cujus causam alterius rei solitæ exemplo interpretari & declarare non possumus, vel is saltem nequit, qui rem narrat. Rejicitur I. quia non meminit de impotentia creaturarum ad illum effectum, neque de conducentia ad Divinā. II. quia si id, quod habet has duas notas ignorantiam hominis etiam singularis de causa ipsius, ejusdemque raritatem est miraculum, jam nescio quisnam relinquitur effectus naturalis. Itaque homo nequam multiplicat in immensum miracula; ut hac etiam via suum propositum promoveat, quod fuit de medio tollere omnia miracula.

126. VIII. Multi definiunt miraculum esse id, quod omnem causarum naturalium ac hominum & Angelorum facultatem superat. Brevius Sylvanus Regis eandem aliquando proposuit dicens (3) miraculum esse effectum naturaliter impossibilem. Rejicitur, quia quotidiana animarum infusio in corpora humana, Gratiae Divinae largitio, ipsa hæc Mundi conservatio sunt id, quod omnem causarum naturalium ac hominum & Angelorum vim superat, attamen non sunt neque habentur tamquam miracula.



H

PARS

(1) Spin. Tract. theol. ca. 6.

(2) Reg. Usag. de la raison li. 1. par. 1.
ca. 29. au. 3.

P A R S I I I.

De possibilitate Miraculorum.

P R O P O S I T I O I.

Miracula suntabilia.

A R T I C U L U S I.

De adversantibus propositioni.

127



Ropositio, quam fusc propugnat S. Thomas in Summa (1) & multis aliis in locis, quæ ad marginem singularum Summæ quæstionum solent indicari, habet plures adversarios. Primo quidem plures diversorum temporum impios. In his sunt quidam Rabbini, qui omnia, quæ Sacra Scriptura commemorat facta a Moyse, Josue, aliisque Patriarchis, agnita tamquam vera miracula reducunt ad effectus naturales, sed qui non possunt effici nisi ab iis, qui Scientia quadam instructi sint non vulgari, & quæ in libris non reperitur, sed quam Deus in monte Sinai Moyse tradidit, & apud aliquos Hebræos tantummodo manet per traditionem oretenus dimanantem. Cabalisticam ipsi vocant hanc scientiam referente Michaele Medina (2) juxta etimologiam hebraici nominis Cabala. quod Dominicus Magri (3) docet significare acceptionem alicujus scientiæ per traditionem. Speciatim miracula Christi recentiores etiam Judæi revocant vel ad artem magicam, quam in Ægypto didicisse, vel ad vim nominis Dei ineffabilis, cujus cognitionem ipse acquisivit, quia in Sanctuarium templi ei contingit penetrare. Satis superque fuit de his meminisse historiæ causa; Apparet enim per se hominum perfidia & deliramentum in tam impiis & insulis commentis, quæ acceperunt a Thalmud, quod interpretatur doctrina, a libro scilicet pleno fabulis blasphemis & absurdis Sacræ Scripturæ explicationibus, quem auctore eodem Magri (4) annis centum quinquaginta a deleta Jerusalem composuit Judæus quidam, & alii deinceps novis erroribus & impietatibus cumularunt, ut Joannes XXII. anno 1319. jussit ipsum si fieri pos-

(1) S. Tho. 1. par. qu. 109. art. 6.

(2) Me J. Christ. paræu. li. 2. ca. 7.

(3) Mag. Vocabl. Eccl. art. Kabala.

(4) Id. ibid. art. Talmud.

posset aboleri facta etiam in domibus Judæorum diligenti ejusdem perquisitione .

128. Propius nostris temporibus contra propositionem fuerunt , plures Increduli , Deistæ scilicet , qui sibi usurpantes philosophi nomen de rebus omnibus sententias suas et si plerumque falsas & impias arroganter pronunciant , & in vulgus studiosè disseminant , maxime de moribus , quos ad licentiam impellunt , & de Religione præsertim Christiana , & maxime de Catholica , cui propria faciunt superstitionis & fanaticismi attributa , superstitionis quidem quia omnem cultum revelatum negant , fanaticismi autem quia in eo tuendo speciem insanie constituunt . In his sunt Tolandus , de quo alibi (1) dixi , Marchio d' Argens , quem Gauchatus (2) , & ex illo Trevoltriani (3) conitunt . Est & David Hume , qui ineptissimis argumentis , ut declarat Campbell (4) , aggressus est etiam auctoritatem Pentateuchi , ne cogeretur admittere ea saltem miracula , quæ ibidem exponuntur .

Hoc facit etiam nobilis Anglus Bolingbroke in nequissimo libro , *Examen magni momenti* (*Examen important*) , si tamen ille fuit ejusdem auctor , quod non credit Nonnote , qui sæpius affirmat (5) eundem stylum , easdem sententias ac blasphemias in eo reperiri , quæ sunt in pluribus contra Religionem libellis , qui extra controversiam Voltairem habent auctorem , & quorum aliqui prodierunt Bolingbroke a multis jam annis mortuo . Hic pariter brevi a miraculis Pentateuchi , in quibus primas agit Moyses , credidit se liberasse revocando in dubium ipsam existentiam Moysis , eumque si forte exiitit , traducendo tanquam barbarum & tyrannum . Quanta sit istius in hac re ignorantia , vel potius mentiendi libido , ex qua plane sequitur ipsius contemptus & detestatio , demonstrat Nonnote (6) , qui etiam nos monet (7) ipsum alibi scripsisse pro certa habendam ab unoquoque esse victoriam hujus vel illius exercitus , si de hac adsit totius Parisiorum urbis testimonium : sed non credendam resurrectionem alicujus jam mortui , etiamsi adsit totius urbis testimonium , quia resurrectio mortui est quid *moraliter metaphysice impossibile* , in qua sola terminorum absurda conjunctione videas hominem odio religionis temere scribentem . Quid plura ? Extat apud eundem Nonnotem (8) hujus scelerati scriptoris professio se in Manichæorum stultitiam de duobus

H 2

prin-

(1) De Bono nu. 220.

(2) Gau. Lat. criti. to. 3.

(3) Trév. an. 1758. ar. 104. pag. 2504.

(4) Cam. diss. ou mirac. p. 2. sec. 7.

(5) Non. Dict. phil. art. Ecriture pag.

130. & 154. Et art. Paul. Et art. Propheties sub finem .

(6) Id. ibid. art. Moysè .

(7) Id. ibid. art. Certitude in fine .

(8) Id. ibid. art. Mirac. Entr. 4. in fine .

principiis, quorum unum destruat quod alter construxit, descendendum, si de aliquo miraculo testis esset.

Est tandem Benedictus Spinoza, qui ex vi systematis sui atheistici, quod sibi supra æquivoca verba, & confusas rerum notiones impie ædificavit, nullum admisit possibile miraculum, contra quem scripserunt ex Orthodoxis Calmet, & Michael Vassor (1) antequam hæreticus fieret, Merlinus (n. 123.) supra citatus, Falsomius (2), Hooke (3), & Valsécchius (4). Ex Heterodoxis vero Rodegnerus a Mansuelt. Cuperus, Gottliebus Canzius, & Petrus Bayle, cujus longam impugnationem referunt Trevoltiani (5), & Alphonsus Nicolai (6).

129. Contra propositionem est etiam Malebranchius; Nam principium & quasi basis sui de Natura & Gratia tractatus est, Deum neque in ordine naturæ, neque in ordine gratiæ posse operari, nisi secundum voluntatem generalem, hoc est leges quasdam generales, quas sibi pro sua libertate sancivit, utpote modum agendi unice dignum Deo, non vero agere posse secundum voluntates hoc est leges particulares, propterea quod id ipsum decrederet: ergo ut jam intulit Merlinus, impossibilia sunt omnia miracula, utpote actiones Dei, quæ non sunt secundum leges generales. Ipse idem tamen in eodem tractatu aliquando sibi parum cohærens ita loquitur, ut concedat possibilitatem miraculorum: Nam monet multa consideranda esse, antequam aliquid statuatur esse miraculum, & ponit exemplum (7) in pluvia, quæ dum per vias deducatur Eucharistia, frequens decidat circumquaque, non tamen supra umbellam Venerabile Sacramentum obumbrantem, quod negat dici tuto posse miraculum, siquidem cum Deus omnia faciat juxta actionem causarum occasionalium, fieri potest, ut causa occasionalis intelligens habeat aliquem finem particularem, & sic determinet efficaciam legis generalis ad hanc executionem. Similia quæ congeriem absurditatum continent, fusius habet agens (8) expresse de Miraculis.

AR-

(1) Vaf. Veritabl. relig. li. 2. p. 1. c. 2.

(2) Faf. de Mirac.

(3) Hoo. Princ. reli. to. 3. dif. de Mira.

(4) Val. Fond. della reli. l. 2. c. 16. n. 8.

(5) Trev. an. 1742. ar. 41. pag. 1018.

(6) Nic. Lez. 7. su l' Efsodo.

(7) Mal. de la Nat. & Grace. Eclair. 1. nu. 6.

(8) Ibid. Eclairc. dernier.

ARTICULUS II.

Argumenta pro propositione.

130. I. **I**N consideratione huius Mundi, & eorum quæ in eo sunt, necessario deveniendum est ad id, quod non est juxta leges seu cursum naturæ, cujusmodi est ipsa Mundi hujus existentia, quæ non potest dici esse juxta leges seu cursum naturæ; Nam ante ipsum Mundum nullæ sunt leges & nullus cursus naturæ, cum utrumque incipiat in ipsa Mundi creatione, & in ipso jam constituto contineatur: ergo causa ad quam tandem deveniendum est in consideratione huius Mundi, sicut potuit ipsum constituere præter leges & cursum naturæ, ita poterit etiam in ipso jam constituto aliquid efficere, quod non sit juxta leges & cursum naturæ. Atqui hoc importat miracula esse possibile: ergo sunt. Antecedens qui negat, admittit necesse est Mundum esse ab æterno, & quidem vel a se vel a casu, quæ alibi (1) demonstrata sunt impossibilia.

131. II. Certum est Deum posse tacere id, quod nulli creaturæ est possibile ad manifestandam suam gloriam nobis mortalibus, aliisque creaturis intellectualibus. Hoc enim pertinet ad Omnipotentiam Divinam, quam qui limitat ad ordinem naturalem, jam tollit, & ne informat quidem animo, quid sit ordo naturalis & a quo sit: Est autem a Deo, qui propterea dicitur Auctor ordinis naturalis, & nihil aliud est, quam talis rerum dispositio & continua diversorum effectuum existentia modo quodam constanti & uniformi, qui ab illius voluntate in omnibus & singulis numquam non dependet: Ergo Deus potest facere miracula. Antecedens qui negat, jam ex illis est, qui quod in corde suo dicit insipiens (2) *Non est Deus*, ille audacter ore etiam expromit.

132. III. Cum Trevoltianis (3) post Merlinum sic arguitur. Motus & ejus leges in materia sunt a Deo ut prima causa perfectissime libera; Nam materia est creata a Deo cum perfecta libertate, & est essentialiter iners: Ergo motus & ejus leges in materia mutari vel suspendi possunt pro libertate primæ causæ. Hæc enim libertas est perfectio ipsi essentialis: Sed miraculum est, quando motus & ejus leges in materia suspendantur vel immutentur: Ergo si motus & ejus leges in materia possunt mutari, etiam miracula possunt esse.

133. IV. Ideo per adversarios miracula non sunt possibile, quia
Deus

(1) De Mundo.

(2) Psalm. 13. & 52.

(3) Trev. ann. 1942. art. 41. pag. 1024.
Et ann. 1748. art. 50. pag. 1057.

Deus nequit quicquam facere contra leges naturæ necessarias & immutabiles : Sed falsum est leges naturæ esse necessarias & immutabiles : Ergo miracula sunt possibilia . Minor probatur , quia modi quidam operandi creaturarum constantes & uniformes sunt id , quod leges naturæ appellatur , quæ definitio utpote comprehendens omnem naturam creatam est longe melior , quam quæ ex dictis supra (n.118.) dicebat esse principia juxta quæ fiunt motus corporum . Hæ igitur leges non sunt necessariæ , sed essentialiter contingentes , nec sunt immutabiles , sed a perfectissima Dei libertate stabilitæ & perpetuo dependentes , neque sunt ut Spinoza asserit fatalis series rerum hujus universitatis , a quibus realiter Deus non sit distinctus , ut suadent omnia argumenta , quæ demonstrant existentiam Dei ut entis a se & causæ omnium quæ videmus .

134. V. Contra Malebranchem speciatim . Ideo ipso judice nullum aut fere nullum est miraculum aut esse potest , quia omnis vel fere omnis eventus est juxta leges generales , quas Deus sibi statuit : Sed nullus fortasse est eventus , de quo affirmari possit illum esse juxta leges generales habita ratione non solum ad ipsius immediatam causam , sed etiam ad alias mediatas : ergo sunt aut possunt esse miracula . Minor declaratur cum Arnaldo (1) per exemplum mortis Abimelechi filii Gedeonis occisi a femina saxo emissò supra caput ipsius , quod quidem juxta leges generales communicationis motus (2) *confregit cerebrum ejus* , & fuit ex proximis causis suæ mortis : sed quæ fuerunt remotiores causæ , ut jaculatio saxi eo momento temporis , quo ille transibat sub turri , nequit dici fuisse juxta leges generales : certe mors ipsa teste Sacra Scriptura fuit in poenam scelerum ipsius . Igitur cum similiter eventus physice boni aut mali , quibus in hac vita afficimur , ex Divina Providentia mundi moderatrice nonnullam connexionem habeant cum nostris actionibus moraliter bonis aut malis ad earum præmium sive supplicium , nemo confidenter decernet hunc vel illum esse juxta leges generales .

AR-

(1) Arn. Reflex. sur le syst. de la Nat. & de la Grac. li.1. ca.1.

(2) Judic. ca.9. v.53.

ARTICULUS III.

Objectiones.

135. I. **O**bjicitur. Possibilitas miraculorum arguit voluntatem Divinam esse mutabilem, & mundum non habere connexionem in omnibus quæ in ipso accidunt, nec rationem unius effectus dependere ab omnibus aliis a principio mundi præcedentibus: sed hæc dici non possunt: ergo neque dici potest miracula esse possibilia.

Resp. *nego primam partem maj.* Nam Deus ab æterno non solum decrevit hunc rerum ordinem pro rebus a se creatis, quem dicimus ordinarium generalem communem. sed etiam interruptionem hujus ordinis pro certis circumstantiis sibi a tota æternitate cognitis. Quare inquit S. Thomas, (1) *Deus sic rebus certum ordinem indidit, ut tamen sibi reservaret, quod ipse aliquando aliter ex causa esset factururus.* Unde cum præter hunc ordinem agit non mutatur, Idemque alibi docet (2). Et concessa secunda majoris parte, hanc ipsam nego in minori; Nam falso omnia quæ accidunt in mundo asseruntur esse inter se ita connexa, ut constituant seriem effectuum, quæ successive evolvitur. Hanc objectionem, quæ antiqua est, ut constat ex allata S. Thomæ doctrina, renovavit Spinosa apud Calmet (3) & Lambertinum (4), & iterum alii promoveant apud Nonnotem diversis verbis, in quibus ipse (5) ostendit nihil præter verborum sonitum inveniri.

136. II. Objicitur a Spinosa. Miraculum est quid excedens cognitionem nostram, & deducens nos in cognitionem existentiae Dei, vel alicujus sui attributi: Sed impossibile est id, quod excedit cognitionem nostram deducere nos in ullius rei cognitionem; Nam ex illo, quod excedit cognitionem nostram nihil potest inferri: ergo impossibile est miraculum.

Resp. *dist. primam partem maj.* Miraculum excedit cognitionem nostram quantum ad modum, quo per virtutem Divinam existit *conc.* quantum ad existentiam sui, & quidem per virtutem Divinam, *nego* hanc partem, & etiam minorem cum ipsius probatione juxta datam distinctionem.

137. III. Objicitur a nescio quo incredulo apud Diariam Literato-

(1) S. Tho. 1. par. qu. 105. art. 6. ad 3.
(2) Id. Quæst. disput. de Mirac. qu. 6.
art. 1. ad 6. Et lib. 3. cont. Gent.
ca. 22.

(3) Cal. Diss. de veris fidei. prodig.
(4) Lamb. ubi alias ca. 1. nu. 10.
(5) Nonn. Dicti. Phil. art. Miracul. 1.
entret.

ratorum Pisinum (1). Miracula se habent in ordine naturali, sicuti se habent mendacia in ordine morali; *Nam miracula sunt violatio ordinis moralis: sed mendacio non est credendum: ergo neque miraculis.*

Resp. *nego assumptum*, quod quam falsum sit statim intelliget qui subsumat, sed mendacia sunt peccata: ergo etiam miracula sunt peccata: de qua conclusione utpote aperta stultitia credo equidem nullum incredulum unquam somniasse. Venio ad probationem, ipsiusque primam partem sic distinguo, Miracula sunt violatio, hoc est suspensio vel exceptio ordinis physici facta a Deo Authore hujus ordinis, quæ cum ipsius dominio optime cohæret, ipsumque magis manifestat, & nulli ex suis attributis repugnat, *conc.* hanc partem. Miracula sunt violatio, hoc est quid vituperabile commissum contra ordinem physicum, *nego* hanc partem. Quoniam nomen violationis importat communiter secundum potius sensum, quem dicas proprium, quam primum, necessariam reddit hanc distinctionem, sicuti contra Humem, qui miraculum definivit transgressionem legum naturæ supra (n. 110.) jam notavi: Et venio ad secundam partem. Mendacium est violatio ordinis moralis, & quidem proprie dicta, quæ in Deo Authore hujus etiam ordinis essentialiter repugnat, & in creaturis, in quas solum cadere potest, opponitur legi ab eodem Authore latæ, quæ hujus moralis ordinis violationem prohibet, *conc.* *secus nego* hanc partem. Igitur Adversarii se & alios conantur decipere, dum in explicatione tam miraculi quam mendacii vocabulo violationis utuntur, quod est æquivocum, cum in miraculo significet suspensionem ordinis naturalis, qui liber est Deo hujus ordinis Authori, in mendacio vero significet culpam.

138. IV. Objicitur. Impossibilia sunt quæ involvant contradictionem: sed aliqua quæ admittuntur miracula involvant contradictionem: ergo hæc saltem sunt impossibilia. Minor probatur. In miraculis numerantur apparitiones vel Angelorum vel mortuorum, horumque cum hominibus colloquutiones, hoc est visiones spirituum, qui corpus numquam habuerunt, vel animarum, quæ cum corpore amplius non sunt conjunctæ, & tamen nunc cum apparent, corpus habent & vestes & os & linguam qua loquuntur, quæ est aperta contradictio. Similis contradictio palam exat, dum dicitur aliquis in supernaturali a sensibus alienatione vulgo ecstasi vidisse & audisse, quæ alibi in remotis locis sunt, imo quæ nullibi sunt, prout visa aut sensibus usurpata dicuntur, ut cum narratur auditi Angelorum concentus, & visi Beati vestibibus ornati præfulgentibus.

Resp.

(1) Giorn. tom. 5. art. 3. pag. 88.

Resp. *conc. maj. & nego min.* Ad probationem concedo fieri apparitiones & visiones Angelorum & defunctorum sub specie humana, ut frequentes Sacrarum literarum narrationes testantur: sed nego ullam ex iis inferri posse contradictionem; Nam hæ propositiones, quæ inde nascuntur, Angelus & defunctus non habent corpora sub specie humana, quæ sibi substantialiter uniantur, hoc est eo modo, quo anima hominis vivi est unita cum ejus corpore, & Angelus ac defunctus habent corpora sub specie humana, quæ sibi non uniuntur substantialiter, nullo modo sunt contradictoriæ, ut nemo non videt. Hæ autem sunt propositiones, quæ unice habent locum, dum sermo est de apparitionibus factis a spiritibus sub specie humana, cujusmodi præter alias fuit illa Moyſis & Eliæ, quos Petrus Jacobus & Joannes circa Salvatorem in monte Thabor viderunt corporeis oculis, quandoquidem Petrus dixit Christo *Faciamus hic tria tabernacula*. Hæc itaque corpora formata sorte ex aere, ut communiter Theologi tenent, non erant in unum compositum substantiale cum ipsis spiritibus unita.

139. Multo minus contradictoriæ sunt hæ duæ propositiones Angelus & defunctus non habent corpora realia sub specie humana, & Angelus & defunctus habent corpora aerea seu imaginaria sub specie humana. Atque hæ sunt propositiones, quæ affirmantur, dum sermo est de apparitionibus factis in somno vel ecstasi, & dici etiam possunt de illis extra somnum contingentibus, cujusmodi pariter plures Scriptura commemorat. Sicuti enim qui illusionibus phantasiæ subjicitur, & qui somniat, videt aut montes aut fluvios aut homines aut alia quæ non sunt in re, sed solum in imaginatione, ita necesse non est, ut Angeli & defuncti, qui hominibus sive vigilantibus sive dormientibus quovis modo apparent sub specie humana, habeant realia corpora. Exemplum est S. Augustini (1), quo hoc ipsum quod dicimus declarat. Omnis tandem anſa ad quærendas contradictorias sublata est, ubi solum affirmari potest, Angelus aut defunctus apparuit homini. eumque alloquutus est, quin sermo sit de apparentia sub specie humana. Posse enim id etiam evenire dicam cum Brancato (2) suaderi ex illo Joannis, (3) *Vidi animas interfectorum propter Verbum Dei, & clamabant voce magna*, & ex Apostolo narrante (4) se raptum in Paradisum audivisse arcana verba, sed nescire an hoc ipsum ipsi contigerit in corpore an extra corpus.

I

PRO-

(1) S. Aug. de Gen. ad lit. li. 11. ca. 4.

(2) Bra. de Mirac. nu. 634.

(3) Apoc. ca. 6. v. 9.

(4) 1 Corinth. ca. 12. v. 3.

PROPOSITIO II.

*Miracula fieri non possunt in confirmationem
ullius erroris.*

140. **P**ropositio est contra aliquos, de quibus meminit Franciscus Fevardentius in notis ad S. Irenæum (1), qui dubios se profitentur propter quorundam Patrum, & aliorum qui ibidem citantur auctoritatem, quam credunt esse in partem propositioni oppositam. Verum quando meminerimus miraculum sumi etiam in amplissimo sensu pro re admirabili, majus negotium non facesset nobis hæ auctoritates, quam illæ quæ possint obijci, ubi præstigiæ ipsæ circulatorum appellantur miracula.

ARTICULUS I.

Argumenta pro propositione.

141. I. **P**robatur. Christus Dn. prædixit miracula sequutura prædicationem Evangelii per eos, qui eidem credidissent, non vero per eos, qui errores seu repugnantia Evangelio, cui proinde non credunt, prædicaverint: (2) *Prædicato Evangelium. Signa eos qui crediderint sequentur*: Ergo temere dubitatur an in confirmationem erroris possint fieri miracula.

142. II. Idem Christus Dn., postquam testatus fuit Judæis, se esse filium Dei, urget illos ad credendum (3) *propter opera ipsa*, & alibi contra reluctantes dicit (4) *si opera non fecissem in eis, quæ nemo alius fecit, peccatum non haberent, nunc autem & viderunt & odorunt & me & Patrem meum*: Sed si miracula fieri possent in confirmationem erroris, hæ Christi Dn. argumentationes nullæ essent, quod nefas est dicere: ergo miracula fieri non possunt in confirmationem erroris.

143. III. Miracula sunt testificatio quædam Dei de aliqua veritate: ergo cum Deus non possit testificari falsum, miracula non possunt fieri in confirmationem erroris. Ans. probatur. I. ex Scriptura. In Psalmis miracula appellantur verba Dei, (5) *Posuit in eis verba signorum suorum & prodigiorum*. Marci ultimo dicuntur Apostoli prædicasse, *Domino sermonem confirmante sequentibus signis*. II.

ex

(1) Fev. ad li. 3. ca. 58.

(2) Marc. ca. ultimo.

(3) Joan. ca. 14. v. 12.

(4) Ibid. ca. 15. v. 24.

(5) Psalm. 104. v. 26.

ex Patribus. Satis sit S. Augustinus, qui dicit sicuti nos verbis loquimur, (1) *ita Divina Potentia factis loqui*. III. ex Doctoribus. Celebre est. quod Richardus de S. Victore Catholicorum nomine in hypothefi, quod falsa esset illorum fides dicit, (2) *Domine si error est, a te decepti sumus; Ista enim nobis sunt tantis signis & prodigiis confirmata, & talibus, quæ non nisi per te fieri potuerunt*. S. Thomas, (3) *Operatio, inquit, miraculosa est quoddam Divinum testimonium indicativum Divinae virtutis & veritatis*. Propter quam causam iterum iterumque dicit (4) *nullum contra Fidem facere vera miracula, & definire negat Spiritus nequam posse facere miracula, quia si illis (5) quorum est tota voluntas ad malum, ea potestas daretur, Deus falsitatis eorum testis existeret, quod Divinam Bonitatem non decet*. Idem alibi inquit, (6) *Per miracula creduntur ea, quæ dicuntur esse a Deo, sicut cum aliquis defert literas anulo Regis signatas creditur ex voluntate Regis processisse, quod in illis continetur*. Eadem sigilli similitudine non semel usus est Cornelius a Lapide (7), & Cardinales de Lugo (8), & Gotti (9); Baronius ad annum Christi 765. *Quid aliud, inquit, sunt vera miracula, quam vox calitis clamans*. Merlinus apud Trevoltianos (10) statuit miracula esse loquutionem Dei, qua populo loquitur, distinctam a loquutione, qua alicui privatim loquitur, & dicitur inspiratio, qua usus olim est cum Prophetis. Para definiit miraculam *interruptionem* (11) *legum naturæ factam in testimonium veritatis aut virtutis*. Trevoltiani (12) vellent in ipsa notione miracali exprimeretur esse enunciationem numquam non conformem Legi naturali & Religioni revelatæ. Mitto alias ejusdem doctrinæ significationes diversis modis ab aliis traditas. His addatur consuetudo Sedis Apostolicæ, quæ in Causis Canonizationis exigit miracula, quia inquit Auctor compendii operis Lambertini de Beatificatione (13) *ex miraculis alicujus intercessione post obitum a Deo editis ad ejusdem Sanctitatem patefaciendam Sanctitas ipsa comprobatur*.

144. IV. Patres expressè negant hæreticos posse facere miracula, ac ita generaliter loquuntur, ut dicas eos negare hæreticis potestatem faciendi miracula etiam in confirmationem veri dogmatis,

I 2

- (1) S. Aug. epist. olim 49.
- (2) Rich. de Trin. li. 1. ca. 2.
- (3) S. Tho. de Potent. qu. 6. art. 5. O.
- (4) Id. 2. 2. q. 178. ar. 1. ad 3. Et lec. 2. in 2. ad Theffal. Et quodli. 2. q. 2. art. 6.
- (5) Id. quæst. disp. q. 6. de Mirac. ar. 5.
- (6) Id. 3. par. qu. 33. art. 1. O.
- (7) Lap. can. 6. ante comment. in E-

- vang. Joann. Et in Matth. cap. 7. ad v. 2.
- (8) De Lugo de Fide dis. 2. sec. 1. n. 24.
- (9) Got. Theol. to 10. dub. 6. §. 6. n. 129.
- (10) Trev. ann. 1742. ar. 4. pag. 1037.
- (11) Par. Elem. de Metaph. nu. 11.
- (12) Trev. ann. 1751. ar. 117. p. 2393.
- (13) Comp. li. 4. p. 1. ca. 7.

matís. Et quidem jure; Nam imprimis ad habenda miracula per aliquem ita ut appareat ipsum esse aliquo modo illius causam, requiritur ut bene probat Brancatus (1), Fides supernaturalis, qua Hæretici carent, qui eo ipso quod in uno etiam articulo infideles sint, Fidem amiserunt. Deinde siquod miraculum quis illorum faceret pro vero articulo, daretur ansa rudibus credendi etiam iis, quæ contra Catholicam Fidem doceret: ergo in confirmationem erroris non possunt fieri miracula. Antecedens verum esse compertiet, qui meminerit celebre S. Augustini effatum, (2) *Multa sunt, quæ in Ecclesia gremio teneant... tenet autoritas miraculis inchoata*, quæ proinde miracula apta ad persuadendum non agnosceat extra Ecclesiam, quemadmodum clarius alibi exprimit dicens contra hæreticos, *Miracula non facitis, quæ si faceretis etiam ipsa caveremus per instruendum nos Dominum, Exurgent Pseudopropheta, & faciant signa & prodigia ut fallant*: atque cum his non semel comparat (3) quæ scelerati exhibeant miracula. Mitto alias ejusdem (4) & aliorum Patrum in hanc rem propositiones, ut S. Clementis Romani (5), & S. Irenæi (6), qui ad præstigias, & quamdam cæcitatem mentis eorum, qui illas non animadverterent, reduxit miracula, quæ impii ad confirmationem doctrinæ falsæ jactabant.

145. V. Probatur ex ipsamet confessione hæreticorum, & quovis modo errantium. Illi enim, qui jam extiterunt, & adhuc sunt, si de re ipsorum sit conservare errores suos contra veritatem, vel alios errores, quos in eorumdem detrimentum quis tentet disseminare, postulant miracula tamquam veræ & legitimæ doctrinæ argumenta. Sic Lutherum fecisse contra Thomam Muncerum docet Ræmundus (7). In quo videas, quam parum sibi cohæreant. qui dum urgentur a Catholicis proferre miracula pro sua secta, cum conscii sint nulla unquam extitisse, & nulla unquam fore, dicunt miracula jam esse inutilia.

146. VI. Probatur a posteriori. Plerique hæresiarcharum tam certi erant de impossibilitate ut miracula pro suis erroribus fierent, ut ne finxerint quidem hæc vel a se vel ab aliis secum sentientibus facta esse. Hoc certe non legitur neque de Jo: Wiclefo Anglo Presbytero, dum suos errores promulgaret damnatos in Concilio Constantiensi anno 1414. ab ejus morte 27., neque de Jo: Hus Boehemio, neque de hujus adjutore Hieronymo Pragensi, cum Sæculo XV. Val.

(1) Bra. de Mirac. nu. 997.

(2) S. Aug. contr. Epist. fundam. c. 4.

(3) Id. lib. 3. Quæ. qu. 79. Et lib. 2. de Serm. Dom. in monte ca. 40.

(4) Id. in Joan. tr. 13. & 14.

(5) Cle. Recognit.

(6) S. Iren. contr. hæres. li. 1. ca. 13. Et li. 2. ca. 56.

(7) Ræm. de Ort. her. li. 2. c. 1. n. 9.

Valdensium & Wiclefistarum hæreses ab eodem Concilio in ipsis damnatas renovabant, neque de aliis multis Doctrinæ Catholicæ corruptoribus. Ex iis autem sive Ethnicis, sive Hæreticis, qui id quamaxime exoptabant, nemo unquam quocumque conatu potuit miraculum ullum patrare, quo populis probaret veram esse religionem seu hæresim suam, aut suaderet non esse absolute certam Fidem Catholicam: immo ne ea quidem aliquo modo mirabilia potuerunt a Dæmone obtinere, quæ illius vim non excedebant, quoties ex circumstantiis planum erat expeti, ut argumentum veræ Fidei.

Legi possunt (1) quanta nequicquam fecerint quadringenti & quinquaginta viri, qui prophetæ Baal dicebantur, ut ab hoc idolo seu Dæmone illud inhabitante obtinerent ignem ad consumptionem victimæ sibi oblatae, provocante Elia, qui parem victimam vero Deo paraverat, ut per hoc sensibile argumentum, quod certe non erat supra potestatem Dæmonis in aliis circumstantiis, dignosceret tandem seductus Israel, qui esset verus Deus adorandus. Habemus in Actis Apostolorum, quod cum filii Scevæ vel contemnentes vel nescientes dictum a Christo, (2) *qui crediderit, in nomine meo Dæmonia ejiciet*, ipsi in Christum non credentes & Judicæ legis tenaces tentaverint ea ejicere ab homine in nomine Jesu clamantes, (3) *Adjuro vos per Jesum, quem Paulus predicat, homo in quo erat Dæmonium pessimum invaluit contra eos ita ut nudi & vulnerati effugerent*. Notum est paganos numquam abegisse virtute suorum Deorum ullum Dæmonem ab obsessis, quo discessu nihil re absolute considerata facilius, & nihil opportunius ad promovendam Idololatriam, adeoque damnationem, cui mali Dæmones tantopere student. Sed cum ex vi præmissæ invocationis Deorum seu adjurationis hic discessus acciperetur pro signo veræ Religionis, redditus fuit ipsis impossibilis, sicuti observarunt SS. Justinus, & Antonius apud Richeomem (4).

147. Venio ad hæreticos. Ab his nullum unquam factum miraculum Joseph Binghamus unus ex ipsis ingenue fatetur, & late etiam (5) ostendit. Et quidem de Manete Sæculi III. monstro author est S. Epiphanius (6), quod cum nequicquam sanationem filii Regis Persarum procuraverit, sicuti in se receperat certo facturum, jubente Rege crudeliter interfectus obiit. De Episcopo Ariano narant Gregorius Turonensis (7), & Baronius ad annum 484., quod cum

(1) Reg. li. 3. ca. 18.

(2) Mar. ca. 16. v. 17.

(3) Act. ca. 19. v. 19.

(4) Rich. des Miracl. c. 41.

(5) Bin. Orig. antiq. Eccl. ca. 5. §. 7.

(6) S. Epiph. hæres. 66.

(7) Greg. Hist. Franc. li. 3. ca. 3.

cum in suæ hæreseos confirmationem vellet visum restituere homini ad cæcitatē simulationem inducō pacta pecunia aureorum quadraginta, simul ac coram Leovigildo Visigothorum Rege ad illum accedens & manus imponens dixit *Fiat tibi secundum Fidem meam*, subita ille cæcitate acerboque oculorum dolore oppressus totam fallaciam coactus fuit declarare. S. Jo: Damascenus (1) irridet Mahometem, qui Lunam in duas partes a se divisam dixerit. Nec minus ridicula sunt alia ejusdem miracula, de quibus meminit Csapodius (2), & usque ad decem numerat Cornelius a Lapide (3), ut nihil dicam de ejusdem revelationibus & vaticiniis, quæ quivis cum Pluche (4) facile agnoscat esse inepta mendacia & commenta chimærica. Hæc ignoravit Locke (5), aliter non dixisset a Mahomete nullum umquam miraculum in confirmationem suæ Religionis fuisse venditatum. Nihilominus parum hic impostor sollicitus revera fuit de miraculis, qui sæpe in Alcorano, libro scilicet in quo ipse vel per se vel per alios dogmata & leges suas perscripsit, proficitur se non fuisse misum, ut miracula operaretur, sed ut vi armorum Religionem propagaret.

148. Monachus Polychronius Monothelita cum ageretur Concilium Constantinopolitanum III. coram eo veniens dixit se ibi in omnium conspectu ad vitam revocaturum mortuum, ut pateret veritas suæ fidei de una dumtaxat voluntate in Christo. Recepta a Concilio oblatio: sed cum non potuisset allatum mortuum suscitare, dejectus cum derisione fuit, (6) *quomodo namque*, inquit citatum Concilium *esset possibile blasphemantem in Deum virtutes operari?* Walemburgeses apud Lambertinum (7) pessundant Calvinistas, qui celebrem stellam, quæ anno 1572. apparuit in Cathedra Caspioeæ, & paulatim intra triennium evanuit, ausi sunt edicere prodigium esse in approbationem suæ a Fide Catholica decessionis. Martinus del Rio (8) mendacem demonstrat esse Gulielmum Trokerum, qui Elisabetham Angliæ Reginam integro libro conatus est suadere præditam fuisse gratia sanandi strumas. Remundus (9) refert insamiam, quam sibi conciliarunt Lutherus & Calvinus, primus quidem, quia Dæmonem ab obsessa ejicere aggressus Wittembergæ ann. 1554., tandiu tamquam trochus per totum cubiculum sub continuis verberibus a Dæmone circumactus fuit, donec perfracta tandem ab amicis porta semianimis evasisit: in quo renovatum

(1) Dam. de centum hæres. in fine.

(2) Csa. Relig. revel. nu. 163.

(3) Lap. in Apoc. ca. 13. v. 11.

(4) Plu. Spect. de la natu. to. 8. par. X.

Demonst. Evang. ca. 2. §. 2.

(5) Loc. sur les miracl.

(6) Conc. Const. act. 15.

(7) Lam. ubi alias ca. 3. nu. 20.

(8) Rio Disq. Mag. li. 1. ca. 3. qu. 4.

(9) Rem. de Ortu hæres. li. 3. ca. 11. n. 5.

tum fuit exemplum filiorum Scevæ (n 116.) : Secundus vero, quia volens excitare Brulæum quemdam, quem ipse spe lucri ac pecuniæ persuaserat, ut se mortuum fingeret, mortuum revera invenit. Hanc historiam, inquit Pamelius (1) *ocularis testis Hieronymus Belsi in vita ejus descripsit*, eandemque ab Hæreticorum oppositionibus vindicat Card. Gotti (2), & fusius exponit Jo. Stephanus Menochius (3) ex alia Calvinii vita scripta a Jacobo Lainger Doctore Sorbonico. Idem accidisse pariter Cracoviæ alteri ad similem fraudem inducto per prædicantem quemdam Calvinistam narrant varii apud Remundum. Quamobrem observante citato Pamelio ad litteram intelligi potest, quod Tertullianus in sua Apostolorum cum Hæreticis comparatione dixit, *Agnosco maximam virtutem (hæreticorum) quia Apostolos in perversum emulantur; illi enim de mortuis vivos faciebant, isti de vivis mortuos faciunt*.

149. Allatis exemplis, & aliis apud Malvendam (4), Theophilum Raynaudum (5) & Fevardentium (6) addantur illa tot hypocritarum, quorum celebrata aliquamdiu miracula, ut facta in testificationem Sanctitatis, quam non habebant, publica tandem autoritas deprehendit simulata, & in ipsorum ignominiam convertit. Videri etiam possunt de hoc argumento Bellarminus (7), Pichler (8) & Dauroultius (9).

ARTICULUS II.

Objectiones ex Sacra Scriptura.

150. I. **O**bjicitur. Miracula fuerunt, quæ Magi in Ægypto-
coram Pharaone fecerunt, virgas scilicet in Serpentes & aquas in sanguinem commutare, & ranas producere : Atqui hæc miracula erant in confirmationem erroris, quod Moyſes non esset misus a Deo ad Pharaonem, vel facta fuerint a Spiritu nequam ut communiter Interpretes tenent, & fatiſ significat Scriptura (10) dicens de singulis, quod ea fecerint malefici Ægyptiorum incantationibus suis, & nuper tenent etiam Clarke (11), Cudworthius (12), & Moshemius (13) : vel facta fuerint ab ipſo Deo ut iterum

(1) Pam. in li. de Præscript. Tertull. ca. 30.

(2) Got. de Eccles. to. 1. ca. 2. §. 6.

(3) Men. ituoze par. 3. ca. 8.

(4) Mal de Antichr. li. 7. ca. 15.

(5) Ray. Theol. nat. diſ. 4. qu. 4. ar. 6.

(6) Fev. in li. 2. Irenæi ca. 76.

(7) Bell. de Ecclesia li. 4. ca. 14.

(8) Pich. Theol. polem. par. 1. cont. 3. ca. 2. art. 5.

(9) Daur. Flores exempli. ca. 1. tit. 14.

(10) Exod. ca. 7.

(11) Cla. Relig. natur. & revel.

(12) Cud. system. Intellect. ca. 5.

(13) Mosh. not. ad Cudworthium.

rum iterumque censet præter Fleetwoodum, ut supra (n. 108.) adnotavi, Jaquelotius dicens (1) *Moyſes fecit miracula coram Pharaone, ſed Deus permittit, vel potius ipſemet fecit miracula ad verba magorum: ergo.*

151. Reſp. *nego maj.* ex rationibus allatis in definitione miraculi. Quod pertinet ad auctores, qui citantur in minori tamquam exiſtimantes miracula fuiſſe, quæ operati ſunt Jannes & Mambres, ſic enim juxta Apoſtolum (2) vocabantur Magi Pharaonis, illos non moror, quia aptam miraculi notionem, qua ipſum a re admirabili ſecernerent, non habuerunt: & multo minus illos, qui Deum ipſorum authorem dixerunt contra Scripturam, ejusque probatos interpretes. De Fleetwodo qui idem ſenſit, & aliunde faſsus eſt Deum non poſſe facere miracula in confirmationem erroris ſpeciatim adverto ipſum huic difficultati, quam ſibi creavit, primo quidem reſpondiſſe hominis non eſſe invenire rationem omnium, quæ Deus faciat: At hæc reſponſio non eſt opportuna, tum quia peccat falſa ſuppoſitione, quod Magorum miracula eſſent vera, & Deus illa fecerit: tum quia totam miraculorum vim infringit, & nulla jam amplius apparet eorum utilitas. Secundo reſpondit Deum ea feciſſe per Magos, ut agnoſceretur ipſius dominium in res omnes creatas. At hæc reſponſio iterum importuna eſt; Nam neque Magi per incantationes & invocationes Dæmonum hæc operantes ad obſcurandam & repudiandam veritatem de Divina Moyſis miſſione, neque alii ſpectatores, qui ad finem oppoſitum illi propter quem operabatur Moyſes credebant hæc fieri a Magis, poterant in iis & per ea cognoscere verum Deum & ipſius dominium. Tertio dicit eventum comprobaffe per ea, quæ Magi fecerunt, manifeſtam fuiſſe Moyſis miſſionem; Nam magi ipſi faſſi fuerunt digitum Dei eſſe in operationibus Moyſis. Ab hæc reſponſio eſt prorsus nulla, tum quia nodum ab eo implexum non ſolvit de impoſſibilitate ex una parte miraculorum in confirmationem erroris, & exiſtentia ex alia parte miraculorum directe tendentium ad negandam miſſionem Moyſis: tum quia Magi non per ea quæ fecerunt, ſed per ea, quæ non potuerunt facere agnoverunt Deum in operationibus Moyſis. Quartum excogitavit effugium Clarke, qui vult recurrendum ad numerum & ſplendorem miraculorum, quæ pro ſua providentia Deum dicit numquam permiſſurum, ut pro vero dogmate deſint. Sed Cſapodius hoc occludit (3), quia admiſſa po-teſtate in Dæmone faciendi vera miracula, vel neſcias quæ ſint ſplendida, vel ſi ſplendida ſunt, quæ ſuperant vires ipſas Dæmonis,

(1) Jaq. Exiſte. de Dieu. Diſſ. 4. Et
Conformi. de la Foy. pa. 2.

(2) 2. ad Timoth. ca. 3. v. 8.

(3) Cſa. Reliq. revela. li. 1. nu. 84.

nis, jam dicendum erit alia, quæ ab ipso Dæmone aliquo modo patrari possunt, numquam debere a Deo usurpari in testimonium alicujus veritatis, quod non admittitur.

152. Instant. Quæ fecerunt Magi Pharaonis, ut Moyses missionem non esse a Deo ostenderent, non differunt ab iis, quæ ad eam suadendam fecerunt Moyses & Aaron: sed hæc fuerunt miracula: ergo & illa.

Resp. nego maj. Differentiam fuisse inter utraque, & quidem conspicuam ipsis Ægyptiis spectatoribus, satis declarat Apostolus, qui (1) reprobos circa fidem comparans cum his magis dixit, *insipientia illorum manifesta erit omnibus, sicut & illorum fuit*. Si enim omnibus manifesta fuit Magorum insipientia, manifestam necesse est fuisse differentiam in iis, quæ Moysis miraculis Magi opposuerunt. Quæ nunc nobis se prodit differentia, est primo in qualitate. Nam serpens Aaronis devoravit serpentes Magorum. Et (2) *aqua Ægypti, & fluvii eorum & rivi ac paludes & omnes lacus aquarum sanguis evaserunt ad motum virgæ juxta Moysis imperium*: Sed quæ fuerit quantitas aquæ commutatæ in sanguinem a magis non dicitur. Profecto necesse est fuerit modica aliqua portio hausta ex puteis, quorum aquæ non fuerunt (3) in sanguinem convertæ. Ranæ tandem ad nutum ejusdem virgæ (4) *operuerunt terram Ægypti*. Sed quot fuerint productæ a Magis non dicitur. Quare nescio quo fundamento Brancatus dicat (5) *ranarum in maxima copia productionem in tota terra Ægypti factam a Magis*. Hoc præterea novimus ranas omnes evanuisse, sicut cætera etiam flagella cessasse, quoties Moyses id a Deo postulasset ad preces Pharaonis, qui numquam ad magos confugit, quos numquam beneficos sed maleficos solum cognovit.

153. Deinde differunt numero. Nam Magi prima tria dumtaxat miracula Patriarcharum æmulati sunt (6), sed quartum, productionem sciniphum, non potuerunt efficere, sive hi fuerint culices, ut credit Dominicus Magri (7), sive pediculi, ut alii volunt apud Emmanuelem Sa (8), quos sequitur Prosper Aquila in Dictionario portatili Biblicorum (9), quod e Gallico reddens Italicum amplificavit: nec aliud quicquam dicitur ab iisdem effectum, & ulceribus (10), ac reliquis cum populo plagis subjecti representantur.

K

Tan-

(1) 2. ad Timot. c. 3.

(2) Exod. c. 7. v. 19.

(3) Ibid. c. 7. v. 24.

(4) Ibid. c. 8. v. 7.

(5) Bran. de Mirac. nu. 716.

(6) Exod. c. 7. v. 8.

(7) Mag. Voc. Ecclesiæ. ar. Ciniphe.

(8) Sa. Notati. in scrip.

(9) Aqu. art. Maghi.

(10) Exod. c. 9. v. 10.

Tandem differunt modo. Nam Magi ad invocationes Dæmonum & incantationes dicuntur confugisse. At Moyses describitur exequens imperium Domini eidem datum singulis vicibus, & Pharaoni Dei nomine prænuntiandum pro definito tempore cum ea autoritate & confidentia eventus, quæ propria est Prophetæ Domini. Quare tam certus erat Pharaon de virtute divina in plagis sibi & regno suo infligendis, ut numquam venerit illi in mentem cogitatio, quam J. J. Rousseau in alias citata sua epistola eidem vellet venisse, quod Moyses & Aaron essent Magi præstantiores suis, & cum taederet malorum quæ patiebatur numquam eos rogaverit dicens, tollite hæc a me, sed (1) *Orate Dominum ut auferat*. Præterea eadem Scriptura significat miracula Moysis repente extitisse ad nutum virgæ, quod non solum non significat de illis, quæ per magos facta fuerunt, sed potius negat dicens de singulis, quod (2) *Magi fecerunt per incantationes similiter*. In incantationibus enim apparet tractus temporis, & in similitudinis nomine imitatio quædam sed imperfecta.

154. Illis interea, qui quærant de modo, quo ea facta fuerint a Magis, non habeo quid certo statuam. Sunt qui cum S. Justino in quæstionibus, quas Gentium nomine Christianis proponit, dicunt Diabolum Magis suffragatum, immutasse oculos inspectantium, ita ut sibi viderentur videre serpentes ranas & sanguinem, quæ non erant: Sed S. Thomæ (3) non placuit hæc opinio & quidem jure; Nam dum hi tollunt unum miraculum, aliud adstruunt in hujusmodi immutatione oculorum tantæ inspectantium multitudinis. Eadem difficultas occurrit iis, qui dicant ut habet idem S. Doctor (4) hæc animalia vel fuisse ex aere conformata a Dæmoniis, vel per acceleratam virgarum aut alterius materiæ putrefactionem una cum immixtis in eam opportunis feminibus aliunde adveclis fuisse generata, quæ cæteroquin opinio non displicuit S. Augustino (5). Alii cum eodem S. Thomæ (6) agnoscunt veros serpentes, ranas, & verum sanguinem in magorum operationibus, sed hoc tribunt Diabolo, qui eadem aliunde advexerit pro sua celeritate & agendi dexteritate, similemque proinde illum faciunt circulatoribus. Quod hæc opinio Brancato (7) non placeat, fundatur in suppositione gratuita de subita & maxima copia ranarum per totam Ægyptum habita Magorum incantationibus, quod non.

(1) Ibid. c. 8. v. 8.

(2) Ibid. ca. 7. v. 11. & v. 21. Et ca. 8. v. 7.

(3) S. Tho. Quæ. disp. de Mirac. qu. 6. art. 5. ad 8.

(4) Id. 1. p. qu. 114. a. 4. ad 1.

(5) S. Aug. de Trin. li. 3. ca. 7. & 8.

(6) S. Tho. 2. 2. qu. 178. a. 1. ad 2.

(7) Bra. de Mirac. nu. 716.

non componitur cum requisito essentialiter tempore ad hujusmodi translationes. Plura dabit Calmet, qui in sua Dissertatione *De veris fictisque prodigiis* de hac re agit.

155. II. Objicitur. Facere ut ignis de Cælo descendat, ut statux loquantur, ut eurentur brevi plaga incurabilis sunt miracula: Sed hæc prædicit Scriptura facturum Antichristum, ut persuadeat incautis se esse Deum: ergo miracula possunt fieri etiam in confirmationem errorum.

Resp. *dist. maj.* Ea sunt miracula si fiant modo, quo non possunt fieri nisi a solo Deo, *conc. maj.*, secus *nego maj.* Minorem autem omitto, quia si sunt, qui ibi credant sermonem esse de Antichristo, de quo & ejus assēctis apud Matthæum dicitur, (1) *Surgent pseudochristi & pseudopropheta, & dabunt signa magna & prodigia*, sunt etiam qui id negant, & diversas allegorias ibidem agnoscunt, ut videre est apud Cornelium a Lapide, quos nuper sequitur Hooke (2), & *nego* tandem *consequ.* Scriptura enim loquens (3) generatim de prodigiis Antichristi, ea vocat mendacia; utpote ex jam dictis (n 100.) ad fallendum composita, eorumque falsitatem magis etiam declarabit par illud Sanctorum, qui communiter dicuntur fore Henochum & Eliam observante S. Augustino (4), quorum manus erit eo tempore veritates fidei testari, habebuntque ad hunc finem (5) *potestatem claudendi Calum, aquas convertendi in sanguinem, & percutere terram omni plaga quotiescumque voluerint.*

ARTICULUS III.

Objectiones ex Historia.

156. I. Objicitur. T. Livius (6) narrat Claudiam Vestalem in signum suæ pudicitæ movisse sua zona navim, qua simulacrum Matris Phrygiæ vehebatur, quod arena Tyberis hæserat, & conatibus hominum boumque resistebat. Valerius Maximus (7), Plinius (8), Dionysius Halicarnassæus (9), Tertullianus (10), & Minutius (11) aliam Vestalem Tucciam repræsentant aquam in cribro deportantem in signum pariter suæ pudicitæ: Sed hæc fuerunt miracula in confirmationem erroris omnium mai-

K 2

xim-

(1) Matt. ca. 24. v. 24.

(2) Hoo. Relig. nat. tom. 3. Diss. de Mirac. ca. 1.

(3) 2. ad Theff. c. 2. v. 9.

(4) S. Aug. de Civit. li. 19. ca. 29.

(5) Apoc. ca. 11. v. 6.

(6) Liv. lib. 39.

(7) Val. li. 8. ca. 1.

(8) Plin. Histor. li. 8. ca. 2.

(9) Dion. lib. 2.

(10) Tert. Apolog. ca. 22.

(11) Min. Octavius.

ximi Idololatriæ, præsertim cum Valerius referat Tucciam orasse in hæc verba, *Vesta si sacris tuis castas semper admovi manus, effice ut hoc cribro hauriam e Tyberi aquam, & in adem tuam perferam*: ergo etiam in confirmationem erroris possunt fieri miracula.

Resp. conc. maj & nego min. cum S. Thoma, qui de Tuccia loquens dicit potuisse hoc (1) *secundum naturalem virtutem Demonis contingere, quia sicut Demones possunt movere corpora localiter, ita possunt & a motu retinere*: vel quando quis dicat interfuisse miraculum, tunc dicendum est illud fuisse a Deo in commendationem virtutis, quemadmodum in commendationem pietatis erga homines, & reverentiæ erga Deum, (2) *Benefecit Deus obstetricibus Ægyptiis, quæ ipsum timentes non fecerunt juxta præceptum Regis, sed conservabant mares*.

157. II. Objicitur. Sozomenus refert Eutichianum e secta Novatianorum (3) *sanasse morbos, & facta ab eo mirabilia, ut virtute, quæ in vita ejus elucebat Constantinum familiarem & amicum sibi efficeret*.

Resp. Sozomenum dicere se hæc referre non tamquam a se visa, sed audita, quin a quo audierit, enunciet. Igitur nullius roboris ex hac parte est hujusmodi narratio. Accedit, quod cum palam Novatianorum erroribus faveat, primum est credere rumores etiam tenues, qui huic sectæ faverent, sequutum fuisse. Tandem attendi debent hæc S. Gregorii Magni verba, (4) *Sozomeni historiam Sedes Apostolica recipere recusat, quia in multis mentitur. Theodorum Mopsuestia nimium laudat, atque ad ultimum diem obitus sui magnum doctorem Ecclesiæ fuisse perbibet*, cum tamen noverimus hujus Theodori doctrinam, & personam damnatam deinde fuisse in Concilio Constantinopolitano secundo.

158. III. Objicitur. Donatistæ temporibus S. Augustini proferebant sua miracula. Nostra ætate de quodam Diacono nomine Paris, qui vixit in aperta hæreseos Jansenianæ professione, ita ut ultimis suæ vitæ annis ne præceptum quidem Ecclesiæ recipiendi in Paschate S. Eucharistiam impleverit, quemadmodum in ipsa ejusdem vita ab Jansenistis edita narratur, in eaque hæresi anno 1728. obiit utpote a decretis contra ipsam latis a Sede Apostolica appellans ad futurum Concilium, de hoc inquam homine multa narrantur miracula, & de ipsorum aliquibus extant decreta approbationis Episcoporum Antifiodori, & Montis Pessulani, & de omnibus vindiciæ Montgeronii, qui fuit supremæ Parisiensis curiæ consiliarius in suo Gallico opere tribus tomis comprehenso *Veritas miraculorum*,

(1) S. Tho. de poten. q. 6. ar. 5. ad 5.

(2) Exod. c. 11. v. 37. & 20.

(3) Soz. Histor. li. 1. ca. 14.

(4) S. Greg. lib. 6. epist. 31.

lorum, quæ facta sunt per intercessionem D. de Paris, & aliorum Appellantium demonstrata, edito partim anno 1737., & partim anno 1747.: ergo ad confirmationem etiam Schismatis & hæreseos extant miracula.

Resp. *dist. ans.* Et hæc miracula erant ficta *conc. ans.*, secus *nego ans & consequ.* Quæ jactabant Donatistæ, notavit jam S. Augustinus (1) ea esse *vel figmenta mendacium hominum, vel portenta fallacium spirituum*, quæ alibi (2) proinde comparat miraculis Simonis Magi & Magorum Pharaonis.

159. Quæ de Diacono Paride vel Parisio referuntur miracula ea duplicis generis sunt, alia quæ maleficia erant magna ex parte, quoniam a convulsionibus dependebant, quibus ad ejus sepulcrum correpti ipsius veneratores post plures incompósitos saltus, ridiculas oris contorsiones, ludicras brachiorum vibrationes, & indecoras totius corporis agitationes dicebantur valetudinem recuperare, prophetias edere, & alia admirabilia præstare, quæ tamen supra vires furioforum vel ceritorum non erant. Sed hæc non obijcient credo Adversarii utpote effectus vel furoris vel malorum Dæmonum, qui eos invadebant torquebant, & non raro ad turpia & manifesta scelera inducebant. Restant igitur alia, quæ beneficia prædicabantur, ut Sanationes. At hæc omnia vel conficta esse vel nihil supernaturalis in se habere compertum est, ut docebunt Franciscus Lafiteau (3), & Bergierus (4), & multi, qui de iisdem disferuerunt, in quibus sunt Ludovicus la Tasse, qui in suis Epistolis Theologicis omnia jactata ab Jansenistis miracula commentitia ostendit authenticis & legalibus documentis, Et Jo: Joseph Languet, contra quem protulit Montgeronius suam *Veritatem demonstratam*, sed quem Benedictus XIV. (5) *doctissimum* appellavit, & *pastorali flagrantem zelo*, qui cum esset Archiepiscopus Senonensis de illis edidit anno 1734. Documentum Pastorale, in quo copiose & distincte aliqua, quæ vehementius & confidentius obtrudebantur, plane demonstrat falsa ex parte vel morbi vel sanitatis vel testium vel ex omni simul parte, & in his meminit expresse de juridicis argumentis, quibus jam ab anno 1731. Archiepiscopus Parisiensis confictum declaravit miraculum de Anna quadam Le Franc paupere femina a cæcitæ & claudicatione aliisque malis liberata post novendiales supplicationes habitas ad sepulcrum infelicitis Diaconi. Hoc enim unum ex multis prudentissimus Præfatus examini juris ordi-

(1) S. Aug. de Unit. Eccl. c. 16.

(2) Id. tr. in Jo. 13. nu. 17.

(3) Lafit. Hist. de la Constit. Unigen. lib. 6. ann. 1731.

(4) Berg. Confut. dell' esame. p. 1. c. 6. num. 3.

(5) Bened. de Festis li. 1. c. 5. n. 5.

ordine servato passus fuit subjacere, utpote maxime pervulgatum, ac celebratum a sectariis, ut crimine ab uno etiam imbecilli arguerent similia in aliis esse, quemadmodum pro certo habebant veri fideles sine illo prævio examine ex regula generali, quod nequit esse nisi falsitas & vitium in iis, quæ quis objiciat ad repugnandum sententiis Ecclesiæ Catholicæ, cui infallibilitas promissa est juxta illud, qui (1) *Ecclesiam non audierit, sit tibi sicut ethnicus & publicanus*.

160. Quidam etiam ex Protestantibus hæc Parisii miracula irriserunt, ut de Veux, cujus tamen liber propter interpersos errores in albo librorum Romæ prohibitorum adscriptus est: Et Georgius Campbell, qui adhibens pleraque ex regulis supra (n. 80.) stabilitis pro dijudicando miraculo in sanationibus, omnes ab hac dignitate excludit (2), in hoc solum nescio quomodo errans, quod hæc Schismaticorum commenta atque mendacia collocet in numero miraculorum, quæ ab Ecclesia Romana sunt approbata. Utraque tandem potestas sacra & civilis, Ecclesiastica & Regia Parisii miracula obrudentibus tamquam hominibus hæretico inflammatis furore sese semper opposuerunt, ut narrat Lambertinus (3).

161. Quod pertinet ad decreta Episcoporum Antissiodori & Montis Pessulani Sedes Apostolica & alii Galliarum Episcopi ea proscripserunt dolentes de ipsorum a se separatione, quippe additi aperte fuerunt Schismaticorum partibus, ut satis intelligitur etiam ex Anonymo earumdem partium fautore, qui *Dictionary Auctorum Ecclesiasticorum* valde imperfectum composuit, quod Italice prodiit Venetiis anno 1771. ad articulos Caylus & Colbert. De Montgeronio tandem dico, ejus auctoritatem nullam esse, utpote hominis primum Deistæ, deinde Janfenistæ, qui propterea a Curia Parisiensi expulsus in carcerem etiam detrusus fuit.

162. IV. Objicitur. Auctor quæstionum, quæ cum operibus S. Justinii conjungi solent, qui etsi de multis accusetur erroribus, nihilominus non potest non audiri in narratione facti, cujus ipse, qui quarto sæculo vivebat, testis cum aliis videtur fuisse. Ipse itaque quæstione 100. quærit, cur in Ecclesiis occupatis ab Hæreticis fiant miracula, quæ jam contingebant cum pertinerent ad Orthodoxos: ergo ex testimonio hujus Auctoris miracula habebantur etiam per hæreticos, sive in confirmationem eorum hæresis.

Resp. *conc. ans*, & *nego consequ.*, quæ est aperte contraria iis, quæ deinde ipsemet dicit respondens quæsito nulla miracula fieri ab

(1) Matt. ca. 18. v. 17.

(2) Cam. A. diss. of mirac. p. 1. sec. 5.

(3) Lam. ubi alias c. 7. nu. 10.

ab hæreticis , sed (1) *qui divina miracula in Ecclesiis edunt . sanctos esse Apostolos & Prophetas & Martires* . Responso est tam obvia , ut mirum sit quonam modo nasci potuerit hæc quæstio . Nec quod ea miracula fierent a Sanctis in Ecclesiis occupatis ab hæreticis , haberi potest pro suffragio ipsorum errorum , quandoquidem hæc non dicuntur petita ad eorum confirmationem , quos fortasse qui ea impetrarunt penitus ignorabant , vel de iis tunc non cogitabant .

ARTICULUS IV.

Alia objectiones .

163. I. **O** Bjicitur . Si fierent miracula vera ad falsas reliquias , ea confirmarent errorem habendi pro reliquiis aliqujus Sancti , quæ non sunt hujusmodi : Sed fiunt vel possunt fieri vera miracula ad falsas reliquias : ergo fiunt vel possunt fieri miracula ad confirmationem erroris . Minor est sententia multorum , in quibus Mabillonius dicens (2) *fieri posse vera miracula ad falsas reliquias ob fidem ac pietatem eorum , qui eas veras credunt* , & citat pro se Guibertum abbatem , cujus tamen verba , quæ recitat , non nominant miracula , sed loquuntur de sola impetratione alicujus rei , quam quis petit a Deo per eum , quem credit Sanctum , cum non constet esse Sanctum .

Resp. *dist. maj.* Si fierent vera miracula ad falsas reliquias , quæ expeterentur ad judicandum de veritate illarum reliquiarum , ea confirmarent errorem , *conc. maj.* si fierent miracula ad falsas reliquias , quæ expeterentur ad gloriam dandam Deo in eo Sancto , cujus falso quidem , sed bona fide creduntur reliquæ , ea confirmarent errorem , *nego maj.* Et eadem distinctione accepta minori *nego consequ.* Auctores citatos ex ipsis eorum verbis potest satis apparere non prodesse objicienti .

164. II. Objicitur S. Irenæus docet (3) *errorem hæreticorum per illa (miracula) nibilo magis confirmari , quam si impietatem Gentium , ideo quod Sol oritur in eos , Deo aliquis gratam putet* . S. Ignatius Martyr hæc habet , (4) *Quisquis dixerit præter illa , quæ statuta sunt , etiamsi signa faciat , etiamsi prophetet , tibi lupus censetur sub ovis pelle ovium corruptionem moliens* : ergo juxta hos patres miracula fieri possunt etiam ab Hæreticis in confirmationem suorum errorum .

Resp.

(1) Just. Append. par. r.

(2) Mabill. Eusebii Romani Epistola. nu. 18.

(3) Iren. cont. hæres.

(4) S. Igna. Epist. ad Hieronem 10.

Resp. conc. *ans & nego consequ.*, quæ non descendit. Nam illa dicta sunt per hypothese[m] impossibile[m]. Sic ex eo, quod Apostolus dixerit, (1) *Licet nos aut Angelus de Cælo evangelizet vobis præterquam quod evangelizavimus vobis, anathema sit*, numquid possumus inferre, ergo Apostolus sibi aliquando contradixit, vel Angeli de Cælo eidem contradixerunt? Aliter etiam excipi potest consequentia distinguendo a veris miraculis falsa, qualia erunt, quæ fiunt a Pseudochristis & Pseudoprophetis juxta Christi Dn. prædictionem (2), & quæ Patres potuerunt habere præ oculis, dum visi sunt supponere miracula pro erroribus fieri posse a malis etiam sive hominibus sive Dæmoniis.



PARS

(1) Ad Galat. c. 1. v. 8.

(2) Matth. c. 24. v. 24.

P A R S I V.

De Existētia Miraculorum.

PROPOSITIO I.

Multa ante legem Gratia extiterunt miracula.

ARTICULUS I.

De Adversantibus propositioni.

165.



Propositio est I. contra illos, qui miracula negant, quia non possunt intelligere quemodo sint. Ex his fuerunt Sadducæi, secta inter Judæos præsertim divites & potentes, qui ut ait Maldonatus, (1) *nihil quod supra naturam esse videretur, credere volebant*, & propterea (2) *non esse resurrectionem neque Angelum neque spiritum dicebant*, abutentes ipsis Scripturis ad eos irridendos, qui hæc docerent & crederent, quod cum ausi essent facere etiam cum Christo Dno, mitissime illis respondit, (3) *erratis nescientes Scripturas, neque virtutem Dei*. Istos imitati sunt ii, quos S. Augustinus (4) confutat multa adducens, quorum rationem nec ipsi nec ullus hominum reddere potest, quæ ceteroqui ipsi iidem admittunt.

166. II. Est contra illos, qui quæ proferantur miracula ad præstigias Dæmonum reducunt. In his fuit Vigilantius apud S. Hieronymum (5). III. est contra Deistas, qui hæc vel per causas naturales conantur explicare, vel inter fabulas habent. Primam viam tenent quotquot ex dictis (n. 127.) negant miraculorum possibilitatem, quibus recentior adhæsit furiosus auctor Gallici commentarii *Christianismus detectus*, qui maledicit Moyfi, propterea quod ut ipse ait abusus fuerit hac via sibi nota in præstandis, quæ de ipso narrantur, prodigiis ad ignarum vulgus decipiendum, & pro suo libito dirigendum. Eandem tenuit jam olim Petrus Pomponatius in libro de Incantationibus contendens omnia, quæ dicuntur miracula, esse effectus naturales corporum præsertim cælestium per eorum motus & influxus. Fortasse satis est ad ejus con-

L

futa-

(1) Mald. in Matt. c. 22. v. 23.

(2) Act. c. 23. v. 8.

(3) Matt. c. 23. v. 24.

(4) S. Aug. de Civit. li. 11. c. 5. & 8.

(5) S. Hier. c. Vigila. li. 3.

faturationem meminisse de hoc ipsius fundamento, nihilominus Bordonus (1) ejusdem impugnationem ex professo exhibuit.

Per secundam viam alii passim procedunt ut David Hume, qui (2) commemorans aliqua miracula descripta in Pentateucho, concludit satis aperte, ut jam observavit Campbell (3), ab hujusmodi narrationibus reddi Pentateuchum prorsus incredibilem: Et auctor libelli *Penses philosophiques*, quem Trevoltiani (4), Bergierius (5), & Nonnote (6) referunt profitentem ne resurrectionem quidem mortui, quam fuisset oculis videret, persuasuram sibi quicquam suis ratiociniis contrarium.

167. Et Jo: Jac. Rousseau unus ex insignibus nostræ ætatis incredulis, qui referente Nonnote (7) primo fuit hæreticus, deinde Catholicus, tum Calvinista, post Deista, homo lippis & tonsoribus jam notus tum ex publicis nunciis elapsi anni 1776, qui ipsum narrarunt humi cum impetu dejectum a majori cane ante esedam currente, diu vita Parisiis periclitatum fuisse: tum ex pluribus libris tam impudenti impietate plenis, ut eos Ecclesiastica, & Civilis potestas in pluribus locis proscripserit, eumque suam patriam Geneva, & aliæ etiam regiones exilio damnaverint. Hic sibi objicientibus religionem revelatam miraculis comprobata esse, credit se satisfecisse respondendo apud Valsecchium, (8) *Equidem nullum unquam vidi*: alibi vero apud Nonnotem (9) addit ne videre quidem se ullum velle, quia *vehementer*, inquit, *timerem ne in insaniam incidere, siquod viderem*: Sed omnem tandem timorem repulit, dum apud eundem omnibus perpensis conclusit (10) *neminem posse certum se reddere de existentia ullius miraculi*. Mitto alias sacrilegas responsiones, quas dum idem Nonnote componit cum aliis ejusdem contradictoriis propositionibus, jam quantum satis ab hoc incredulo, utpote homine qui sibi non constat, propositionem liberavit.

AR-

- (1) Bord. de Mirac. medit. 2. nu. 1.
- (2) Hu. Essay of mirac. p. 2. sub fin.
- (3) Camp. diss. on. mirac. p. 2. sec. 6. sub fin.
- (4) Tre. ann. 1750. art. 35.
- (5) Berg. Confut. dell' esame p. 1. c. 3. nu. 6.
- (6) Nonn. Diction. ar. mirac. sub fin.

- (7) Id. ibid. tit. Tolerance. ar. Tolerance mutu. nu. 10.
- (8) Valf. Fond. della Relig. li. 3. p. 2. ca. 5. nu. 7.
- (9) Non. Diction. art. mirac. entret. 4. in fine.
- (10) Ibid. 2. entret.

ARTICULUS II.

De Miraculis Veteris Testamenti in cognitionibus.

168. **R**ecensionem miraculorum Veteris Testamenti Brancatus (1) instituit secundum ordinem, quo in Sacris Literis a Genesi incipiendo occurrunt, & numerat quinquaginta quatuor supra centum: Erit cui placeat distributio desumpta ab iis, in quibus vel per per quos acciderunt, ut Noe Abrahamo Tobia Josue Gedeone Samfone Isaia Elia Eliseo Daniele Moyse, cujus prodigia commemorata in diversis Scripturæ libris numerantur usque ad sex supra septuaginta, & reperiuntur etiam indicata a veteribus profanis auctoribus ab Huetio (2) citatis. Mihi placet partitio in miracula cognitionum divinitus insularum, & ea quæ facta fuerunt in Cælo Igne Aere Aqua & Terra, ad quam deducit, quod scriptum est, (3) *Dabo prodigia in Cælo sursum, & signa in terra deorsum, sanguinem & ignem & vaporem fumi.*

169. Incipiendo igitur a miraculis cognitionum, in his primo occurrunt Prophetiæ, quæ in hominibus cujusvis ætatis sexus ac ordinis, pueris & feminis, fidelibus & ethnicis, bonis & malis, doctis & indoctis, nobilibus & rusticis, sacerdotibus & regibus frequentes emicuerunt. Maria enim soror Aaron (4), & Debbora (5) prophetissæ appellantur a Scriptura, qualem fuisse & Annam matrem Samuelis probat ipsius Canticum (6): Samuel & Daniel erant pueri: Moyse Eliseus & Amos pastores: Isaïas Ezechias Hieremias & Zacharias pater S. Jo: Baptistæ, sacerdotes & nobiles: Josephus primus post regem in Ægypto: Sophonias Ezechias regis abnepos: David tandem fuit rex.

170. Præcipuæ ex prophetiis hæ sunt. Noe centum annis ante & amplius prædixit diluvium, quod statò tempore contigit, Abraham adhuc sine liberis (7) audiit a Domino se illis tandem potiturum, & posteritate innumerabili, quæ peregrina in terra non sua servitutem quadringentis annis pateretur, & tandem dives ad propria revertens de omnibus sibi adversantibus triumpharet. Veritatem prædictionis demonstravit commoratio Hebræorum in Ægypto, eorum ibidem oppressio, & inde facta egressio duce Moyse, & possessio totius Palæstinæ per insignes victorias sub Josue reportatas.

L 2

(1) Branc. de mirac. nu. 10.

(2) Huc. Dem. Evang. pro. 4. ca. 2.

(3) Act. ca. 2. v. 19.

(4) Exod. ca. 15. v. 20.

(5) Judic. ca. 4. v. 4.

(6) 1. Reg. ca. 2.

(7) Gen. ca. 15.

tatas. Patriarcha Joseph primo prædixit alteri ex duobus (1) qui secum erant in carcere Ægyptiaco post triduum liberationem & ad pristinam dignitatem revocationem, alteri vero suspensionem in cruce: deinde (2) Pharaonem præmonuit de magna per septem annos fertilitate, quam significabant septem boves pulchræ, & septem spicæ plenæ, quas Rex per somnium viderat, & de succedanea septem pariter annorum sterilitate a septem bobus macilentis, septemque spicis vento urente percussis præmonstrata: tandem moriens certos reddidit Fratres suos de eorum futuro discessu ab Ægypto, ad possessionem terræ, (3) *quam Deus juravit Abraham Isaac & Jacob*.

171. Hic Jacob inter multas prophetias circa filios suos & tribus, quarum singuli futuri erant quasi duces, habuit illam celeberrimam *de nascituro ex tribu Juda humani generis redemptore eo definite tempore, quo hæc spoliata esset omni imperio: (4) Juda, inquit, te laudabunt fratres tui: manus tua in cervicibus inimicorum tuorum*. Quo exordio præmissa cum aliis, quæ significabant se magnum quid dicturum, quod in gloriam Judæ & posterorum ejus redundaret, expositam prophetiam sic enunciat, *Non auferetur scriptum de Juda, & dux de femore ejus, donec veniat qui mittendus est, & ipse erit expectatio gentium*. Atque omnia ita evenerunt. Etenim Tribus Judæ a tempore quo sub Davide supremam nacta est auctoritatem, eandem retinuit aliquo modo usque ad tempus Herodis, qui cum Idumæus esset, fuit a Romanis constitutus cum imperio supra Judæos, quos sibi subjecerant, & sub eo Christus natus est. Dum floruit regnum Judæ usque ad Sedeciam ipsius regem ultimum, evidens est non defuisse ducem de femore Judæ: per captivitatem autem Babylonicam amisit quidem hæc tribus splendorem regni, non vero duces seu magistratus, qui jus vitæ & necis retinuerunt & exerceverunt, ut patet ex historia Susannæ. Post reditum a captivitate ita remansit in tribu Juda summa rerum, ut cæteræ ab hac una absorptæ videantur, cum non aliter tota natio deinde appellata fuerit nisi Judæorum.

172. Respondet hæc prophetia illi, quam Jacobi avus Abraham audivit in præmium sui erga Deum obsequii, (5) *Benedicentur in semine tuo omnes gentes terræ*: atque ambæ aliam illustrant acceptam a primis hominibus statim post ipsorum peccatum de nascituro ex ipsis (6), qui caput seductoris serpentis contereret. Frequentes deinceps

(1) Ibid. ca. 40.

(2) Ibid. ca. 42.

(3) Ibid. ca. 50, v. 24.

(4) Ibid. ca. 49. v. 8.

(5) Ibid. ca. 22. v. 18.

(6) Ibid. ca. 3. v. 25.

inceps prophetæ extiterunt, qui ut loquar cum S. Augustino (1) *Christum Dei Verbum, Deique filium Deum in carne venturum, inque illo remissionem peccatorum salutemque eternam futuram esse credentibus prænuñciarunt*. Daniel (2) ipsum terapus hujus adventus designavit, & de ejusdem morte, ac Judæorum excæcatione & punitione præloquutus est. Isaïas palam fecit nobilitatem ipsius generis secundum carnem, ejus nativitatem ex Virgine, splendorem miraculorum, morum sanctitatem, excellentiam doctrinæ, efficaciam prædicationis, & alia multa, quæ ad ejus vitam passionem mortem sepulturam, Idololatriæ destructionem, Gentium conversionem, Ecclesiæ gloriam pertinent, ut (3) *Evangelista potius, inquit Bellarminus, quam propheta fuisse videatur*.

173. David in Psalmis 21, & 68, quasi esset in Calvario descripsit Christi tormenta, mentionem faciens de opprobriis & irrisu- sionibus, de perforatis manibus & pedibus, de ossibus in cruce luxatis, de vestimentis per sortem divisus, de felle in escam, & de aceto in potum datis, Et in Psalmo 15 vidit ipsum ad vitam revocatum, & in Psalmo 2 triumphantem tamquam Dei filium de omnibus inimicis suis, Et in Psalmo 71 dominantem super omnes gentes, & ab omnibus terræ regibus adoratum. Per multa, quæ his consonant habentur in Deuteronomio (4), in Tobia (5), Hieremia Baruch (6), Ezechiele (7), Joele, Michea (8), Habacuch, Sophonia, Aggæo (9), Zacharia (10), Malachia (11). Quæ omnia fuisse veras prophetias, & ut tales habitas ab ipso Hebræorum vulgo testantur etiam ethnici historici Tacitus (12), & Suetonius (13), qui circa Christi tempora vixerunt, & in eo easdem complementum suum obtinuisse sæpe advertunt Novi Testamenti Scriptores, dum ea enunciant facta, contra futuros hæreticos atque deistas, qui negant vel dubitant, an immediatum ipsarum objectum sint res, quæ deinde post longum temporis intervallum acciderunt.

174. Moyses prædixit (14) se, & Aaron (15), & omnes Israelitas annis viginti majores (16) morituros præter Caleb & Josue ante ingressum in terram promissionis, eosque, qui ea tandem potiti fue-

(1) S. Aug. Epif. ad Volusian.

(2) Dan. c. 9.

(3) Bel. de Script. art. Isaïa.

(4) Deut. ca. 18. v. 15. & 18.

(5) Tob. ca. 14.

(6) Bar. ca. 3.

(7) Ezech. ca. 38. & 39.

(8) Mich. ca. 5. v. 2.

(9) Agg. ca. 1. v. 8.

(10) Zach. ca. 9.

(11) Mal. ca. 3. v. 1.

(12) Tac. li. 5.

(13) Suet. in Vespas. ca. 4.

(14) Deut. ca. 4. v. 21.

(15) Num. ca. 10. v. 12.

(16) Ibid. ca. 14. v. 29. Et Deut. ca. 1. v. 35.

fuerint vel potius, donati a Divina largitate, futuros (1) ipsi Deo ingratos & rebelles per gravissima scelera, & quamdam in ipsis obstinationem, & propterea subituros insignes calamitates, dispersionem, captivitatem, & hac via ad Deum cum lacrymis redeuntes ejus clementiam experturos in opportunis, quos daturus erat liberatoribus, cujusmodi leguntur in libro Judicam.

175. Samuel perquam multa præmonstravit (2) Sauli, cum in Regem Israelis ex Dei mandato eum inunxisset, eidemque deinde prænunciavit regnum ab eo transferendum (3) in aliam ipso meliorem in poenam suæ contra Dei mandata contumaciæ: Et Ahias (4) in duas partes idem regnum dixit scindendum sub Roboamo filio Salomonis, & decem tribus Jeroboamo tribuendas: atque hic jam Rex factus thus in altari incensens Idolo audivit ab anonymo propheta nasciturum Josiam, qui (5) immolaret super illud altare Sacerdotes Idolorum, sicuti factum est: Et iterum ab eodem Ahia jam sene accepit (6) per uxorem ad eum simulate venientem, sed a Propheta licet cæco agnitam duram nuncium de morte filii & excidio totius familiæ, quemadmodum contigit sub Baasa, qui abstulit sibi regnum Israel, interficiens regem Nadab filium Jeroboam, & omnem ejus domum (7) *non dimittens ne unam quidem animam de semine ejus propter peccata quæ peccaverat, & quibus peccare fecerat Israel*: atque hujus internecionis exemplum propter eadem peccata renovatum est in domo ipsius Baasa juxta verbum Domini ad Jehu filium Hanani (8), & iterum in Domo Achab juxta illud factum (9) ad Eliam, & utrisque regibus declaratum: Quin verbum Domini factum ad Eliam, quod complementum habuit in regno Joram filio Achab, iterum factum fuit ad Elisæum (10), ab eoque communicatum Jehu filio Namsi per illum, quem jussit ad eum ire & inungere in Regem Israel, qui tantam tragœdiam exequeretur.

176. David prænovit victoriam a se obtinendam de Amalecitis, qui (11) Siceleg expilaverant & incenderant, & de Philistiim Ceilam oppugnantibus, & sui ac sociorum suorum traditionem in manus Saul a viris Ceilæ faciendam, si ibi remaneret. Anonymi Prophetæ (12) repetitam victoriam de Syris per Hebræos obtinendam sub eorum Rege Achab præmonuerunt: Et Elisæus illam de

Moa-

(1) Deut. ca. 29. 30. & 31.

(2) 1. Reg. ca. 10.

(3) Ibid. ca. 15. v. 28.

(4) 3. Reg. ca. 11. v. 30.

(5) Ibid. ca. 13. v. 2.

(6) Ibid. ca. 14.

(7) Ibid. ca. 15. v. 29.

(8) Ibid. ca. 16.

(9) Ibid. ca. 21. v. 17.

(10) 4. Reg. ca. 9.

(11) 1. Reg. ca. 30.

(12) 3. Reg. ca. 20.

Moabitibus (1) sub rege Joram filio Achab: Michæas vero filius Jemla (2) mortem ipsius Achab in bello contra Regem Syriæ, & illum successoris filii Ochoziæ (3). Elifeus indicabat (4) *regi Israel omnia quacumque loquebatur in conclavi suo* Rex Syriæ pugnans contra Israel. Idem prædixit in terribili fame civitatis Samaritæ, quam Benadad Rex Syriæ obsidebat futura crastina die cibaria vili pretio, & ducem, qui cum interpellavit tamquam de absurda prædictione, visurum rem oculis suis, sed non comedurum, sicuti contigit fugientibus de nocte obsessores, & omnia in castris relinquentibus, quæ cum populus in urbem deferret, ducem illum qui constitutus erat ad portam (5) *conculcavit in introitu portæ & mortuus est*. Idem Elifeus consultus ab ipso Benadad ægotante per nuncium Hazael an sanari posset, respondit (6) regem quidem moriturum, sed Hazael contrarium nuntiaturum, & præterea ipsummet futurum regem Syriæ crudelem contra filios Israel usque ad immanitatem. Eventus vaticinii partes omnes coepit proxima die, qua Hazael suis manibus Regem suffocavit, comprobare. Idem Elifeus jam ægotans ad mortem (7) consolatus est Joam regem Israel flentem coram eo prædictione trium victoriarum contra Syriam pro tribus vicibus, quibus jaculo terram percussit. Hieremias mortem intra annum enunciavit Hananiæ propter mendacia sparsa in populo tamquam verba Domini, & (8) *mortuus est Hananias propheta in anno illo*. Idem iterum iterumque descripsit imminentem ruinam Hierosolymæ, everisionem templi, & captivitatem populi sub Rege Babylonis Nabuchodonosor (9), quæ contigit tempore Sedeciae Regis Judæ (10), ejusque durationem per annos septuaginta (11).

177. Daniel præmonstravit, quæ sibi non semel revelata fuerunt de quatuor celeberrimis imperiis, primo (12) sub imagine statuæ visæ per somnium a Nabuchodonosor, cujus caput aureum erat symbolum imperii Assyrii: pectus & brachia argentea symbolum Persici: venter & femora ærea Græci: tibie ferreæ desinentes in pedes partim ferreos, partim siles Romani. Et deinde sub imagine soli Danieli representata grandium bestiarum (13) Læonæ Urli Pardi, & quartæ sine alio nomine, quam *terribilis atque mirabilis & fortis nimis bestia*. Et iterum Regni Persici finem prædixit

(1) 4. Reg. ca. 7.

(2) 3. Reg. ca. 12.

(3) 4. Reg. ca. 1.

(4) Ibid. ca. 6 v. 12.

(5) Ibid. ca. 7 v. 19.

(6) Ibid. ca. 8 v. 12.

(7) Ibid. ca. 13 v. 19.

(8) Jer. ca. 28 v. 16.

(9) Ibid. ca. 32.

(10) Ibid. ca. 39.

(11) Ibid. ca. 29.

(12) Dan. ca. 2.

(13) Ibid. ca. 7.

dixit sub figura arietis, quem (1) *bircus caprarum*, rex Græcorum conculcavit, brevemque regni Græci durationem per ejusdem divisionem statim post primam Regem Alexandrum Macedonem in quatuor minora regna, quæ novimus fuisse Macedoniæ, Ægypti, Asiæ, & Syriæ, & ex his unum futurum superbum crudellem & impium qui Judæos pessime affligeret, & contra Principem principum confurgeret, sed qui *sine manu* tandem contereretur. Quod veritatem patefecit in Antiocho, sicuti cætera omnia quæ videri possunt distincte declarata a Benedicto Pererio, Hectore Pinto, aliisque Danielis interpretibus.

Idem Daniel eidem Nabuchdonosor Regi Babylonis gradienti in superbiam præsignificavit insaniam, expulsionem a regia, commorationem in sylvis, & vitam terinam septem annis duraturam, donec adoraret (2) *Excelsum qui dominatur super regnum hominum & cuiusque voluerit dat illud, quemadmodum post finem mensium duodecim completum est*; Etenim *ex hominibus abjectus est & frenum ut bos comedit, & rore Cæli corpus ejus infectum est*. De hac punitione extat Dissertatio Calmeti, quam inscripsit *De metamorphosi Nabuchdonosoris*. Idem Baltasari prædicti Regis filio interpretatus est terribilem scripturam ignotis digitis in conspectu ipsius convivantis cum optimatibus uxoribus & concubinis exaratam, quæ significabat regnum sibi auferendum, & Medis ac Persis dandum ob suam Idololatriam & contemptum Dominatoris Cæli, quod brevi factum est; Nam (3) *eadem nocte interfectus est Baltassar Rex Chaldeus, & Darius Medus successit in Regnum*.

178. Ezechiel cum esset captivus Babylone longam Jerosolymæ obsidionem sub Nabuchdonosore, ejusque tandem miserabile excidium brevi futurum per horribiles allegorias prædicavit gentilibus suis, ne de amissa patria tantopere dolerent, & ut debitam Deo obedientiam præstarent ad majora sibi mala avertenda. Eodem tempore Hieremias in ipsa Jerosolyma hæc ipsa mala aperte remota omni figura prænuñciavit, (4) *Ait Dominus, dabo Sedeciam regem Juda, & qui derelicti sunt in civitate hac a peste & gladio & fame, in manu Nabuchdonosoris . . . Posui faciem meam super civitatem banc in malum, in manu Regis Babylonis dabitur, & exuret eam ignis*. Eandem Judæorum captivitatem multo etiam ante Oseas, Amos, Micheas, & Habacuc vaticinati sunt. Rursus Isaïas de nova Hierosolymæ & templi ædificatione loquutus est ducentis annis ante, nominans expresse & iterato (5) *Cirum Persici imperii auctorem, per quem*

(1) Ibid. ca. 8. v. 2.

(2) Dan. ca. 4.

(3) Ibid. ca. 5. v. 30.

(4) Hier. ca. 21. v. 7. & 10.

(5) Isa. ca. 44. v. 28. Et ca. 45. v. 1.

quem hæc fierent tamquam triumphantem de gentibus & tamquam pastorem qui dispersos in captivitate Hebræos ad propria reduceret, ita ut cum deinde referente Josepho hæc ipsi Ciro ad legendum fuissent proposita, stupore plenus fuerit & gaudio de completa per se Dei voluntate.

Ejusdem Isaïæ est alia opposita prophetia, quam veram quotidie a tanto tempore cognovimus de Babylone, quæ semel eversa, numquam amplius foret ædificanda (1), *Erit Babylon illa gloriosa in regnis, sicut subvertit Dominus Sodomam & Gomorrbam, non habitabitur usque in finem, & non fundabitur usque ad generationem & generationem.* Abdias prædixit cladem Idumæorum, hujusque causam, conspirationem cum Chaldæis ad affligendos filios Israel. Nahum ruinam Regis Assyriorum, & vastationem Ninives per Chaldæos. Sophonias excidium Palæstinorum, Moabitaram, Ammonitarum, Aethyopum, & aliarum Gentium. Mitto alias prædictiones eventuum magis particularium quæ passim in Sacris literis occurrunt.

179. Post prophetias ad miracula cognitionum pertinet ingenii vis admirabilis aliquibus indita. Hujusmodi fuit, quam universa Hebræorum Respublica admirata fuit in præclaris artificiis ad externum Dei cultum divinitus revelatum pertinentibus, quæ intra paucos menses perfecerunt Beseleel de tribu Juda, & Ooliab de tribu Dan. Nam Beseleem Dominus (2) *implevit spiritu Dei & sapientia & intelligentia & scientia & omni doctrina ad excogitandum & faciendum opus in auro argento & ære sculpendisque lapidibus, & ambos erudit sapientia ut facerent opera polymitarum ac plumarii de hyacintho ac purpura, cocco bis tincto & bysso, & texant omnia, & nova quoque reperiant.* Huc spectat quam Hebræis pueris Danieli Ananiæ Misæli & Azariæ captivis apud Regem Babylonis, sed ibi etiam legem Domini religiose observantibus (3) *dedit Deus scientiam & disciplinam in omni libro & sapientia: Danieli autem intelligentiam omnium visionum & somniorum.* Quare non solum (4) *omne verbum sapientia & intellectus, quod sciscitatus est ab eis Rex invenit in eis decuplum super cunctos ariolos & magos, qui erant in universo regno:* Sed audita a Daniele narratione somnii de statua, quæ habebat caput aureum, pedes & brachia argentea, venter & femora ærea, tibias ferreas, pedes autem partim ferreos, partim fictiles, cuius oblitus erat idem Rex, intellectaque ejusdem explicatione (5) *Nabuchdonosor cecidit in faciem suam*

M

(1) Ibid. c. 13. v. 10.

(2) Exod. c. 35. v. 31.

(3) Dan. c. 1. v. 17.

(4) Ibid. v. 10.

(5) Ibid. c. 2. v. 46.

fuam, & Dnielem adoravit, & hostias & incensum praecepit ut sacrificarent ei.

Nec minor, quin immo illustrior fuit sapientia Salomoni concessa; Veniebant enim (1) *de cunctis populis ad eum audiendum. & ab universis regibus terræ.* Nam dedit illi Deus (2) *cor sapiens & intelligens intantum, ut nullus ante similis fuerit, nec post surrecturus sit.*

Cum hæc vulgo ipsi nota sint, quis non admiretur auctorem Dictionarii philosophici portatilis describere nobis antiquos Hebræos, tamquam faciem hominum errantium omni scientia arte & opibus expertem? Scilicet hoc postulabat, ut arguit Nonnote (3) illius odium in gentem, quæ verum Deum semper coluit; nec vitia luminis naturæ opposita unquam docuit posse in republica dissimulari aut tolerari.

ARTICULUS III.

De miraculis Veteris Testamenti in Calo.

180. **M**iraculum in Cælo fuit singularis longitudo diei ad perditionem Iosue, quando (4) *ut ulcisceretur se gens de inimicis suis stetit sol in medio Cali, & non festinavit occumbere spatio unius diei.* Qui invenerunt referente Nonnote (5) in veteribus Sinensium monumentis commemoratum solem sub Imperatore Hiao stetit supra ipsorum horizontem dies decem, credunt ex hac Iosue Historia derivatam hanc fabulam, & inde confirmant, quod per alia argumenta concluditur, monumenta Sinensia longe abesse ab ea antiquitate, quam temere aliqui præsertim Increduli disstant.

Alia in Cælo miracula fuerunt regressio umbræ in horologio solaris (6) in signum valetudinis recuperandæ ab Ezechia regeluda quem admodum ipse exposulaverat ab Isaia, dum sanationem & vitæ productionem per annos quindecim prænunciaret. Angelus Raphael dux datus in via Tobiae juniore, & magnorum bonorum distributor ipsius parentibus & consanguineis. Angelus pariter nescio quis, qui (7) *apprehendit Habacuc in vertice ejus, & portavit eum capillo capitis sui (ex Judæa), posuitque eum in Babylone supra lacum Leonum,* in quem missus fuerat Daniel, ut resciceretur prandio ab eodem ipsi allato, & *restituit Habacuc confestim in loco suo.* Voces de Cælo (8) in

(1) 3. Reg. c. 4. v. 3.

(2) Ibid. c. 3. v. 12.

(3) Non. Dict. phil. art. Moyse. n. 4. & 217.

(4) Josu. c. 10.

(5) Non Dict. phil. art. Chinois. pag. 200.

(6) 4. Reg. c. 20. & Itai. c. 38. v. 2.

(7) Dan. c. 14. v. 3.

(8) Exod. c. 20. v. 18.

in monte Sinai audiente universa Hebræorum gente erumpentes inter sonitum tubæ, splendorem ignis, & fumi augustam caliginem. Nubes (1) Domini, quæ videntibus omnibus incubabat per diem, & ignis per noctem Sanctuario, quod pro Hebræis in deserto constructum & completum fuit (2) juxta mandatum Domini.

181. Apparitiones Domini hoc est Angelorum nomine Dei juxta communioem Theologorum sententiam, & ipsorummet Angelorum nomine suo, quæ multæ sunt. Atque aliæ dicuntur corporales, quia factæ sub assumpto aereo corpore, & propterea (3) *communiter*, inquit S. Thomas, *ab omnibus videntur*. Ex his sunt, quæ contigerunt primis parentibus, Adamo, Cain, Noe, Agar, Lot, Jacob, Moyfi, Iosue, Gedeoni, parentibus Samsonis, Tobix, Danieli, Zachariæ prophetæ, Judæ Machabæo, Zachariæ Patri S. Joannis Bap. & Abrahamo, quem ultimo commemoro, ut mentionem faciam de novem apparitionibus & alloquutionibus divinitus eidem factis, I. cum jubetur patria relicta adire Canaan. II. cum Canaan ipsa eidem semel promittitur quasi in præmium obedientix. III. cum hæc promissio renovatur post discessum fratris Lot. IV. cum audit, (4) *Numer. stellas si potes, sic erit semen tuum*. V. cum recepit circumcisionis præceptum. VI. cum prædictum ipsi fuit (5) excidium Sodomæ. VII. cum (6) Agar & filium ejus jussus est a domo sua remove. VIII. cum mandatum accepit filium immolandi. IX. tandem cum ab hoc sacrificio impeditus fuit. Ad apparitiones corporales pertinet illa Samuelis, quem jam mortuum Pythiassa (7) petente Saule suscitavit, qui repente adveniens prænuñciavit Sauli proximam cladem exercitus, sui que ac filiorum suorum mortem.

Quantum ad apparitiones imaginarias sic dictas juxta S. Thomam, quia (8) *sunt in sola imaginatione videntis, unde non videntur indifferenter ab omnibus*, hæc accidunt tam in somniis quam in vigilia. Hujusmodi fuerunt, quas Abimelec Rex Geraræ (9), Laban (10), Salomon (11), & Mardocheus (12) habuerunt.

Sunt & aliæ apparitiones intellectuales appellatæ, quia cum constet Deum loquutum esse homini, non constat an id fecerit sub visibili forma & voce humana. Tales juxta Tostatum sunt, quæ enunciantur in Prophetis per hæc verba *Dicit Dominus*.

M 2

182. Aliæ

(1) Ibid. c. 40. v. 35. & Numer. c. 10.

v. 34.

(2) Exod. c. 38. v. 21.

(3) S. Tho. 1. p. q. 51. ar. 2.

(4) Gen. c. 15.

(5) Ibid. c. 18.

(6) Ibid. c. 22.

(7) 1. Reg. c. 28.

(8) S. Tho. 1. p. q. 51. ar. 2.

(9) Genes. c. 20. v. 3.

(10) Ibid. c. 21. v. 24.

(11) 4. Reg. c. 3.

(12) Esther. c. 11.

182, Aliæ sunt, quæ aliquid participant de jam dictis speciebus, in quibus hæc occurrunt. Daniel de se sic narrat (1), *Ecce vir unus vestitus lineis. & renes ejus accincti auro obrizo, & corpus ejus quasi chrysolitus, & facies ejus velut species aris candentis: & vox sermonum ejus ut vox multitudinis. Vidi autem ego Daniel solus visionem, porro viri qui erant meum non viderunt: sed terror nimius irruit super eos, & fugerunt in absconditum*. Vir terribilis equo insidens apparuit Heliodoro ministro Seleuci Regis Assyriæ, dum in Jerusalem tentabat cum suis satellitibus expilare templi ærarium, & calcibus ipsius equi humi illum prostravit, ubi duo juvenes, qui cum eo apparuerunt (2) *virtute decori, optimi gloria speciosique amictu circumsteterunt eum, & ex utraque parte flagellabant*, ipsique viram donari dixerunt propter oblatum Domino pro salute sua sacrificium ab Onia Sacerdote. *Viri* (3) *quinque qui apparuerunt de Celo in equis franis aureis decori, ducatum Judæis sub duce Machabæo pugnantibus contra copias Eupatoris filii Antiochi impii præstantes, ex quibus duo Machabeum medium habentes armis suis circumseptum incolumem conservabant, in adversarios autem tela & fulmina jaciebant, ex quo & cecitate confusi, & repleti perturbatione cadebant. Interfecti sunt autem viginti millia quingenti, & equites sexcenti. Eques* (4) *qui apparuit præcedens Judæos in veste candida armis aureis hastam vibrans, dum ad novum bellum procederent contra ejusdem Eupatoris octoginta millia peditum præter millia equitum, & octoginta elephantos. Quo aspectu recreati* (5) *Leonum more impetu irruentes in hostes prostraverunt ex eis undecim millia peditum & equitum mille sexcentos, universos autem in fugam verterunt, plures autem ex eis vulnerati nudi evaserunt. Est tandem apparitio Oniæ* (6) *Summi Sacerdotis apud Hebræos, & Jeremiæ prophetæ facta Judæ Machabæo ad illum excitandum ad pugnam cum promissione victoriæ de Blasphemo Nicanore, quam obtinuit prostratis non minus triginta quinque millibus, & ipso Nicanore occiso, cujus lingua præcisa particulatim avibus data, manus contra templum suspensa, & caput in summa arce collocatum, ut evidens esset & manifestum signum auxilii Dei*.

AR-

(1) Dan. c. 10. v. 5.

(2) Mach. li. 2. c. 3.

(3) Ibid. c. 10. v. 29.

(4) Ibid. c. 11.

(5) Ibid. v. 11.

(6) Ibid. c. 6. 27.

ARTICULUS IV.

De Miraculis Veteris Testamenti in igne.

183. **M**iracula in igne fuerunt, dum in formam columnæ præcedebat Hebræos ab Aegypto abeuntes, ut (1) *luceret eis per noctem*. Dum nihil (2) *potestatis habuit in corporibus trium puerorum*, qui missi fuerant in fornacem Babylonis, neque in eorum vestibus quæ non fuerunt immutatæ, sed solum in administris, contra quos irruit flamma, eosque interfecit, & in eorum vinculis quæ consumpta fuerunt; Nam (3) *cecidērunt in medio ignis colligati*, & *ambulabant in medio flammæ*. Qui commentis sunt dari corpora humana, quæ ab igne naturaliter non lædantur, fabulatores & circulatores esse ostenderunt jam Maiolus (4), & Pignatellus (5). Dum descendens de Cælo (6) consumpsit Sodomam & alias finitimas civitates. Dum subito devoravit (7) milites Ochoziæ iterato ad Eliam adducendum missos, & duos filios Aaron, eo quod (8) *abreptis thuribulis posuerunt ignem & incensum desuper offerentes coram Domino ignem alienum*; & (9) *extremam castrorum partem* Israelis propter murmur quasi dolentium pro labore contra Dominum, impedita per preces Moysis ulterioris ignis propagatione; & alios (10) *ducentos quinquaginta viros*, qui (11) cum non essent de semine Aaron accesserunt ad offerendum incensum Domino; & iterum (12) *quatuordecim millia hominum & septuaginta ex multitudine* contra Moysen & Aaron rebellante reliquis servatis ab Aarone, qui subito accurrens ex Moysis mandato, & *stans inter mortuos ac viventes* precibus pro ipsis suis incendium extinxit.

184. Dum juxta ritum eidem Moyfi revelatum impositis in deserto ab Aarone victimis super altare (13) *egressus ignis a Domino devoravit holocaustum & adipem*, quod contigit etiam (14) victimis Salomonis, & illis Eliæ (15), etiam si aqua superinfusa madentibus, & sacrificio quod ex azymis panibus, coctis carnibus & jure desuper fuso compositum a Gedeone supra petram, ascendens (16) *ignis de petra consumpsit*. Hæc celeberrima miracula divino consilio ad perpetuam

(1) Psa. 104. v. 39.

(2) Dan. c. 3. v. 94.

(3) Ibid. v. 2.

(4) Mai. Dies canic. to. 1. colloq. 31.

(5) Pign. tom. 4. consul. 110.

(6) Gen. c. 19. v. 4.

(7) 4. Reg. c. 1.

(8) Levit. c. 20. v. 1.

(9) Num. c. 11. v. 1.

(10) Ibid. c. 16. v. 35.

(11) Ibid. v. 40.

(12) Ibid. v. 49.

(13) Lev. c. 9. v. 24.

(14) Paral. li. 2. c. 7. v. 1.

(15) 4. Reg. c. 18. v. 28.

(16) Judic. c. 6. v. 21.

tuam ipsorum memoriam in sacris libris distincte commemorata, utpote quæ facta fuerunt ad suadendum cultum & timorem veri Dei contra Idololatriam late tunc diffusam, Jo. Jacobus Rousseau audent apud Nonnores(1) qui tantam incredulitatem cum mala fide conjunctam admiratur, contemnere tamquam effectus habitos per lentes ultoribus, quales vel pueri jam efficiant.

Dum alterum sacrificium, quod Nehemias redux e captivitate Babylonica paraverat, ignis similiter sole resurgente accensus combustit licet aspersum aqua hausta ex loco, ubi olim Sacerdotes antequam captivi traherentur in Persidem, ignem de altari absconderunt. In quo tamen dissimulari non debet, quod Emmanuel Sa in suis in hunc locum notationibus putat hoc miraculum non habere auctoritatem Scripturæ, quia Sacer historicus dicit hoc a majoribus narratum fuisse. Dum Samsonis genitores offerentes Domino holocaustum juxta consilium Angeli secum colloquentis sub specie hominis, viderunt (2) *ascendente flamma altaris in calum Angelum Domini pariter in flamma ascendere*. Dum (3) *currus igneus & equi ignei diviserunt Eliam ab Eliseo, & ascendit Elias per turbinem in Calum*. Ex quo miraculo Poetas, inquit Chrysostomus, ac Pictores in figuranda Solis imagine exempla credo sumpsisse, unde Elias vere Helios. Dum multitudo (4) *equorum & currum igneorum in circuitu Elisei apparuit in ejus defensionem contra robur exercitus, quem Rex Syriæ ad eum capiendum miserat*.

Huc referam splendorem inditum vultui Moysis (5) *ex conspectu sermonis Domini* in monte Sinai, ut timorem incuteret ipsum insipientibus, quare (6) *operiebat ille faciem suam, signando loquebatur ad eos*. Vulgata bis exprimit hunc splendorem per faciem cornutam, quod ut cum S. Thoma advertunt Interpretes collecti ab Jo. Interian de Ayala in suo *Pictore Christiano erudito* (7), quos sequitur Lambertinus (8) *non intelligendum est Moysen habuisse cornua ad literam, sicut quidam eum pingunt, sed dicitur cornuta propter radios, qui videbantur esse quasi cornua*.

AR.

(1) No. Diss. ar. Miracul. 1. Entr.

(2) Jud. c. 13. v. 20.

(3) 4. Reg. c. 2. v. 11.

(4) Ibid. c. 6. v. 17.

(5) Exod. c. 34. v. 29.

(6) Ibid. v. 35.

(7) Aya. li. 3. c. 13.

(8) Lam. ubi Elias c. 26. B. 13.

ARTICULUS V.

De Miraculis Veteris Testamenti in aere.

185. **M**iracula in aere fuerunt, dum tota atmosphæra nubibus fuit occupata per quadraginta dies, & quadraginta noctes, quibus (1) *facta est pluvia supra terram*. Dum sub celebri Pharaone (2) redundavit in Aegypto præter quam in terra Gessen, in qua populus erat Hebræus, omni genere muscarum, quæ Pharaone orante Moysen, & hoc Deum, sublata tandem fuerunt, ut *ne una quidem* superfuerit. Dum alia vice per ventum urentem elevatæ locustæ (3) *sedebunt in cunctis finibus Aegyptiorum innumerabiles, quales ante illud tempus non fuerunt, nec postea futura erant vastantes omnia*, donec ventus vehementissimus ad preces Moysis a Rege exoratas omnes (4) *projecit in mare rubrum ne una quidem remanente*. Dum ibidem excepta pariter Gessen emissæ sunt (5) *tonitrua & grando tanta magnitudinis, quanta ante nunquam apparuit, quæ percussit cuncta quæ fuerunt in agris, & omne lignum regionis confregit*. Dum circa Gabaon sub Josue similis grandinis tempestas facta est contra fugientes Amorrhæos (6), & mortui sunt multo plures lapidibus grandinis, *quam quos gladio percusserant filii Israel*. Habetur de hoc miraculo apud Calmet *Dissertatio de pluvia lapidum in Chananeos*. Dum in Aegypto jussu Moysis horribiles tenebræ densatæ sunt, ut (7) *tribus diebus nemo videret fratrem suum, nec moveret se de loco, in quo erat*, reservata luce locis omnibus, quæ *habitabant filii Israel*. Dum Hebræis abeuntibus ex Aegypto (8) *per diem columna nubis, & per noctem columna ignis dux erat*, quæ accedentibus equitibus & curribus Pharaonis ad illorum excidium abiit (9) *inter castra Aegyptiorum, & castra Israel ita ut ad se invicem toto noctis tempore accedere non valerent*.

186. Dum illata in Sanctuarium templi a Salomone ædificati arca foederis (10) *nebula implevit domum Domini. & non potuerunt Sacerdotes stare & ministrare propter nebulam*. Dum trium (11) annorum serenitate afflictum fuit regnum Achab Idololatæ. Dum (12) *nubes cornicum supra castra Israel in deserto semel descendit, ut ea cooperiri*

(1) Genes. c. 7. 11.

(2) Exod. c. 8. v. 22.

(3) Ibid. c. 10. v. 14.

(4) Ibid. c. 10. v. 19.

(5) Ibid. c. 9. v. 24.

(6) Josu. c. 10. v. 11.

(7) Exod. c. 10. v. 22.

(8) Ibid. c. 13. v. 21.

(9) Ibid. c. 14. v. 19.

(10) 3. Reg. c. 8. v. 10.

(11) 3. Reg. c. 18. v. 1.

(12) Exod. c. 16.

riret; manna vero per annos quadraginta (1), quam colligerent ad victum juxta præscriptam pro singulis diebus mensuram quæ dupla erat die sexta, ut sufficeret etiam Sabbato, quo ad hujus Sanctificationem non decidebat. Dum per ipsum aerem volitantes (2) corvi deferebant Elia panem, & carnes mane, & similiter panem & carnes vespert: qui deinde nullo indiguit cibo per totos quadraginta dies, quibus (3) ambulavit usque ad montem Dei Horeb recreatus pane subcinericio, & aqua ab Angelo sibi delata.

187: Dum Machabæorum tempore visi sunt (4) per universam Jerosolymorum civitatem diebus quadraginta per aera equites discurrentes, & hastis armati, quasi prænuntii ingentium malorum, quæ (5) propter peccata habitantium civitati impendebant. Dum (6) Benadad rege Syriæ obsidente Samariam Dominus sonitum audiri fecerat in castris Syriæ curruum & equorum & exercitus plurimi, quo perterriti fugerunt in tenebris, & dereliquerunt tentoria sua, animas tantum suas salvare cupientes.

ARTICULUS VI.

De Miraculis Veteris Testamenti in aqua.

188. **M**iraculum in aquis fuit diluvium universale, quod obruit ipsos totius terræ montes cum omnium viventium exitio solum falvis, quæ arca a Noe fabricata juxta formam sibi divinitus revelatam excepit. Horrenda hujus miraculi tragoedia duravit plusquam integro anno, cujus funestum calendarium exhibet Carolus Erra (7) juxta opinionem Basnages, Vsserii, & Gordoni, in eoque invenias miraculum quoad substantiam tum propter aquatum quantitatem, & nubium universitatem supra totum globum terræ, quod nunquam naturaliter accidit; Nam venti, qui in una regione congregant nubes, in aliis easdem dissipant: tum propter bestias etiam ferocissimas determinato numero ex singulis speciebus stato tempore venientes ad arcam, ut ibi a Noe includerentur, (8) *Nec fuit*, inquit Augustinus, *ista cura hominis sed divina; non enim ea Noe capta intromittebat, sed venientia; Ad hoc enim valet, quod dictum est, intrabunt ad te, non scilicet hominis actu, sed Dei nutu. Invenias etiam miraculum quoad subiectum; Nam naturale est pluvie super terram alicubi, non tamen naturale est pluvie ubique eodem tem-*

(1) Ibid. c. 16. v. 35.

(2) 3. Reg. c. 17. v. 3.

(3) 3. Reg. c. 19. v. 8.

(4) Mach. li. 2. c. 5. v. 2.

(5) Ibid. v. 12.

(6) 4. Reg. c. 7. v. 6.

(7) Err. Hist. utriusq. testam. li. 1. c. 9.

(8) S. Aug. de Civit. l. 15. 27.

tempore. Invenias tandem miraculum quoad modum propter diurnitatem 40. dierum & 40. noctium, quibus pluvia decidit tanta vehementia, quantam exprimunt illa verba (1) *Cataractæ Cali apertæ sunt*, in quibus obviam figuram noluit agnoscere Incredulus, qui apud Nonnotem in suo Dictionario art. *Deluge* ab his cataractis objectionem contra diluvii historiam creavit. Atque hæc miracula in contrarium sensum repetita sunt, cum iterum aquæ jussæ sunt abire, & aridam habitabilemque terram relinquere, quod pariter ne caussis naturalibus factum quis crederet, aperte Scriptura tribuit Deo (2), *Recordatus est Deus Noe. . . Imminuta sunt aquæ.*

189. Miraculum iterum in aquis insigne habemus, dum (3) Aegypti flumen percussus virga Moysis primo commutatum fuit in sanguinem, deinde ad novum ejusdem virgæ nutum emisit immensam ranarum vim, quæ totam etiam regiam, domos singulas, cubacula omnia, & strata & mensas operuerunt. Dum se diviserunt (4), & se sustinuerunt quasi murus a dextra eorum & leva, donec Hebræi transirent mare rubrum sub Moyse, & Jordanem (5) sub Josue, & donec Elias simul cum Eliseo (6), & iterum solas Eliseus (7) idem flumen traicerent. Dum eodem Eliseo volente, ferream securim (8) in eundem Jordanem delapsam quasi esset lignea sursum eiecerunt, & supra se natantem donec tolleretur, sustinuerunt. Dum ex amaris (9) dulces evaserunt in Mara, simul ac lignum, quod Dominus ostendit Moyse, fuit in illas infusum, a quo tamen naturali vi hunc effectum productum fuisse probabilius dici censuit Lambertinus (10) post Franciscum Vallesium (11), præsertim cum huc illud referatur, (12) *Altissimus creavit de terra medicinam & vir prudens non abhorrebit illam: Nonne a ligno indulcata est aqua amara?* Et dum ex pessimis factæ sunt innoxie in Jerico per sal (13) ab Eliseo in earum fontem missum, hoc est per rem, quæ si naturaliter opportuna est ad curationem aquarum, ut tenent citatus Vallesius (14), & Cornelius a Lapide, inepta profecto est ad faciendas aquas potabiles, ut observat Maldonatus (15), & ad corrigendas in perpetuum aquas fontales, hoc est quæ non sunt, sed erunt præsentès. Dum in deserto Sin ex silice bis percussio virga a Moyse (16) *egresse sunt aquæ largissimæ, ita ut populus bi-*

N

be.

(1) Gen. c. 7. v. 11.

(2) Ibid. c. 8. v. 1.

(3) Exod. c. 7. v. 20.

(4) Ibid. c. 14.

(5) Josu. c. 3. v. 16.

(6) 4. Reg. c. 2. v. 8.

(7) Ibid. v. 24.

(8) Ibid. c. 6. v. 6.

(9) Exod. c. 17. 25.

(10) Lam. ubi alias c. 25. nu. 10.

(11) Val. de Sacra Philos. c. 17.

(12) Eccli. c. 38.

(13) 4. Reg. c. 2. v. 20.

(14) Val. de Sac Philos. c. 34.

(15) Mald. in Evan. Joa. c. 5. v. 4.

(16) Exod. c. 17. v. 6. Et Num. c.

v. 11.

beret & jumenta, quicquid contra hoc miraculum dicat D'Argens (1) sequutus Tacitum in rebus ad Religionem spectantibus frequenter fabulantem.

190. Huic simile contigit sub Joram Rege Israel in deserto Idumæ, ubi languente exercitu ob inopiam aquæ impetrata ea fuit sine vento, & sine pluvia per quamdam divinam evocationem e longinquo, quæ abundanter defluxit in fossas jam antea ejusdem Prophetæ jussu excavatas: Et simile etiam vel potius magis admirabile, quod de Samfone vehementer sitiente post magnam Philisthiim cædem scriptum est, quod eidem (2) *aperuit Dominus molarem dentem in maxilla asini, & egressa sunt ex eo aquæ, quibus hausitis refocillavit spiritum & vires recepit*. Dum ut comprobaret Samuel Israelitis malum quod fecerant (3) *in conspectu Domini petentes super se regem juxta id*, quod iisdem prædixerat, ad invocationem Domini, *dedit Dominus voces & pluvias in illa die: & timuit omnis populus nimis Dominum & Samuelem*; Dum (4) *facta est pluvia grandis* Elia eam prænunciante post tres annos, quibus (5) nec ros nec pluvia fuit in Regno Achab ad ipsum ejusque populum puniendum.

Dum per aquam Jordanis, in qua jussu Elisei Naaman princeps militiæ Regis Syriæ septies abluit corpus lepra infectum (6), *& restituta est caro ejus, sicut caro pueri parvuli, & mundatus est*. De quo miraculo fuisse dissevit Vallesius (7), & qui de lepra agunt, ut Calmet in *Disquisitione de Natura causis & effectibus lepræ*. Dum epotæ (8) ab uxoribus adulteris mortem foedissimam, innocentibus vero foecunditatem afferebant. Dum Jonam in mare projectum, & a ceto deglutitum per triduum sustinerunt, donec pisces in arida ipsum incolumem evomeret. Dum probatica piscina, quæ erat Jerosolymis, solum quando commota esset ab Angelo nescias quo, ut notat Maldonatus (9), nec quando, an semel in anno, an sæpius, nec a quanto tempore, an Christo jam nato, an paulo, an multo etiam ante, erat præsens & absolutum remedium cujusunque morbi in eo, qui prior in ipsam descendisset. Quod miraculum nescias pariter an & quamdiu obtinuerit etiam post Christi mortem. Ad aquas refero, quod ad humilem Gedeonis petitionem semel (10) *ros in solo vellere, quod in area posuerat fuerit, & in omni terra siccitas: & rursus siccitas in solo vellere & ros in omni terra*.

A. R.

(1) Arg. Philos. du bon sens. reflex. 1. §. 5.

(2) Judic. c. 15. v. 19.

(3) 1. Reg. c. 12. v. 17.

(4) 3. Reg. c. 18. v. 45.

(5) Ibid. c. 17. v. 1.

(6) 4. Reg. c. 5. v. 14.

(7) Val. de Sac. philos. c. 38.

(8) Num. c. 5. v. 17.

(9) Mal. Comm. in Joa. c. 5. v. 4.

(10) Judi. c. 6. v. 37.

ARTICULUS VII.

De Beneficiis Veteris Testamenti Miraculis in Terrâ.

191. **M**iracula in terra cum multa sint, commemorabo primum, quæ beneficium & commodum, deinde quæ punitionem & damnum, & tandem quæ neutram ex his rationibus aperte explicant. In Miraculis primi generis sunt extraordinariæ Sanationes Nativitates Vires Conservationes Multiplicationes Victoriæ Resuscitationes. Quæ mihi in singulis occurrunt, hæc sunt.

Maria soror Moyſis (1) ipſo intercedente obtinuit ſanationem a lepra, qua percufa fuerat repente in poenam ſuæ in fratrem obreſationis: Et Abimelech Rex Geraræ & tota ipſius domus (2) ad preces Abraham a morbis, quos Deus ipſis immiſerat, quia Saram Patriarchæ uxorem apud ſe Rex retinebat: Et Rex Jeroboam ab ariditate & immobilitate manus, quam contraxerat ipſam extendens (3) contra Anonymum Prophetam, qui ejus Idololatriam reprehendebat. idque poſtquam ad ejuſdem preces idem propheta pro eo *oravit faciem Domini*: Et Ezechias Rex Judæ ab ulcere, quo moriebatur, impoſita (4) per Iſaiam ſupra illud maſſa ficorum: Et Tobias ſenior a cæcitate per applicatum ipſius oculis ſei piſcis (5) ſibi ab Angelo demonſtrati: Et milites Regis Syriæ a communi pariter cæcitate ipſis ſuperveniente, quando miſſi ad capiendum Eliſeum, hoc orante Dominum, (6) *Percute obſecro gentem hanc cæcitate, percuſitque eos Dominus ne viderent*, donec ipſomet propheta duce ingreſſi Samariam ad novas ejuſdem preces, *Domine aperi oculos eorum, viderunt ſe eſſe in medio Samaria.*

192. Nativitates plenæ miraculis ſunt illæ Iſaac ex conjugibus Abraham & Sara a facultate generandi jam remotis propter ſenectutem, præmiſſa jam ante iterata promiſſione (7) divinitus facta hujus prolis: Et illa Samſonis de ſterili muliere uxore Manue, qui juxta verbum Domini ipſis communicatum per Angelum aggreſſurus erat (8) *liberare Iſrael de manu Philiſthinorum*: Et illa filii Sunamiridis ex ſene genitore ipſi ab Eliſeo impetrata in præmium ſuæ erga ſe pieratis: Et illa S. Joannis Bapt. ex Zacharia (9) jam ſene, & Eliſabeth uxore, quæ pariter preceſſerat in diebus ſuis, Angelo prænunciante ipſi Zachariæ, quod exaudita eſſet ejus deprecation, & non

N 2

ſo-

(1) Num. c. 12.

(2) Gen. c. 20. v. 17.

(3) 3. Reg. c. 13. v. 4.

(4) 4. Reg. c. 20. v. 7.

(5) Tob. c. 11. v. 14.

(6) 4. Reg. c. 6. v. 18.

(7) Gen. c. 18. v. 10. & 14.

(8) Jud. c. 13. v. 5.

(9) Luc. c. 1.

solum ipse, sed multi in filii sui nativitate essent gavisuri.

193. Vires supra naturam visæ sunt primo in Samfone homine tanti roboris ut (1) dilaceraverit leonem, quasi boedum in frustra discerpens, nihil omnino habens in manu: & bis disruperit novos funes (2), & semel (3) septem nervices funes, vincula quibus ligatus erat, quomodo si rumpat quis filum de stuppe tortum putamine, & confurgens de somno (4) secum nullo conatu abduxerit clavum terræ infixum cum licio, cui per prodicionem fuerant ipsius capilli circumvoluti; & ambas portæ fores cum postibus suis, & sera imponens (5) humeris suis portaverit ad verticem montis. Atque his viribus potuit solus (6) semel triginta viros Ascalone percutere, & alias mille (7) interficere mandibula asini armatus, quam cum quater nominet Scriptura intra paucos versus, non potest nisi cum fastidio audiri, qui in Observationibus Hallensibus apud Aquilam in Dictionario Scripturæ ar. *Samfone* illam commutare conatus est in validam militum manum. Iisdem tandem potuit ita concutere duas columnas, quibus innitebatur (8) domus plena virorum ac mulierum, & in qua erant omnes principes Philistinorum, ac de tecto ac solario circiter tria millia utriusque sexus spectantes ipsum, ut ea repente corruente multo plures interfecerit moriens, quam ante virum occiderat. Deinde in Davide, qui 9) pacens patris suis gregem, si veniebat Leo vel Vrsus & tollebat arietem de medio gregis persequabatur eos, & percutiebat & eruebat de ore eorum, & si hæc bestię confurgerent adversus eum, apprehendebat mentum earum, & suffocabat interficiebatque eas.

194. Conservationis admirabilis exemplum habemus alterum in Isaac, qui jam proximus morti, quam Pater ex Dei mandato suis manibus jam inferebat, novo jussu Dei per Angelum subito adstantem communicato fuit conservatus: Alterum (10) in Hebræorum calceis & vestibus, quæ per totos annos quadraginta eorum in deserto commorationis non sunt attrita. Tertium in Daniele, qui semel per invidorum contra se machinationem annuente Rege Dario missus in lacum Leonum, inventus est postero die illæsus, quia (11) Deus misit Angelum suum, & conclusit ora leonum & non nocuerunt illi: Et iterum sub rege Cyro Babylone inclusus in similem lacum amice vixit sex diebus cum septem leonibus, quibus (12) dabantur duo corpora quotidie & duo oves, & tunc non data sunt eis ut devorarent Danielem, prandio interea sibi allato ab Habacuc propheta, quem apprehendit Angelus

(1) Judic. c. 15. v. 6.

(2) Ibid. v. 14. & c. 16. v. 12.

(3) Ibid. c. 16. v. 7.

(4) Ibid. v. 14.

(5) Ibid. v. 3.

(6) Ibid. c. 14. v. 19.

(7) Ibid. c. 15. v. 15.

(8) Ibid. c. 16. v. 27.

(9) 1. Reg. c. 17. v. 35.

(10) Deut. c. 29.

(11) Dan. c. 6. v. 22.

(12) Ibid. c. 14. v. 31.

*lus Domini, & portavit eum capillo capitis sui, posuitque eum in Babylo-
ne supra lacum in impetu Spiritus sui,*

195. Ex multiplicationibus insignibus altera fuit in domo viduæ, quæ Eliam in Sarepta excepit, cui (1) *hydria farina non defecit, & lecythus olei non est imminutus* juxta verbum Domini, quod loquutus fuerat in manu Eliæ usque ad diem in qua pluit post siccitatem trium annorum. Altera, dum (2) Eliseus oleum pro alia vidua, & viginti panes hordeaceos (3) pro multis hominibus ita multiplicavit, ut eorum fami superessent.

196. Ut de Victoriis divinitus acceptis aliquid dicam occurrit subito expugnatio Jericho, quæ ab Israelitis capta & eversa fuit novo obsidionis & tormentorum genere, circuitionibus scilicet militum & populi cum arca Domini circa muros ejus per sex dies semel initis, & clangore tubarum ac vociferationibus universi populi uniformiter elevatis ad imperium Josue septimo die cum septimum eadem die circuitum inirent, quo fragore (4) *muri illico corruerunt & ascendit unusquisque per locum, qui contra se erat, coeperuntque civitatem, & interfecerunt omnia, quæ erant in ea a viro usque ad mulierem, & ab infante usque ad senem. Urbem autem & omnia quæ erant in ea succenderunt absque auro & argento & vasis æneis ac ferro* juxta mandatum Domini. Occurrit iterum præclarum Gedeonis facinus, qui Madianitas, & alios Orientales populos quasi (5) *locustarum multitudinem* contra Hebræos congregatos aggressus de nocte cum tercentis militibus, armatis lagena vacua cum lampade in ejus medio, & tuba impulit in fugam & mutuam sui cædem, simul ac (6) *coeperunt buccinis clangere & complodere inter se lagenas, & clamare Gladius Domini & Gedeonis*: cui similis est clades bis illata prægrandi exercitui Benadad Regis Syriæ, semel (7) per ducentos triginta duos aulicos Achab regis Israel, & iterum per ejusdem Achab copias, quæ erant (8) *quasi duo parvi greges caprarum, quæ (9) percusserunt de Syris centum millia peditum in die una*, oppressis viginti septem millibus hominum, qui remanserant in Aphec ruina muri supra ipsos cadentis: Et alia clades exercitus Nabuchodonosor regis Assyriorum sub eorum duce Holoferne, hoc est (10) *peditum bellatorum centum viginti millia, & equitum viginti millia*, quæ prope Bethuliam consecuta est ipsius Holofernis cædem, cui caput Judith obruncavit.

197. Restant in classe Miraculorum utilium mortui ad vitam re-
VO-

(1) 3. Reg. c. 17. v. 16.

(2) 4. Reg. c. 4. v. 5.

(3) Ibid. v. 44.

(4) Josu. c. 6. v. 20.

(5) Indic. c. 7. v. 12.

(6) Ibid. v. 19.

(7) 3. Reg. c. 20. v. 15.

(8) Ibid. v. 27.

(9) Ibid. v. 29.

(10) Judith. c. 7.

vocati, alter ab Elia (1), & alter ab Eliseo (2) cum adhuc viveret, qui deinde jam sepultus (3) alium reviviscere quodammodo iussit. quando ejus cadaver in eodem sepulcro projectum tetigit ejus ossa.

ARTICULUS VIII.

De poenalibus aliisque in Terra miraculis Veteris Testamenti.

198. **V**enio ad Miracula punitionis. Hujusmodi fuit confusio linguarum, dum repente novæ linguæ auditæ sunt, cum antea esset (4) *tota terra labii unius*. Quare cum non audiret unusquisque vocem proximi sui, opus fuit ab incœpta Babelicæ turris constructione desistere, & per mutuam familiarum secessionem statim aggredi totius terræ præscriptum incolatum. Sed illustrior puniatio est per insecta morbos & clades. Ut aliquid de singulis dicam, in insectis commemorabo sciniphes (5) *omnis versus est in sciniphes per totam terram Aegypti*. Et mures, qui undique eruperunt per totam regionem Philistiim (6), quando arcam Domini in prælio captam apud se septem mensibus retinuerunt.

199. In morbis præter illos, qui dederunt locum sanationibus dictis (n. 191.) sunt (7) *ulcera vesicarum turgentium in universa terra Aegypti simul ac Moyses cinerem de camino dispersit in Cælum*: Et morbus qui percussit Philistiæos (8) *in secretiori parte natum*, quæ computrescentes fecerunt *interfectionem magnam nimis* Azoti primum, & deinceps in singulis ipsorum urbibus, ad quas arcam Domini in bello captam deducebant. Quare *ascendebat ululatus uniuscujusque civitatis in Cælum*, ut eam remittere ad Hebræos tandem decreverint cum aureis vasis includentibus ad expiationem delicti anos & mures aureos symbolos poenarum quas sustinuerant, secundum numerum urbium ipsorum. Quemadmodum exequuti sunt arcam supra plaustrum novum imponentes, quod duæ vaccæ quæ lactabant vitulos domi inclusos eidem junctæ recta duxerunt ad terminos Bethsames. Et congeries malorum, quibus Deus percussit blasphemum Antiochum, dum contra Jerusalem tenderet, scilicet (9) *insanabilis & invisibilis plaga, & dolor dirus viscerum, & amara internorum tormenta*, & lapsus de curru cum gravi corporis collisione, quæ ipsum tandem occiderunt, post-

(1) 3. Reg. c. 17. v. 22.

(2) 4. Reg. c. 4. v. 35.

(3) Ibid. c. 13.

(4) Genes. c. 11.

(5) Exod. c. 8. v. 17.

(6) 1. Reg. c. 5.

(7) Exod. c. 9. v. 10.

(8) 1. Reg. c. 5. v. 6. & 12.

(9) Mach. c. 9.

postquam coeperat vermicibus e corpore scaturientibus vivus putrescere, ut odore etiam illius & foetore exercitus gravaretur.

200. In mortibus ad manifestam punitionem illatis habemus illam Aegyptiorum, dum (1) in noctis medio percussit Dominus omne primogenitum Pharaonis usque ad primogenitum capriva, & omne primogenitum jumentorum. Et illas Hebræorum, quos Dominus (2) percussit plaga magna nimis in poenam desiderii carnium piscium ceparum & vilium ciborum Aegypti tam effraenati, ut sedentes & stantes, tumultuose hæc commemorarent, & mannam cælitus quotidie descendentem contemnerent. Et illam seditiosorum hominum Core, Dathan, & Abiron, quos terra ex improviso dehiscens ad verba Moysis absorbit cum omni ipsorum familia & substantia. Et illam (3) centum octoginta quinque millium ex militibus blasphemæ Regis Assyriorum Sennacherib, qui jussu Dei una nocte occisi fuerunt ab Angelo: quod alii apud Calmet in *Dissertatione de dissipato exercitu Sennacherib* coniciunt factum per vulnus internum, alii per ignem. Et illam, propter quam (4) luxit populus Bethsames, eo quod Dominus percussisset plebem plaga magna, quia in arcam Domini, quæ apud illos reveria fuerat, minori quam debuit reverentia se gesserat. Mortui enim repente ceciderunt vel septuaginta ex quinquaginta millibus, qui erant in eo populo, vel septuaginta supra quinquaginta millia juxta duas interpretationes, quæ dantur illi loco (5) *Percussit de populo septuaginta viros, & quinquaginta millia plebis*, de quibus meminit Emanuel Sa, tertiam etiam commemorans, quam nuper Jo. Bernardus de Rossi apud Ephemerides Literarias Romanas (6) videtur magis probare, quæ ut verbis prædicti Sa utar sic habet, (7) *Hebræi putant sensum esse, septuaginta quidem solos fuisse interfectos, sed adeo excellentes, ut pro quinquaginta millibus computari possent*. Et illam Ozæ quem (8) extendentem manum ad arcam Dei percussit Dominus super temeritate, & mortuus est ibi juxta arcam Dei. Et illam anonymi Prophetæ, qui rediens (9) ab Jeroboamo, quia comedit & bibit in loco, in quo præceptum sibi fuerat a Domino non comedere neque bibere, prænunciatam mortem subit occisus a Leone in via, qui stetit cum asino ejusdem prophetæ juxta cadaver, donec ex civitate venirent, qui ipsum asportarent & sepelirent. Et illam (10) *septuaginta millia virorum* Israelitarum, spatio trium dierum ex peste a Deo immissa ad puniendam ipsorum peccata, maxime vero superbiæ Regis David. Et illam tandem pecorum quæ erant in agris

Ac.

(1) Exod. c. 12. v. 29.

(2) Num. c. 11. v. 3.

(3) 4. Reg. c. 19. v. 35.

(4) 1. Reg. c. 6. v. 19.

(5) 1. Reg. c. 6. v. 19.

(6) Efem. an. 1776. n. 34. ar. Parma

(7) Sa. Notation. in totam Scriptur.

(8) 2. Reg. c. 6. v. 6.

(9) 3. Reg. c. 13.

(10) 1. Reg. c. 24. v. 15.

Aegyptiorum, quæ una die (1) *mortua sunt omnia*, ingruente *super equos & asinos & camelos, & boves & oves pesti valde gravi*, per quam perierunt quæcunque inventa sunt ex his brutis non quidem in domibus, sed in agris; Hoc enim expresse prædictum fuit (2) quod non advertit Bolingbroke, qui habens præ oculis equitatum Pharaonis post paucos dies aquis Erythræi submersum putat se contradictionem in sacro libro invenisse.

201. In cladibus celebres sunt illæ Philisthiim ab Judith Samsone, & arca Dei sub Heli jam commemoratas, & quam iidem acceperunt sub Samuele, quando ineuntes prælium contra Israel, (3) *Intenuit Dominus fragore magno & exterruit eos, & cæsi sunt, nec apposuerunt ultra ut venirent in terminos Israel, & redditæ sunt urbes, quas tulerant ab Israel Israeli*.

202. Restant miracula, in quibus minus clara est ratio commodi aut damni. In his colloco, quod ex ipso asinæ ore insonuerit loquutio humana, quando hoc jumentum (4) cum Balaam domino suo colloquutum est. Et quæ visa sunt in Job, primo quidem miracula patientiæ, quando Deus permisit ipsum affigi a Dæmone subita morte septem filiorum & trium filiarum sub ruina domus, & iactura omnium bonorum, quæ erant (5) *septem millia ovium & tria millia camelorum, quingenta quoque juga boum, & quingentæ asinæ ac fanilia multa nimis*, & tandem sævissimo morbo, de quo Calmet dissertat: orem protulit, hoc est (6) *ulcere pessimo a planta pedis usque ad verticem ejus*. Deinde vero miracula Divinæ remunerationis tantæ virtutis, quando tandem (7) *Dominus benedixit novissimis Job magis quam principio ejus, & facta sunt ei quatuordecim millia ovium, & sex millia camelorum, & mille juga boum, & mille asinæ*, duplum omnium, quæ antea habebat, præter septem iterum filios & tres filias speciosas supra omnes universæ terræ mulieres, & vita concessâ (8) *post hæc centum quadraginta annorum, & vidit filios suos & filios filiorum suorum usque ad quartam generationem*. Et quæ acciderunt in Moyse, quando evocatus in montem, ibi (9) *fuit cum Domino quadraginta dies & quadraginta noctes: panem non comedit, & aquam non bibit*. Quod prodigium iterum renovatum fuit in Elia, qui postquam de subcinericio pane & aqua sibi delatis ab Angelo (10) *comedit & bibit, ambulavit in fortitudine cibi illius quadraginta diebus & quadraginta noctibus*. Et tandem quod contigit tribus licitorum manibus successive missis a Saule contra David, & ipsimet Sauli ad ipsum perdendum

PIO-

(1) Exod. c. 9. v. 6.

(2) Ibid. v. 3.

(3) Reg. c. 3. v. 10.

(4) Num. c. 22. v. 28.

(5) Job. c. 1. v. 2.

(6) Ibid. c. 2. v. 7.

(7) Ibi. c. 42. v. 12.

(8) Ibid. v. 16.

(9) Exod. c. 34. v. 28.

(10) 3. Reg. c. 19. v. 8.

procedenti, qui omnes repente ad occursum Samuelis stantis supracuneum prophetarum simul cum his omnes coeperunt prophetare, in Divinas laudes se effundentes furoris sui & iniqui propositi penitus obliti.

ARTICULUS IX.

Argumenta pro propositione.

203. I. **P**robatur. Vetus Testamentum est Verbum Dei: ergo quæ ibi narrantur miracula sunt vera; Nam Deus nec falsum nec fallitur, quoniam utrumque est imperfectio, quæ repugnat cum idea Dei entis perfectissimi. Hoc argumentum valet pro iis, qui non dubitant de antecedenti. Pro incredulis autem de schola alicuius pagani Porphyrii, aut apostatæ Juliani, qui ipsum negent, vel de eo dubitent, quin velint aut consulere aut admittere argumenta, quæ pro eodem passim a Theologis præsertim polemicis afferuntur, aliter sic probatur.

204. II. Ideo nulla essent miracula, quæ in Veteri Testamento narrantur, vel quia quæcunque sunt in Mundo dici possent esse juxta cursum naturæ, vel quia de eorum veritate posset dubitari: sed neutrum dici potest: Non primum, ut jam supra (n. 130.) demonstratum est: non secundum quod sic ostendo. Nulla potest esse dubitatio de eorum veritate, quæ integra natio fuisset sensibus usurpavit, & de quibus jam tunc constituta apud illam sunt publica monumenta pro tempore futuro: Atqui miracula ante legem Gratiæ five quæ in Veteri Testamento narrantur integra natio fuisset sensibus usurpavit, & de iis jam tunc constituta apud illam fuerunt publica monumenta in cærimoniis & festis vel aliis argumentis pro tempore futuro: ergo nulla potest esse de illorum existentia dubitatio. Hoc argumentum, quo non semel utuntur etiam Bergierius (1) & Nonnote (2) illustrem includit demonstrationem præclare exornatam. & propugnaram a Carolo Lesleo in sua *Methodo brevi contra Deistas ejusque defensione*, de qua alibi (3) memini.

205. Major enim continet characteres, qui quoties in facto aliquo inveniuntur, toties illud cogimur admittere expulsa vel minima dubitatione. Minor autem declaratur in quibusdam pervulgatis veteris Testamenti miraculis. In his insigne est & celeberrimum, educio Hebræorum ex Aegypto post mortem divinitus una eademque

O

no-

(1) Ber. Apolog. de la relig c. 2. §. 3.
& c. 6 §. 3.

& ar. Miracles sub. init.

(3) De bono. n. 241. Edit. secus.

(2) Nou. Diss. ar. Certitude. pag 173.

nocte illatam omnibus primogenitis Aegyptiorum tam hominum quam jumentorum (1). Hebræi testes de visu hujus miraculi aliorumque, quæ hoc præcefferunt, & subsequuta sunt, fuerunt (2) *sexcenta fere millia peditum virorum absque parvulis, & vulgus promiscuum innumerabile*: & omnes viderunt hujusmodi stragem & audierunt clamores omnium familiarum, (3) *Neque enim erat domus, in qua non jaceret mortuus*. Igitur habemus testes hujus miraculi integras nationes Hebræorum & Aegyptiorum. Præterea in ejusdem memoriam & exitus de Aegypto, qui ipsis tunc non solum permissus fuit a Pharaone, sed etiam acceleratus ab ipso & universis Aegyptiis statim constitutum fuit Paschatis festum anniversarium ritu præscripto in perpetuum, & sanctificatum est Domino (4) *omne primogenitum tam de hominibus, quam de jumentis*: & (5) *pro omni primogenita filiorum Israel electi circa idem tempus fuerunt Levitæ*, quibus Sacrorum cura commissâ fuit. Igitur tanti miraculi habemus etiam publica monumenta ad ejusdem memoriam constituta.

206. Idem characteres habentur in miraculosa apparitione Majestatis Divinæ supra montem Sinai inter fulgura & troniſtrua, dum Decalogum perscriberet, & in ejusdem memoriam institutum fuit Festum Hebdomadarum (6), sive Pentecostes. Idem in admirabili manna, qua annis quadraginta universa gens Hebræa in deserto fuit sustentata, & ipsius portio quædam intra unum vas in tabernaculo recondita fuit (7). Idem in subita internecione partim per voraginem repente apertam, partim per ignem late grassantem (8) contra illos, qui sibi sacerdotium per rebellionem arrogarunt: & hujus Divinæ altionis testimonium exhibitum fuit per novum miraculum in virga Aaron germinante frondes & flores ad confirmationem Sacerdotii in sola familia Levi, & utriusque miraculi monumentum fuit collocatio ejusdem virgæ (9) intra ipsum foederis tabernaculum. Idem in sanatione a morſu serpentium, qui blasphemum populum occidebant, per solum intuitum ænei serpentis in sublime positi, qui usque ad tempora Ezechix extabat, cum ipsi Israel (10) adoleret incensum. Idem in aliis, quorum memoria statim temporibus quotannis renovabatur.

Alia pro propositione argumenta dabunt, qui de singulis Veteris Testamenti miraculis distinctius agunt, in quibus sunt Pere-

rius

(1) Exod. c. 12. v. 29.

(2) Ibid. c. 13. v. 37.

(3) Ibid. c. 13. v. 30.

(4) Ibid. c. 13. v. 2.

(5) Num. c. 3. v. 12. & 41.

(6) Exod. c. 34. v. 22. & Deut. c. 16. v. 9.

(7) Exod. c. 16. v. 33.

(8) Num. c. 16.

(9) Ibid. c. 17. v. 10.

(10) 4. Reg. c. 18. v. 4.

rius (1), Franciscus (2), & hæreticus etiam homo Stillingfleetus apud Antonium Genuensem (3).

ARTICULUS X.

Objectiones Generales.

207. I. **O**biicit nescio quis apud Lesseum (4). Extat apud Livium decretum Romanæ Reip., quod publicas supplicationes indicit in honorem Aesculapii pro gratiarum actione liberatæ urbis a peste, cui eadem etiam de causâ ædificatum fuit templum in insula Tyberina: ergo habemus testimonium integræ Urbis de expulsiōe pestis per Aesculapium, ejusque publicum monumentum: Sed omnes jam credunt hoc miraculum esse falsum atque chimæricum: ergo etiam factum quod integra Urbs aut natio testatur, & per publica monumenta æternitati consecravit, potest esse falsum atque chimæricum.

Resp. nego ans. Livius (5) solum refert factas publicas preces Aesculapio, quin harum causam aut occasionem producat, nec ullo modo meminit de erecto templo in memoriam sublatae pestis. Ovidius (6) primus est hujus templi narrator, quod ædificatum dicit, postquam serpens quidem e navi erumpens in insulam aufugit, quia creditus fuit ipse Aesculapius sub ea latens imagine.

208. II. Obiicit idem. Historia Romana refert duos juvenes, quos Castorem & Pollucem Romani crediderunt, ante ipsorum equites processisse in bello contra Latinos, eosque devicisse, & in victoriæ memoriam anniversarium festum una cum templo illis consecratum: quin tamen ullus jam sit qui hinc concludat non posse de veritate hujus facti dubitari.

Resp. nego assumptum. Nulla est Historia Romana, quæ quod obiicitur habeat. Cicero est author omnium antiquissimus, qui de hac narratione mentionem faciens, eam inter aniles fabulas (7) amandavit. Ceterum T. Livius (8) refert dumtaxat Dictatorem Posthumium ante congressum cum Latinis templum Castori promississe, nec meminit de ulla apparitione. Et Dionysius Halicarnaseus (9) dicit quotannis celebratam hanc victoriam solemnī pompa, sed non dicit eam immediate post victoriam stabilitam fuisse, nec in honorem

O 2

(1) Per. in Exod. c. 7. & seq. secc. disp.

(2) Francois. Defen. de la Relig. vol. 3.

(3) Gen. Elem. Metaph. p. 3. c. 3. in appe. n. 9

(4) Les. Discesa del Metod. n. 3.

(5) Liv. Hist. l. 30. c. 47.

(6) Ovi. Metam. l. 15.

(7) Cic. de Nat. Deo. l. 3.

(8) Liv. Hist. l. 2. c. 20.

(9) Dio. Antiq. Roman. l. 6. c. 13.

rem Castoris & Pollucis. Mitto alias similes, & fortasse magis etiam confictas objectiones, quæ videri possunt ab eodem Lesleo relatæ, & facile etiam dissipatæ.

209. III. Obijcitur. Miracula, quæ in Pentateucho continentur, possunt esse figmenta excogitata a Moyse, si sit illius auctor, vel ab iis, qui ipsum sub ejus nomine promulgarunt: ergo incerta sunt.

Resp. *nego ant.* Nam quod pertinet ad primam ipsius partem, agnoscere Moysen Pentateuchi authorem, & simul dicere, quod possint esse ejus figmenta, quæ narrat miracula, idem est ac dicere, quod integra natio Hebræorum crediderit se vidisse ea, quæ non vidit; Nam numquam mendacium objicit in tam frequentibus alloquutionibus, in quibus eadem appellatur testis eorum quæ narrantur. Cujusmodi sunt, (1) *Vocem Dei loquentis de medio ignis tu audisti. Dominus* (2) *Deus noster iniiit pactum nobiscum, qui in præsentiarum sumus & vivimus. Cognoscite* (3) *hodie quæ ignorant filii vestri, qui non viderunt disciplinam Domini Dei vestri, signa & opera, quæ fecit in medio Aegypti Ibaraoni Regi, omnique exercitui Aegyptiorum quomodo operuerunt eos aqua maris rubri, cum vos persequerentur.* Nonne exsibilaretur ut mendax, aut rideretur ut delirus, qui nunc pro concione diceret se paucis ante diebus in mediis Tyberis aquis viam aperuisse, per quam omnes siccis pedibus ambularent, & hortaretur, ut singulis filiis octavo a natiuitate die imprimerent sui nominis certum symbolum in ipsorum dextera, sicuti omnes jam in hujus facti memoriam gestant?

210. Quod vero pertinet ad alteram partem negati antecedentis, agnoscere Pentateuchum receptum ac veneratum esse usque ad hanc diem ab omnibus Hebræis tamquam codicem, in quo continentur fundamenta & primordia suæ Reip., primæ ipsius leges, juxta quas stabilita & ordinata sunt, & historia suorum maiorum, & simul dicere illum esse opus deceptoris, qui Moyse eundem attribuit, idem est ac velle Hebræos omnes repente evasisse stolidos obliviosos arque mendaces, & hujusmodi deceptorem fuisse plusquam Omnipotentem. Stolidi quidem fuerint necesse est Hebræi, qui receperint tamquam antiquum corpus juris a se admissi, libros, qui ea proponunt, de quibus quicquam numquam audierunt. Obliviosi, qui leges majorum suorum, & quas usque ad hesternam diem sequuti fuerant in forma vivendi, & reip. administratione, in novas ex improviso commutaverint. Mendaces tandem qui affirmarent antiqua esse jura ritus exercitia, quæ conscii erant per illos dies

(1) Deut. ca. 4. v. 34.

(2) Ibid. ca. 5. v. 2.

(3) Ibid. ca. 11. v. 2.

dies primum a se cognita. Quod præterea ea hypothesis posulet ut credatur deceptor ille fuisse plusquam omnipotens probatur, quia ab orbe condito, a Deo ipso Omnipotenti numquam novimus effectum esse, ut integræ gentes sibi suaderent se ab antiquis temporibus exercuisse in his vel illis cærimoniis, quas nudius tertius dumtaxat primo amplexæ sunt, easque a parentibus accepisse, cum numquam ante hanc diem sibi innotuerint.

211. Instant. Ex eo quod Hebræi servant ritus, cærimonias, festa, & alia quædam ipsis propria tamquam monumenta prodigiorum, quæ apud illos divinitus acciderunt, non sequitur, quod hæc prodigia revera acciderint. Assumptum quod negatur, sic probant. Ea omnia potuerunt esse jam olim usitata apud illos, & credita solum esse monumenta eorum prodigiorum, postquam deceptor aliquis apud ipsos promulgavit Scripturas, in quibus ea prodigia proponuntur tamquam illorum rituum origo: ergo.

Resp. *nego ans.* Nam usus hujusmodi sacrorum, qui supponitur ante ipsam promulgationem veteris Testamenti, necesse est ut suis rationibus niteretur, tamquam hujus usus causâ apud illos nota & pervulgata. Fieri enim non potest, ut prorsus temere gentes consentirent in eorum exercitio. Hæ autem rationes, quoniam non fuerunt prodigia narrata in Bibliis utpote nondum extantibus, aliæ erunt diversæ, quas opus erit dicere post Bibliorum inventionem ac promulgationem tot gentes abnegasse, ut illis locum darent, quas Author horum librorum commentus est cum novo stoliditatis aut oblivionis aut mendacii insigni argumento; Admitterent enim se olim hæc vel illa peregissee in memoriam eventuum, quæ ipsimet viderunt, cum revera ne in mentem quidem ipsorum venerint ante auditas hujus deceptoris fabellas.

212. Quoniam Hume voluit haberi pro (1) *regula generali maxime attendenda*, nullius testimonium aptum esse ad stabiliendum miraculum, nisi hujusmodi sit ut ejus falsitas esset quid magis admirabile, jam datur ansa novo argumento, quod ipsum & sibi similes cogat admittere Pentateuchi miracula; hæc enim negari non possunt, nisi admittendo contra suam regulam aliud majus & prorsus auditum prodigium de subita & permanenti vel dementia vel malitia integræ Hebræorum Reipublicæ.

213. Non dimittam hanc objectionem, quin advertam dubitationem circa existentiam Moylis & consequenter circa authorem & auctoritatem Pentateuchi reperiri in aliis libellis præter supra (n. 128.) citatos, de quibus meminit Bergierius (2) qui in vulgus nostra

(1) Hum. Essay of mirae. p. 1. in fine.

(2) Ber. Apolog. c. 2.

nostra ætate disseminati sunt, anonymi plerumque ex hac etiam causa. quod ipsorum authores conficii sibi sunt ea se effutire, quæ in buccam veniunt, & quæ etiam falsa esse non ignorant, adeoque quæ vel mediocriter docti demonstrare possunt ea nihil concludere, nisi ipsorum ignorantiam temeritatem improbitatem. Hoc fecerunt reipsa Bergierus citato loco & Nonnote ad articulum *Moyse* sui Dictionarii, expeditè proponentes quid responderi debeat horum hominum diversis propositionibus, quibus saltem in dubium revocare conati sunt aut existentiam Moysis, aut ipsius dignitatem, aut libros, qui sub ejus nomine tamquam ab eo conscripti prædicantur & observantur.

214. Mihi satis est dicere adeste de his omnibus traditionem, de qua vera sunt hæc duo: Alterum est, quod ne veteres quidem pagani insensissimi hostes religionis tam Judaicæ quam Christianæ, Appiones Porphyrii Celsi Juliani, tentaverint unquam hæc negare, aut in dubium revocare, tum quia de Moysæ tamquam Hebræorum legislatore meminerunt cujusvis ætatis scriptores, etiam qui ante hos paganos extiterant Diodorus Siculus, Suetonius, Trogius Pompejus, Justinus, Plinius, Tacitus: tum quia cum Pentateucho qualis habetur apud Hebræos consentit ille, qui Samaritanis characteribus extat, & pertinet ad populos Idololatrias, qui jussu Salomanafaris Regis Assyriorum (1) cum Samariam occupassent, ipsum ab Hebræis acceperunt & descripserunt, ut Deum Israelis ibidem jam antea veneratum & ipsi colerent, sibi que propitium haberent, quod contigit tribus ferme sæculis ante Esdræ, cui proinde fabulose tamquam auctori sacri libri tribuuntur: tum quia cum eodem Pentateucho consentiunt, & ad eum appellant frequentissime quotquot sunt apud ipsos Hebræos libri tam prophetici quam historici, ut facile planum erit cuique, qui consulat articulum *Moyse* in Bibliorum concordantiis. Alterum est quod eorum quæ diximus traditio ad nos pervenit descendens ab ipsa prima institutione Reip. Hebrææ, quæ etsi progressu temporis divisâ fuerit in duo regna Judæ & Israelis, & hæc in varias sectas quod pertinet ad religionem, eademque natio modo dispersa sit per totum terrarum orbem, hos tamen libros numquam non custodivit diligenter & religiose tamquam codicem divinarum legum pro omni sacra & civili administratione.

215. IV. Objicitur. Miracula, in quibus interveniunt circumstantiæ Deo indignæ, quia inutiles, & pene ridiculæ, sunt falsa: Hujusmodi sunt permulta miracula Veteris Testamenti: ergo hæc saltem sunt falsa. Minor declaratur. In iis, quæ dicitur Moyses te-

cise

(1) 4. Reg. ca. 17.

cisse in Aegypto coram Pharaone , in Mari Rubro , & in Deserto plerunque legitur adhibuisse virgam quamdam , eamque cum in Caelum extenderet (1) tonitrua & grandinem excitasse : cum supra flumen quassaret , aquam (2) in sanguinem convertisse : cum supra pulverem (3) , sciniphes procreasse . Quid magis inutile ad præstanda hæc miracula , quam virga & ejus motus ? Eadem virga in altum manibus Moysis elevata adducitur quasi in instrumentum victoriæ contra Amalec relatæ ab Josue . Legitur enim , quod mittens Moyses Josuem ad pugnam contra Amalec dixit , (4) *Ego stabo in vertice collis habens virgam Dei in manu mea . Cumque levaret Moyses manus , vincebat Israel : sin autem paulum remisset , superabat Amalec . Manus Moysi erant graves : Sumentes igitur lapidem posuerunt subter eum in quo sedit : Aaron autem & Hur sustentabant manus ejus ex utraque parie . Et factum est ut manus ejus non lassarentur usque ad occasum Solis . Fugavit Josue Amalec , & populum ejus in ore gladii .* Quis jam his auditis credat Deum alligatè quodammodo huic cærimonix seu manuum modificationi hujusmodi victoriam ? Quid dicam de clade ingentis Madianitarum exercitus , quæ describitur reportata per noctem a Gedeone cum trecentis militibus non gladio , sed tubæ clangore & lagenarum collisione , quas cum accensa in earum medio lampade singuli gestabant . Quod paucissimi prævaleant immensæ etiam multitudini miraculum est Deo dignum , sed quod eo modo armati id obtineant , est quid incredibile , & quasi nugatorium . Mitto alia multa hujusmodi .

216. *Resp. conc. maj. & nego min.* Probationes adductæ continent vel incredulitatem , si Biblia non agnoscantur tamquam verbum Dei , & responderetur per ea , quibus eorum Divinitas a Theologis polemicis demonstratur : vel continent impietatem atque blasphemiam , si ea admittantur ut Divina , & simul irrideantur . Et nihil nobis commune cum impiis & blasphemis . Quod si hæc dicant non ad irrisionem , sed ad eruendam significationem hujusmodi quasi conditionum , sub quibus ea miracula Dens operatus est : & tunc consulendi in singulis probati Interpretes . In universum dici potest eas Divino consilio atque imperio aut inspiratione adhibitæ , ut clarius Divina Potentia appareret .

AR-

(1) Exod. ca. 9. v. 24.

(2) Ibid. ca. 7. v. 17.

(3) Ibid. ca. 8. v. 17.

(4) Ibid. c. 17. v. 9.

ARTICULUS X.

*Objectiones contra miraculum Diluvii universalis
quantum ad ejus existentiam.*

217. I. **O**bjicitur. Numquam extitit Diluvium, quod circumquaque terram aquis oppresserit: sed Diluvium tempore Noe fuit solius Asiæ. Hanc objectionem promouent Isaacus Vossius, qui pios nugatores appellat sibi adversantes, Isaacus Peyrierius Auctor hæreseos Præadamitarum, quam tamen deinde ejuravit ex dictis alibi (1), Eduardus Stillingfleetus (2), Marchio d'Argens (3) a Salchib (4) impugnatus, & Author Dissertationis de Diluvii Universalitate, quæ habetur ad calcem operis *De Origine Animalium* Abrahami Mylii editi Genevæ ann. 1705, de qua editione loquentes Trevoltiani (5) negant eam esse Mylii, cui tamen Falsonius (6) illam recentior attribuit, dicitque editam non Genevæ sed Halæ ann. 1705.

218. Resp. nego assumptum, I. quia vim infert Scripturæ verbis (7) *Factum est Diluvium... operitque sunt omnes montes excelsi sub Univerſo Cælo, consumptaque est omnis caro*, & alibi (8) *Mundus aqua inundatus periit*. Dum dicunt Adversarii hæc testimonia posse intelligi non de toto globo terraqueo, sed de ea dumtaxat ipsius parte, quæ tunc erat habitata; quandoquidem iidem terminis universalis hanc limitationem postulant in aliis Scripturæ locis: Equidem respondeo eos hoc modo effugere notam hæreseos, postquam narrante Bernardino Vestrino (9) hac via Babilonius cum esset Romæ, quando de opinione Vossii examen instituebatur, illius condemnationem impedit: non vero immunes esse a nota cuiusdam vanæ cogitationis; Nam dum refugiunt fateri miraculum universalitatis diluvii, aliud admittant necesse est, ut observavit Aquila (10) in suspensione aquarum in aliqua terræ parte longe supra alias contra leges hydrostaticæ, vel in mutatione centri gravitatis; Hal-lejus enim observat (11), quod si fingamus centrum istud gravium fuisse a Deo promotum particula bis nullesima semidiametri terrestris in eam terræ partem, quæ ex hypotheti sola fuerit tunc habitata,

(1) De Mundo §. 305.

(2) Stil. Origin. Sacræ li. 3. ca. 4. §. 3.

(3) Arg. Philos. du bon sens.

(4) Sal. Lettre sur le Deisme.

(5) Trev. ann. 1706. art. 6.

(6) Fals. de Mirac. nu. 32.

(7) Gen. ca. 7. v. 17.

(8) 1. Pet. ca. 3. v. 6.

(9) Velt. Lette Teolog. p. 1. lett. 9.

(10) A. Mil. Dizio. della Bibbia. art. Diluvio.

(11) Hallej Transac. philos. abridg'd. vol. 1. c. 5. nu. 8.

tata, hoc satis fuisset ad obruendos aquis montes omnium altissimos. Quidnam contra hanc interpretationem dixisset S. Augustinus, qui noluit (1) eam tolerare, quæ nomine universi Cæli hoc loco intelligit solum atmosphæræ spatium, in quo nubes condensatur, & ex quo imbres cadunt, ne opus sit exceptionem admittere in ea narratione, quæ circumfertur de quibusdam montibus, ut Olympo nulla unquam coopertis nube, adeoque nulli subiectis pluviæ, quam mirum est Cajetanum (2) confutatum a Pererio (3) deinde accepisse. Cur inquit Augustinus hi dubitant Deum in hoc diluvio elevasse aquas supra solitum etiam rubium locum, postquam non dubitant illuc elevasse terram montium?

219. II. Nego assumptum, quia non componitur cum circumstantiis hujus diluvii, qualis illa (4) Dei imperantis constructionem arcæ, operis centum annorum, otiosi penitus, siquo longo vel brevi itinere potuisset Noe, & ejus familia alio abire, quo non foret aqua, quomadmodum quia solæ quædam civitates in quibus Sodoma & Lot habitata ad flammam damnatæ erant, ille cum suis compulsus fuit in aliam se recipere. Et qualis est alia de aqua, quæ fuit (5) *quindécim cubitis altior supra montes* ex necessaria consequentia præruptæ pluviæ per dies (6) & noctes quadraginta; Nam (7) *accipe*, inquit I essius, *vas cuius diameter sit duorum pedum: expone nimbo vehementissimo, intra horam conscendit aqua ad quatuor pedes. Unde quadraginta diebus ascendet pedes 3840, superabitque omnium montium cacumina*; Nullus enim est mons qui in directum sit tantæ altitudinis.

220. III. nego, quia opponitur Patribus & Theologis, quorum (8) omnium mirum esse consensum circa universitatem Diluvii dicit Pererius. His addantur Philosophi, qui vestigia hujus diluvii dicunt esse varia concharum, marinorumque corporum genera, quæ in ipsis montibus a mari remotis in omnibus terræ regionibus ex alibi (9) dictis reperiuntur.

221. IV. nego, quia contrarium est communi sententiæ omnium nationum; Illarum enim historiæ, ut post Grotium (10) observat Ioseph Antonius Constantinus (11) suam in universali diluvio terminum omnes habent, & apud omnes hujus diluvii memoria per traditionem accepta invenitur, (12) *Factum esse diluvium*, inquit Lactantius, *ad perdendam tollendamque ex orbe malitiam constat inter omnes. Idem enim & Philosophi & Poeta, scriptoresque rerum antiquarum*

(1) S. Aug. de Civ. l. 15. c. 20.

(2) Cai. in c. 7. Genes.

(3) Perer. in Gen. l. 12. n. 44.

(4) Gen. c. 6. v. 14.

(5) Ibid. c. 17. v. 20.

(6) Ibid. v. 20.

(7) Les. de Providen. n. 154.

(8) Per. in. Gen. l. 12. diff. 12. n. 65.

(9) de Mundo. n. 277.

(10) Grot. de Verit. Relig. l. 1. §. 16.

(11) Conf. Verità del diluvi. p. 1. scz. 6.

(12) Lac. l. 2. c. 10.

rum loquuntur. Quod si illum, quem Moyses appellat Noem, qui a diluvio superstes fuit, Aegyptii dicunt Osyr m, Græci Deucalionem, & alii aliter, hoc factum est, dicit Philo (1) ex eo, quod aliqui Scriptores nomina ipsa propria converterent in suam linguam juxta significationem, quam videbant habere in lingua eorum, a quibus historiam hanc acceperunt. Nec gratis hoc ab eo dictum est, quippe convenient etiam in circumstantiis minoribus, cujusmodi est, emissam post diluvium a Deucalione columbam, & reversam, manentis diluvii indicium: iterum autem missam, nec reversam evanescentis indicium fuisse, quod refert Plutarchus (2) contineri in iis, quæ de diluvio Deucalionis prodita sunt.

222. Jo Clericus in notis ad citatum Grotium recitat, quæ apud antiquos Scriptores in hac re testimonia auctorum inveniuntur, quos ipsi legerant, sed amplius non extant, ut Berosi, & Nicolai Damasceni apud Josephum (3), Molonis apud Eusebium (4), Alexandri Polyhistoris apud Cyrillum (5), Abydeni apud eundem Cyrillum, & apud Eusebium (6), Luciani ubi agit de Dea Syria & aliorum. De his videri etiam potest Huetius (7), quæ plane demonstrant, quanti faciendus sit Author libelli *de Mundo & ejus origine*, qui ad excludendam veritatem diluvii universalis arguit ex silentio omnium populorum. Ejus confutatio habetur apud Trevoltianos (8).

223. At inquit historia Sanchoniatonis auctoris antiquissimi, quam Philo Biblius ex Phœnicia lingua in Græcam transtulit, & quæ incipit ab origine generis humani, etsi tota ad nos non pervenit, nihilominus in ea, quæ habetur, non reperitur ulla mentio diluvii universalis: ergo non omnes historici mentionem faciunt de diluvio universali.

Resp. *omitto ans. & dist. consequ.* Non omnes historici etiam qui nullius attentionem aut æstimationem merentur, cujusmodi est Sanchoniaton, meminerunt de diluvio, *omitto consequ.* secus *nego consequ.* Non curandum igitur de Sanchoniatone & ejus historia: Nam incertum est an unquam extiterit, ut alibi (9) dixi, & sunt qui credunt hanc historiam & nomen ipsum Auctoris figmentum esse Philonis vel scelerati alicujus, qui eam scripserit, ut observant Angli historiæ Universalis Auctores (10) ad suffragandum Idololatriæ. Quare per lineam Caini procedit, non per illam Sethi, ut facit Genesis. Proinde quando nulla facta sit mentio in historia Sanchoni-

(1) Phi. De præmi. & poenis

(2) Plut. de Solertia animal.

(3) Jos. l. 1. con. Appionem

(4) Euf. l. 9. Præp. c. 19.

(5) Cyri. li. 1. adv. Julianum

(6) Euseb. l. 9. præp. c. 12.

(7) Huc. Concord. ration. l. 2. c. 12 n. 9.

(8) Trev. ann. 1751. ar. 67. pag. 1271.

(9) de Mundo. §. 124.

(10) Istor. Univer. Vol. 1.

choniatonis non est mirum, quandoquidem data opera potuit prætermitti narratio hujus vindictæ, quæ in poenam etiam idololatriæ non absurdum est dicere inflictam fuisse.

224. II. Obiicitur. Tempore quo Diluvium dicitur contigisse, nondum genus humanum & animalia erant per universum telluris ambitum propagata: ergo non debuit diluvium esse Universale.

Resp. I. *omitto ans, & nego consequens*. Nam finis diluvii universalis non solum fuit, ut perderetur omnis caro, sed etiam ut nova Telluris facies fururo generi humano disponeretur, & alii fortasse, de quibus tamen nunquam equidem exquiram, ut hujus existentiæ diluvii cognoscam, cum hæc satis aperte sit in Scriptura revelata.

225. Resp. II. *nego ans*, quod temere immo contra rationem dicitur; Nam cum a creat. one Mundi ad diluvium deflexerint juxta plures Chronologos anni 1656 & juxta alios plusquam bis mille, potuit sine dubio intra hoc temporis intervallum per totum terrarum orbem diffundi genus humanum. Nonne enim Petavius (1) in hypothesisi, quod singuli filii Noe habuerint unum filium per octo annos successive, qui cum simili hypothesisi genuissent filios ab anno ætatis 17, & ita porro de successivis generationibus, demonstrat fore anno a diluvio 285 numerum hominum ex duobus filiis Noe generatorum 1 247 214 717 456 omisâ stirpe tertii filii ad distributionem feminarum quot scilicet orbis terrarum nunquam vidit simul existere. Nonne ex septuaginta hominibus qui e familia Jacob in Aegyptum transmigrarunt, quorum pars aliqua effoeta jam erat, extiterunt intra spatium annorum 315 tot homines, ut in eorum egressu numerati fuerint apti ad armorum usum 600 000 Quod si præter tempus consideremus etiam statum soli longe tunc fertilioris, cum nondum tanta aquarum alluvione depravatum fuerit, concludemus non solum terram ubique habitata fuisse, sed multo etiam magis ac unquam fuerit post diluvium, ut expresse credunt Angli historię Universalis Authores (2).

226. III. Obiicitur. Posita universalitate Diluvii, & interitu omnium viventium, quæ non erant intra arcam, nequit intelligi, quomodo animantia non aquatica, & ipsi homines in Americam pervenerint. Dicere enim cum aliquibus, a quibus Voltaire alietum se non esse declarat, homines in America natos esse eadem ratione ac plantæ ibidem & alibi nascuntur. obnoxium est pertrultis absurdis, quibus Nonnore (3) urget hanc opinionem: ergo diluvium tempore Noe non fuit universale.

P 2

Resp.

(1) Pet. de Doctr. temp. l. 9. c. 14.

(2) Istor. Univ. Vol. 1. p. 4. c. 1. scz. 6.

(3) Non. Erreur. de Voltai. to. 1. c. 15.

Resp. *nego ans*. Potest enim intelligi hic hominum transitus ex continenti aliquo in insulas per navigationem. Imprimis enim America ne nostris quidem temporibus ubique sejuncta est tanto aquarum intervallo, quanto ab Europa sejungitur. Ex parte Tartariæ Orientalis usque in Americam frequentes occurrunt insulæ non longe inter se diffusæ, ut apparet in Mappa, quam De l' Isle testis de visu protulit. Alii etiam Geographi deinde alias adnotarunt. Præterea affirmari potest, ut observat Genuensis (1) ex testimonio plurium historicorum, quos alibi (2) citavi, longe post diluvium factam paulatim esse tantam terræ habitabilis quasi scissionem in tam diffusas inter se partes per varios terræ motus, & particulares alluviones. Cum aditushac via ad illa loca pateat pro hominibus, non restat difficultas pro reliquis animantibus, quæ illuc ab ipsis hominibus deduci poterunt, & ipsa per se eodem modo pervenire.

227. Quod dicitur de Voltaire, si ille plantis æquiparat homines, quatenus utraque credat existere ex fortuito motu materiæ, utique turpissime errat. Casus enim non est rerum constanter ordinatarum causa, ut alibi (3) demonstratum est. Sin autem credat tam plantas, quam homines nasci ex sibi similibus, jam vel contra Scripturam admittit superstites fuisse alios homines præter inclusos in arca, quemadmodum plantæ superstites fuerunt ut constat ex ramo olivæ quem columba detulit ad Noe, vel intactam relinquit quæstionem. Nam postquam omnes qui sapiunt, tenent nasci homines ex hominibus, rogant quomodo hi sunt in America, cum omnes ibi diluvio perierint.

ARTICULUS XII.

Obiectio contra Diluvium universale ex illius causa formali.

228. **O**biicitur. Non assignatur undenam tanta aquarum vis eruperit ad obruendam universam terram: ergo cum nulla sit causa formalis diluvii universalis, hoc etiam nullum est.

Resp. *I. permitto ans*, cum ex eo non inferatur non extitisse diluvium universale; Nam monuit jam Ecclesiasticus, (4) *In pluribus operibus ejus non eris curiosus. Plurima enim super sensum hominum ostensa sunt tibi*. Hanc responsonem sequitur Jaquelotius (5) dicens hoc modo male impugnari veritatem diluvii universalis; Nam non aliter ejus historia prout traditur a Moyse, falsa ostendi po-

(1) Gen. Elem. metaph. p. 3. c. 5.
prop. 42. n. 20.

(2) de Mundo §. 308.

(3) Ibidem. 2 §. 124.

(4) Eccli. c. 3. v. 24.

(5) Jaq. Exist. de Dieu diss. 4. c. 1. dern.

potest, quam vel negando Deum existere; in Deum cuim authorem ipsius causâ immediate refunditur, qui sicuti terram & omnia creavit, ita potuit in promptu habere aquas sufficientes ad illam obruendam: vel ostendendo aliquam contradictionem in ea involvi, quam nemo unquam protulit, nec proferet: vel evincendo Moysem de aliqua falsitate, ut siquis posset ostendere aliquam gentem ducere originem ab alia familia, quam a Noetica, quæ unica à Moyse dicitur fuisse superstes ex toto humano genere ab aquis diluvii, quod nemo potuit adhuc facere: vel suadendo non Noem solum cum uxore & tribus filiis horumque uxoribus (1) evasisse per arcam commune excidium, sed multo plures. Octoginta dicit Auctor supra citatus (n. 222.) *De Mundo ejusque origine* hos fuisse juxta Armenorum traditionem expressam etiam per nomen Tamanim, quo appellatur pagus positus ad radices montis, supra quem arca stetit. Sed in hoc vel mendacium vel ignorantia continetur; Nam juxta Trevoltianos (2) pagi nomen non est Tamanim, sed Themanim. Themanim autem arabice idem est, ac Latinum octo. Quod consonat octo animis commemoratis a Moyse.

Quod dicat Incredulus in Dictionario philosophico, Diluvium universale esse *chimeram*, quippe impossibile demonstratur a legibus gravitatis & fluidorum, vox est mente capti, qui non videt ad hanc rem non pertinere de his legibus meminisse, primo quia nemo Catholicus contendit hoc diluvium fuisse effectum naturalem, sic jam respondit Bergerius (3) aliis incredulis, qui idem frequentes obiiciunt. Secundo quia obiectæ leges non impediunt pluvias decedere in terram, ipsamque si abundant circumquaque inundare & obruere, sic eidem reposuit Nonnote (4) qui alas ipsius in hac historia difficultates ostendit furore quidem plenas philosophia autem prorsus inanes.

229. Resp. II. *nego ans*: Nam assignat ipsa Scriptura quod quaeritur, ubi dicit (5) *Rupis sunt omnes fontes abyssi magna, & cataractæ Cali aperta sunt*. Igitur partim ex receptaculo quodam aquarum intra viscera terræ, quod Moyse abyssum magnam vocat, partim ex aquis supra terram circumquaque existentibus eruperunt aquæ, quæ terram obruerunt. Existencia aquarum supra terram, & procul ab ipsa, ut sæpe advertit S. Augustinus (6) aperte affirmatur a Scriptura, quæ nos docet die secunda creationis rerum separatas esse aquas nostræ telluris ab aquis procul ab ipsa positis, (7) *Di-*
xit

(1) Genes. c. 7. v. 7.

(2) Trev. ann. 1751. ar. 67. pag. 1288.

(3) Ber. Confut. dell' esam. c. 11. n. 3.

& Apolog. c. 10. n. 6.

(4) Noa. Dict. art. Deluge,

(5) Genes. c. 7. v. 11. & 12.

(6) S. Aug. de Gen. ad. Lit. l. 2. c. 4.

& 5. & epi. ad Orosium q. 27. &

Confess. l. 13. c. 15.

(7) Gen. c. 1. v. 6.

xit Deus, fuit firmamentum in medio aquarum, & dividit aquas ab aquis. Et fecit Deus firmamentum, divisitque aquas, quæ erant sub firmamento ab his, quæ erant super firmamentum. Eadem evidens redditur, quoties advertimus vaporationem aquarum, quæ aeri expositæ sint, quotidianam esse satis sensibilem, quandoquidem videmus brevi quæ inadebant exsiccare, & ipsæ stagna ex redundantibus tandem fieri arida, dispersis aquis per atmosphæram, spatium immensum, in quo oculis invisibiles versantur tum propter illarum distantiam, tum propter insignem tenuitatem, quam rarefactione obtraherunt, ex qua fit ut etiam si per tranquillos & fervidos æstatis dies supra nos asportentur nostræ flumina, & tota fere integræ regionis aqua, nihilominus Cælum serenum nobis non raro de hoc ipso dolentibus relinquant.

230. Sola etiam aqua telluri reservata in aquarum separatione facta die creationis secunda, satis fortasse erat ad generale diluvium; Nam post prædictam separationem contigit ea aquarum secessio, per quam primo (1) apparuit arida & mare, & ante ipsam scriptum est de terra, (2) *Abyssus sicut vestimentum amictus ejus: super montes stabunt aquæ*. Quare quemadmodum Divino imperio reliquerunt aquæ in rerum principio tantum aridæ, quantum Deo placuit, illis sese reducentibus in opportuna loca, ita Dei pariter imperio iterum potuerunt ex suis receptaculis erumpere ad obruendam terram. Certe juxta Varenium (3) *innumeri sunt biatus recessus anfractus cuniculi voragine tubuli & vasta receptacula intra terram, in quibus aqua est vel salsa vel dulcis*. Atque hanc vim aquarum in terræ visceribus commorantem vigesies superare quantitatem aquæ Oceani, & proinde sufficientem ad superandos altissimos montes dicit Hooke (4) Keillium jam demonstrasse.

231. Adde quod Woodwardus abyssum, cujus toties meminit Scriptura arguit esse in centro terræ, ex eaque eructante suas aquas extra terram, imprimis colligit universitatem Diluvii, deinde originem diversi status telluris post diluvium ab illo quem antea habebat, quatenus facta fuit permixtio quædam diversarum terræ partium ad magnam profunditatem in superficie terræ nobis ad habitandum relicte. Quod ex multis observationibus in sua *Geographia Physica* conatur suadere, tamquam sit necessaria consequentia tantæ aquarum molis per plures menses supra orbem terrarum agitæ. Et quidem ut arguit citatus Hooke si altitudo aquarum superantium quindecim cubitis altissimos montes, qui non creduntur superare hexa-

(1) Ibid. v. p.

(2) Psal. 103. v. 6.

(3) Var. Geogr. l. 1. c. 7.

(4) Hor. Princ. Relig. to. 1. pag 77.
Edit. parisi.

hexapedas 4000, seu pedes Parisienses 24000. dividatur per pedes 300, qui supponi possunt esse pars spatii occupata a particulis terreis intra totam illam altitudinem dispersis, eruetur sedimentum aquarum altum pedes octoginta, quod super induci debuit universæ terræ ad diversâ strata pro diversâ materia.

232. Neque contra opinionem de abyſſo aquea in centro terræ satis valide obicitur ex Inferno damnatorum, congregatione scilicet ignis ibi collocanda. Nam Divina quidem revelatio docet infernum esse, non vero ubi sit, quemadmodum Patres & Doctores observant; (1) *De hac re* inquit S. Gregorius, *temere definire non audeo*: Et S. Thomas, postquam uno in loco dixit, (2) *Ubi sit infernus*, nihil arbitror ad doctrinam Fidei pertinere, alibi (3) dicit de hac quæstione nihil sibi videri temere asserendum, præsertim cum Augustinus neminem arbitretur scire ubi sit, *Non tamen*, inquit, *estimo quod sit in centro terræ*, cujus dicti cum nonnullas causas reddidisset, subdit, *Non autem dicitur Christus descendisse ad infimas partes terræ, sed ad inferiores, ad cujus veritatem sufficit qualitercumque nobis inferiores videantur*.

ARTICULUS XII.

Obiectio contra diluvium universale ex illius causa efficiente.

233. **O**bjicitur Diluvium Noeticum universale potest explicari per causas naturales diversis modis, quos excogitarunt varii Auctores, & referunt Angli Historiæ Universalis scriptores (4): ergo hoc diluvium non fuit miraculum. Ad declarationem antecedentis dico Senecam (5), & deinde Henricum Melchliniensem, Petrum ab Alliaco, & Gulielmum Parisiensem citatos a Pererio (6) existimasse ex conjunctione quorundam Astro- rum præcognita etiam per Astronomiam a Noe contigisse Diluvium. Inter recentiores, qui de medio anserunt omne miraculum a Diluvio universali sunt Burnetus, Whistonus, & Tellamedus.

234. Burnetus in sua *Telluris Theoria Sacra* diluvium repetit ex calore solis hoc modo. Supponit terram compositam fuisse ex nucleo materiæ densissimæ, quem aqua vestierit circumquaque: aquæ superinducit crustam duram & uniformem, sed calore Solis rimas paulatim contrahentem. Hæ processu temporis auctæ separant omnino unam partem ab alia: partes separatæ pondere suo demerguntur.

(1) S. Greg. l. 4. Dial. c. 42.

(2) S. Thom. Opusc. 10. ar. 31.

(3) Id. Opusc. 11. ar. 24.

(4) Stor. Univ. Vol. 1. p. 4. c. 1. scz. 6.

(5) Sen. Nat. qu. l. 3. c. 27. & seq.

(6) Per. in Genes. l. 12. dis. 12. n. 65.

tur . Hinc primo aquarum inundatio : deinde ex earum recessu intra cavitates , quas concamerati fornices diversarum crustæ partium necessario habebant , relinquitur terra habitabilis , quam nunc habemus . Atque hac occasione credo dicet scdam inclinationem axis Eclipticæ ad illum Aequatoris , quam antea nullam supponit fuisse , improbante Whistono (1) huiusmodi hypothesim . Qui legat Cartesii principia (2) videbit , unde Burnetus suam hanc Theoriam hausserit .

235. Whistonus diluvium explicat per accessum cometæ ad terram , dum rediret e vicinia solis , illumque credit esse , qui anno 1681 ultima vice conspicuus fuit terricolis , & habet periodum juxta ipsum annorum 575 . Hujus caudam vi attractionis globi terrestris separatam putat a corpore cometæ , & supra ipsum effusam in modum prærupti nimbi . Improvisa hæc aquarum vis penetrat primo quæ potest in cava terræ viscera , sed deinde in ipsum cometam tendit ab eo attracta . quod dum facit , dilatat repagula ut ea tandem disrumpantur . Hinc dispersæ aquæ supra universam terram cumulam inundationi afferunt , quæ naturaliter tandem desinit , quippe aquæ Cometa recedente intra suos fornices redeunt , qui utpote ampliores facti possunt easdem licet auctas a pluvia cometica completi . Præter diluvium tribuit huic Cometæ ellipticam effecisse annuam telluris orbitam , quam circularem antea fuisse credidit , (3) *baud vanis* ut ait *rationibus* . En igitur alia ratio explicandi diluvium universale sine ullo miraculo , quam Keillius (4) approbavit .

236. Telliamedi nomen præsefert liber Gallice primo editus Amstelodami anno 1748 , iterum recusus Basileæ anno insequenti sub titulo *Telliamed , ou Entretien d'un Philosophe Indien avec un Missionnaire* , sub quo nomine continetur verum Auctoris nomen De Maillet inverso modo scriptum , quem ex Para (5) discimus fuisse Cairi Consulem ut ajunt Galliarum Regis sub initium hujus sæculi , & Marfilæ mortuum diversa sentientem circa Religionem ab iis , quæ scripsit . Hic itaque de diluvio universali rationem naturalem affert supponendo globum terræ per vices evadere modo Solem , modo massam rudem similem pumici , modoterram intra longum plurius sæculorum tractum . Quatenus vi solis ab ea , quam nunc habemus , terra per continuam vaporationem ita omnis humor in alia systemata cælestium corporum adsportetur , ut tandem penitus arefacta ignem concipiat , dicit ipsam fieri solem , qui tamdiu durat , quamdiu materiam combustilem continet ; tunc autem in pumicem commutata mos-

(1) Whi. Præl Astron. 10. n. 4.

(2) Cart. Princ. p. 4. n. 41.

(3) Whis. Præl. Astron. 10. n. 3.

(4) Kei. Exam. of the Theory of the Earth.

(5) Par. Elem. de Metaph. 234.

massa jacet extinguita, & capax recipiendi & attrahendi ad se aquas evanescentes ex aliis corporibus cælestibus, quæ totam terram cooperiant, atque hoc modo diluvio obruitur universalî.

237. Resp. *nego ans.* Explicationes diluvii universalis per causas naturales objectas, omisso examine hypothesium, quibus innituntur, malæ generatim sunt propter manifestam contradictionem cum circumstantiis hujus diluvii, quæ in Divinis Scripturis exprimuntur. Determinata confutatio Senecæ & aliorum veterum videri potest accurate facta a Pererio (1): Illa autem Burneri & Whistonii habetur apud Auctores, qui utriusque systema reiiciunt alibi (2) citatos, quibus addo Carolum Erram (3), qui contra illos utpote Christianos maxime urgent Scripturas, quibus ipsorum veterum explicatio adversatur. Quare miror quomodo Whistonus in *Principiis Astronomicis* Anglice editis post suam jam expositam Theoriam dicat se satis contentum esse de sua explicatione Diluvii, maxime quia consonat iis, quæ in Geneseos narratione habentur. Cheyne (4) nollet obici Whistonum tamquam contrarium iis, qui miraculum agnoscunt in Diluvio universalî; Nam ipsius inquit explicatio nititur principio mutæ attractionis materiæ, quod non est mechanicum. At hæc observatio opportuna dumtaxat est contra Materialistas, apud quos nullæ aliæ possunt esse causæ naturales nisi mechanicæ sitæ in communicatione motus unius corporis alteri, non vero contra alios, qui latius extendunt rationem causæ naturalis, inter quas est etiam attractio saltem quatenus nemo numerat inter miracula ipsius effectus.

238. De Telliamedo in particulari quis curet, postquam Trevoltiani ad ann. 1749 artic. 35, & Diarium Florentinum Literatorum anni 1752. (5) ostenderunt in hujus operis epitoma, ipsum ex integro rejiciendum esse inter opera hominis delirantis non philosophantis, utpote confertum principiis & illationibus partim ineptis, partim falsis, partim etiam chimæricis, quam censuram de illo protulerunt etiam Pernettus in simili hujus libri analysi, & Bleterie apud eosdem Trevoltianos (6), & Para (7), quorum nulum necesse est videri aut noverit Author Gallus *Bibliographia medicinalis*, qui a Trevoltianis (8) accusatur hunc & aliquos alios Scriptores male de Religione meritos plus nimio admirari & celebrare. Aliarum objectionum solutio contra miraculum diluvii videri

Q

po-

(1) Per. in Gen. l. 11. dis. 3. & dis. 11. n. 65.

(2) De mundo §. 283. & seq.

(3) Err. Hist. utriusque testam. to. 1. l. 1. c. 9. n. 16.

(4) Che. Princ. filos. c. 4. §. 12.

(5) Giorn. to. 6. par. 3. art. 6.

(6) Trev. ann. 1750. ar. 112. p. 2083.

(7) Par. Elem. de Metaph. nu. 222.

(8) Trev. ann. 1756. ar. 105. §. Paris.

potest apud Pelletierum (1), & fortasse etiam apud Trevoltianos, quorum monumenta ad ann. 1731, art. 44, & 52. citantur veritatem hujus miraculi aliorumque, de quibus jam dicam, luculenter contra Lengletum de Fresnoy vindicare.

ARTICULUS XIV.

Objeccio contra trajectionem Erythraei & Jordanis.

239. **O**bjicitur, Transitus Hebræorum per Erythræum excluditur a ratione miraculi ab Josepho Hebræo (2), qui illum credit posse dici factum tunc, cum aquæ maris contractæ fuerant ex æstu maris, quam explicationem acceperunt Porphyrius & Memphisæ apud Eusebium (3), & Jo: Clericus in Dissert. De Mariis Idumæi traiectione, quæ extat in appendice suorum commentariorum in Exodum, & Spinosa (4), quorum est illa observatio, quod Hebræi, utpote qui pedites omnes erant, potuerunt longe celerius viam percurrere, quam Aegyptii, qui cum equitibus & curribus supervenerunt. Similiter Hebræorum transitum sub Josue per medium Jordanem siccis pedibus idem Josephus narrat factum fuisse cum aquæ illius fluminis essent satis tenues: ergo hæc duo miracula non subsistunt.

240. Resp. *nego ant*, propterea quod I. opponitur Scripturæ, quæ non per litus ab aquis in fluxu maris relictum transisse Israelitas testatur, sed per medium (5) siccis maris; erat enim aqua quasi murus a dextera eorum & leva: de quo tamquam de miraculo, immo complexione quadam plurium miraculorum, quam evolvit Pererius (6), Scriptura alibi sæpissime (7) meminit, & præcipue ubi dicit, (8) *Dividit mare rubrum in divisiones*, quæ verba etsi non urgeant ad dicendum multas vias apertas fuisse intra Erythræum, & totidem quot erant tribus, quemadmodum existimantur aliqui Patres, & Interpretes apud Barradam (9), tum quia totius historiæ circumstantiæ hanc interpretationem non patiuntur, tum quia cum divisionis essent duæ partes, ideo dicuntur divisiones, sicuti ibidem dicit Barrada & fradet: nihilominus aperte confirmant Erythræi aquas divisas realiter fuisse.

241. II. Op-

(1) Pell. sur l'Arche de Noë c.31.

(2) Jos. Antiq. li.2. cæ. ultim.

(3) Euf. Præpar. li.20. c.27.

(4) Spin. Trac. Theol. politic. c.6.

(5) Exod. c.14. v.22.

(6) Per. Selec. disp. in Exod. cap. 14. disp. 4.

(7) Psalm. 77., & 113. Sapi. ca. 10. v. 17., & ca. 19. v. 7. Isai. ca. 63. v. 11. Judith ca. 5. v. 12. Habac.

ca. 3. v. 8.

(8) Psalm. 135. v. 13.

(9) Bar. Iulicæ. Isacel li.3. c.11.

241. II. Opponitur iterum Scripturæ, a qua habemus Hebræos longe a Sæffio, loco ubi Erythræum definit, & aquis vacuum redditur in fluxu, viam tenuisse per desertum juxta petitionem faciendam sacrificandi (1) in deserto, ex qua parte mare non poterat trajici, nisi per medium divideretur, quod est argumentum hujus miraculi demonstrativum inquit Trevoltiani (2).

III. Opponitur testimonio integra Hebræorum nationi, quæ hujusmodi transitum habuit pro insigni miraculo, solempni festo ad ejus memoriam celebrandam instituto.

IV. Opponitur etiam profanis antiquis Scriptoris Artapano & Diodoro Siculo idem tamquam prodigium narrantibus, quorum verba transcribit Clapodius (3). In iis, quæ ex Josepho Hebræo afferuntur videas infelicem politicum, qui ut idem Clapodius dicit *alias sæpe numero, quæ ad commendandam singularem Dei erga electum populum providentiam faciunt, timida manu dubioque sermone exequitur, ne Romanis gentem illam exosis, in quorum tunc potestate erat, displiceret.*

242. V. Opponitur rationi naturali, quia cum aquæ in æstu maris non contrahantur nisi per sex horas, & per minus spatium, quam pedes septuaginta litus deferant, & iterum dilabantur, fieri non poterat, ut per hujusmodi callem tam brevi tempore transierit non solum tota Hebræorum multitudo, quæ a Menochio (4) non minor creditur duobus vel tribus hominum millionibus, a Calmeto vero extenditur (5) ad multo plures, sed etiam illorum (6) oves armenta & animantia diversi generis multa nimis, quæ longe tardius moventur equis & curribus, de quibus adversarii meminerunt, & præterea tota impedimentorum prægrandis copia ex opibus totius Aegypti, quas secum adsportabant cumulata: & tandem totus Pharaonis exercitus ita intra eundem callem marinum processerit, ut (7) *ne unus quidem effugerit ab aquis resluentibus.*

243. Hæc argumenta, aliaque quæ hujus miraculi veritatem demonstrant, dabunt Petrus Goldschmidtus, qui scripsit *novam demonstrationem transitus populi Israelitici per mare rubrum*, quæ extat Tomo primo *Theauri novo-theologici philologici ad selectiora vet. & novi testamenti loca Lugduni Batavorum 1734.*: & Jo: Ludovicus Stumpsius, a quo habemus in eodem tomo, *Schediasma de divisione rubri maris miraculosa*: & Jo: Guglielmus Baier, cujus assertur ibidem *questio an tempore transitus Israelitarum per mare rubrum fuerit*

Q 2

ordi-

(1) Exod. c. 5. v. 1. Et ca. 14. v. 5.

(2) Trev. an. 1758. ar. 123. pag. 3075.

(3) Cfa. Reliq. natu. li. 1. nu. 103.

(4) Men. in Exod. ca. 12. v. 17. & in

ca. 14. v. 21.

(5) Cal. Diff. de transiet. Eryth.

(6) Exod. ca. 12. v. 38.

(7) Exo. c. 14. v. 28.

ordinarius refluxus : & Calmet in *Dissertatione de transfretatione Erythraei* : & Sicardus, cujus commentarius de hoc transitu valde laudatus a Trevoltianis (1) extat in tomo sexto *Novorum monumentorum de Missionibus per Orientem* : & author anonymus speciminis physici de hora fluxus in mari rubro comparata ad horam, qua Hebræi ipsum trajecerunt, Gallice editi anno 1755, cujus epitoma datur a Trevoltianis ad annum 1756 (2) : & Prosper de Aquila in nota 4. ad articulum *Moyse* Dictionarii Bibliorum : & alii, de quibus mentionem facit Alphonsus Nicolai (3).

Illud non omittam Clericum non omnino opportune citari ab Adversariis : Si enim dicit tempore fluxus accidisse hunc transitum, tamen agnoscit miraculum tum in vehementi Borea tunc efflante, tum in prædictione Moyse de felici suorum transitu, & infelici Aegyptiorum excidio.

244. Quod pertinet ad secundum transitum per medium Jordane[m] habemus testem falsæ commentationis Josephi Divinum Josue librum. In eo enim dicuntur Hebræi transiisse, cum (4) *Jordanis ripas alvei sui impleverat, stantibus aquis, quæ erant (5) descendentes in loco uno, & instar montis intumescences : quæ autem inferiores erant, in mare mortuum descenderunt, omnisque populus per arenam alveum transibat*. Habemus præterea ad hunc transitum tanto prodigio faciendum paratum venisse universum populum, cui Josue sic prædixerat, (6) *cum posuerint vestigia pedum suorum Sacerdotes, qui portant arcam Domini in aquis Jordanis, aquæ quæ inferiores sunt, decurrent atque deficient : quæ autem desuper veniunt, in unam molem consistent, sicuti factum fuit*. Habemus tandem in memoriam hujus miraculi, (7) *duodecim lapides, quos de Jordanis alveo sumpserunt electi ex singulis tribubus singuli viri juxta mandatum Dei, positos fuisse in Galgalis, ut interrogantibus filiis, (8) quid sibi volunt lapides isti, de hoc eventu edocerentur*. Plura de hoc prodigio dabunt Interpretes, & Jo: Georgius Abicht, qui addidit in supradicto tomo 1. thesauri in selectiora Scripturæ loca dissertationem de transitu Israelitarum per Jordanem.

AR-

(1) Trev. an. 1727. ar. 98. pag. 2033.

(2) Ibid. 1756. art. 41.

(3) Nic. Lezi. 14. dell' Eredo.

(4) Josu. ca. 3. v. 35.

(5) Ibid. v. 36.

(6) Ibid. v. 13.

(7) Ibid. ca. 4. v. 20.

(8) Ibid. v. 21.

ARTICULUS XV.

Objectiones contra stantem solem sub Josue .

245. **O**bjicitur . Suspendio motus Solis & Lunæ attributa miraculo patrato per Josuem , quod profecto est ex maximis , habet sine miraculo , vel saltem cum longe minori miraculo opportunam explicationem , ut notant Grotius & Clericus , in aliquo parhelio , & aliqua paraselene , vel ut putavit Maimonides , quem sequitur Andreas Mafius , accipienda est in sensu figurato , qui est significare a Josue tot facta fuisse una die , qualia videbantur postulare duos dies .

Resp. *nego ans* ; Nam ut advertit Derhamus (1) repugnant hæc explicationes apertis Scripturæ verbis , (2) *Steterunt Sol & Luna . Non fuit antea nec postea tam longa dies* : Et alibi , (3) *In iracundia ejus impeditus est Sol , & una dies facta est quasi duo* : Et iterum (4) *Sol & Luna steterunt in habitaculo suo* . Præterea Parhelia & Paraselenæ propria sunt locis Borealibus , & tempori hyemali , quando possunt haberi nubes aptæ ob suam densitatem ad reflexionem Solaris luminis , Palæstina autem ubi hæc acciderunt , accedit ad æquatorem , & tempus messis quod tunc habebatur , est ex calidioribus anni tempestatibus . Quod si quis dicat ad obtinendam densitatem aeris per frigus cecidisse eodem tempore ingentem grandinem , hoc imprimis est commemorare aliud prodigium ad unum excludendum ; quoniam de hac grandine scriptum est , (5) *Domini misit super eos (Amorrhæos) lapides magnos de celo , & mortui sunt multo plures lapidibus grandinis , quam quos gladio percusserant filii Israel* , his interea qui eos persequebantur illæsis ; Nam completa actione (6) *reversus est omnis exercitus , sani & integri numero* . Deinde parhelia ex observationibus , quarum hic meministi Genuensis (7) , vix durant spatio quatuor horarum : at (8) *Sol non festinavit occumbere spatio unius diei* .

246. Instat nescio quis apud Bergierium (9) . Si Sol & Luna stetissent jussu Josue ; jam totum systema Planetarium , & illud etiam Cometarum perturbatum fuisset ; Nam hoc sequitur ex extincta
in

(1) Der. Physico-Theolog. B. 2. ca. 3. in notis .

(2) Josu. ca. 10. v. 13.

(3) Eccli. ca. 46. v. 5.

(4) Habac. ca. 3. v. 11.

(5) Josu. ca. 10. v. 11.

(6) Ibid. v. 21.

(7) Genu. Elem. Metaph. p. 3. appen. ad prop. 41. nu. 15.

(8) Jos. ca. 10. v. 13.

(9) Ber. Apoloa. ca. 6. nu. 11.

in illis una ex viribus centralibus, quæ sunt horum systematum anima.

Resp. *negō* assumptum, & omiſſa opinione de Neutoniana gravitate, quam Adverſarius aſſumit tamquam indubitata, dico Creatorem Mundi poſſe unam illius partem quoties velit ſine aliarum immutatione alterare. Increduli qui certe non comprehendunt, ſicuti quivis philoſophorum concedit, intimam ſtructuram unius ſloris aut ſeminis, temere ſemper pronunciabunt de iis, quæ absolute poſſint vel non poſſint fieri in tota Mundi machina.

Inſtat iterum Iſaac Peyrierius, de quo alibi (1) dixi. In eadem Scripturæ narratione legitur, *Stetit Sol in medio Cæli*: Sed hoc intelligi non poteſt de vero Sole; Nam ſol tunc occiduus erat, adeoque diſtans a medio Cæli: ergo non verus Sol ſtetit, ſed aliquid quod ipſius radios refleſcebat, vel ejus fulgorem ſupplebat.

Resp. *conc. maj. & negō min.* Ad hujus probationem imprimis dico Emmanuelem Sa, adeoque bonos communiter Interpretes ſumere in medio Cæli pro Cælo ipſo. Deinde dico cum Aquila (2) in Scriptura non legi Solem fuiſſe occiduum, quando Joſue tantum prodigium impetravit. Plura de eodem dabunt Jo: Limpiſenus Bolandiſta in Vita Joſue ad tomum primam Septembris, in qua inferuit præclaram propugnationem laudatam a Trevoltianis, tamquam (3) *unam ex rebus. præcipui momenti, quæ in hac Hagiographorum collectione continentur*; Et Calmet in *Difſertatione de mandato Joſue, quo Solem & Lunam moratus eſt*: Et Natalis Alexander ac Graveſon in *Hiſtoria Veteris Teſtamenti*, & Interpretes ut Toſtatus ſuſe de his differentes.

ARTICULUS XVI.

Objeſtio contra miraculum jejunii Moyſis & Eliæ.

247. **O**bjicitur. Jejunia hominum ſine ullo prorfus cibo ac potu per meſes etiam & annos poſſunt eſſe naturalia: ergo jejunia Moyſis & Eliæ per dies quadraginta male reſenſentur inter miracula. Ans probatur. Fortunius Licetus in opere quod ſcripſit de iis, *qui diu vivunt ſine alimento* reſert ex pluribus authoribus Diogenem jejunafſe quadraginta dies: & ex Plutarcho amitam Timonis duos meſes: & ex Franciſco Citeſio populos Licomoriæ in Sarmatia plures hyemis meſes: & ex ſuamet obſervatione anno 1603 cum Piſis eſſet Philoſophiæ Profeſſor puellam anno-

rum

(1) De Mundo nu. 205.

(3) Trev. ann. 1749. ar. 35. pa. 662.

(2) Aquil. Dizion. d. Bibb. ar. Joſue.

rum quatuordecim, menses quindecim: & ex Cælio Rhodigino hominem per biennium: & ultra biennium puellam Spirensē ex Jo: Langio (1): & ex Portii opusculo de Puella Germanica dicato Paulo III. puellam per quadriennium: & ex Henrico Smetio (2) aliam puellam in Palatinatu per septennium: & alios multos sive homines sive feminas, in quibus nulla miraculi suspicio locum habebat, per longius etiam tempus fuisse sine ullo cibo ac potu.

248. Resp. cum Academicis Bononiensibus in Dissertatione *De longis jejuniis*, quam Lambertinus publici juris fecit in fine primæ partis libri quarti *De Servorum Dei Beatificatione* laudans præ cæteris (3) Bartholomæum Beccarium, & Matthæum Bazanum tamquam præcipuos ipsius authores, *dist. ans.* Ea jejunia possunt esse naturalia, si procedant ex morbo, *conc. ans.* *secus nego ans. & consequent.* Quæcumque obijciuntur historiæ de diuturnis jejuniis, in quibus nemo suspicari potest de miraculo, sunt de infirmis ex morbis singularibus, qui proinde domi jacuerunt afflicti extenuati & usu vitæ expertes, quem nemo eorum qui convaluit, recuperavit, nisi per gradus satis lentos pro modo agendi causarum naturalium, quæ numquam procedunt per saltus. In his posse contingere ut diutius vivant sine ullo omnino cibo aut potu non repugnare luculenter demonstrant doctissimi Bononienses. At qui sani & valentes sint ante & post multorum dierum jejunium, sciti certum est de Moyse & Eliæ, si verum in se miraculum experti sunt, quemadmodum ipsa Scriptura declarat, quæ illud quidem Eliæ testatur conjunctum fuisse cum perpetuo itinere, (4) *Ambulavit quadraginta diebus & quadraginta noctibus*: de illo vero Moyse, postquam dixit (5) *Fuit cum Domino Moyse quadraginta dies & quadraginta noctes: panem non comedit, & aquam non bibit*, refert deinde ipsum Moysen hoc commemorasse coram populo tamquam prodigium, (6) *Perseveravi in monte quadraginta diebus ac noctibus, panem non comedens & aquam non bibens*.

249. Hoc modo plane dissipatur tota objectio, cui nullo modo satis faciunt, qui absolute negant antecedens, contententes diuturnitatem jejunii, in quo homo quin moriatur perseverare naturaliter possit, non superare septem dies, pro qua opinione dicunt primo adesse rationem in natura hominis ad quotidianum victum exigendum temperata, ut quemque docet surmet experientia, & confirmat Angelus missus cum prandio ad Danielem, qui in lacu

Leo-

(1) Lang. Epist. 27.

(2) Smet. Miscell. li. 10.

(3) Lam. ubi alias ca. 27. nu. 16.

(4) 3. Reg. ca. 19. v. 8.

(5) Exod. ca. 34. v. 28.

(6) Deut. ca. 9. v. 10.

Leonum (1) erat diebus sex, ne scilicet ut observat Franciscus Vallesius (2) si septimam attingeret periret fame. Multo etiam magis confirmat, qui nos docuit orare panem quotidianum da nobis hodie. At hæc ratio nulla est, quia ex hoc antecedenti homo indiget quotidie cibo ad bonam valetudinem, & exercitium vitæ, quo spectat Oratio Dominica, non infertur, ergo moriatur homo necesse est si quotidie non vescitur. Quare gratuita est observatio Vallesii, & alii videant an sit etiam singularis.

II. Dicant adeste communem consensum, quem indicat ipse Plinius, dum conatur eum reiicere, dicens (3) *Homini non utique septimo die leibalis inedia: Durasse & ultra undecim plerosque certum est*. At hic consensus vel nullus est, vel intelligendus pro data distinctione.

250 III. Dicunt adeste auctoritatem Hippocratis vel auctoris libri *De Carnibus*, qui sub ejus nomine circumfertur, ubi sub finem legitur, *Qui septem diebus absque ullo cibo permanserint, d-binc non possunt etiam volentes cibis subveniri; Jejunum enim intestinum in his diebus coherescit*, quam confirmant suffragio multorum Doctorum, qui pro fabulis atque commentis habent hujusmodi diuturnas inedias, in quibus sunt Joannes Wierus in libello *de Commentitiis jejuniis* Basileæ anno 1582 edito, & Georgius Hieronymus Velschius, & Gugliel. Fabricius Hildannus. & alii multi, quibus subscribit Brancatus (4). At inprimis hujusmodi quæstiones transigi non possunt auctoritatibus; Nam iis quæ adducuntur, aliæ opponi possunt Doctorum majoris etiam nominis, ut Fortunii Liceti in tractatu *De iis qui diu vivunt sine alimento*, Pauli Zacchiæ (5), Academicorum Bononiensium, aliorumque de quibus iidem meminerunt. Deinde ex iis, quibus Adversarii innitantur, aliqui certe attendi non possunt, quia temere omnino in hac re loquutos esse citati Bononienses (6) demonstrant. Talis est Wierus, qui ideo aliquam in particulari historia elevat, quia omittas dicit certas cautiones ad effugiendam deceptionem ex frequentibus fraudibus, quæ sive quæstus causa, sive sanctitatis simulatione, sive novitatis cujusdam ostentatione interveniunt in hujusmodi jejuniis, cum tamen hæc expressè narrentur adhibere. Talis est & Velschius, qui determinatas inedias statuit fuisse confictas, quia hoc ipsum dicit existimasse graves auctores quos citat, qui inveniuntur contrarium aperte testari.

251. IV. Dicunt Doctores qui affirmant prolixiora jejunia etiam

(1) Dan. c. 14. v. 30.
(2) Val. de Sa. philos. c. 13.
(3) Plin. Hist. l. 11. c. 54.

(4) Bran. de Mirac. n. 1039.
(5) Zac. Quæst. Medico. Legal. l. 4.
(6) Bon. nota 44.

per menses esse naturalia, (1) *non jurant ita se sentire, nec probant argumento quod non possit facile impugnari*. Testis est Licetus, qui omnes rejectit opiniones de causis naturalibus hujusmodi effectuum ab aliis ante se expositas, quas septem supra viginti numeravit, & aliam a se excogitaram proposuit. Testis Zacchias, cui displicuit illa Liceti, & aliam insinuavit. Testis Stephanus Rhodoricus (2), qui illam impugnavit, quam probavit Zacchias. At quod pertinet ad juramentum, hoc non requiritur ad præstandam fidem historicis, nisi in causis quæ juris ordine servato agitentur: extra forum quando quis & multo magis quando plures fide dignissimi quid narrant, contra omnem rationem est iis non credere. In re nostra auctores fide dignissimi sunt clari & nobiles medici diversorum temporum & regionum, & experientissimi observatores, qui testes producant omni exceptione majores, & ipsos quandoque Magistratus, qui de rei veritate certos se reddiderunt adhibitis etiam dies noctesque custodibus, qui hujusmodi homines observarent. Quod pertinet ad dissensum opinionum circa causas naturales hujusmodi admirabilium jejuniis hic non insert nullas esse, sed ostendit difficile esse illas invenire, & opportune patefacere, præsertim quando plures concurrant, ex quibus cum una magis in oculos unius incurrat, alia in illos alterius, nasci solet dissenfus, dum singuli suam neglectis cæteris conantur suadere, donec tandem ad concordiam revocantur, si quis adveniat, qui rem totam animo complectens, & singula penitus inspiciebat ostendat omnes vel plures temperatis inter se viribus in eum effectum conspirare. Ceterum pro causa naturali in his jejuniis sunt præter omnia extrinseca argumenta hæc etiam intrinseca, ortus ipse hujus impotentiae ad sumendum cibum & potum, ejus progressus, & adjunctæ circumstantiæ, ut deglutitio impedita vomitus & deliquia, ubi aliquid in os ingestum fuerit, excrementorum cessatio, languor & marcor totius corporis, ventris contractio, cutis ariditas, sensuum hebetudo, vocis amissio & alia.

252. Instabis. Nihil statui potest esse miraculum, de quo non eluceat causa aliqua finalis: Sed de diuturnis jejuniis nulla elucet causa finalis, non bonum jejunantis, quia jejunium est ipsius cruciatus, non bonum aliorum, quia nemo movetur ad tentandum quid simile, quod vel est impossibile vel nullibi præcipitur aut consulitur: ergo nulla diuturna jejunia statui possunt esse miracula.

Resp. conc. mai. & nego min. Causæ finales in hoc etiam miraculo elucet plures. I. Manifestatio Divinæ Potentiæ, quæ in omnibus miraculis apparet. II. Bonum spirituale jejunantis, qui a

R

ci-

(1) Bran. de Mirac. n. 1024.

(2) Rhod. de Astia

cibus terrenis non amovetur, quin interea deliciis cælestibus perfruat. III. Bonum spirituale aliorum, qui excitantur ad exercitium virtutis, quam vident his temperantiæ miraculis illustrari.

ARTICULUS XVII.

Objectiones contra ecstases & splendorem vultus.

253. I. **O**bjicitur. Ecstases seu alienationes a sensibus conjunctæ cum visione objectorum, quæ alii non vident, celebrata tamquam miracula in Moyse Elia aliisque Patriarchis & Prophetis habent exempla in aliis, in quibus non admittuntur ut miracula: ergo neque in illis admitti debent. Ans probatur. Archimedes teste T. Livio (1) in expugnatione Syracusarum obiit occisus a militibus, qui ipsum oppresserunt contemplantem figuras nescio quas Geometricas in arena designatas, adeoque ita alienatum a sensibus, ut urbis excidium non videret nec tumultum audiret. Socrates authore Gellio (2) adeo studiis intentum animum præbuit, ut a summo lucis ortu ad solem alterum orientem iisdem in vestigiis ore atque oculis eundem in locum directis cogitabundus tamquam excessu mentis atque animi factio a corpore fuerit deprehensus. Ethnicus (3) homo, referente S. Augustino, Curma nomine cum egrotaret, ablatis sensibus pene mortuus jacuit aliquot diebus, tenuissimus flatus in naribus manu admota utcumque sentiebatur. Nullos artus movebat, nulla sumebat alimenta, nihil in oculis, nihil in ullo alio sensu corporis qualibet impacta molestia sentiebat: Videbat tamen multa velut in somnis, quæ tandem aliquando post dies plurimos quasi evigilans visa narravit, quæ sicut dixerat, vera deinde comperta fuerunt. Ex eodem Augustino habemus, quod (4) quidam nomine Restitutus, quando ei placebat, ita se auferebat a sensibus, & jacebat similis mortuo, ut vellicantes atque pungentes minime sentiret, & tamquam in Defuncto nullus inveniebatur anhelitus, hominum tamen voces, si clarius loquerentur, tamquam de longinquo se audivisse postea referebat.

254. Resp. nego ans. Ratio exempli quod rite objiciatur postulat, ut pares sint utrobique præcipui characteres miraculi supra expositi in ejus definitione. Hi manifeste deficiunt in iis quæ adducuntur ad antecedentis probationem excepto exemplo Curmæ, in quo non solum veritas comperta eorum, quæ Ethnicus ille vidit in sua a sensibus alienatione, sed multo magis ejusdem ad Christianam Religionem conversio, quam S. Augustinus ibidem enunciat, suadet fuisse

(1) Liv. Hist. I, 25.

(2) Gell. Noc. Atti. I. 2, c. 7.

(3) Ang. de Cura pro mort. c. 12.

(4) Id. de Civ. I. 14, c. 24.

se verum miraculum, quemadmodum etiam Brancatus (1) de illo etiam dubitanter existimavit. Alia autem propter hoc ipsum, quod nullam præferant ad Divina deductionem reiiciuntur inter effectus vel naturales vel diabolicos. Naturale est aliquem ita defigi in aliquius rei consideratione, ut non animadvertat, quæ sibi sensibus obiciantur. Potest etiam Dæmon machinam corpoream intime cognoscens & penetrans, aliquod ipsius organum permittente Deo impedire a sua functione, quæ totum hominem inertem reddat, non secus ac accidit in deliquis naturalibus. Hæc autem, ad quæ reduci possunt alia exempla objecta longe distant ab excessibus mentis Patriarcharum & Prophetarum. In his habemus Sanctissimos viros colloquentes cum Angelis, res mirabiles contemplantes, Divina edificantes & tota anima ita operantes, ut ad commercium hominum reversi se ipsi & alios ad Dei timorem cultum amorem laudem excitarent. In illis autem non video nisi homines stupiditate quadam correptos; Nihil enim de Socrate & Restituto dicitur, quam fuisse a sensibus alienatos.

255. II. Obicitur. Ignis lambentes, qui circa homines & supra eorum capita aliquando apparent, communissime adscribuntur a Philosophis de his agentibus in tractatu de Meteoris, causis naturalibus, cuiusmodi fuit ignea lux, qua teste T. Livio (2) resplenduit caput Servii Tullii dormientis, & illud (3) Marci Romanorum ducis strenuissimi, & illud Julii Aeneæ Filii, de quo Virgilius.

Ecce levis summo de vertice Julii

Fundere lumen apex, tactuque innoxia molli

Lambere flamma caput, & circum tempora pasci.

Quod de aliis permultis referunt Liberatus Fromondus (4), Thomas Bartholinus (5), Gassendus (6), & alii. Sed ejusdem generis dici potest splendor faciei Moysis: ergo dici potest naturalis.

Resp. conc. mai. & neg. min. Nam splendorem vultus Moysis fuisse supernaturalem extra controversiam ponit Scriptura, quæ de eo semper loquitur tamquam de re, quæ divinitus contigit, (7) *Gloriam vultus*, ipsum appellat Apostolus, & (8) *ex consortio sermonis Domini* natus dicitur in Exodo. Idem suadent hujus splendoris qualitas, diuturnitas, circumstantiæ, subiectum. Nam qualitas consideranda consistit in ipsius intentione longe majori, quam sit in igne lambente: hic sine ullo incommodo conspicitur, ille vero ne-

R 2

qua-

(1) Bra. de Mirac. n. 948.

(2) Liv. l. 1.

(3) Id. l. 25.

(4) Fro. Meteo. l. 1. c. 2. ar. 3.

(5) Barl de luce homin.

(6) Gas. epist. ad Herveum.

(7) 2. Coriath c. 3. v. 7.

(8) Exod. c. 34. v. 29.

quaquam; Non poterant, inquit Scriptura (1) *insendere filii Israel in faciem Moysi propter gloriam vultus ejus*, & ideo (2) *operiebat ille faciem suam, siquando loquebatur ad eos*. Ipsius diuturnitas fuit vel perpetua usque ad mortem, ut putat cum S. Ambrosio (3) Abulensis, vel per plures dies perseveravit. Describitur enim Moyses ponens (4) *velamen super faciem suam, quod ingressus ad Dominum, & loquens cum eo auferebat*. Contra vero ignis lambens cito evanescit, & semel aut iterum in uno homine apparet. Circumstantiæ sunt, acquisitum fuisse a Moysæ tantum fulgorem, cum de Divinis ageret & populum ad divinum cultum & bonos mores deduceret: nihil autem horum reperitur in apparentia ignis lambentis, qui visus fuit etiam in dormientibus, & in Ethnicis. Tandem Moyses fuit subiectum talis splendoris, vir scilicet sanctissimus, & permultis aliis prodigiis jam celeberrimus. Quod de nullis dicitur, qui obiciuntur.

ARTICULUS XVIII.

Objectiones contra prophetias.

265. I. **O**biicitur. Prophetiæ factæ sunt etiam a malis Dæmoniis, ut constat ex historiis, & Oraculis olim celeberrimis: ergo prophetiæ non sunt miracula.

Resp. nego ans. Nam prophetia ex dictis (n. 62.) est enunciatio rei ignotæ naturaliter creaturis, In iis, quæ dicuntur de Oraculis, hoc solum est extra controversiam illa fuisse flexiloqua. Sed de his infra aliquid distinctius dicam. Aliis. quæ obiciuntur narratio. nibus atque historiis sic respondet S. Augustinus, (5) *Sciendum est Demones ea plerunque prænunciare, quæ ipsi facturi sunt, accipiunt enim sæpe potestatem & morbos immittere, & ipsum aerem vitando morbidum reddere, & perversis malefacta suadere, de quorum moribus certi sunt, quod sint eis talia suadentibus consensuri, & alibi (6) Demones non æternas temporum causas in Dei sapientia contemplantur, sed quorundam signorum nobis occultorum majore experientia multo plura, quam homines futura prospiciunt*. Restat igitur prophetias esse ex miraculis insignibus, ut supra (n. 28.) declaratum est, & summe impium esse J. J. Rousseau, dum referentē Nonnote (7) deliria Mahometi in numero revelationum collocat, & eodem in gradu ac revelationes, quæ Hebræis olim & deinde Christianis factæ fuerunt: mendacissimum au-

(1) 2^a Coriuth. c. 3. v. 7.

(2) Exo. c. 34. v. 35.

(3) S. Am. in Psal. 118.

(4) Exo. c. 34. v. 27.

(5) S. Aug. de Divin. Dæm. c. 5.

(6) Id de Civit. l. 9. c. 12.

(7) Non. Diæ. tit. Revelation. ar. 5. c. 2.

autem, dum præceptum datum a Moyse non audiendi (1) *verba prophete aut somniatoris*, qui eos invitaret ad serviendum Diis alienis, extendit ad omnes prophetias.

257. Instat idem Deista. Nulla prædictio rei, quæ contigerit, haberi potest tamquam prophetia seu revelatio Dei, nisi certo constet non esse eventum fortuitum, eumque significatum revera fuisse per illa verba: sed neutrum potest constare: non primum quia ut certo constet eventum aliquem non fuisse fortuitum, opus est nosse leges fortium & probabilitatis eventuum. At quisnam plaudat sibi de hac perspicacia? Non secundum, quia ut certo constet significatum illum fuisse per illa verba, opus est nosse nullam in illis esse figuram, quod supponit plussquam sufficientem notitiam de indole linguæ, in qua prædictus est, quam quis sibi tribuat circa prophetias Veteris Testamenti? ergo nulla prædictio rei quæ contigerit haberi potest tamquam prophetia.

Resp. *conc. maj. & nego min.* Hujus probationis prima pariter pars negatur, quia nec sortes nec probabilitates habent locum in objectis, quæ unice a Dei vel hominum libertate dependent, & quæ effectum suum obtinere debent tempore per plura etiam sæcula remoto ab eo quo prædicuntur: cujusmodi sunt pleraque objecta prophetiarum. Hæc si quis noverit evenisse prout prædicta fuerunt, iam evidens illi est sine ullo ratiocino hujusmodi prophetiarum existentia. Altera etiam probationis pars negatur, quia quæ quis accipiat per fideles interpretes, qualis est Vulgata, possunt æque bene intelligi ac in lingua, in qua fuerint pronunciata.

258. III. Obijciunt. Quæ ex Bibliis proferuntur prophetiæ, possunt esse simplices tantum historiæ rerum, quæ pro tempore eorum Scriptorum acciderunt, & quæ deinde aptatæ fuerunt eventis posteriorum temporum ab eruditis, qui verba & sententias antiquas usurparunt scribentes aut loquentes de rebus novis. Hoc pacto Hebræi non moventur ab iis, quæ de vita morte & gloria Christi Dn. afferuntur ex Prophetis, quia eorum sensum literalem dicunt pertinere vel ad suam Rempublicam, vel ad aliquem ex suis regibus aut præclaris viris ejus temporis, circa quod Authores prophetiarum scribebant: eademque de causa Sociniani & Deistæ inefficax dicunt argumentum pro divinitate Christi ab hujusmodi prophetiis desumptum, utpote quæ solum per allegoriam ad Christum referuntur. Quod agnoverunt etiam & fassi sunt Hugo Grotius, & Richardus Simon, primus in Commentariis Novi Testamenti, ubi quasi retractat, quod in aliis libris docuerat, secundus autem in suis Criticis historiis, ubi se Grotii in hac re discipulum declarat, ut omitt-

(1) Deut. c. 13. v. 3.

omittam alios, qui in ipsarum aliquibus ne hunc quidem sensum allegoricum agnoscunt existimantes se demonstrare perpenſis omnibus eas ad Christum nullo modo pertinere, cujus opinionis sunt Dumarſais & Bolingbroke, & Auctor Dictionarii Philosophici portatilis, qui etiam irridet omnes prophetas, qui scilicet (1) *videns clare ea quæ nihil sunt, quandoquidem res futura nihil sunt*: ergo hæc miracula prophetiæ, vel nulla sunt, vel extra controversiam non est an unquam extiterint.

259. Resp. *negō ans*, quod continet hæresim, quæ impugnata jam fuit a SS. Patribus, quos abunde assert Jo. Eranciscus (2) Baltus in Judæis, & ab Origene (3) in Celsō Epicureo, & a S. Hieronymo (4) in Porphyrio, & a S. Cyrillo Alexandrino in Juliano Apostata. Eadem expresse etiam damnata fuit in Theodoro Mopsuesteno Episcopo a Synodo Romana sub Vigilio Papa, ut docebunt Jo. Pineda (5) de hoc Theodoro ejusque hæresi erudite differens, & copiosius ac nervosius laudatus Baltus in sua *Defensione Prophetiarum*, quam opposuit Grotio & Simonio Socinianorum suffragatoribus, qui propter hoc ipsam statim plures alios contra se suscitaverunt Scriptores, & passim pro hominibus iniquæ mentis habentur, qui patrociniū susceperint de hæresi quæ contraria ostenditur scripturæ traditioni authoritati Ecclesiæ & ipsi evidentiae, quæ sponte sese offert in ipsis verbis, quibus plerunque Prophetiæ in Bibliis enunciantur, & illustrior etiam evadit dum earumdem sensus obviis cum istorum interpretationibus comparatur.

Irrisio prophetarum objecta ex impio Dictionario recidit in ejus authorem; Nam etiam de præteritis verum est ea nihil jam esse, attamen quis sobrius irrideat qui narret præterita? Sed tum ille tum alii citati Increduli ne nominari quidem debent sine execratione, nprote qui ex iis se produnt, qui juxta Domini phrasim canibus & porcis similes (6) sanctum a profano, & a glandibus margaritas non discernunt, adeoque cum pari impietate, & majori fortasse impudentia errores repetunt jam olim confutatos, ut Nonnote docebit tum locis supra (n. 128. citatis, tum ubi retundit impias & inscitas interpretationes circa Canticum Canticorum renovatas in impio Dictionario (7) ad tollendam authoritatem libro, qui inter divinos semper habitus fuit, & divina inspiratione a Rege Salomone conscriptus semper creditus tum a Synagoga, quæ in eo sub allegoria mutui amoris sponsum inter & sponsam legit illum Dei erga suam po-

(1) Dict. art. Catechisme Chinois.

(2) Bal. Defense de Prophet. l. 3. n. 1.

(3) Orig. l. 1. c. Celsum.

(4) s. Hic. præf. in Daniel. & in ca. 11.

(5) Pin. de Rebus Salomon. l. 6. c. 19.

(6) Matt. c. 7. v. 6.

(7) Non. dict. ar. Cantique

populum, tum ab Ecclesia Christiana, quæ illum Jesu Christi erga se sub eadem figura ultimo expressum admiratur.

260. Hanc evidentiam in prophetiis maxime quæ de Christo prædicantur, ipsemet Divinus Magister supposuit, adeoque affirmavit haberi, quando appellans ad miracula, quæ coram Judæis fecerat (1) *qualia inquit Maldonatus post S. Thomam* (2) *propheta Christum facturum prædixerant*, de iisdem dicebat, (3) *si opera non fecissem, quæ nemo alius fecit, peccatum non haberent*, in eo nimirum quod in me non credant. Et quando eos monebat, ut non legerent tantummodo, quæ Scripturæ loquebantur de Christo, sed scrutarentur, (4) *scrutamini scripturas. Illæ sunt quæ testimonium perhibent de me*. Ex hoc scrutationis defectu negarunt has prophetias ipsi convenire, credentes ipsum, qui pauper erat & humilis (5) non esse ex semine David, nec in eo posse veritatem habere, quod de Messia legebant, (6) *Magnificabitur usque ad terminos terræ. Et* (7) *exaltabitur manus tua super hostes tuos*, non intelligentes hujusmodi victorias esse de vitii & idololatria, quemadmodum ceteroquin idem Propheta satis significabat, sed de terrenis gentium regnis, nec assumentes ejus gloriam & imperium, prout opus erat in ordine ad homines, quos ad sincerum Dei cultum, & ad exercitium virtutum, quibus sibi æternam felicitatem acquirerent, erat adducturus, sed in ordine ad fugacem & sensibilem fastum & temporarium dominatum. Et quando tandem post suam resurrectionem apparens discipulis euntibus in Emmaus eos reprehendit, quod nutarent in fide circa Jesum Nazarenum, quod esset Messias, quia traditus in damnationem mortis crucifixus objerat, (8) *O stulti*, inquit, & tardi corde ad credendum in omnibus, quæ loquuti sunt propheta. Nonne hæc oportuit pati Christum, & ita intrare in gloriam suam? Et incipiens a Moyse & omnibus prophetis, interpretabatur illis in omnibus scripturis, quæ de ipso erant.

262. De eadem evidentia testes habemus Judæorum Doctores sub ipsum Christi Dn. adventum; Nam dum Herodes (9) *sciscitabatur ab eis, ubi Christus nasceretur dixerunt ei in Bethlehem Juda*, adducentes prophetiam Michæ: Et dum (10) *interrogavit eos Jesus, quid vobis videtur de Christo, cujus filius est, dicunt ei David*, quod noverant ex Psalmo, (11) *Juravi David servo meo, usque in æternum preparabo semen tuum*, & ex aliis locis, quæ producunt Theologi, ubi de-

(1) Mal. in Joa. c. 15.

(2) S. Tho. 3. p. q. 47. ar. 5.

(3) Joa. c. 25. v. 24.

(4) Ibid. c. 5. v. 39. & 46.

(5) Ibid. c. 7. v. 42.

(6) Mich. c. 5. v. 4.

(7) Ibi. v. 9.

(8) Luc. c. 24. v. 25.

(9) Matt. c. 2. v. 4.

(10) Ibid. c. 22. v. 4.

(11) Psal. 88. v. 5.

demonstrant Christum jam advenisse. Et dum (1) *de turba multi crediderunt in eum, & dicebant, Christus cum venerit, nunquid plura signa faciet, quam quæ hic facit*, jam ostendunt nosse se prophetias Isaiæ (2) de ipsius miraculis. Quid plura? Judæi omnes tam docti, quam indocti tempore Christi, de ipso intellexerunt prophetias, quas deinde perfidiose recasarunt sic intelligere. Docti enim erant, qui (3) *Thessalonicae susceperunt verbum cum omni aviditate, quotidie scrutantes scripturas, si hac ita se haberent*, quæ a Paulo de Christo audierant. Ex indoctis erat Philippus, qui postquam sequutus est Jesum, qui ad se eum vocaverat (4) *dicit Nathanaeli, quem scripsit Moyses in lege, & Propheta, invenimus Josum*.

PROPOSITIO II.

Multa in promulgatione Legis Christianæ extiterunt miracula.

ARTICULUS I.

De Adversariis propositioni.

262. **O**missis adversariis contra omnia miracula, & signate Judæis, qui definite Christi miracula pro veris non agnoscunt ex dictis supra (n. 127.), propositioni adversantur, qui dixerunt, ut ex Castro (5) refert Suarez (6), opera Christi fieri potuisse vel ex virtute optimi temperamentum ejus corporis, vel ex efficitate ejusdem imaginativæ. Famosus etiam adversarius propositionis est Thomas Woolstonius natus anno 1669, & mortuus anno 1733, quem Acta Lipsiæ in supplemento anni 1729 dicunt Religione Christiana abnegata Judaicam amplexum fuisse. Hic miracula narrata ab Evangelistis, tamquam allegorias, & symbola representantia vitam spiritualem in animis hominum, non vero tamquam historias, abutens autoritate illorum Patrum, qui studiose inquisierunt sensum allegoricum in verbis S. Scripturæ. At nemo illorum rejecit sensum literalem, quin immo eos, qui hunc nimis leviter attenderent, aperte reprehenderunt. Atque in re nostra scitum est illud S. Gregorii, (7) *Miracula Salvatoris sic accipienda sunt, ut & in veritate credantur facta, & tamen per significationem nobis aliquid innuant*. Multo autem minus ea dixerunt in sensu obvio incredibilia, sicut

(1) Jo. c. 7. v. 31.

(2) Isa. c. 35. v. 1. & c. 42. v. 7. & c. 53. v. 4.

(3) Act. c. 17. v. 11.

(4) Joa. c. 1. v. 45.

(5) Cast. cont. heres. art. Miracula.

(6) Sua. in 3. p. dis. 31. ser. 2.

(7) S. Greg. Hom. in Traug. 2.

sicut Woolftonius pronuntiavit : quod est declarare se incredulum esse non solum circa evangelicas miraculorum narrationes, sed multa alia etiam negare, ut quod Hebræi iuste fuerint reprehensi in eodem Evangelio, quod non crederent operibus, quæ Christus faciebat, & nemo alius fecerat, quod inaniter dixerit ipsemet Christus discipulis Joannis, ut illi referrent vidisse se ad suum imperium cæcos videre, mutos loqui, surdos audire, & mortuos ad vitam redire.

263. Woolftonius hanc hæreseon congeriem in pluribus scriptis plenis audacia, mala fide, & impietate, maxime vero in sex de miraculis Christi sermonibus propugnavit. Propter quam causam anno 1721 expulsus fuit e Collegio Sidnæo, in quo ad gradum Doctoratus nunquam admissus fuerat, & a Londinensi Magistratu captus judicatus & condemnatus ut blasphemus, & ea pecuniæ vi multatus, quam cum impar esset solvendo, nec vadem ullum inveniret in carcerem coniectus anno 1729, ibidem tandem obiit anno 1733 ut referunt Seigneuxius in notis ad Addisonum de Religione Christiana (1), Trevoltiani (2), & omnium accuratissime Abraham Le Moine in dissertatione adiecta versioni Gallicæ ex Anglico libri, cujus titulus *Testimonia de Resurrectione Christi Dni Parisiis editi anno 1753 juxta sextam editionem Anglicanam*, qui nullius quidem nomen præfert, sed communiter tribuitur Sherlockio. & unus est ex multis, qui in Anglia statim tam insignem impietatem confutavit, ut Joecherus (3), Edmandus Gibsonus (4), Stachouse (5), de quibus ni fallor meminit citato loco etiam Moine, sicut & de aliis Vvoolftoni opellis.

264. Noviter in damnato Dictionario philosophico, & in Gallicis epistolis De miraculis apud Bergierium (6) impia doctrina renovatur de miraculis Evangeliorum, quod sint meræ parabolæ, non historiæ rerum quæ reapse contigerint. Et J. J. Rousseau de quibusdam præclarioribus, quæ Evangelistæ accurate descripserunt, aperte pronuntiavit *ea non posse a quoquam credi, qui bonæ mentis non renunciaverit*. Et Boulangerus Auctor ut dicitur libri, de quo supra (n. 166.) memini, *Christianismus detectus*, qui cum nobis sit in re, nisi aperta Irreligio, hoc modo inscribi debuit, *omnia, inquit, miracula Christi evanescent apud homines a præjudiciis liberor, qui advertant ipsum a Judæis ad mortem efficaciter postulatum*. At quando Apostolus dixit (7) *prædicamus Christum crucifixum, Judæis qui-*

S

dem

(1) Add. Relig. Chret. Serm. 2. §. 4.

(2) Trev. an. 1753. ar. 10. pag. 162.
Et an. 1759. ar. 24. pag. 506.

(3) Loc. Exam. Vvoolftoni.

(4) Gib. Lettere pastorali.

(5) Sta. Sens liter. de l'Ecrit. c. 2.

(6) Ber. Apolog. c. 2. n. 4. Et Ibid. p. 4.
ar. Christianisme pag. 171.

(7) 1. Coriuth. c. 1. v. 2. 1.

dem Scandalum, Gentibus autem stultitiam, significantius eandem objectionem expressit, & nihilominus innumeros ex Judæis & Gentibus in Christum reddidit credentes, scilicet quia possunt homines in scelus aliquod evidenter tale conspirare, quod deinde detestentur, quemadmodum fecit hic ipse Incredulus, quem in ultimo suo morbo poenituit de tot ac tantis blasphemiiis, quas professus est contra conscientiam scripssisse, dum suis cupiditatibus plausus maxime & gratiæ apud Libertinos indulgeret, sicuti Bergierius in *Refutatione præcipuorum articulorum Dictionarii Philosophici*, quam adiecit suæ *Apologiæ Christianæ Religionis* signate contra librum *Christianismi detestati* scriptæ narrat (1) suismet auribus accepisse ab eo, qui nomine Parochi Divina Ecclesiæ Sacramenta ab ipso expetita eidem administravit.

Et Jo. Martinus de Prade in quadam thesi, quæ horrorem omnibus non impiis iniecit, ausus fuit affirmare miracula Christi, si considerentur independenter ab eorum prædicatione jam antea per prophetas facta, non posse discerni a sanationibus Aesculapio attributis. Nec in apologia quam edidit, ut censuris Sorbonæ & clamoribus bonorum satisfaceret, hanc impietatis notam a se sufficienter repulit, sed illam insinceri & impudentis sibi juxta Trevoltianos (2) adjunxit, dum Patres pro sua opinione infideliter citavit.

265. Catalogum tandem adversariorum augent quotquot nostra ætate contra Christianam religionem debacchantur, & ipsa Evangelia tentant ex hominum manibus excutere per libellos plerunque anonymos, & furtim impressos, in quibus irrident tamquam imbecilles, qui ea habeant pro libris Divina inspiratione conscriptis, utpote quæ contendunt redundare contradictionibus fabulis & ineptiis, quas dum producant, sibi certe nocent, quippe nulli impietas utilis fuit, & scandalum præbent indoctis, & minus cautis, non vero prudentibus, & vel mediocriter doctis, qui facili negotio possunt istorum ignorantiam calumnias contumelias & mendacia demonstrare, quemadmodum videmus factum a Bergierio (3) contra Frereti *Examen Criticum de Apologistiæ Christianæ Religionis*, & iterum a Nonnote (4) contra eundem librum, & alios similes, de quibus ipse ibidem meminit, quorum etiam collectionem Increduli ediderunt sub Gallico titulo *Collectionis necessaria*.

AR.

(1) Ber. Refut. pag. 2.

(2) Tre. an. 1763 ar. 76. p. 1605.

(3) Ber. Confut. dell'efame. Et Apolog. c. 2. n. 4.

(4) Non. Dicr. ar. Evangile.

A R T I C U L U S I I .

De Miraculis novi Testamenti ante prædicationem Christi .

266. **A**Ntequam argumenta propositionis afferam , recensco miracula , quæ in libris Novi Testamenti continentur .
Ac I. occurrit apparitio Angeli Gabrielis (1) facta Zachariæ Sacerdoti , qua prænuntiavit conceptionem Elisabeth uxoris suæ jam senis , & nativitatem sanctitatem ac nomen nascituri Joannis , ac tandem impotentiam loquendi repente supervientem , & duraturam usque in diem . quo ea evenirent , in poenam hæsitationis suæ circa ea quæ audiverat .

II. Habemus missionem ejusdem Angeli ad Mariam Virginem , cui mysterium Incarnationis Verbi Divini per ipsam sine virginitatis detrimento complendum revelavit . Quod factum est simul ac Virgo dixit *Ecce Ancilla Domini fiat mihi secundum Verbum tuum* , & ipsamet exposuit in celebri suo Canticò *Magnificat* .

III. Visitante Maria Virgine cognatam Elisabeth a sexto jam mense prægnantem sanctificatus fuit ejus filius , qui (2) *præ gaudio exultavit in utero ejus & repleta est Spiritu Sancto Elisabeth* , & prophetavit .

267. IV. Recuperata loquendi facultate a Zacharia , cum nomen dederit nato præcurfiori , ea statim usus est ad benedicendum Deum erumpens in propheticum canticum de adventu Messiae , & electione filii sui in ejus præcurforem .

V. Apparitio Angeli (3) facta S. Josepho , qua eum edocuit de felicitate suæ conjugis , quæ facta erat virtute S. Spiritus Mater Altissimi , quem vocari jussit Jesum .

VI. Nativitas Christi ex Virgine , prout scriptum jam olim erat (4) *Ecce Virgo in utero habebit , & pariet filium* , & notum toti Hebræorum nationi . Quare quoties Christus deinde aperte eisdem dixit se esse filium hominis & filiam Dei , sicuti sæpe fecit , ut ex hac etiam causa reus mortis dictus fuerit in ipsorum concilio (5) , toties hujusmodi suam ex Virgine nativitatem manifestavit . Quod placuit advertere contra illum , qui apud Bergerium (6) dubitationem de hoc mysterio movet ex silentio Christi , quasi vero Evangelistæ & Apostoli mysteria prædicaverint , quæ non fuerint ipsis a

S. 2 Christi

(1) Luc. c. 1.

(2) Ib. c. 1. v. 41.

(3) Matt. c. 1.

(4) Ibid. c. 1. v. 23.

(5) Matt. c. 26. v. 65.

(6) Ber. Apolog. p. 4 t. 16. Cristianific. pag. 174.

Christo revelata. Jamque deveni ad miracula, quæ immediate pertinent ad Christum, quorum considerationem S. Thomas (1) distribuit in ea, quæ facta legimus primo in spiritualibus substantiis, deinde in cælestibus corporibus, tum in hominibus, tandem in creaturis irrationalibus. Equidem ea redigam ad præcipua capita vitæ Christi, Nativitatem, Prædicationem, Passionem, Resurrectionem: quod erit prosequi ordinem, quem plerunque habent in Sanctis libris, & quo facta sunt.

268. Incipiens itaque a Nativitate Christi, hæc pastoribus annuntiatur per Angelum, qui se illis conspiciendum præbet cælesti lumine circumfusus (2). Eadem celebratur a multitudo superveniente Angelorum (3) *laudantium Deum, & dicentium Gloria in Altissimis Deo*. Eadem late pervulgatur per novam in Cælo apparentem Stellam singularibus distinctam proprietatibus, quas S. Thomas (4), & alii apud Calmet (5) considerant, quæ ex Oriente Magos, hoc est homines sive doctrina sive dignitate spectabiles, ut Maldonatus post alios interpretatur, (6) ad eum adorandum usque in Jerusalem perduxit, ubi cum ab eorum oculis se subtraxerit, palam interrogabant, (7) *Ubi est qui natus est Rex Judæorum*, ut de hoc adventu certior fieret Herodes & totum ipsius regnum a consultis per sacerdotes & scribas Scripturis, in quibus lectum fuit Christum nasciturum in Bethlem Juda: Quo cognito a Magis, cum illuc iter dirigerent, iterum eadem Stella apparens (8) *antecedebat eos, usque dum veniens staret supra, ubi erat puer*.

De hujus Stellæ apparitione meminit etiam Chalcidius, quem meliores Critici negant fuisse Christianum, & in tertio sæculo collocant. Ille in suis ad Platonis Timæum observationibus aperte scribit eam fuisse, quasi nuncium descensus Numinis in terram ad felicitatem generis humani, prout omnibus perpensis conclusum fuit a Chaldæis Astronomiæ peritis, quorum aliqui ad ejus inquisitionem processerunt, eumque tandem sub forma infantis latentem invenerunt & adoraverunt. Hoc testimonium post Tricaletum (9) commemorat Nonnote (10) in gratiam nescio cujus increduli, qui post Evangelium & Traditionem sollicitus visus fuit de aliquo non Christiano auctore, qui de hac stella meminisset.

Instat alius incredulus apud Bergerium (11). Non potuit nova stel.

(1) S. Th. 3. p. q. 44.

(2) Luc. 2. v. 19.

(3) Ibid. v. 13.

(4) S. Tho. 3. p. q. 16. ar. 7. v.

(5) Cal. Diff. De Magis, qui Jesum adoraturi venerunt.

(6) Matt. c. 2.

(7) Ibid. c. 2. v. 2.

(8) Ibid. v. 9.

(9) Tri. Moti. de credibil. pag. 120.

(10) Non Diss. tit. Christianisme ar. 6.

(11) Ber. Apolog. c. 6. n. 11.

stella in Cælo constitui sine totius mundi perturbatione ; Nam stellæ sunt immanes globi , & totidem soles , qui pro mutua attractione materiæ influant necesse est in totam rerum corporearum universitatem . At respondetur nomine stellæ venire etiam quicquid instar stellæ resplendeat , quod potuit Deus tribuere certæ ætheris parti . Hac ratione dabit ipse Adversarius objectionem suam evanescere , quæ ceteroqui nulla esse debuit , cum agatur de effectu Virtutis Divinæ .

269. Magi interea postquam Verbum Carnem factum adoraverunt , *per aliam viam reversi sunt in regionem suam* juxta cæleste monitum quo veriti fuerunt ad Herodem redire . Eadem iterum divulgata est per totam Hierosolymam tum a Simeone (1) *homine justo & timorato* , in quo erat Spiritus sanctus , qui Christum infantem in templo præsentatum accipiens in ulnas suas prædicavit esse Redemptorem Mundi , sive Salutare paratum ante faciem omnium populorum : tum ab Anna prophetissa , Sanctissima Vidua (2) *octoginta quatuor annorum , quæ non discedebat de templo jejuniis & obsecrationibus serviens nocte & die , & loquebatur de illo omnibus , qui expectabant redemptionem Israel* . Eadem per totum imperium Romanum propagata est , dum paucis ab ortu Christi diebus ille abductus fuit in Aegyptum ab Joseph juxta mandatum Domini eidem communicatum ab Angelo occasione immanis consilii Herodis , de quo meminit etiam Macrobius (3) , qui (4) *occidit omnes pueros , qui erant in Bethlem , & in omnibus finibus ejus a bimatu & infra* , stulte putans se in horum aliquo Christum oppressurum . Illustrius igitur ex omni parte fuit hæc Nativitas , sicuti etiam ejusdem mors & pars aliqua ipsius vitæ , ut jam declarabo . Quare solum ad fovendam & insinuandam incredulitatem potuit impium Dictionarium philosophicum apud Bergierium (5) simulata pietate dicere , *Deum involvisse nebula tam angusta quam obscura nativitatem vitam & mortem suam* .

Novæ Angeli apparitiones factæ Josepho illustrent infanciam Christi , per quas jussus fuit ejusdem ab Aegypto reditus primo in Israel , deinde in Galilæam .

270. Miracula , quæ ad Christum non amplius infantem , sed nondum prædicantem spectantia , commemorantur , sunt I. patetificatio Sapientiæ supra ætatem , quando in templo Jerusalem inventus est (6) annos natus duodecim sedere in medio doctorum , audiens illos & interrogans eos ut stuperent omnes qui eum audiebant super pruden-

(1) Luc. c. 2. v. 45.

(2) Luc. c. 2. v. 37.

(3) Mac. Satur. l. 2. c. 4.

(4) Matt. c. 2. v. 16.

(5) Ber. Apolog. p. 4. ar. Christianisme.

(6) Luc. c. 2.

*dentia & responsi ejus. II. hæc sunt. Christo suscipiente Baptisma Joannis, (1) aperti sunt ei Cæli, & vidit Spiritum Dei descendentem, sicut columbam, & venientem super se, & ecce vox de Cælis dicens, hic est filius meus dilectus, in quo mihi complacui: in quibus verbis advertit Maldonatus (2) dici apertos Cælos ei idest Christo, quia propter eum aperti fuerant, cæterum credendum est omnibus, qui adstabant apertos fuisse, sicuti etiam omnes spiritum descendentem viderunt. III. est jejunium (3) quadraginta diebus & quadraginta noctibus protrahum in deserto, quo post baptismum se contulit, quod intelligendum est de abstinencia ab omni cibo & potu, ut speciatim Calmet hic advertit, quandoquidem de essentia jejunii apud Hebræos erat nihil neque solidi neque liquidi gustare, eundemque fuisse morem vetustioribus Ecclesiæ temporibus colligitur ex Ruffino & Prudentio; Ruffinus enim apud Rosweidum (4) refert Silvanum Abbatem dixisse discipulo suo Zachariæ, cum in itinere de aqua quam invenerat vellet bibere, *Zacharia hodie jejunium est*: Prudentius vero inducit Sanctum Fructuosum Tarraconensem Episcopum sic eos alloquentem, qui sibi ad Martyrium pertracto poculum exhibebant.*

Jejunamus ait recusato potum.

Nondum nona diem resignat hora

quæ erat hora cibi & potus, quam prævertere idem erat ac jejunii legem violare.

271. Exaëlo hoc jejunio cum Christus fame naturaliter passus fuerit se affligi, voluit etiam Diaboli tentationibus se subicere, qui cognita hac ejus infirmitate statim ad eum tentandum accessit, & semel superatus, iterum iterumque cum novis tentationibus rediit: quarum narrationem cum Matthæus his verbis aggrediatur, (5) *Assumpsit eum Diabolus in sanctam civitatem, & stavit eum super pinnaculum templi. Et (6) iterum assumpsit eum Diabolus in montem excelsum valde*, Maldonatus in hunc locum potiore ducit eorum interpretationem, qui verbum assumpsit explicant per verbum duxit, tum quia alia habemus apud eundem Matthæum exempla hujus significationis verbi assumo, tum quia Lucas idem narrans, utitur verbo duxit, tum tandem quia parum verosimile est tantum Diabolo Christum erga se permisisse, ut ab eo deportaretur. Restat igitur in hac interpretatione solum miraculum in data Diabolo permissione ut ad se accederet sub visibili forma, quam eodem Maldonato teste

(1) Matt. c. 3. v. 16.

(2) Mal. in Matthiæ.

(3) Matt. c. 14.

(4) Ros. Vitæ Patrum.

(5) Matt. c. 4. v. 5.

(6) Ibid. v. 8.

ſte (1) omnes Auctores dicunt fuiſſe corpoream, eamque humanam, quod aliud ſequutum eſt, quando expulſo tentatore acceſſerunt Angeli, & miniſtrabant ei.

ARTICULUS III.

*De Miraculis Novi Teſtamenti in prædicatione
Chriſti exceptis ſanationibus*

272. **V**enio ad miracula, quæ illuſtrant Chriſti prædicationem. Hanc cum ordiretur, electis jam in ſuos diſcipulos (2) Andrea Petro & Philippo, prophetam ſe oſtendit Nathanaeli. quando (3) dixit ei, priuſquam te Philippus vocaret, cum eſſes ſub ficu vidi te: quod quia ſibi ſoli notum eſſe ſciebat Nathanael, reſpondit ei & ait: Rabbi Tu es Filius Dei, Tu es Rex Iſrael. Paucis poſt diebus ad nuptias invitatus in Cana Galilææ deficiente vino aquam in vinum commutavit: quod initium ſignorum Jeſus vocat Joannes, non quia primum fuerit abſolute, cum jam aliqua ante hoc tempus ab ipſo facta jam adnotaverim, ſed quia primum eorum, quæ fecit ut omnibus oſtenderet ſe eſſe Meſſiam, quemadmodum explicant Suarez (4) & Maldonatus (5), qui ſicuti nolit credi quædam miracula, quæ in libro *De infantia Chriſti* aſcripto apocryphis per Gelafium (6), & conſutato noſtra ætate a Cardinali Gotti (7), ita nolit eos approbati, qui hoc Joannis teſtimonio utuntur ad excludendum omne omnino antecedens miraculum, quaſi vero ab ipſo Evangelio non ſatis indicata ſit ſua interpretatio per verba quæ ſequuntur, & manifeſtavit gloriam ſuam, hoc eſt Divinitatem ſuam, quæ alibi etiam ab Evangelis ſtis Gloria appellatur. Maniſtavit autem luculenter, quia hoc miraculum exequutus ſola voluntate.

273. Non multo poſt aſcendens Jeruſolymam (8) & inveniens in templo vendentes boves et oves & columbas, & numularios ſedentes, facto ſtagello de funiculis omnes ejecit de templo & oves quoque & boves, & numulariorum effudit ei, & menſas ſubverſit. De hoc miraculo, quod cum Matthæus & Lucas (9) narrent factum ſub finem prædicationis Chriſti, putant bis factum Chryſoſtomus, Auguſtinus, & Euthimius, quos ſequitur Maldonatus (10), dicit Hieronymus, *Mibi inter omnia ſigna hoc videtur mirabilius, quod unus homo potuerit ad unius ſtagelli verbera tantam eiicere multitudinem, menſasque ſubvertere.*

(1) Mal. in Ioa. c. 2. v. 11.

(2) Joan. c. 1.

(3) Ibid. c. 1. v. 48.

(4) Sua. in 3. p. Diſ. 31. ſec. 2. §. ſed quæres.

(5) Mal. in Ioa. c. 2. v. 11.

(6) Can. Sancta Romana. Riſt. 15. §. 1.

(7) Crot. Verit. Relig. c. 15. §. 1.

(8) Ioa. c. 2. v. 13.

(9) Luc. c. 19. A 45.

(10) Mald. in Matt. c. 21. v. 12.

tere . Igneum enim quiddam atque sidereum radiabat ex oculis ejus & Divinitatis Majestas lucebat in facie .

274. Ex hoc tempore innumerabilia occurrunt miracula juxta hyperbolem , quam S. Augustinus (1) & alii Patres apud Maldonatum agnoscunt in verbis S. Joannis , (2) *Qua fecit Jesus si scribantur per singula , nec ipsum arbitror mundum capere posse , qui scribendi sunt libri* . Quare optimo jure Maldonatus in controversia , an propositio Christi Dn. (3) *Si opera non fecissem in eis , qua nemo alius fecit , peccatum non haberent* , significet fuisse sua miracula majora numero , an qualitate iis. quæ Patriarchæ & Prophetæ fecerunt , contendit significare fuisse in omni sensu majora . Summa horum miraculorum capita exceptis sanationibus , de quibus seorsim dicam , sunt ,

275. I. Repetita distributio alimentorum semel in quinque millia hominum (4) præter mulieres & parvulos ex quinque panibus hordeaceis & duobus piscibus , duodecim sportis fragmentorum superantibus : & iterum in quatuor millia hominum supra mulieres & parvulos (5) ex septem panibus , & paucis pisciculis ita ut satiatis omnibus ex fragmentis impletæ fuerint septem sportæ . Incredulus , qui apud Bergierium (6) dubitat de veritate harum multiplicationum , quia ad illam ait requiri creationem novæ materiæ , quam subductis rationibus computat libras quindecies mille , profecto infusus est . Nam imprimis quis hoc sapienter opponat ubi agitur de multiplicatione facta a Creatore Cæli & Terræ : deinde docuit jam S. Thomas ex dictis supra (n. 27.) eam factam fuisse per conversionem in panes materiæ ~~altæ~~ existentis , non per creationem .

276. II. Demonstratio dominii in omnes creaturas etiam inanimas , ut cum a Nazaræis civibus cæteroquin suis repente surgentibus in medio sermonis , quem apud eos habebat iisdem ingratus , extra civitatem ductus (7) *usque ad supercilium montis ut precipitarent eum , ipse transiens per medium illorum ibat* , plane ostendens quocunque modo id effecit dogma illud , (8) *sine me nihil potestis facere* . Et cum non permisit , ut Jerosolymitani Judæi sibi palam docenti in templo diebus festis Tabernaculorum nocerent , etli maxime vellent , & miserint etiam (9) *Principes & Pharisei ministros ut apprehenderent eum* , quod non solum non fuerunt exequuti , sed ne potuisse quidem exequi declararunt , cum reversi re infecta , principibus rogantibus , (10) *quare non adduxistis illum ? responderunt ministri , Nunquam*
eum ,

(1) S. Aug. in Joa. tr. 124.

(2) Joa. c. 21.

(3) Joa. c. 15. v. 24.

(4) Matth. c. 14. v. 17.

(5) Ibid. c. 15. v. 32.

(6) Ber. Anal. c. 6. n. 1.

(7) Luc. c. 4. v. 29.

(8) Joa. c. 15. v. 5.

(9) Jon. c. 7. v. 32.

(10) Ibid. v. 35.

sic loquutus est homo, sicut hic homo. Et cum iterum habito coram eis in templo sermone, in quo eosdem palam docebat de sua Divinitate, & missione a Deo Patre, illis tollentibus (1) *lapides ut jacerent in eum, abscondit se & exiit de templo*, hoc est invisibilem se reddens per medium illorum transiens extra templum venit: Quam interpretationem approbat cum aliis Maldonatus (2), & ipse textus fati declarat, conjungens *abscondit cum exiit*. Et quam tertio in alio festo Encæniorum securus prosequutus est suam ad illos concionem, in qua palam fatebatur suam Divinitatem, etiam si lapides jam sustulerint (3) *ut lapidarent eum*. Et quando post pauca in eadem rem audita cum vellent eum apprehendere ad perficiendam (4) extra templum ipsius lapidationem, ipse *exiit de manibus eorum, & abiit trans Jordanem*. Qui animadvertit Christum pro concione de sua Divinitate tam sæpe loquutum fuisse, admirabitur cum Bergierio (5) dari incredulos tam ignorantes vel tam mendaces, qui identidem scribant Christum suis cœvis se esse Deum non manifestasse.

277. Et cum ad duos ex discipulis suis missos in castellum proximum Jerosolymæ, dixit, (6) *invenietis asinam alligatam, & pullum cum ea, solvite & adducite mibi, & si quis vobis aliquid dixerit, dicite quia Dominus his opus habet*: Accidit autem referente Luca, (7) *ut solventibus illis pullum, dixerint domini ejus ad illos, quid solvitis pullum. At illi dixerunt, quia Dominus eum necessarium habet, & duxerunt ad Jesum*; Audito enim hoc imperio, confestim dimissi fuerunt, ut Jesus jam prædixerat. Et cum (8) *increpavit ventum & tempestatem aquæ, & cessavit*. Et cum Petrus & ejus socii ad ejus imperium (9) *laxantes retia in capturam, concluderunt tantam piscium multitudinem, ut impleverint duas naviculas ita ut pene mergerentur*. Quare Petrus stupore correptus *procidit ad genua Jesu dicens, Exi a me, quia homo peccator sum Domine*. Et cum iterum (ut hoc etiam quoniam simillimum ab altero non sejungam etsi factum post resurrectionem) apparens (10) discipulis ad mare Tiberiadis iussit mittere in dexteram navigii rete, quod jam non valebant trahere præ multitudine piscium, quod cum tandem traxerint, etsi plenum magnis piscibus centum quadraginta tribus, nihilominus non est sciilum rete.

278. Et cum supra aquas, tamquam supra solidum pavementum bis ipse (11) visus est ambulare, & semel concessit Petro ut & ipse

T

(1) Ibid. c. 8. v. 59.

(2) Mald. in hunc locum.

(3) Joa. c. 10. v. 31.

(4) Ibid. v. 39.

(5) Ber. Apolog. p. 4. ar. Christianismæ pag. 175.

(6) Matt. c. 21. v. 2.

(7) Luc. c. 19. v. 33.

(8) Luc. c. 8. v. 24.

(9) Ibi. c. 5. v. 4.

(10) Joa. c. 21.

(11) Matt. c. 14. v. 25. Et Mar. c. 6. v. 45.

super aquam ambulans ad se veniret, quoniam rogaverat, nec mergi coepit, nisi postquam importune timens ventum validum, humanum quid passus est diminutionem fidei. Et cum (1) *nihil inveniens in fici arbore nisi folia*, eidem maledixit, & continuo (2) *arida facta est a radicibus*, quo miraculo juxta interpretes symbolice enunciavit sempiternam Synagogæ abrogationem. Et cum ad solvendum tributum, de quo Publicanos noverat cum Petro colloquutos, dixit Petro, (3) *Vade ad mare, & mitte hamum, & eum piscem, qui primus ascenderit, tolle, & aperto oro ejus invenies staterem, illum sumens da eis pro me & te.*

279. III. Diversi generis prophetiæ. Circa enim res præsentis, sed omni creaturæ occultas, celebres sunt quas de internis hominum cogitationibus manifestavit. Scribæ quidam audientes ea ad quemdam paralyticum directa verba, (4) *Remittuntur tibi peccata tua, dixerunt intra se, Hic blasphemat. Et cum vidisset Jesus cogitationes eorum dixit, ut quid cogitatis mala in cordibus vestris, & reliqua.* Alius Phariseus apud quem Jesus manducabat, cum (5) *intra se diceret contra Christum permittentem peccatrici quæ illuc intraverat, ut oscularetur pedes suos & unguento ungeret, Hic si esset propheta, sciret utique quæ & qualis est mulier, quæ tangit eum, respondens Jesus ea dixit, quibus misericordiam & sanctitatem suam, ejusdemque errorem atque iniquitatem demonstravit.* Circa autem res abentes loco, habemus ipsum domi manentem novisse, quid extra illam Publicani didrachma accipientes colloquuti fuerunt cum Petro: Nam cum Petrus (6) *intrasset domum, prævenit eum Jesus, & de colloquio habito se penitus instructum ostendit.* Habemus præterea ipsum distantem a Bethania vidisse Lazarum ibi jam obisse; Nam antequam illuc tenderet ad eum excitandum a morte ad vitam, discipulis (7) *dixit manifeste, Lazarus mortuus est.*

280. Circa res præteritas Evangelium meminit de illa, quæ consistit in enarratis Samaritanæ probrosis ipsius vitæ erroribus, quibus auditis stupore perculsa (8) *Dicit ei, Domine video quia propheta es tu, & relicta hydria, quam ad hauriendam aquam a fonte extra civitatem posito secum attulerat (9) abijt in civitatem, & dicit illis hominibus, Venite & videte hominem, qui dixit mihi omnia quæcunque feci.*

281. Circa res futuras frequens fuit illa de exitu suæ vitæ post multos cruciatus, quos passurus erat (10) *a senioribus & scribis & prin-*

(1) Matt. c. 21. v. 19.

(2) Luc. c. 11. v. 20.

(3) Matt. c. 17. v. 26.

(4) Ibid. c. 9. v. 2.

(5) Luc. c. 7. v. 39.

(6) Matt. c. 17. v. 24.

(7) Jon. c. 11. v. 14.

(8) Jo. c. 4. v. 19.

(9) Ibid. v. 28.

(10) Matt. c. 26. v. 21.

capibus Sacerdotum, qui eum morte etiam essent condemnaturi, & de illusionibus flagellis & cruce, quæ sibi manebant eorumdem Judæorum impulsu a Gentibus, (1) *Filium hominis condemnabunt morte, & iradent eum Gentibus ad illudendum & flagellandum & cruci figendum*: Et de ipsorum poena propter tantam perfidiam in eo sita, quod non foret amplius ex ipsis Ecclesia Dei composita, sed ex quibusvis gentibus, quæ in Christum ab ipsis reprobatur credere. Hoc significavit per parabolas de convivio, in quo (2) Judæis rejectis alii ab Oriente & Occidente venientes recumberent, de vinea, quæ (3) locanda erat aliis agricolis, de regno Dei ab ipsis auferendo, de offensione in lapidem, supra quem cadentes confringerentur, quem sensum ipsimet Judæi probe (4) intellexerunt: Et de proditione Judæ (5), ac poena quæ ipsum propterea manebat: Et de fuga discipulorum, ac trina Petri negatione in una eademque nocte (6) *priusquam Gallus vocem bis dedisset*: Et de suo ad vitam reditu, & quidem tertia die a tolerata morte, (7) *Filius hominis occisus tertia die resurget*, sicuti factum fuit; occisus enim die Veneris resurrexit die dominica. Qui obijciunt non haberi hac ratione tres dies, nesciunt modum loquendi communem plerisque gentibus comprehendendi primum & ultimum diem, quocunque modo hi se habeant sive inchoati sive perfecti, cum de numero dierum determinato loquuntur: Et tandem de novo adventu ad judicandum mundum, quem præcedent inaudita prodigia in Sole Luna Stellis & universa terra, ut habetur apud Matthæum (8), Apocalypsim, & alios Prophetas.

Distincta autem prophetia est illa facta Apostolis de iis, quæ ipsis contingerent in prædicatione Evangelii, ad quam elegerat, quæ omnia eventu novimus comprobata. Impleti enim Spiritu Sancto quem orando & expectando prout sibi præscriptum & promissum fuerat receperunt, omnes terrarum partes pervaserunt Christum annunciantes juxta illud, (9) *Eritis mihi testes in Jerusalem, & in omni Judæa & Samaria, & usque ad ultimum terra*. Experti sunt ubique odium principum & populorum, quibus prædicarunt. Sed nihilominus illis reluctantibus Ecclesiam Christi in toto Romano imperio & ultra stabiliverunt: quorum utrumque notum ipsis jam erat, primum quidem scilicet persequutiones, quia dixerat, (10) *Eritis odio omnibus propter nomen meum*: secundum vero triumphum fidei & Ecclesiæ Christi, quia cum post similem prophetiam, (11) *in*

T 2

mun.

(1) Ibid. c. 20. v. 18.

(2) Matt. c. 8. v. 11.

(3) Ibid. c. 20. v. 41.

(4) Ibid. v. 45.

(5) Ibid. c. 26.

(6) Mar. c. 14. v. 30.

(7) Ibid. c. 9. v. 30.

(8) Matt. c. 24.

(9) Act. c. 1. v. 8.

(10) Matt. c. 24. v. 23. (11) Jo. c. 16. v. 33.

mundo pressuram habebitis, addidit statim, *sed confilite*, ego *vici mundum*. Nec dubitamus de perpetuitate hujus triumphii contra omnes hæreticorum furores, incredulorum aggressiones, & totam diaboli malitiam, quia idem auctor Ecclesiæ prædixit, quod (1) *porta inferi non prevalebunt adversus eam*. Sustinuerunt tandem Apostoli ipsius prædicationis gratia mortem in cruciatibus, quales scelestissimis per sententiam Magistratum cum infamia decernuntur: sed hæc nulli venerunt inopina, quia omnibus dixerat, (2) *Venit hora, ut omnis qui interficit vos arbitretur obsequium se præstare Deo*, addens, *hæc loquutus sum vobis, ut cum venerit hora, eorum reminiscamini, quia ego dixi vobis*. Atque hac reminiscencia adiuti, dum inquit Augustinus (3) *excitatur adversus ipsos sava infidelitas, tolerant prædicta, sperant promissa, docent præcepta*.

282 Insignis tandem est illa de excidio Jerosolymæ, quod fore horribile paucis ante suam mortem diebus hanc urbem ingrediens etiam cum la crymis (4) declaravit, & ne remansurum quidem lapidem sui præsertim templi toto orbe celeberrimi post aliquos dies a prima prophetia aperte iterum prænuñciavit. Quorum utrumque suum ut ita dicam effectum habere incoepit secundo Vespasiani anno, quando Titus ejus filius narrante Josepho (5) urbem ipsis Paschatis feriis, in quibus populus undique in eam confluerat, repente obfessam tandem coepit & delevit, ipso templo flammis consumpto contra Titi voluntatem & oppositos suorum militum conatus, & mortuis intra ipsam qua gladio qua fame undecies centenis millibus Judæorum: complementum vero habuit sub Juliano Apostata, quarto Ecclesiæ sæculo, quando Judæi ad novi templi ædificationem imperatore ipso urgente incubuerunt, & *suismet manibus*, ut ait Maldonatus (6) *Christi prædictionem impleverunt* dirutis veteris templi fundamentis ut nova reponerent. Quod tamen ne inchoare quidem potuerunt prohibitis terræmotu & igne e terra repente exiliente ita ut apparatus omnes & operarii incensi & dissipati fuerint utique per miraculum, quod Ammianus Marcellinus (7) auctor coævus, paganus, Juliani aulicus & admirator distincte refert, & de quo mentionem faciunt Gregorius Nazianzenus (8), Chrysostomus (9), Theodoretus (10), & alii authores abunde citati ab historia ecclesiastica Claudii Fleury, & quod recenter propugnavit Vvarburton (11)

(1) Matt. c. 16. v. 19.

(2) Joa. c. 16. v. 2.

(3) Aug. epi. ad Volusian.

(4) Joa. c. 19. v. 41.

(5) Jos. de Bello Jud. l. 7.

(6) Mal. in Matt. c. 24. v. 3.

(7) Amm. Hist. l. 23.

(8) Naz. Orat. 2. c. Julianam.

(9) Chry. hom. 2. c. Judæos.

(10) The. Hist. l. 2. c. 20.

(11) War. Julium.

præclaro opere, cujus epitomam aliquam afferunt Trevoltiani (1) contra illos, ut Jacobum Basnagem (2), & Auctorem Miscellaneorum de Literatura Historia & Philosophia apud Bergierium (3), qui aliquo modo de veritate hujus miraculi professi sunt se dubitare.

283. IV. Gloria quædam eidem etiam ante mortem collata. In signis fuit, qua gavisi sunt Petrus, Jacobus, & Joannes, quando coram illis (4) *Transfiguratus est, & resplenduit facies ejus sicut sol, vestimenta autem ejus facta sunt alba sicut nix*, sive hoc acciderit supra montem Thabor, ut tenent SS. Hieronymus (5), Cyrillus Hierosolymitanus (6), Damascenus (7), & Beda (8), sive supra montem parum a lacu Genesareth distantem, ut placuit Calmeto (9), & Bernardo Lamy (10). Miraculum in hac re juxta Abulensem (11) in eo consistit, quod corpus Christi adhuc passibile, & nondum glorificatum haberet qualitates gloriæ, quam Petrus ipse speculator commemorat (12) cum admiratione ipsius magnitudinis. Hanc cum laavit vox de nube lucida erumpens, *Hic est filius meus dilectus, in quo mihi bene complacui*, qualis jam personaverat, cum baptismum Joannis (13) susceperet, & cum iterum sub finem prædicationis suæ illo orante (14) *Iater clarifica nomen tuum, venit vox de Cælo, & clarificavi, & iterum clarificabo*, quam Maldonatus in hunc locum cum multis Patribus credit intelligendam esse de gloria Christo data usque ad illud tempus per miracula ab ipso patrata, & alia eidem præparata per alia miracula deinceps facienda non solum post ejus mortem, sed in ipsa etiam passione sua ac morte.

A R T I C U L U S IV.

De Miraculis sanationum Novi Testamenti in prædicatione Christi.

284. **D**E miraculis sanationum ab infirmitatibus omnis generis, quas Christus in sua prædicatione operatus est, mentio fit in Evangelio tum per formulas generales quibus multæ comprehenduntur, tum per distinctas aliquarum narrationes. Formulae generales hæc sunt: (15) *Abiit*, inquit S. Matthæus, *opinio ejus in totam Syriam, & obtulerunt ei omnes male habentes variis languoribus & tormentis comprehensos, & qui demonia habebant, & lunaticos & pa-*

(1) Tre an. 1754. ar. 140.

(2) Bas. Hist. Judæo. l. 6. c. 18.

(3) Ber. Apolog. c. 6. n. 17.

(4) Matt. c. 17. v. 2.

(5) S. Hier. Epist. 27. ad Eustochium.

(6) Cyri. Catech. 12.

(7) Dam. Serm. de Transfigur.

(8) Bed. de locis Sanctis c. 17.

(9) Cal. in Matt. c. 17.

(10) Lam. Appar. Geogr. c. 12.

(11) Abil. q. 31. in Matt. c. 17.

(12) 2. Petr. c. 1.

(13) Matt. c. 3. v. 17.

(14) Joa. c. 12. v. 28.

(15) Matt. c. 4. v. 24.

ralyticos, & curavit eos. Venit (1) secus mare Galilææ, & accesserunt ad eum turba multa habentes secum mutos cecos claudos debiles & alios multos, & projecerunt ad pedes ejus, & curavit eos, ita ut turba mirarentur videntes mutos loquentes, claudos ambulantes, cecos videntes. His similia idem Evangelista habet referens adventum Christi ad alia loca (2), eique uniformes sunt SS. Joannes (3), Lucas (4), & Marcus (5), qui etiam uno in loco repræsentat infirmos turmatim (6) irruentes in eum ut illum tangerent: in alio loco incolas integræ regionis, qui (7) in grabatis eos qui se male habebant, circumferebant, ubi audiebant eum esse, & in plateis ponebant infirmos, & deprecabantur eum, ut vel simbriam vestimenti ejus tangerent, & quosquos tangebant eum salvi fiebant. Calvinum hic reprehendit Maldonatus (8), quod ausus sit obloqui contra hunc vestium contactum tamquam superstitionem & errorem in eo situm, quod qui id facerent, ad tactum vestis gratiam reducerent, quando Christus miraculis ostendit illum non fuisse nisi argumentum eximie in seipsum fidei. Qua ratione reliquiis etiam de rebus, quæ fuerunt Christo & Sanctis extrinsecæ, merito honor tribuitur (9) juxta Catholica & Apostolica Ecclesiæ usum a primævis Christiana religionis temporibus receptum, ut docet Tridentinum. Generales interea formulas de sanationibus concludam hac S. Jo. Chrysostomi apostrophe, (10) *Intende quantum multitudinem curatam transcurrant Evangelistæ, non unumquodque curatum enarrantes, sed uno verbo pelagus ineffabile miraculorum inducentes.*

285. Speciatim Evangelistæ mentionem faciunt de socro Simonis, quam vacentem ex febris ingrediens Jesus in ejus domum (11) cum Jacobo & Joanne elevavit eam apprehensa manu ejus; & continuo dimisit eam febris, & ministrabat eis. Sic Marcus, & similiter Matthæus (12). Idem significat quod apud Lucam legitur (13) *Stans super illam, imperavit febris, & dimisit illam*, quia propositio super hic accipienda est pro juxta seu propter: Nam oritur a Græca lectione *ἐπὶ αὐτῇ* quæ cum utrumque significet, Latinus interpret sic reddidit, quemadmodum primus quod sciam notavit Josephus Khell (14). Qui citantur Paulus Zacchias (15), Paulus Vecchi (16), & Gulielmus Ader

(1) Ibid. c. 15. v. 29.

(2) Id. c. 8. v. 16. Et c. 9. v. 35. Et c. 12. v. 15. Et c. 14. v. 14.

(3) Joa. c. 6. v. 2.

(4) Luc. c. 4. v. 41. Et c. 6. v. 19. Et c. 7. v. 21. Et c. 9. v. 11.

(5) Mar. c. 1. v. 34.

(6) Id. c. 3. v. 9.

(7) Ib. c. 6. v. 55.

(8) Mal. in Matt. c. 13. v. 36.

(9) Trid. sess. 25. de Invoc. & Reliqu.

(10) Chr. in Matt. c. 12.

(11) Mar. c. 1. v. 39.

(12) Matt. c. 8. v. 15.

(13) Luc. c. 4. v. 39.

(14) Khell. Observat. in Novum Test. Dec. 1. Obser. 6.

(15) Zac. Quæ. medico-legal. l. 4. tit. 1. q. 1. n. 66.

(16) Vec. Obser. medic. in S. Script. Obf. 28.

der (1) tamquam docentes omnes quos Christus sanavit, non potuisset per artem medicam convalescere, advertent apud Lucam dici, quod *Socrus Simonis tenebatur magnis febribus*, quoties quis ipsorum opinioni obiciat hoc miraculum: quemadmodum facit Jo. M. Lancisius, qui in Voto pro Veritate super primo miraculo in causa tunc Venerabilis, nunc S. Jo. Francisci Regis dicit, *Febris socrus Petri non erat morbus omnino desperatus, sed solummodo curatu difficilis, & refractarius*.

285. Præterea meminerunt Evangelistæ de sanato (2) quodam *bo-mine triginta & octo annos habente in infirmitate sua*, qui jacebat ad probaticam piscinam. Et de muliere (3) quæ annis decem & octo erat *inclinata, nec omnino poterat sursum respicere* opera Dæmonis, unde dicitur habuisse *spiritum infirmitatis, & Satanam eam alligasse*, sed erecta fuit & dimissa ab hac infirmitate simul ac Jesus illi ad se vocatæ imposuit manus. Et de alia muliere, cujus (4) *siccatus est fons sanguinis* a duodecim annis fluens ad contactum vestimenti Christi. Et de homine, cujus (5) *manus dextra arida* ad ejus-imperium coram tota synagoga Capernaitarum *restituta est*. Et de hydropico sanato (6). Et de undecim leprosis curatis, uno quidem subito, Nam (7) cum veniens adoraret eum, *dicens Domine si vis potes me mundare, extendens Jesus manum, tetigit eum dicens, Volo, Mundare, & confestim mundata est lepra ejus*: decem autem simul, qui clamantes (8) *Jesu præceptor miserere nostri*, dum irent ad sacerdotes juxta ipsius Domini præceptum, *hic ostendite vos Sacerdotibus*, mundati sunt.

287. Et de septem cæcis illuminatis. Nam duos curavit (9) domi suæ Capharnai tangens oculos eorum, & *dicens secundum fidem vestram fiat vobis, & aperti sunt oculi eorum*. Alios duos in publica via non longe ab Jericho, cum clamarent, (10) *Domine miserere nostri, & misertus tetigit oculos eorum, & confestim viderunt*. Siquis miraculum factum in cæco, quem Bartimæum Marcus dixit vocari (11), de quo etiam Lucas (12) loquutus fuit, ab his duobus jam dictis distinguat, jam quintus locus Bartimæo conveniret. Sed quoniam hanc distinctionem minus probant, qui cum Maldonato (13) observant prænitiā similitudinem in unius historia cum illa duorum, cui observationi nihil opposuit Calmet in suis Commentariis, quod non fuerit jam cognitum & dissolutum, quantum dicam cæcum

(1) Ade. Trac. Bibl. t. 9. De Morbis Evangel.

(2) Matt. c. 9. v. 5.

(3) Luc. c. 13. v. 11.

(4) Marc. c. 5. v. 39.

(5) Luc. c. 6.

(6) Id. c. 14. v. 4.

(7) Matt. c. 8. v. 4.

(8) Luc. c. 17. v. 12.

(9) Matt. c. 9. v. 28.

(10) Id. c. 20. v. 30.

(11) Mar. c. 10. v. 47.

(12) Luc. c. 18. v. 35.

(13) Mald. in M. c. 20.

cam, qui Christo oblatum fuit (1) *Demonium habens cæcus & mutus, & curavit eum ut loqueretur & videret*. Sextus, quem quasi per gradus sanavit spūto & manuum impositione, ita ut primo videret (2) *homines velut arbores ambulantes*, & deinde iterata manum impositione super oculos ejus *clare videret omnia*. Hunc non advertit Brancatus, qui propterea dixit (3) *Sæx cæci leguntur illuminati*.

288. Septimus tandem est cæcus natus (4). redditus videns linitis oculis ejus luto facto ex spūto & terra, & lavatione, ut ipsemet cæcus iterum iterumque narravit dicens, *ill: homo, qui dicitur J:esus, lutum fecit & unxit oculos meos, & dixit mihi, Vade ad natatoria Siloe, & lava: & abii lavi & video*. Celebre miraculum, tum quia inimicos Christi Judæos summopere contorsit, tum quia per lutum rem aptam ad excæcandum non ad illuminandum Christus ipsum effecit ad splendidiorem Divinæ suæ virtutis demonstrationem, ut Interpretes observant, quod satis est ad contemnendum quemdam De Vert, qui apud Lambertinum (5) ausus est dicere illuminatum per vim naturalem spūti ac luti, & ad detestandum J. J. Rousseau, qui apud Nonnotem (6) non solum dissimulat finem gloriæ Dei expressum in evangelica narratione, sed hanc etiam ex integro in dubium revocat dicens, Naturæ Dominus obtinet ab illa obsequium sine ullo conatu aut mediis inutilibus saliva & pulvere.

289. Et de octo a potestate Diaboli liberatis. Nam duo describuntur (7) habitantes in monumentis, a quibus exeuntes spiritus nequam impetrata prius venia a Christo *abierunt in porcos*. De horum altero dumtaxat meminerunt Marcus (8) & Lucas (9), nisi quis velit in sententiam Brancati descendere, qui dicit (10) *forte hic est alius casus, ut quidam putarunt*, quos qui sint ignoravit Maldonatus, quoniam non citat nisi Patres, & quidem plures (11), qui eundem esse casum supponunt. Quod si verum esset, tanto magis ipse Brancatus distabit a vero, dum septem (12) expresse ait numerari liberatos a Dæmone. Tertius est, de quo habemus, (13) *obtul:rant ei hominem mutum Dæmonium habentem: & ejecto Dæmonio locutus est mutus, & mirata sunt turba*. Quartus (14) dæmonium habens, cæcus etiam & mutus erat, quem curavit *ita ut loqueretur & videret*. Quinto occurrit filia Chananæ, quæ perseverante matre in suis ad Christum

(1) Matt. c. 12. v. 22.

(2) Mar. c. 8. v. 23.

(3) Bra. de Mirac. n. 17.

(4) Joa. c. 9. v. 1.

(5) Lam. ubi alias c. 8. n. 10.

(6) Non. Dist. ar. Miracul. Entr. 3.

(7) Matt. c. 8. v. 28.

(8) Mar. c. 5.

(9) Luc. c. 8. v. 27.

(10) Bra. de Mirac. n. 435.

(11) Mal. in Matt. c. 8. v. 28.

(12) Bran. de Mirac. n. 106. & 122.

(13) Matt. c. 9. v. 32. Et Luc. c. 11. v. 14.

(14) Matt. c. 12. v. 22.

flam precibus tandem audivit (1) *Fiat tibi sicut vis & sanata est filia eius ex illa hora* a Dæmone, a quo male vexabatur. Sexto habemus (2) Mariam Magdalenem, de qua egesta fuerunt *septem Dæmonia*. Septimus est ille, a quo in Capharnai synagoga Spiritus immundus (3) *exclamans voce magna exiit*, simul ac Christus dixit *Eri*.

290. Octauus est, quem Lucas (4) Dæmoniacum vocat. Matthæus vero (5) Lunaticum, & mutum præterea ac furdum dicit. qui sanus fuit *illa hora* qua ad Christi imperium *exiit ab eo Dæmonium*. Quare (6) *verosimilius*, inquit Maldonatus, *est neque natura neque morbo. sed Dæmonis arte lunaticum fuisse* contra illos, ut Aderum (7), qui contrarium opinati sunt. Porro (8) *Lunaticus morbus*, juxta Vallesium (9) & Zacchiam, *propriissime loquendo epilepsia est, quæ secundum Luna motus exarcebatur*. Præter hos ab aliis fuerunt expulsi Dæmones dicente Marco, (10) *Erat predicans in synagogis eorum, & in omni Galilæa, & dæmonia eiiciens*. Hæc divina eloquia apertissima patefaciunt incredulitatem vel impietatem eorum, qui jam olim apud Guglielmum Parisiensem (11) negarunt quemquam unquam extrinsece Dæmone correptum, quibus quidam alii deinceps accesserunt, ut Richardus Mead, & Beker, quos video citari tamquam recentiores ab iis qui hanc hæresim confutarunt, supra (n. 93.) nominatis.

291 Sermo etiam est de tribus mutis, quos loquentes reddidit, uno quidem (12) muto simul & surdo, & duobus mutis simul & Dæmonium habentibus (13). Et de duobus paralyticis sanatis Capharnai, quorum alter a S. Marco describitur (14) a quatuor portatus, & per tectum ante Christum demissus cum grabato in quo jacebat, quoniam præ multitudine non potuit aliter ipsi offerri, quas circumstantias tacuerat S. Matthæus (15): Alter autem fuit servus Centurionis, de quo cum hic dixerit Christo (16) *Domine puer meus iacet in domo paralyticus, & male torquetur*, Thomas Bartholinus (17), Ader (18), & Lancisus in Voto supra (n. 285.) citato advertunt hujus paralytim fuisse impotentiam ad motum propter convulsiones, quæ musculos dolore ac tensione affligunt, quæ minus proprie sic a vulgo appellatur, non vero impotentiam ad motum propter impedimentum

V

- (1) Matt. c. 15. v. 22.
- (2) Luc. c. 16. v. 4.
- (3) Mar. c. 1. v. 23. Et Luc. c. 4. v. 33
- (4) Luc. c. 9. v. 39.
- (5) Matt. c. 17. v. 16., & v. 25.
- (6) Mal. in Matt. c. 17. v. 17.
- (7) Ade De Morbis Evangel. Ennar. 4.
- (8) Zac. Quæ. medic. leg. l. 4. tit. 1. q. 8. n. 20.
- (9) Vall. de sacr. Philos. c. 71.

- (10) Marc. c. 1. v. 35.
- (11) Pari. De Universi.
- (12) Mar. c. 7. v. 32.
- (13) Matt. c. 9. v. 32. & c. 12. v. 22. Et Luc. c. 11. v. 14.
- (14) Mar. c. 2. v. 3.
- (15) Matt. c. 9. v. 6.
- (16) Bar. de paralyf. Nov. Testam.
- (17) Ade. Enarrat. 2. de Paralyf.

tum excursum spirituum animalium a cerebro per nervos, quæ absolute & proprie paralyfis est. Et tandem de tribus a morte ad vitam revocatis, puella (1) annorum duodecim, filio viduæ (2) unico, & Lazaro (3), qui non solum a quatuor jam diebus mortuus & sepultus resurrexit, sed etiam *prodiit licet ligatus pedes & manus*.

ARTICULUS V.

De Miraculis Novi Testamenti in Passione & Resurrectione Christi.

292. **I**N ipsis pro redemptione generis humani toleratis a Christo tormentis & morte non defuerunt prodigia. In his sunt, qui numerant (4) sudorem ejus *sicut guttas sanguinis decurrentis in terram*, quem ab eo expressit tristitia ad apprehensionem crudelissimæ mortis quam jam subiturus erat. Sed alii effectum naturalem in hoc agnoscunt, quem non recusant appellare miraculum in eo sensu, quo miraculum dicitur quod raro contingit. Plures pro utraque parte Authores dabit Lambertinus (5), qui præ ceteris laudat dissertationem, quam dedit Calmet *De Sudore Sanguinis Jesu Christi*. Pro sententia quæ quid naturale in hoc sudore agnoscit est ea magni ponderis ratio allata a Suarez (6), quod sudor sanguinis proponitur in Evangelio tamquam argumentum certum maximi angoris & tristitiæ animæ Christi, quod minus efficax videretur si in hoc haberetur miraculum. Verius ad miracula pertinet, quod tunc apparuerit (7) *illi Angelus de calo confortans eum*.

293. Sed venio ad ea, quæ coram multitudine in extrema vitæ Christi parte contigerunt. Respondente illo quærentibus se, *Ego sum* (8) abeunt retorsum & cadunt in terram. Tangente illo auriculam Malchi a Petro amputatam (9) *sanavit eam*. Eo jam crucifixo morti obviam tendit late spargens clarissimos divinæ magnanimitatis fortitudinis & caritatis radios, dum pro suis etiam inimicis & carnificibus enixe orat, & latroni secum morienti peramanter respondet. Fine vitæ iam proximo (10) *a sexta hora tenebra factæ sunt super universam terram usque ad horam nonam*, circa quam expiravit. Miraculum fuit insigne, quia Eclipsis Solis naturaliter non contingit nisi in Novilunio, seu Lunæ conjunctione cum Sole, non in oppositione, seu Plenilunio, quod tunc erat cum esset tempus paschæ. Quod

Mat-

(1) Matt. c. 9. v. 24.

(2) Luc. c. 7. v. 15.

(3) Joa. c. 11. v. 14.

(4) Luc. c. 22. v. 244.

(5) Lamb. ubi ali. c. 16. n. 4.

(6) Suar. in 3. p. dis. 46. ar. 2.

(7) Luc. c. 22. v. 43.

(8) Joa. c. 18. v. 6.

(9) Luc. c. 22. v. 54.

(10) Matt. c. 27. v. 45.

Matthæus & Lucas (1) dicunt *super universam terram*, Marcus (2) dicit *per totam terram*. Ex quo Lambertinus (3) cum multis quos citat fult de hoc miraculo diffèrentes, quibus addo Cornelium a Lapide ejusdem secum opinionis, minus probat Origenis interpretationem, quæ præ cæteris placuit Maldonato, qui non orbem terrarum ibi credit indicari, sed solam Judææ regionem. De hac Eclipsi meminit inter profanos paganus Phlegon apud Tricaletum (4) ex Origene, eodemque tempore idem Phlegon dicit contigisse ingentem terræmotum, quo plura ædificia Nicææ in Bithynia corruerunt. Dum moreretur (5) *exclamavit voce magna dicens Deus meus Deus meus ut quid dereliquisti me*, quod supra naturam fuit, in qua sub horam mortis vox solet imprimis deficere. Dum expiraret iterum (6) *clamans voce magna ait, Pater in manus tuas commendo spiritum meum*, quod evidentius supra naturam humanam est, ut Centurio factus est, qui (7) *videns, quia sic clamans expirasset, ait, vere hic homo filius Dei erat*.

294. In ipsa morte (8) *Ecce Velum templi*, quod Sancta Sanctorum contegebat, partem templi magis augustam, in quam semel in anno solus summus Sacerdos ingrediebatur, *scissum est in duas partes a summo usque deorsum*, ut significaretur Legis veteris mysteria per tot Sacramenta & cærimonias expressa aperta jam evasisse, & Cælum hominibus ante Redemptoris mortem occlusum jam ipsis patefactum. *Et terra mota est, & petre scisse sunt*, quibus Scriptura sæpius (9) docet significari Majestatem Divinam alicubi particulari modo præsentem. Quare (10) *omnis turba eorum, qui simul aderant ad spectaculum istud, & videbant quæ fiebant, percutientes pectora sua revertebantur*. Post ejus mortem habemus (11), quod cum unus militum lancea latus ejus aperuisset, *continuo exiit sanguis & aqua*, symbola juxta omnes interpretes Baptismi & Eucharistiæ, quæ præcipua sunt Sacramenta ad salutem hominum instituta. Calvinus apud Maldonatum (12) naturale dicens fuisse hoc effluviū opponitur Evangelistæ, qui contrarium significat, dum statim subiicit, *Qui vidit testimonium perhibuit, & verum est testimonium ejus*.

295. Miracula in ejus a mortuis resurrectione sunt, Exitus e sepulcro gloriosissimè corporis penetrando (13) *saxum magnum ad ostium monumenti possum*: Descensus de Cælo duorum Angelorum (14) in

(1) Luc. c. 23. (2) Mar. c. 15.

(3) Lam. ubi alias c. 25. n. 6.

(4) Mar. c. 15. v. 34.

(5) Luc. c. 23. v. 46.

(6) Mar. c. 15. v. 30.

(7) Matt. c. 27. v. 51.

(8) Tri. Moti. de credib. pag. 116.

V 2

(9) Psal. 67. Et 79. Et 98, Et 113. Et Iocli. c. 2. v. 10.

(10) Luc. c. 23. v. 47.

(11) Joa. c. 18. v. 32.

(12) Mal. in Matt. c. 27. v. 57.

(13) Matt. c. 27. v. 60.

(14) Mar. c. 16. v. 5. Et Luc. c. 24. v. 4.

specie quidem juvenum, sed simul cælestium propter (1) terræmotum magnum tunc factum, & aspectum sicut fulguris, & candorem vestimentorum sicut nivis, qui sepulcri lapide revoluti, ut quisque intueretur amplius ibi non esse Christi corpus, intra ipsum steterunt. Angelorum colloquutio cum mulieribus, quæ illuc advenierant portantes (2) *aromata & unguenta*: quibus dixerunt, (3) *Quid queritis viventem cum mortuis? Non est hic sed surrexit*: Confirmatio custodum, qui his visis *facti sunt velut mortui*, & qui primus animos resumpsit ocius ad civitatem advolavit nunciatum *principibus Sacerdotum omnia quæ facta fuerunt*, ut hi primo de hac resurrectione certiores fierent & deinde tota civitas, quandoquidem cum ad hujusmodi nuncium (4) *congregati cum senioribus consilio accepto pecuniam copiosam dederint militibus dicentes: dicite quia discipuli ejus nocte venerunt, & furati sunt eum nobis dormientibus, divulgatum est verbum istud apud Judæos*, quod vel Principes militibus, vel milites populo dixerunt. Confirmatio hujus resurrectionis per multos Sanctos, quorum (5) *monumenta aperta sunt, & corpora surrexerunt, & venerunt in sanctam civitatem, & apparuerunt multis*, & per plures apparitiones factas diversis temporibus intra quadraginta dies, quibus redivivus in terris commemoratus est, quas conclusit illa omnium maxime insigni, quando coram (6) *plusquam quingentis fratribus*, effecit illud ut loquar cum Augustino (7) *grande celebreque miraculum, in Calum cum carne, quæ resurrexit ascensionem*.

296. Post ascensionem habemus quod (8) cum Apostoli intuerentur in Calum euntem illum, ecce duo viri, Angeli utique in specie virorum, *asserunt juxta illos in vestibus albis, qui & dixerunt, quid statis aspicientes in Calum? Hic Jesus; qui assumptus est a vobis in Calum sic veniet*. Habemus præterea quod Christus e Cælo juxta promissâ (9) emisit die ab Ascensione sua decima Spiritum sanctum in discipulos congregatos modo pleno miraculis. Nam (10) *Factus est repente de Cælo sonus tamquam advenientis spiritus vehementis, & replevit totam domum, ubi erant sedentes: & apparuerunt illis dispersita lingue tamquam ignis, sedique supra singulos eorum, & repleti sunt Spiritu Sancto, & coeperunt loqui variis linguis, in quo novum genus miraculi extitit proprium Legis Gratiae, saltem non legitur factum ante illam. Quare quotquot convenerunt, stupebant omnes & mirabantur: & Petrus habens tunc ad illos concionem, statim reddidit*
in

(1) Matt. c. 28. v. 2.

(2) Luc. c. 23. v. 56.

(3) Matt. c. 28. v. 9.

(4) Matt. c. 28. v. 12.

(5) Matt. c. 27. v. 52.

(6) 1. Corinth. c. 15 v. 6.

(7) S. Aug. de Civ. l. 22. c. 8.

(8) Act. c. 1. v. 10.

(9) Joa. c. 14. v. 16. & 26.

(10) Act. c. 2. v. 2.

in Jesum credentes *animas eirciter tria millia*, & reliqui omnes paulo ante tam pusillanimes & timidi, ut turpiter Christum deferuerint, & ab eo fugerint cum captum viderunt, repente ejus amore tam vehementi correptos se prodant, ut hoc unum in votis habeant pro ejus gloria apud omnes gentes procuranda reliquum vitæ consummare.

ARTICULUS VI.

De Miraculis Sanctorum quæ sunt in novo Testamento.

297. **M**iracula Sanctorum quæ in Novo testamento narrantur, hæc sunt. De Apostolis in universum, & aliis primis fidelibus scriptum est, quod habuerint donum Linguarum: Et quod cum semel sic orassent (1) *Domine da servis tuis cum omni fiducia loqui verbum tuum in eo quod manum tuam extendas ad sanitates & signa & prodigia fieri per nomen sancti Filii tui Jesus, motus est locus, in quo erant congregati, & repleti sunt omnes Spiritu Sancto & loquebantur verbum Dei cum fiducia.* Et Quod (2) *per manus Apostolorum fiebant signa & prodigia multa.* Et quod (3) *Concurrebat multitudo vicinarum civitatum Jerusalem afferentes agros, & vexatos a Spiritibus immundis, qui curabantur omnes.* Distinctius id sic exposuit S. Marcus, Apostoli (4) *exeuntes prædicabant, ut poenitentiam agerent, & demonia multa ejiciebant, & ungebant oleo multos agros, & sanabant:* ubi cum per unctionem significetur Sacramentum extremæ unctionis, ut hic luculenter evincit Maldonatus, conficitur sanatos ab Apostolis omnis generis infirmos etiam deploratos.

298. In particulari de Philippo prædicante in civitate Samariæ dicitur, quod per ipsum Spiritus immundi exhibent, & multi *paralytici & claudi curati sunt*: Quod baptizato Eunuchus Candacis Reginæ Aethyopum, cui obviam jerat (6) *ex mandato Angeli, raptus fuit a Spiritu Domini, (7) & amplius non vidit eum eunuchus.*

299. De Joanne Evangelista quisque novit ex sua Apocalypsi, quam multa revelata ipsi fuerint in Pathmo maris Aegei insula, in quam fuerat a Domitiano relegatus, circa Ecclesiam per omnia tempora usque ad adventum Antichristi, & hujus Mundi finem.

De quodam propheta nomine Agabo legimus, quod significavit (8) *per Spiritum famem magnam futuram in universo orbe terrarum,*

(1) Act. c. 4. v. 29.

(2) Ibid. c. 5. v. 12.

(3) Ibid. v. 16.

(4) Mar. c. 6. v. 22.

(5) Act. c. 8. v. 16.

(6) Act. c. 8. v. 26.

(7) Ibid. v. 39.

(8) Ibid. c. 11. v. 28.

que facta est sub Claudio, & Paulum jam factum Apostolum (1) alligandum esse in Jerusalem a Judæis, & tradendum in manus Gentium.

300. De Petro paulo post resurrectionem Domini habemus, quod ingrediens simul cum Joanne templum integram sanitatem dederit (2) *claudio ex utero matris sue annorum* (3) *amplius quadraginta*, eleemosynæ petendæ gratia ad portam templi quotidie deportato, dicens *In nomine Jesu Christi Nazareni surge & ambula*, & apprehensa manu ejus dextera allevans eum, tanto accurrentis ad eos populi stupore, ut ad concionem ipsius Petri, quam tunc habuit, in qua eos docuit miraculum factum esse in nomine Jesu, quem ab ipsis traditum negatum & crucifixum Deus suscitavit a mortuis, converterit ad poenitentiam & fidem in Christum (4) *numerum virorum quinque millia*.

301. De eodem Petro & aliis Apostolis inclusis iussu Principum sacerdotum in publico Jerosolymæ carcere habemus eos eduotos ab illo fuisse per noctem ab Angelo Domini, qui iussit (5) *loqui in templo omnia verba vite*, quemadmodum diluculo facere incœperunt, quando Principes ex concilio, quod inscii de miraculo liberationis super eos convocaverant, venientes ad templum eosdem line vi ad ipsum concilium adduxerunt, ubi post multas secum & cum ipsis Apostolis altercationes iisdem denunciaverunt ne omnino loquerentur in nomine Jesu, & dimiserunt eos: Et illi quidem omni die non cessabant in templo & circa domos docentes & evangelizantes Christum Jesum. Iterum eundem Petrum ab Herode missum in carcerem cum catenis duabus in medio duorum militum etiam de nocte, & cum custodia ante ostium, novimus ereptum (6) per Angelum Domini, ad cujus adventum *lumen refulsit in habitaculo*, & ceciderunt *catena de manibus ejus*, qui eundem secum foras deduxit transeundo *primam & secundam custodiam*, & deveniendo ad portam ferream, quæ ducit ad civitatem, quæ ultro aperta est eis.

302. Nihil clarius narratione repentinae mortis Ananias & Zaphiræ, simul ac idem Petrus ipsis exprohavit (7), quod Deo mentirentur. Quare furoris insigne exemplum præbent ii Increduli, qui apud Bergjerium (8) contra hoc S. Petri miraculum invehuntur tamquam injustitiæ & crudelitatis facinus in homines, qui ne fame perirent aliquid de propriis bonis sibi clanculum reservaverant. Videas eos credere simul & non credere hoc factum; Nam si crederent,

ti-

(1) Ibid. c. 11. v. 11.

(2) Ibid. c. 3. v. 2.

(3) Ibid. c. 4 v. 22.

(4) Ibid. 24.

(5) Ibid. c. 5. v. 20.

(6) Ibid. c. 12. v. 7.

(7) Ibid. c. 5.

(8) Ber. Apolog. c. 15. n. 3.

timerent sibi a tanta S. Apostoli potentia, & abstinerent ab hujusmodi in ipsum conrumeliis, quin immo in Deum primam miraculorum omnium causam: si non crederent, inanis esset illorum declaratio, quæ aliunde mendax est circa causam hujus punitionis, quæ alia juxta scripturam non fuit, quam mendacium.

303. Amabilia sunt alia S. Petri miracula, de Aenea, qui (1) *ab annis octo jacens paralyticus*, continuo surrexit eodem dicente, *sanat te Dominus Jesus Christus*: Et de Tabitha (2) *plena operibus bonis & eleemosynis*, quam in urbe Joppes reddidit vivam iis, qui eam cum luctu jam composuerant: Et de Cornelio Centurione ad agnitionem Jesu Christi per ipsum Petrum (3) cum multis miraculis deducto, cujusmodi sunt facta prius ipsi Cornelio manifesta apparitio Angeli Dei in specie viri veste candida induti, qui jussit Petrum ad se arcessere, ut ab eo edoceretur viam salutis æternæ, & declaratio hujus Divinæ Voluntatis, quam Petrus audivit in mentis excessu. De eodem tandem scriptum est, quod credentes in Dominum (4) *in plateas ejicerent infirmos, & ponerent in lectulis ac grabatis, ut veniente Petro saltem umbra illius obumbraret quemquam illorum, & liberarentur ab infirmitatibus suis*

304. Pauli conversio congeries est miraculorum, Iesus sibi apparentis dum iter faceret (5) *spirans minarum & cadis in discipulos Domini*, eumque increpantis voce late resonanti, qua tamquam fulgure percussus cecidit in terram sive pedes esset, ut contendit Bergierius (6) post Paulum Massarium (7), sive equo insideret, ut Pictores repræsentant, sive mulo aut asino ut ostendere conatur Jo. Interrian de Ayala (8): Alia miracula sunt cæcitatibus improvisæ: stuporis per tres dies, quibus non manducavit neque bibit: visus confestim recuperati ad impositionem manus Ananiæ cælitus moniti, ut ipsum propterea adiret, quem audiit electum ad nomen Dei portandum coram gentibus & regibus: voluntatis studiosissimæ prædicandi Jesum: & subitæ eloquentiæ in hac prædicatione tam efficacia, ut confusi pervicaces Judæi consilium inierint eum interficiendi. Ipse deinde dicitur simul cum Barnaba electus singulari modo ad evangelizandum per diversa loca; Nam cum esset Antiochiæ cum aliis Sanctis viris, his (9) *ministrantibus Domino & jejunantibus dixit illis Spiritus Sanctus. segregate mibi Saulum & Barnabam in opus, ad quod assumpsit eos. Tunc jejunantes & orantes imponentesque eis manus* di-

(1) Act. c. 9. v. 34.

(2) Ibid. v. 36.

(3) Ibid. c. 10.

(4) Ibid. c. 5. v. 15.

(5) Ibid. c. 9. v. 12.

(6) Eccl. Apolog. c. 3. n. 12.

(7) Mas. Vita L. Paul. l. 2.

(8) Aya. Christian. pict. l. 5. c. 5.

(9) Act. c. 13. v. 2.

dimiserunt illos . Idem (1) admiratur magnitudinem revelationum , quæ sibi factæ fuerunt , præsertim quando raptus in Paradisum audi-
vit arcana verba , quæ non licet homini loqui .

305. Ab eodem Paulo legimus (2) percussum cæcitate Elymam magum *subvertentem vias Domini rectas* : Et sanatum Listris (3) *claudum ex utero matris suæ , qui numquam ambulaverat* . De ipso ibidem narratur , quod postquam concitatus per malevolos turbis du-
ctus extra civitatem lapidatus fuit & creditus mortuus , (4) *surgens intravit civitatem , & postera die profectus est in Derben* . Ab eodem novimus expulsum a puella (5) *Spiritum pythoem* , ipsa quidem gaudente , sed furentibus ejusdem dominis , qui quæstum ex ipsis divinationibus faciebant : rursus ab eodem traditos Satanæ Corinthium (6) incestuosum , & Hymenæum (7) & Alexandrum blasphemos , qui eos torqueret , quemadmodum olim , prout notat Emmanuel Sa (8) contingebat , quoties quis per excommunicationem ab Ecclesia fuisset exclusus . Novimus præterea ipsummet Apostolum liberatum divinitus a carcere & vinculis , quibus propter proximum puellæ miraculum tenebatur ; Nam (9) *media nocte subito terra motus factus est magnus , ita ut moverentur fundamenta a carceris : & statim aperta sunt omnia ostia , & univerforum vincula soluta sunt* : Curatos Ephesi morbos omnis generis per ejusdem (10) sudaria & semicinctia , & similiter Melitæ (11) *omnes qui in insula habebant infirmitates accedebant Paulo , & curabantur* : accedebant autem cum fiducia , postquam viderunt Patrem Publii principis insulæ vexatum a febribus & dysenteria salvatum fuisse , cum Paulus orasset & imposuisset ei manus : & Troade revocatum ad vitam adolescentem Eutychem , qui (12) *cadens de tertio canaculo sublatus fuerat mortuus* : Et ipsum Apostolum innoxium a viperæ morfu , quam cum multi (13) *viderint pendentem de manu ejus , & adverterent , nihil mali in eo fieri , dicebant esse Deum* : Et animas tandem ducentas septuaginta sex (14) salvatas a naufragio in ejus gratiam juxta præviam revelationem (15) sibi ab Angelo factam , & vectoribus communicatam .

306. Quod aliqui , ut Paulus Zacchia apud Brancatum (16) addunt hoc loco aliud miraculum de jejunio , quod sine ullo omnino cibo per dies quatuordecim , quibus tempestas duravit , hi navigan-
tes

(1) 2. Corinth. c. 12.

(2) Act. v. 11.

(3) Ibid. c. 14. v. 7.

(4) Ibid. v. 19.

(5) Ibid. c. 16. v. 16.

(6) 1. Corinth. c. 5. v. 5.

(7) 1. ad Timoth. c. 1. v. 20.

(8) Sa, Notat. in 1. ad Timoth. c. 1.

(9) Act. c. 16. v. 25.

(10) Ibid. c. 19. v. 12.

(11) Ibid. c. 28. v. 9.

(12) Ibid. c. 20. v. 9.

(13) Ibid. c. 28. v. 4.

(14) Ibid. c. 27. v. 37.

(15) Ibid. v. 24.

(16) Bran. de Mirac. n. 1009.

tes sustinuerunt, non admittitur ab Interpretibus, qui hæc verba (1) *Kogal at Paulus omnes sumere cibum dicens, quartadecima hodie die expectantes jejunii permanetis nihil accipientes*, volunt intelligi de tenuissimo victu, qui in tanta agitatione animi & corporis sumi solet. Considerant enim ex una parte non deesse proprietatem sermoni, si jejunus quis dicatur, qui modicum quid dumtaxat & quasi furtim comedit, & notum est proverbium, quod parum pro nihilo reputatur: Ex alia vero animadvertunt Ethnicos fuisse maxima ex parte, qui in ea navi erant, quibus nondum Paulus prædicaverat, ut dici nequeat ad Fidei veritatem comprobendam hoc ab eo factum prodigium. Tandem tota scripturæ narratio nihil habet. quod significet pro miraculo habitum hoc jejunium saltem ab aliquo ex tanta multitudine: ergo miraculum non fuit.

307. Miraculum primis Ecclesiæ temporibus commune omnibus, qui Fidem Christi amplecterentur, erat recipere præsertim in Confirmationis Sacramento Spiritum Sanctum sub signis visibilibus ut constat ex Actis Apostolorum (2), quæ etiam referunt, quod (3) *cum vidisset Simon, quia per impositionem manuum Apostolorum daretur Spiritus Sanctus, obtulit eis pecuniam dicens, Date & mihi hanc potestatem, ut cuicunque imposuero manus accipiat Spiritum Sanctum*. Signa autem visibilia accepti Spiritus S. erant, quæ Christus annuntiaverat, (4) *Signa eos qui crediderint hæc sequentur: In nomine meo Dæmonia eiicient, linguis loquentur novis, serpentes tollent, & si moriferum quid biberint, non eis nocebit, super agros manus imponent, & bene habebunt*. De hac miraculorum facultate tamquam cuique Fidelium communi passim mentionem faciunt primorum sæculorum Patres, de quibus consuli potest Fevardentius (5). Non est tamen credendum singulos quoties libuerit loquutos fuisse novis linguis, aut alia prædicta miracula quasi per jocum fecisse. Hæc dona dabantur non ad privatam sed ad publicam utilitatem, quæ erat Fidem Christianam propagare & stabilire. Quare advertente Maldonato generale Christi oraculum jam relatum intelligendum est cum duplici limitatione, altera est ut potentia ad ea miracula esset communis singulis fidelibus, non vero actus; Jo. enim Baptista licet fidelis & Sanctus (6) *signum fecit nullum*. Altera est, ut pro opportunitate ea fierent promovendi Fidem. Atque hac ratione Tertullianus (7) dicebat Ethnicis, adducite ad quemvis ex fidelibus obsessos a Dæmone, qui eo tempore maxime abundabant Deo ita permittente

X ut

(1) Act. c. 27. v. 33.

(2) Act. c. 10. v. 44. Et c. 19. v. 6.

(3) Ibi. c. 8. v. 18.

(4) Mat. c. 16. v. 17.

(5) Fev. Not. ad S. Irenæum l. 1. c. 9.

(6) Jo. c. 10. v. 41.

(7) Ter. Apolog. c. 23. Et de Spectac. c. 29.

ut palam fieret Idololatriam late tunc vigentem niti in superbia maiorum Dæmonum, qui honorem Deo debitum sibi arrogabant, & ut hac etiam via celerius (1) princeps hujus mundi foras ejiceretur, Quivis fidelis cogit ipsum abire: nisi id fecerit, facile patiar eum a vobis occidi.

308. Quamdiu duraverit in Ecclesia Christi hoc miraculorum donum equidem ignoro. Hoc solum dicam. S. Irenæus auctor secundi sæculi sub Severo Martyr hæc habet, (2) *Non est numerum dicere gratiarum, quas per universum mundum Ecclesia in nomine Christi p. r. singulos dies in op. tulationem gentium perficit.* S. autem Cyprianus auctor sæculi tertii sub Valeriano & Gallieno Martyr, hæc primis contraria dicit. (3) *Unanimitas olim sub Apostolis fuit, sic novus credentium populus Domini mandata custodiens caritatem suam tenuit... Ideo i. petrare cum fiducia poterant quodcumque de Domini misericordia postulabant: in nobis vero sic unanimitas diminuta est ut & largitas operationum (hoc est miraculorum) infracta.* Alii videant, an ex his bene concludat Author anonymus Gallici tractatus dogmatici de falsis miraculis editi nescias ubi anno 1737, finem hujus prærogativæ contigisse (4) tempore inter hos Sanctos intermedio.

309. Ad miracula cum pertineant prophetiæ, hæc quoque prædicantur, & referuntur factæ ab Apostolis, & aliis in Novo Testamento nominatis Sanctis. Ex his aliquas eventus jam comprobavit. Hujusmodi sunt illæ Annæ filix Phanuelis, senis Simeonis, & Jo. Baptistæ & hujus parentum, Elisabeth & Zachariæ, in quo duo alia acciderunt miracula: alterum (5) ut mutus repente fieret, eo quod non crediderit S. Angelo Gabrieli annuncianti conceptionem Baptistæ ex ipso & uxore sua jam senibus: alterum ut in circumcissione nati jam filii aperiretur (6) *illico os ejus & lingua ejus, & loqueretur,* de quibus jam (n. 266.) dixi.

310. Sunt & aliæ pro tempore futuro expressæ prophetiæ, (7) quæ, ut ait S. Augustinus *ex tot ac tantis, quæ sicut leguntur prædicta, ita cernuntur impleta, expectantur implenda.* Atque in his est horribilis tragoedia copiosius prænunciata a S. Jo. Evangelista in sua Apocalypsi, quæ finem hujus mundi præcedet, cujus quasi initium erit depravatio morum & veræ fidei late apud homines diffusa, quam urgebunt pseudochristi & pseudoprophetæ falsis miraculis & omnium maxime Antichristus, contra quos exsurgent Henoch & Elias, puniantes pro causâ Dei non solum verbis sed etiam miraculis punitionis.

(1) Jo. c. 11. v. 32.

(2) S. Ire. l. 2. c. 57.

(3) S. Cyp. de Vita. Eccles.

(4) Trait. dogmat. sec. 1. c. 3. ar. 2.

(5) Luc. c. 7 v. 20.

(6) Ibid. v. 46.

(7) S. Aug. Epist. ad Volusian.

nis supra (n. 51.) commemoratis, quibus (1) ipsorum inimici destruentur, donec hora advenerit jam prædicta, qua hi pariter Sancti in testimonium fidei occisi jacebunt insepulti per tres dies & dimidium, post quos iis ad vitam revocatis alia prodigiorum series enunciat.

A R T I C U L U S VII.

Argumenta pro propositione ex ratione.

311. I. **A**rguitur ex eo, quod Novum Testamentum, & ea definite insignis ipsius pars quatuor Evangelia, in quibus tot referuntur miracula sint verbum Dei, quemadmodum supra (n. 203.) factum est pro miraculis Veteris Testamenti: ergo hæc certissima sunt. Quæ contra antecedens dicunt nostræ ætatis Increduli, sunt difficultates, quæ passim inveniuntur proposiæ & enucleatæ apud Interpretes, quas ipsi dissimulantes earum solutiones, non cessant quotidie cum novo contumeliarum in Sanctos scriptores condimento recoquere. Eadem autem ex ea etiam causâ negligi debent, quia non versantur circa ea, quæ præcipua sunt in Vita Christi ejusque miraculis, sed in his vel illis circumstantiis & adjunctis, quorum aliqui unus omittit, & alter non eodem omnino modo ac alter refert, ut contra illos observat Bergerius in sua apologia (2).

II. Eodem modo ac pro illis Veteris sic arguitur. Extra controversiam sunt miracula facta in promulgatione Religionis Christianæ, quæ integra Judæorum natio, & innumeri ex Ethnicis viderunt, & ita confessi sunt, ut contra naturalem propensionem tuendi antiquam religionem, hanc abdicaverint, & jam tunc admiserint instituta festa & cærimonias novæ, quæ usque ad hoc tempus religiose servantur utpote quæ ipsius essentiam partim continent, partim declarant: Atqui hujusmodi sunt exposita jam miracula facta in promulgatione Religionis Christianæ; Ea enim coram tota Hebræorum tunc florentissima Rep. evenerunt, & memoria eorum quæ præcipua sunt, consecrata jam tunc sunt festis & cærimoniis & ritibus & Sacramentis, de quorum institutione usu & significatione nunquam ab eo tempore non personarunt omnes Christianorum non solum publici conventus, sed ipsæ etiam privaræ familiæ, in quibus parentes filios edocent, quæ a suis majoribus acceperunt: ergo extra controversiam sunt miracula facta in promulgatione Religionis Christianæ.

312. III. Arguitur. Quotquot fuerunt & sunt in Ecclesia Christi

X 2

ha.

(1) Apoc. c. 11.

(2) Ber. c. 10. n. 12.

habent pro infallibiliter certis multa ab Ethnicis philosophis penitus ignorata vel controversa, ut myſteria de Deo uno in Eſſentia & trino in perſonis, de Incarnatione ſecundæ Trinitatis Perſonæ ejuſque pro peccatis hominum ſatiſfactione, de originali peccato in genus humanum univerſum diſfuſo, de futura mortuorum hominum reſurrectione, de vita pro bonis æternum beata, & pro malis æternum miſera, de remedio originalis peccati in baptiſmo, aliorum autem in Sacramento pænitentię, de determinato Deum colendi modo, qui omnia hominis officia erga Deum, proximum, & ſeipſum ordinat qua præceptis, & qua conſiliis: Sed hæc non poſſent ab hominibus haberi pro infallibiliter certis, niſi haberentur argumenta, quæ vim inferant intellectui ad ea credenda: ergo habentur hæc argumenta. Atqui hæc argumenta omnium opportuniſſima utpote invictæ efficacitatis, & omnibus ac ſingulis communia ſunt miracula ad horum probationem & confirmationem a Chriſto & ejus Apoſtoliſ facta: ergo facta ſunt hæc miracula.

313. Majorem ſuadent quotquot a fundata Eccleſia Chriſti extiterunt ejuſdem propugnatores proſecto nobis innumerabiles, qui ejus myſteria & dogmata ubique conſtantiſſime profeſſi ſunt, ut nullis nec promiſſis nec minis nec ſuppliciis a propoſito deterriti vitam etiam in eorum confirmationem cum acerbiffima morte intrepidi commutaverint. De his certos non reddunt hiſtoriæ omnium temporum, quas ſaltem æquali loco habere debent Adverſarii, ac hiſtoriæ profanas, niſi velint ſe proſus irracionales proſiteri, ſicuti haberetur, qui mendaces & cerebroſos diceret Auſtores, qui reſerunt, regnaſſe olim Darios in Perſia, Cæſares Romæ, Conſtantinos in Oriente, Pompejum deviſtum ab Julio Cæſare, hunc in Curia occiſum, & ſimilia. His addantur, qui abnegantes ſua deſideria vitam vivunt non ſolum Legi Evangelicæ ſed hujus etiam conſiliis conformem, quod non acceideret, niſi de eorum veritate infallibili certi eſſent.

314. Minor debet eſſe extra controverſiam, quia pauci poſſunt admittere fabulas tamquam hiſtorias, & chimæricas narrationes tamquam aliquid reale, vel ex animo propter imbecillitatem, vel ſimulate propter commodum aliquod aut hujus ſpem, non vero innumerabiles, cujuſmodi ſunt, qui Eccleſiam Chriſti hic in terris compoſuerunt, & nunc componunt, homines ſin minus in literis exculti exceptis paucis, certe bonæ & ſagacis mentis ad cavendas fraudes & deceptiones, & qui ratione ſua omnium maxime utuntur cum communi admiratione. Quivis enim comparans nationes Chriſtianas cum quavis ex Ethnicis magis perpolitæ primas invenit bonæ Ethices magiſtras, ſecundas vero de multis iſſque turpiſſimis & maniſeſtis

his erroribus accusat . Jam vero de assumptione nihil dicam . Quis enim ad persuadenda dogmata supra humanum captum posita , & inducendos mores appetitui sensitivo repugnantes præponat miraculorum vi aut eloquentiam aut præmia aut minas aut alterius generis industriam sive bonam sive malam ? Qui id sibi fingeret, advertat Evangelii præcones fuisse rudes homines pauperes inermes indoctos & invisos principibus & magistratibus , qui suos errores tamquam bonum non solum privatum sed etiam commune amabant & tuebantur . Quare nihil, certius conclusione de existentia hujusmodi miraculorum .

315. Contra Judæos speciatim sic arguitur . Vera per ipsos sunt miracula Moyſis , aliaque quæ in Veteri Testamento narrantur: ergo vera etiam sunt illa Christi Dni & Apostolorum , quæ habentur in Novo . Nam ideo miracula Veteris Testamenti sunt vera , vel quia habentur in libris Deo inspirante conscriptis , vel quia præferunt characteres, quibus prudenter negari fides non potest : Sed etiam libri Novi Testamenti Deo inspirante conscripti sunt , quod demonstrant multi , ut fuisse Huetius (1) , brevi Genuensis (2) , distinctius Csapodius (3) , & præferunt characteres veritatis , quibus prudenter negari fides non potest , quod nisi Judæus concedat , jam nequit contra Ethnicos veritatem miraculorum Veteris Testamenti propugnare : ergo vera etiam sunt miracula Novi Testamenti . Porro miracula narrata in Evangelio de Christo habent characteres veritatis quia referuntur prout visa a multis , quemadmodum Lazari resuscitatio, omnis generis infirmorum curatio , satietas plurium millium hominum per multiplicationem cibariorum . Et omiſſis aliis Auctoribus vel coævis vel fere coævis quatuor plerunque Evangelistæ ea eodem modo habent , qui etiam frequenter adnotant ea esse qualia antiqui Prophetæ descripserant facienda a Christo : Nec novimus ab ullo ex ipsis ejus temporis Judæis aut negata aut in dubium revocata : Et quamvis in Christi mortem furiose conspiraverint , attamen non a miraculis tamquam falsis accusationes ad illum perdendum desumpserunt , sed ex eo maxime quod Filium Dei se diceret .

AR-

(1) Hu. Deiron. Evang.

(2) Gen. Elem. unctaph. p. 3. c. 5. prop. 24.

(3) Csa. Relig. revel. dit. histor. p. 2.

21. 25.

ARTICULUS VIII.

Argumentum ex Testimoniis sacris.

316. **Q**UOD testantur Authores, in quibus concurrant omnes conditiones ad faciendam fidem, numerus scilicet & vitæ sanctitas aut honestas faciendi, quod sua etiam intererat negare, utpote minus consonum suis vel præjudiciis vel desideriis, constantia & uniformitas testimonii, præsentia in plerisque ad loca, ubi facta quæ narrantur evenerunt, & ocularis etiam eorumdem evidentia, nulla occasio vel remora fingendi aut mentiendi, & quædam pacifica possessio suæ veracitatis, cum nemo ipsis cœvus contradixerit, nequit sine nota stultitiæ aut improbitatis repudiari tamquam falsum. Atqui plures Authores Sacri & profani, in quibus concurrunt omnes prædictæ conditiones, testantur Christi & Apostolorum miracula: ergo hæc nequeunt sine nota stultitiæ aut improbitatis repudiari tamquam falsa.

317. Inter sacros auctores sunt imprimis quotquot Novum Testamentum componunt homines perspectæ probitatis, nullius terrenæ rei cupidi, neque honoris neque lucri neque commodi, ex ipso vitæ genere remoti ab omni decipiendi voluntate, & ea narrantes de quibus verissime dicerent vel cum Petro, (1) *Nos testes sumus omnium, quæ (Jesús) fecit in regione Judæorum, & Jerusalem*, vel cum Joanne, (2) *Quod vidimus & audimus, annunciamus vobis*, & quæ alii perquam multi, quos alloquebantur, adhuc viventes viderant, utpote facta coram frequenti multitudine in compitis in plateis in pratis, & quorum vivida erat apud omnes notitia atque memoria, & de quibus apertæ prædictiones leguntur in Veteri Testamento, ut ipsimet sacri Historici frequenter advertunt, & qui conformes reperiuntur profanis authoribus in iis, quæ obiter referunt de quibusdam locis, de moribus alicujus populi, de ejus magistratibus sive politicis sive religiosis.

Ipsamet scribendi ratio qua utuntur aperte ingenua est & uniformis in omnibus quantum ad substantiam ut ita dicam historiæ & quantum ad modum prorsus singularem ac divinum & dignum historia de vita & morte Dei Redemptoris nostri, qui is est quo facta tamquam apud omnes certissima libere præcise & affirmative referuntur sine ulla hæsitazione, sine ullo studio seu conatu extorquendi aliorum assensum, sine ulla dissimulatione cujusvis rei, quæ ad ingenuitatem & candorem historiæ pertineat. Quare non solum referunt

(1) Act. c. 10. v. 39.

(2) Joa. I. c. 1. v. 3.

runt Christi miracula. & quæ gloriosa illi in terris fuerunt, sed etiam quæ ipsum deprimerent ut quod pauper esset, quod obscuram vitam maxima ex parte traduxerit, quod animi perturbationibus pavore tædio & mæstitiæ fuerit subiectus, quod Herodes (1) ejusque exercitus, & alii multi maxime nobiles & docti ipsum contemserint, & magistratus oderint, eumque tamquam sceleratum comprehendi iusserint, ludibriis & tormentis affecerint, & in cruce tandem inter duos larrones clavis suspensum necaverint, quin ullam inferuerint animadversionem, quæ horum ignominiam tolleretur aut imminueret. Palam etiam eloquantur non tam quæ ipforum existimationi faveant, quam quicquid eidem noceat, ignorantiam ignobilitatem abiectum vitæ genus ambitionem (2), exortas inter se contentiones, Judæ prodicionem, trinam Petri negationem de sua cum Christo familiaritate ad vilium hominum & mulierum interrogationes, omnium timorem & fugam (3) ab ipsa Christi Dni comprehensione, & quamdam incredulitatem post ejus solum resurrectionem penitus depositam.

318. Sunt præterea relate ad miracula Christi omnia Evangelia apocrypha; in quibus pariter reperiuntur descriptæ actiones Christi una cum summa ipsius doctrinæ. propter quam causam primis Ecclesiæ temporibus alicubi fuerunt in usu, donec illuc pervenerunt quatuor Canonica ubique jam recepta quæ illorum locum occuparunt, utpote quæ sola agnita fuerunt tamquam indubitanter conscripta ab iis, quorum nomen præferunt, aliaque neglecta quamvis nomen alicujus Apostoli ut S. Thomæ aut S. Matthiæ haberent, non solum quia de hoc non constabat, & credita potius fuerunt alicujus Christiani, qui scripto mandaverit, quæ ab hoc vel illo Apostolo audiverat, sed etiam quia in aliquibus vel documentis vel narrationibus vel harum adjunctis inventa sunt cum aliis genuinis evangelii minus consentire. Testis est S. Lucas multos extitisse, qui (4) conati sunt ordinare narrationem eorum, quæ in nobis completa sunt rerum, sicut tradiderunt nobis, qui ab initio ipsi viderunt, & ministri fuerunt sermonis: quos ipsi placuit imitari fortasse quia aliqua viderat omissa & alia putavit opportuniori ordine dici posse, quæ rationes mihi videntur insinuari ab his quæ subdit, *Visum est mihi assequi omnia a principio diligenter, ex ordine scribere.* Patrum antiquissimi citant Evangelium Hebræorum seu Nazarenorum, quod Richardus Simonius (5) contendit idem esse cum Evangelio S. Matthæi, ut jam olim putavit S. Epiphanius, & Evangelium Aegyptiorum, non tam-

(1) Luc. c. 23. v. 11.

(2) Matt. c. 18. v. 2.

(3) Ibid. c. 26. v. 56.

(4) Luc. c. 1. v. 1.

(5) Sim. Hist. Crift. du nouv. Test. c. 25.

men hæc sola, ut Bergierius demonstrat (1) Frereto, qui falso dixit Evangelia nunc unice venerata ignota fuisse usque ad S. Iustinum, ut hinc arguat contra Religionem Christianam tamquam jnnixam argumentis minus solidis, libris apocryphis & evangelis falsis, quandoquidem apocrypha evangelia appellata sunt etiam falsa, sed ad meram distinctionem a quatuor authenticis, non ad argumentum falsitatis in præcipuis saltem ipsorum documentis vel historiis. Falsitatem enim hujus generis ab illis semper abfuisse persuadet ipse eorumdem usus, qui alicubi aliquamdiu invaluit, & manifestum est in iis, quæ extant collecta a Fabricio, & a Bergierio (2) commemorata. Eusebius (3) tandem meminit etiam de Evangelis manifeste confictis ab Hæreticis, ut hæc etiam via incautos ad suos errores pertraherent, quos ibi inseruerant. Atque hæc pariter continebant Christi miracula communiter celebrata, quæ proinde propositum argumentum confirmant & amplificant.

319. Sunt etiam pro miraculis Christi omnes Apostoli, qui pro sui apostolatus munere eadem ubique prædicarunt, quin ad eorum vel dissimulationem vel retractationem induci unquam potuerint quibusvis minis & intentatis suppliciis ab Judæis & Ethnicis Magistratibus, ut in iis insignes de eorum veritate martyres animam tandem exhalaverint. Quod si quis obiciat martyrium pro tuenda veritate miraculorum Christi, & illius maxime insignis, quod est ejusdem resurrectionis, constare solum de quatuor Apostolis, SS. Petro & Paulo, & duobus Jacobis, non vero de cæteris. omittere nunc hanc controversiam, de qua aliquid inferius dicam, quoniam quod datur satis est ut quisque ea credat, & admiretur furorem Boulangerii, qui apud Bergierium (4) deceptores appellat aut deceptos quotquot ex Christi discipulis ejus Divinam missionem miraculis prædicarunt demonstratam. Scilicet qui in has contumelias erumpit, necesse est credat fieri posse, ut illorum plures quot saltem sine controversia fuerunt Christi martyres, quamvis conscii essent de falsitate eorum, quæ in vulgus de Christo spargere volebant, sic secum stauerint. Etsi in promulgandis his fabulis necessarium erit subire carceres tormenta mortem infamiam, & nihil boni sperari possit, neque ex parte conscientiarum, quæ nos perpetuo reprehendet ut deceptores, neque ex parte Christi, quem novimus fuisse purum hominem, qui se falso Deum confinxit, neque ex parte aliorum hominum, qui nobiscum decepti, vel de mendacio nos arguent, vel eodem ac nos modo punientur, si hæc ipsi pariter testentur, neque ex parte Dei, cui horrendam injuriam facimus, cum illi im-

pie

(1) Ber. Conf. dell' esam. c. 1. n. 3.

(2) Ibid. c. 1. n. 4.

(3) Eus. Hist. l. 3. c. 25. & l. 4. c. 22.

(4) Ber. Apolog. c. 3. n. 5.

pie coequamus hominem blasphemum: nihilominus peragremus quotquot possumus regiones, & omni studio ac sollicitudine ubique hujusmodi errores disseminemus. Quis non videt hujusmodi consilia esse plane chimærica? Adde quod præter duodecim Apostolos sunt etiam alii septuaginta duo discipuli Christi, qui pariter testimoniam de ipsius divinitate & miraculis dederunt, & quidem multi ex illis etiam cum sanguinis effusione.

320. Tandem in sacris Authoribus sunt illi, qui vulgo scriptores Ecclesiastici appellantur, quorum nomina recitare est sanctitatis ingenii & doctrinæ singularis ideas excitare. Quæ omnia ne permittunt quidem, ut ulla erroris aut deceptionis suspicio circa ea quæ narrant suboriatur. In his qui præcipue in hac re audiendi sunt, ad numero Patres, ut Gregorium Nazianzenum, qui versibus elegiacis conclusit miracula, quæ sunt apud Matthæum & Lucam, & heroicis, quæ Marcus & Joannes narrarunt, & Patres maxime primi Ecclesiæ temporis, qui eadem confidentia de Miraculis Christi & Apostolorum mentionem faciunt, & nullibi significant fuisse qui de illorum veritate controversiam excitasset. Quod non omiserunt ii præsertim, qui ex professo Religionem Christianam ab Infidelium sive difficultatibus sive calumniis vindicarunt.

A R T I C U L U S I X .

Argumentum ex testimoniis profanis.

321. **I**nter profanos auctores propositioni nostræ faventes est Josephus Hebræus, cuius extat hoc de Jesu insigne testimonium, (1) *fuit hoc tempore Jesus vir sapiens, si tamen virum illum oportet dicere, erat enim mirabilium operum effector, Cum eum a primoribus gentis suæ accusatum Pilatus ad crucem damnasset, non abstiterunt qui primum coeperant. Nam post tertiam diem redi-vivus ipsis apparuit, cum Divini vates hæc aliaque quam plurima de eo prædicassent: Quod testimonium verum esse & germanum probarunt jam Bellarminus (2), Haetius (3), Tricalet (4), Bergierius (5), & Nonnotte (6): tum quia reperitur in omnibus codicibus: tum quia idem referunt Eusebius (7) & quidem non semel, S. Hieronymus (8), Ili-
Y **do-***

(1) Jos. Antiq. Judaï. l. 18. c. 4.

(2) Bell. de Scrip. Eccl. ar. de Josepho

(3) Huc. Demon. Evang. prop. 3.

(4) Tri. Moti. de credib. pag. 112.

(5) Ber. Confut. delir. esam. c. 2. n. 8.

Et Apolo. p. 4. ar. Christianisme.

(6) Non. Diſt. ar. Joseph

(7) Euf. Hist. l. 1. c. 11. Et Demonstr. c. 5.

(8) S. Hier. De Script. Eccles.

dorus (1), Sozomenus (2), Hegelippus (3), & alii multi: tum quia filius idem hoc loco apparet, ac in reliqua historia: tum quia cum in eodem opere meminerit (4) cum laude de S. Jo. Baptista, & de S. Jacobo (5) *fratre Jesu, qui appellatur Christus*, coætus quodammodo fuit meminisse etiam de Christo, qui his multo magis celebris fuerat non solum apud Judæos sed alias etiam gentes. Alii ex Judæis authoribus ejus temporis non occurrunt, quia alii non extant, qui tunc scripserint, præter Philonem, qui historicum non agit. At de eo aliunde compertum est non negasse Christi miracula, sed scandalo crucis succubuisse, ne ex iis concluderet ejusdem Divinitatem. Ex Judæis enim vero posteriorum temporum usque ad hanc diem abundant testimonia in iis omnibus, qui prodigia facta a Christo Magiæ adscribunt vel aliis absurdis causis (n. 127.), quod planum facit non interruptam vigere apud ipsos de illis traditionem.

322. Apud Dominicum de Colonia in suo opere *Religio Christiana testimoniis veterum paganorum confirmata*, & apud Petrum Tricaket in posthumo libro *Motiva credibilitatis*. quem non commemorat Dictionarium Authorum Ecclesiasticorum alias (n. 161.) citatum, & apud Gabrielem Seigneuxium in notis ad Adisonum de Religione (6) inveniuntur testimonia Ethnicorum Chalcidii Philosophi platonici, Thali Græci Authoris primi Ecclesiæ sæculi, Phlegonis liberti Neronis, Celsi, Porphyrii, Juliani Apostatæ, aliorumque, qui de aliquibus Christi miraculis tamquam de factis extra controversiam certis loquuntur, & hoc unum dumtaxat ipsorum aliqui contendunt suadere ex iis non inferri Divinitatem Christi recurrentes ad causas absurdas & ridiculas. His addantur quæ S. Justinus & Tertullianus in suis Apologiis pro Christianis ad Imperatores vel horum in Provinciis legatos oblatis commemorant tamquam nota jam & indubitata acta Pilati Romani, in quibus juxta morem communicandi Imperatoribus res alicujus momenti, quæ per diversas Imperii regiones contingerent, agebatur de Christi miraculis & morte, de hujus causa & circumstantiis, de multitudine incredibili eorum, qui ipsius doctrinæ quotidie adhærebant, & de miraculis, quæ in ejusdem Christi nomine passim ejus asseclæ faciebant. Utinam non periissent hæc acta, quemadmodum jam contigerat tempore Eusebii Cæsariensis necias an propter Paganorum malitiam, an propter Imperii turbulentas vicissitudines. Quod increduli hæc acta habeant pro adulterinis, quia antiquiores Christianæ Religionis Apologistæ de iis non meminerunt, nihil perturbat sapientiores criticos ut Ber-

(1) Ili. l. 4. ep. 225.

(2) Soz. Hist. l. 1. c. 1.

(3) Heg. de excid. Hieroso. l. 2. c. 12.

(4) Jos. Antiq. l. 18. ci 7.

(5) Ibid. l. 20. c. 8.

(6) Sci. scz. 2.

Bergierium (1) qui observant nihil mirum ea fuisse veteribus ignota ; Namquæ Præsides Imperatoribus scribebant , non legebantur pro concione . Quare in tabulariis recondita in lucem deinde venire poterant . Hoc evenisse in re nostra persuadet confidentia , qua Tertullianus iis utitur in data ad ipsum Senatum celebri sua Apologia . Ad dantur etjam Ethnici Imperatores Tiberius , Hadrianus , & Alexander Severus , qui fama miraculorum Christi commoti serio cogitarunt de eo in Deorum numero collocando , ut de Tiberio referunt Eusebius (2) , & Paulus Orosius (3) : & Tertullianus omnibus notum supposuit in citata sua Apologia : & de Hadriano ac Severo testatur Lampridius (4) .

323. Dum per hæc paganorum testimonia satisfit incredulis qui obiciunt Christi miracula narrari a solis Christianis , ecce tibi ex adverso erumpit Freretus , qui ea nollet adduci primo quia pagani inquit hæc miracula admiserunt , quin animadverterent quid ex illis deduci posset . At evidentes erant hæc consequentiæ , scilicet veritas missionis Christi Dni , & sanctitas ac necessitas Religionis ab ipso institutæ , quas ut effugerent , ad magiam aut alias causas confugerunt . Secundo quia sine prævio examine , adeoque temere ea concesserunt . At si ita est , perperam igitur Increduli eos laudant tamquam magnæ mentis homines , & philosophos acutos , quando audiunt alias miraculorum causas , quam potentiam Dei ab ipsis proferri . Atque hæc ipsa causarum inquisitio nonne supponit cognita iis fuisse fundamenta , quibus certa eorum existentia reddebatur . Quis de hoc dubitet in Celfo , qui (5) præmittit se ad impugnationem Christianorum accedere perperis omnibus quæ ipsi dicunt , & in Juliano Apostata , qui de Evangeliiis optime instructus erat , a quibus defecit , & in Porphyrio , in Hierocle , & aliis Philosophis . Simili modo Bergierius (6) has Frereti objectiones ad insulsâ sophismata ostendit pertinere .

324. Præterea quoniam ex sectis hæreticorum quæ prope Apostolorum tempus illis jam mortuis eruperunt nulla aut vix ulla fuit quæ veritatem miraculorum Christi negaverit , jam augetur numerus profanorum , qui de illis testificantur . Dum discipuli Simonis magi Menander Saturninus Basilides & aliquæ Gnosticorum sectæ referente S. Irenæo (7) dicebant Verbum Divinum in apparenti non reali natura humana fuisse in terris , sub qua visus est pati mori & reviviscere , jam ipsa miracula saltem quantum ad speciem admit-

Y 2

te-

(1) Ber. Confut. dell' esam. c. 3. n. 3.

(2) Euf. Hist. l. 1.

(3) Oro. Hist. l. 7. c. 4.

(4) Lam. Vit. Severi.

(5) Orig. c. Cels. l. 1.

(6) Ber. Confut. p. 1. c. 4. n. 1. & 5.

(7) S. Irc. l. 1. c. 7. 23. & seq.

tebant, eaque etiam quantum ad realitatem admisisse, si magis prophetas & traditionem auscultassent, quam ineptum illud ratiocinium suæ hæreseos fundamentum, quod Verbo Divino indignum esset habere sibi realiter unitam veram naturam humanam.

Quod Freretus (1) hic intercedat producens Cerinthum negantem miraculum resurrectionis Christi, imprimis obiicit hæresiarcham, qui elapso magna ex parte jam primo sæculo Ecclesiam coepit perturbare. Deinde quoniam appellat ad S. Irenæum tamquam vadem suæ objectionis, Bergierius (2) observat S. Irenæum contrarium dicere in eo ipso loco (3), quem Freretus citat. Quando pro se ut vere poterat, citasset SS. Epiphanium & Philastrium & Augustinum, nihil profecisset, tum quia S. Irenæus utpote propior Cerintho audiendus potius est, tum quia Renatus Malsuet in dissertatione præmissa suæ editioni operum S. Irenæi ostendit non Cerinthum sed ejus discipulos hunc errorem aliis sui magistri addidisse.

325. Redeundo ad autores prorsus profanos, si nec plures sunt, qui de his miraculis meminerint, nec qui id utcumque fecerunt, commemorati sunt in eorum distincta magis descriptione aut laude, plures habentur causæ observatæ jam a Michaeli Medina (4), & Io. Stephano Menochio (5), scilicet ignorantia eorum, quæ apud Judæos agerentur, contemptus omnium quæ ad religionem spectant tamquam quid indifferens, præjudicium de eorum falsitate, studium occultandi suam stultitiam, qui infidelitatem retinerent contra certam apud ipsos eorum existentiam, timor incurrendi in odium Principum, & supplicia Christianis indicta, Divina tandem Voluntas, quæ noluit sancta tractari ab impuris. Qua de causâ juxta aliquos interpretes, dum legitur, quod ad imperium Christi (6) *exibant Dæmonia clamantia & dicentia, quia tu es filius Dei*, legitur etiam quod *increpans non sinebat ea loqui*.

326. Cum ignotum non sit Incredulis hoc argumentum ex auctoritate attestantium, modum quo unus ex his Hume ab eo se expediat juvat referre, quoniam propter manifestam insipientiam ceu umbræ colores ipsum per se clarum reddunt illustrius. I. itaque negat (7) *ullum esse miraculum, quod habeat pro se numerum sufficientem testimonium ejus indolis educationis doctrinæ probitatis, qui nos reddat tutos contra omnem in ipsis deceptionem aut decipiendi voluntatem*. Atque hac ratione unus homuncio stoliditatis accusat omnes terrarum orbis nationes, in quibus sunt Christiani, qui a tot jam sæculis his testimo-

nis

(1) Fre. Exam. Critiq. c. 1.

(2) Ber. Confut. dell' esam. c. 1. n. 2.

(3) S. Ire. l. 1. c. 16. n. 1.

(4) Med. Christ. paræn. l. 1. c. 7.

(5) Men. Stuore p. 2. cent. 4. c. 32.

(6) Luc. c. 4. v. 41.

(7) Hum. Ess. of mirac. p. 1.

niis crediderunt, omnesque Christi discipulos, & innumerabilem Sanctorum martyrum doctorum & historicorum multitudinem continent, & veneratos omni tempore tamquam divinos Sacrae Scripturae libros conculcat. Quis impudentior aut furiosior?

II. Statuit non posse unquam haberi hujusmodi testes pro ullo miraculo, quia admiratio, quae ex miraculis excitatur, est affectio anima tam jucunda, ut facile mentem rapiat ad ea credenda, quae sunt ipsius causa, & si qui sunt, quos hac passio non rapiat ad credenda miracula, rapit voluptas excitandi in aliis admirationem per hujusmodi narrationes... Quod si spiritus religionis intercedat in amore erga mirabilia, jam actum est de sensu communi, & humanum testimonium jure omne auctoritatis amittit. Quid magis insulsum falsum temerarium, & impium magis? Sed omissio etiam ad breve tempus hoc principio tam infano, Bergierius (1) monet alium incredulum, qui ipsum adoptavit, illud non habere locum in tot & tantis Judæis & Paganis, qui Christi miracula crediderunt contra vehementissima praejudicia in oppositum in Judæis de Messia potenti & glorioso, & in Paganis de absurditate adorandi tamquam Deum, quem ex Gente Judæa ipsis invisa ad crucem damnatum viderant expirasse.

III. Afirmat observatum esse miracula abundare inter gentes ignorantes & barbaras, & quae ab expolitibus nationibus adhuc credantur, ex suis majoribus, dum inculti essent, provenerunt, & propter auctoritatem, quam sibi vindicant receptae post hominum memoriam opiniones conservantur. Quid magis falsum & magis injuriosum potiori humani generis parti, quae Christianam Rempublicam componit?

A R T I C U L U S X.

Argumentum ex negatis miraculis.

327. C Elebre est hoc argumentum S. Augustini, (2) Si ut crederentur mysteria fidei, miracula facta esse non credunt, hoc unum nobis grande miraculum sufficit, quod ea terrarum orbis sine ullis miraculis credidit. Quod reperitur usurpatum etiam a SS. Chrysostomo (3) & Damasceno (4), & luculenter declaratum a Buffierio (5), Jure autem grande in hoc miraculum dicitur fore, quia (6) omnibus signis mirabilius, ut ait S. Thomas, esset Apostolos Christi

(1) Ber. Apolo. c. 6. §. 7.

(2) S. Aug. de Civit. l. 22. c. 5.

(3) Chry. in Matt. hom. 24. Et in 1. Corinth. hom. 6.

(4) Dam. l. 4. de Fide

(5) Buf. Preuv. de la relig. n. 139.

(6) S. Tho. c. Gent. c. 6.

fui (1) *homines sine literis & idiotas*, non possidentes (2) *aurum neque argentum neque pecuniam in zonis*, non *peram in via*, neque *duas tunicas neque calceamenta neque virgam* solo verborum sonitu & vitæ genere ad omnem iustitiam, adeoque ad invisam communiter singularitatem composito tantam effecisse opinionum & morum, ac tam subitam per universum terrarum orbem conversionem.

Etenim extra controversiam est Christianam religionem ignotam fuisse ante æram vulgarem. Atque in Judæa quidem extabat religio olim a Deo præscripta, sed in figuram Christianæ, quæ erat futura, & proinde post hujus institutionem per Jesum Christum jam consummata & proscripta, attamen incredulis & pervicacibus Judæis adhuc acceptissima propter ejus antiquitatem, splendorem cærimoniarum, excellentiam quæ ipsis tribuebat super omnes Gentes, & voluntarium errorem assumendi in sensu materiali, quæ de Messie regno triumphis & gloria allegorice prædicta fuerant. Nihilominus ipsimet Apostoli primum, & alii bene multi Christi discipuli, qui fere omnes in Judaismo nati & educati erant, ab eo discesserunt, & deinde multa Judæorum millia brevi ad eorum conciones Christianam professi sunt, quæ Legem Sacerdotium & Sacra majorum suorum credebant per Christum abrogata, & pares illos faciebat Gentilibus ad eandem Fidem convertis, & in cælestis felicitatis desiderio spe & expectatione per contemptum humanæ & terrenæ, & per novum vitæ genus in se difficilis & aliorum odio & persecutionibus expositæ defigebat, & ad amorem & adorationem Messie, qui in cruce expiraverat, tamquam veri Dei, qui de morte & peccato tandem triumphasset, adducebat cum vehementi dolore & detestatione cæci furoris, quo ipsum apud se commorantem neglexerant odebant necaverant.

328. Extra Judæam autem Religio Paganorum erat divinos honores exhibere aut astris aut hominibus aut bestiis aut dæmoniis cum sempiterna infamia ex parte illorum intellectus tam turpiter errantis, nec minori ex parte voluntatis, quam perditissimi ipsorum mores prædicabant. Hæc erat religio, quæ gentes ipsas expolitiores Græcos atque Romanos occupaverat, apud quas nequicquam obstrepente raro aliquo Socrate aut Platone aut Seneca morum corruptela eo devenerat ut vitia ipsa ad sacros honores evecta viderentur in multitudine Deorum, quorum maximum Jovem dicebant fuisse incestuosum adulterum Ganymedeum, Martem furiosum, Mercarium furem, Apollinem homicidam, Venerem impudicam, Dianam crudelem, omnes sæpe inter se discordes, & singulos singulari aliquo facinore insignes, ad quorum cultum erecta undique templa vifabantur.

(1) Að. c. 4. v. 13.

(2) Matt. c. 10. v. 10.

bantur in iisque signa suorum scelerum indices, ab ipso Ovidio (1) reprehensa, & constituti sacerdotes, & oblata sacrificia etiam horrenda ex hominibus ad eorum aras iugulatis aut combastis, ut testis est ipsa Scriptura de illo Moſæ Rege Moab, qui (2) *arripiens filium suum primogenitum obtulit holocaustum super murum* in conspectu hostium, a quibus obsidebatur, & de Samaritanis ex Sepharvaim oriundis, qui (3) *comburebant filios suos igni Adramelech & Anamelech Diti Sepharvaim*, et testis Eusebius (4) de aliis populis ex historicis quos citat.

329. Hæc novimus de moribus veterum paganorum ex indubiis monumentis adhuc existentibus. Generaliter autem quanta sit morum corruptio atque perversitas omnium, qui Christianam religionem non sequuntur, agnoscimus ex populis nondum Christianis, qui in Asia Africa & America adhuc abundant. Nomina Tauricos Turcas Arabes Mauros; & adhuc sui juris Americanos, jam excitas ideam hominum qui in supina ignorantia vivunt, qui effroenatis cupiditatibus inserviunt, qui indolem explicant servilem ferocem turbulentam, qui solo timore palam furta latrocinia & omnia scelera non exercent. Illi qui bonos mores prædicant de Sinensibus licet non Christianis, sunt plerumque Increduli, qui cum ignorantia conjunctam habent impudentiam fingendi & mentiendi, ut suo in Religione odio ex amore vivendi pro suis cupiditatibus contracto inserviant; Historiæ enim eorum, qui ibidem aliquamdiu versati sunt, Sinenses etiam nobis describunt plenos vitiis, in quibus est illud incontinentiæ, cui satisfacere abusu famularum ipsorum leges permittunt, & ab aliis non abstinere nisi solo Magistratuum timore. Ipsi interea Magistratus, qui minus a poenis timent, aliam regulam morum non videntur sequi, quam per fas & nefas ditescere, & seditiones ibi satis frequentes impedire. Hoc Georgius Anſon (5) præter alios, quos citat Bergierius (6), ita esse recentissime testatur fuisset oculis observasse.

330. Confirmant insignem corruptelam morum apud gentes non Christianas, nostrorum temporum Apostatæ, cujusmodi sunt, qui permultis contra Religionem Christianam perscriptis libellis plus nimio noti sunt, a quibus videas officia omnia circa Deum & homines & seipsos derisa & conculcata. Itaque Sanctis Myſteriis nolunt assensum præstare, quia contra rationem dicunt esse ea credere: Preces ad Deum traducunt tamquam vel superfluas, quia Deus non ignorat nostras necessitates, vel inutiles, quia ejus decreta sunt immu-

(1) Ovid. Trist. l. 2. v. 289.

(2) 4 Reg. 1. c. 3. v. 27.

(3) Ibid. c. 17. v. 32. (4) Euseb. Præp. l. 4.

(5) Ans. Voyage l. 3. c. 7.

(6) Ber. Apol. c. 1. n. 4. Et c. 14. n. 10. Et Ibid. p. 4. art. Cæcchiæne cæter. 7.

mutabilia: Divortii prohibitionem condemnant tamquam causam gravium molestiarum, quæ matrimonia identidem perturbant: Castitatem pro virtute habent imaginaria, cujus nulla est utilitas; Patriam potestatem nullam volunt, simul ac filii ad usum rationis pervenerint. Alia impietatis & improbitatis dogmata cum suis autoribus dabit Bergierius (1), qui simul illorum foeditatem & absurditatem demonstrat.

331. Fingendo igitur Religionem Christianam stabilitam sine miraculis opus est dicamus descriptos Christi discipulos nullo naturali præsidio instructos determinasse intellectus hominum ad repudiandam majorum suorum religionem tamquam contrariam rectæ rationi, oppositam bonis moribus, probrosam & absurdam, & ad amplectendam novam christianam, quæ ut ait S. Augustinus (2) *nimum mirabiliter incredibilia* proponit circa naturam Dei, quam unam & simplicem docet a se existere in tribus realiter inter se distinctis Personis, in Patre qui non est antiquior Filio, in Filio qui non est minor Patre, & in Spiritu Sancto ab utroque procedente, qui æqualis ipsis est in perfectione: Et circa Bonitatem ipsius Dei in homines, qui ex uno a se creato, quicquid in contrarium dicant quidam Increduli, successive existunt, omnes ad imaginem & similitudinem suam, & capaces sempiternæ felicitatis, dummodo adorent Jesum Christum tamquam verum quidem hominem sed etiam verum Deum Deique Filium, qui pro nobis natus crucifixus mortuus & sepultus tandem resurrexit & in Cælum ascendit: Et circa alia multa, quæ ex his mysteriis dependent dogmata. Necesse est præterea dicamus eosdem Apostolos inclinasse voluntates hominum ad mores conformandos juxta hujus novæ religionis principia & leges, quæ cum tota versentur in duobus mandatis (3) dilectione Dei ex omnibus viribus, & dilectione proximi, qualem (4) erga nos ipsi habemus, jam non solum superbiam vitæ, vindictam injuriarum, appetitionem divitiarum, cupiditatem voluptatum, vitium omne detestantur & prohibent, sed ipsis etiam desideriis & internis animæ motibus limites præscribunt, iis certe non ampliores, quos Philosophi lumine rationis ducti externis actibus docebant convenire, & mortem ipsam jubent constanter subire potius quam ab his mandatis discedere, quod sub initium, cum Christiana professio ex Ethnicorum legibus crimen esset dignum morte, frequentissime contigit. Necesse est tandem dicamus eosdem Apostolos ad cognitiones & deter-

(1) Ibid. c. 11. & 13.

(2) S. Aug. de Civit. l. 22. c. 3.

(3) Luc. c. 10. v. 27.

(4) Matt. c. 22. v. 37.

terminationes tam admirabiles adduxisse non jam credulos pueros, imbecilles feminas, iuvenes inconsideratos, senes deliros, & incul-tam solum plebeculam, quemadmodum dixit Celsus, & plures re-petunt nostra ætate ipsius imitatores a Bergierio nominati (1), sed homines etiam ætate & prudentia speculatissimos, nobiles, sapien-tes, perspicaces. Nam Canonicæ epistolæ ad Hebræos, Romanos aliosque populos, datæ profecto fuerunt ad homines inter illas gentes supra ignarum vulgus elevatos, qui eas legerent & intelligerent.

332. Præterea nonne nobiles erant Cornelius centurio baptiza-tus a Paulo (2) cum *convocatis cognatis suis & necessariis amicis*: Et Sergius Proconsul, qui (3) *credidit admirans super doctrina Domini*, quam ipsi Apostolus explicaverat: Et Crispus Archifsynagogus, qui pariter audito Paulo (4) *credidit Domino cum omni domo sua*: Et (5) *Asia principes qui erant amici Pauli*? Nonne docti erant & perspicaces ii, quorum Ierolymæ (6) *multa turba obediebat fidei*: Et qui Athenis Apostoli verbis persuasi (7) *crediderunt, in quibus & Dionysius Areo-pagita*: Et qui (8) *vehementer Iudeos revincebat publice ostendens per Scripturas esse Christum Jesum* Apollo vir eloquens: Et qui Ephesi jam credentes, cum fuerint (9) *curiosa sectati contulerunt libros & combus-ferunt coram omnibus*: Et qui ea ætate, quæ fuit aurea pro literis & artibus ubique abundabant præclari ingenio & scientia viri, ut Po-lycarpi Iustini Irenæi, quorum omnium tanta fuit persuasio de ve-ritate omnium quæ ad Christianam pertinent religionem quam su-sceperant, ut quævis pati potius maluerint, quam ab ea deficere, & ab ejusdem propagatione desistere, ita ut hæc post illud tempus vigeat victrix de furiosis per tria prima sæcula persecutionibus Im-peratorum & Magistratuum, & de perpetuis improborum contra il-lam conatibus. Quis non videt esse hæc omnino opposita consueti agendi modo intellectus & voluntatis hominum ut etiam videantur naturæ harum potentiarum intrinsece repugnare. Atque cum hæc repugnantia apud homines qui naturaliter etiam cognoscunt existen-tiam Dei Omnipotentis, non appareat in cæcorum illuminatione, reductione mortuorum ad vitam, aliisque miraculis, quæ Adver-sarii recusant admittere, jam plane conficitur majus miraculum poni-dum Christiana Religio dicitur sine miraculis stabilita.

Z

AR-

(1) Ber. confut. c. 6.

(2) Act. c. 10. v. 24.

(3) Ibid. c. 17. v. 12.

(4) Ibid. c. 18. v. 8.

(5) Ibid. c. 19. v. 31.

(6) Ibid. c. 6. v. 7.

(7) Ibid. c. 18. v. 28.

(8) Ibid. c. 17. v. 34.

(9) Ibid. c. 19. v. 19.

ARTICULUS XI.

Objectiones contra Miraculum resurrectionis Christi.

333. **O**biicitur . Miraculum resurrectionis Christi Dn. describitur manifestatum quibusdam mulieribus , & solis Christi discipulis , qui illum viderunt , & alloquuti sunt , non vero Pilato Scribis Phariseis Principibus Sacerdotum , iis denum qui ipsius mortis causa fuerunt : Atqui manifestatum non esse nisi mulieribus & discipulis est argumentum dubitandi de ipsius veritate : ergo .

Resp. I. cum Sherlockio supra (n. 264.) citato , Bergierio (1) & Csapodio (2) *nego maj.* Nam scimus milites qui custodiebant sepulcrum vidisse Christum resurgentem , eumque jam redivivum (3) *visum plusquam quingentis fratribus simul.* Quoniam de hac meminimus apparitione iuvat omnes commemorare , quibus intra paucos dies resurrectionem suam Christus demonstravit contra futuros impugnatores tanti miraculi , quod pertinet ad fundamentum Christianæ religionis juxta illud Apostoli (4) *Si Christus non resurrexit , vana est fides vestra* , quandoquidem in hac hypothesi constare non posset de Christi Divinitate . Hæc enim excludit imperfectionem omnem potentiae & scientiae : defectus autem in potentia statim eluceret in eo , quod qui alios a mortuis dicitur suscitasse , se ipse non potuisset excitare , & locum jam haberet ea Judæorum obiectio (5) , *alios salvos fecit , seipsum non potest salvum facere* . Quis pariter defectum scientiae non videret , si quod sæpius (6) dixerat se tertia die resurrecturum , non fuisset exequutus .

Apparitiones itaque sunt I. Magdalenæ prope (7) sepulcrum . II. mulieribus (8) a sepulcro redeuntibus . III. S. Petro . IV. duobus discipulis (9) in Emmaus euntibus . V. omnibus discipulis excepto Thoma (10) , qui aberat . Atque hæc quinque apparitiones ipsa resurrectionis die factæ fuerunt . VI. octo diebus post omnibus iterum discipulis , ipsique Thomæ , qui tunc aderat , & (11) fixuras clavorum vidit & tetigit , quod factum esse in ipsa Jerusalem tenet Maldonatus (12) . VII. septem discipulis Petro , Thomæ , duobus filiis

Zc-

(1) Ber. Apolog. c. 3. §. 9.

(2) Csa. Relig. nat. l. 1. n. 120.

(3) 1. Corinth. c. 15. v. 6.

(4) Ibid. c. 13. v. 17.

(5) Matth. c. 27. v. 42.

(6) Ibid. c. 12. v. 39. Et c. 16. v. 21.

Et c. 20. v. 19.

(7) Mar. c. 16. v. 9.

(8) Matt. c. 28. v. 29.

(9) Mar. c. 16. v. 12.

(10) Joa. c. 20. v. 19.

(11) Ibid. v. 26.

(12) Mal. in Jo. c. 20. v. 26. Et in Mar. c. 16. v. 19.

Zebedæi Jacobo & Joanni, Nathaneli, & aliis duobus qui non nominantur (1) ad mare Tiberiadis, quibuscum manducavit & bibit. VIII. undecim discipulis (2) qui supra montem in Galilæam abierunt juxta mandatum Domini (3) ipsis per mulieres communicatum, ubi *videntes eum adoraverunt*. IX. fratribus (4) plusquam quingentis. X. iis quos (5) *eduxit in Bethaniam* Jerosolymæ vicinam in monte Oliveti sitam (6), ubi in eorum conspectu ad Cælum ascendit. Neque est dissimulandum, quod prout habetur in Actis Apostolorum, ipsis Christus (7) *præbuit seipsum vivum post passionem suam in multis argumentis per dies quadraginta apparens eis*.

334. *Resp.* II. cum Francisco apud Trevoltianos (8) omitto mai. & nego min. Ad argumentum veritatis facti satis est scientia & veracitas plurium testium. In his omnis Respublica. quin immo humanum genus universum semper agnovit contineri demonstrationem quam dicunt moralem, quæ sola haberi potest dum de veritate facti disquiritur, & per eam omnes acquiescunt in sententiis de controversiis quantumvis maximi momenti ut de bono five publico five privato. Itaque cum Adversarii dent plures in Apostolis haberi testes de miraculo resurrectionis Christi, cumque in ipsis reperiri qualitatem veracitatis supra (n. 316.) demonstratum fuerit, restat ad summum de eorum circa hoc factum scientia, sicut etiam de illa mulierum dationem omnem remove, quod plane conficitur ostendendo eos ad eam credendam coactos fuisse argumentis physice evidentibus, cujusmodi se produnt, considerando quod quamvis tam sæpe audierint ab ipso Domino se tertia die resurrecturum, nihilominus eo jam occiso de hoc eventu non cogitarunt vel prorsus desperarunt. Novimus enim mulieres ad sepulcrum non ivisse, nisi ut corpus curarent, & Magdalenam, cum ipsum non invenerit, non credidisse redivivum (9), sed alio asportatum, donec ipse Dominus benigne se eisdem vivum ostendit, (10) jubens ire id nunciatum Apostolis, quibus hæc audientibus (11) *visa sunt sicut deliramentum verba ista*; & eadem die idem Christus medius inter duos discipulos euntes in Emmaus non obtinuit, ut crederent ejus resurrectionem, nisi postquam porrigente eis pane (12) *aperiti sunt oculi eorum & cognoverunt eum, & ipse evanuit ex oculis eorum*, non quia phantasma esset, ut hæc verba calumniatur increduli, sed

Z 2

quia

(1) Joa. c. 21.

(2) Matth. c. 28. v. 16.

(3) Ibid. v. 7.

(4) 1. Cor. c. 15. v. 6.

(5) Luc. c. 24. v. 50.

(6) Act. c. 1. v. 12.

(7) Ibid. c. 1.

(8) Tre. an. 1755. ar. 38. p. 1948.

(9) Jo. c. 20. v. 15.

(10) Matt. c. 28. v. 10.

(11) Luc. c. 24. v. 11.

(12) Ibid. c. 24. v. 11.

quia invisibilem se reddidit, ut sæpe in primæva vita (n. 276.) jam fecerat. Hi reversi in Jerusalem ceteros quidem Apostolos de hac apparitione certiores fecerunt, sed quoniam (1) *nec illis crediderunt*, ecce tibi repente stat (2) *Iesus in medio eorum, & dicit eis Pax vobis, Ego sum*: nec adhuc credunt, sed conterriti existimant se spiritum videre. At Spiritus, reponit Christus, *carnem & ossa non habet, sicut me videtis habere ... & ostendit eis manus & pedes*. Nondum tamen ab animi suspensione penitus recedunt, sed cum tandem *manducasset coram eis*, cesserunt evidentiæ, a qua cum abesset Thomas, nihil commotus aliorum testimonio professus fuit se non crediturum, nisi & ipse videret (3) *in manibus ejus fixuram clavorum*, & mitteret manum suam in latus ejus: quorum utrumque cum obrinuisset apparente iterum Jesu coram omnibus tandem credidit exclamans *Dominus meus & Deus meus*. Persuasio quam in ipsis produxit tanta evidentiâ, evasit maxima & omnino ineluctabilis, quando alias iisdem (4) *præbuit se ipsum vivum in multis argumentis per dies quadraginta*, & quando innumera deinde prodigia, donec vixerunt, coram omnibus patrarunt (5) *in nomine Jesu Christi, quem Deus suscitavit a mortuis*. Multa igitur & invicta habentur argumenta de scientia Apostolorum circa Christi Dn. resurrectionem, quibus accedit illud S. Jo. Chrysostomi, quod sic habet: Plusquam commune est post mortem eorum, quos in vita etiam impense dileximus, penitus oblivisci, & multo magis si ab iisdem adhuc vivi defecimus: ergo quoniam Apostoli, qui in vita a Christo defecerant, post ejus crucifixionem innumeros labores, & ipsam mortis damnationem pro illo sustinuerunt, necesse est certissime noverint ipsum post crucifixionem ad novam vitam rediisse. In horum igitur testimonio vera hujus resurrectionis demonstratio continetur.

335. Huic qui non cedat, sed adhuc existimet aut suspicetur Apostolos deceptos fuisse vanis imaginationibus, is profecto viam sibi obstruit ad quicquam credendum, etiamsi non solum Pilato Scribis Phariseis & Principibus Sacerdotum, & aliis quos vellent, Christus apparuisset, sed etiamsi sibimet appareret, vel aliud quodvis miraculum, ut hoc crederet, operaretur. Si enim tot & tantos homines, omnes Apostolos & fratres quingentos, & innumerales qui miracula facta in testimonium resurrectionis Christi viderunt, aliquo modo credunt deceptos, & quidem non semel atque iterum, sed quoties narrant se ipsum vidiisse contrectasse, cum eo sermones habuisse & sæpius manducasse, atque in hac de-

ce-

(1) Mar. c. 16. v. 13.

(2) Luc. c. 24. v. 36.

(3) Joa. c. 20. v. 27.

(4) Act. c. 1.

(5) Ibi. c. 4. v. 10.

ceptione perseverasse non una aut altera hora, nec per dies etiam quadraginta, sed per totam plurium annorum vitam, quam ratione sibi persuadere poterunt se pariter non decipi, dum vivum repente videant, qui jam obierat, vel aliud impetrent quod magis vellent miraculum ad hoc credendum. Non potest igitur resurrectionis Dominicæ veritas in controversiam adduci ex eo, quod Dominus noluerit se palam ostendere omnibus & singulis, qui ipsam viderunt in cruce expirasse, aut ejus mortis causâ aliqua fuerunt.

336. Ratio autem cur id noluerit, sine dubio non deest, sed quænam definite sit, dicat qui (1) *consiliarius ejus fuit*. Fortasse ea interfuit, quam modo dixi, quia qui de illa dubitat contra tanta de ejus veritate argumenta, jam ne fuisset quidem oculis crederet. Recentioris increduli (n. 166.) sunt hæc verba (2) *Quid jactas te reddere muros loquentes & mortuos red vivos. Ab his mea fides non concutitur. Credo meis ratiociniis magis quam meis oculis*. Et alterius sunt hæc alia (3) *Si mortuus ante meos oculos surgeret, nihil admirarer, quandoquidem non semel accidit ut viveret, qui mortuus aliquamdiu creditus fuit. Hæc spectacula amentem me potius redderent quam credentem*. Horum pervicacia expressâ jam fuerat ab Evangelio, ubi narrat negatam missionem Lazari (4) ad quinque fratres damnati divitis, quia *neque si quis ex mortuis resurrexerit, erant credituri*. Fuit fortasse & illa, quod etiam si propter evidentiam falsi fuissent Christi resurrectionem, nihilominus eum tamquam Messiam nunquam adorassent. Nonne enim novimus Judæos post miraculum a S. Petro palam factum Ierosolymæ in claudo ex utero matris suæ, quem in nomine Christi a Deo suscitati allevavit, conclusisse in concilio denunciandum cum comminatione ipsi Petro & ceteris (2) *ne omnino loquerentur, neque docerent in nomine Jesu*.

337. I. Instat Auctor *Christianismi detecti*. Apparitio solemnior quam Christus fecisset in publica platea, fuisset argumentum illustrius suæ resurrectionis, quam omnes simul apparitiones clandestinæ factæ hominibus, qui convenerant in nova secta stabilienda.

Resp. nego imprimis triplex suppositum. Primum est non haberi apparitionem solemnem qualis in publica platea, hoc est coram frequenti populo, Hæc enim habetur in ea quæ facta fuit fratribus plusquam quingentis; Alterum est clandestinas dici apparitiones, in quibus cum omnibus simul congregatis Apostolis toties per dies quadraginta versatus fuit familiariter cum eis etiam convalescens. Tertium est, Apostolos suscepisse consilium formandi novam sectam

(1) ad Rom. c. 1. v. 74.

(2) Penitens hpiot.

(3) Rousseau. Lett. de la Monta.

(4) Luc. c. 16. v. 27. (5) Act. c. 4. v. 18.

scilicet inducendi homines ad adorandum crucifixum tamquam Deum, quem conscii erant fuisse impostorem, si certi non fuissent de ejus resurrectione. Hoc consilium non potuisse illis venire in mentem supra (n. 319.) jam demonstratum est. Deinde nego ipsum assumptum; Nam si repetitæ apparitiones habitæ coram tam multis non impetrant ab incredulis ut credant hanc resurrectionem, quia dubitant de veritate narrationis, ex eadem ratione dubitarent etiam de veritate apparitionis ab ipsis excogitatæ. Tandem omitto assumptum, quandoquidem ex eo quod Christus non reddiderit veritatem suæ resurrectionis claram per argumentum, quod hæc male feriata capita proponunt, non sequitur, quod certissimam non reddiderit, quemadmodum palam est ex assensu omnium christiano-
rum.

338. II. Instant. Milites custodientes sepulcrum testati sunt ipsis dormientibus Apostolos abstulisse corpus Christi: ergo dubitari potest de ejus resurrectione.

Resp. *conc. ans.* Et nego *conseqm.* Nam si dormiunt quomodo de facto testantur? Qui autem est hic somnus in tot militibus, quem non excutit fragor necessarius ad removendum ingentem lapidem, qui os sepulchri obstruebat, & ad cadaver adsportandum? Sed quid his opus est, cum Increduli hanc cavillationem ab ipsis Evangelistis defumant, a quibus norunt illam prolatam a militibus corruptis ab Judæorum concilio (1) *copiosa pecunia*, & insano prorsus consilio.

339. III. Instant. Non conveniunt inter se Evangelistæ circa horam hujus resurrectionis; Nam Matthæus (2) docet contigisse vesperi: Marcus (3) valde mane orto jam sole: Et Joannes (4) cum adhuc essent tenebræ: ergo non debet credi.

Resp. antecedens peccare falsâ suppositione, quod in citatis ex Evangelio locis sermo sit de hora resurrectionis Christi. Hæc quidem contigit die dominica, sed (5) *qua hora nemo unquam mortalium scire potuit* inquit Patres apud Maldonatum. Itaque in obiectis locis sermo est de accessu mulierum ad sepulcrum, & optime omnia inter se conciliari, luculenter demonstrant Interpretes.

Hujusmodi instantiis Increduli ostendunt a se haberi Apostolos non tam pro deceptis quam pro deceptoribus, ex quo iterum sequitur ipsos reddere se omnino impares ad quicquam credendum per quodvis miraculum. Cum enim Apostolos tenent aliquo modo pro impostoribus, jam necesse est ut eosdem credant fuisse in se furiosos, qui pro suo apud se certo mendacio tot labores in eo promulgan-

(1) Matt. c. 28. v. 12.

(2) Matt. c. 28. v. 1.

(3) Mar. c. 16. v. 2.

(4) Joa. c. 20. v. 1.

(5) Mal. in Matth. c. 28. v. 2.

gando, tot tormenta & mortem ipsam in eo tuendo toleraverint, & furorem hunc per quamdam contagionem communicasse quotquot ex suis alumnis, qui sunt innumerabiles, similes labores ac cruciatus pro eadem causa deinceps sustinuerunt, & Deum permisisse non solum, ut eorundem deceptionem nemo detegeret cum facile posset, quoniam locum tempus testes & minimas talis resurrectionis circumstantias significabant, sed etiam ut illam confirmarent quodammodo Judæi & Gentiles, qui nunquam mendacium hujusmodi narrationibus opposuerunt. Quæ cum ita apud se statuant, rogo quodnam sibi reliquum faciant argumentum, cui possint jure existentiae alicujus facti assentiri?

340. IV. Inflat Freretus apud Bergierum (1) Non legimus discipulos et eos qui dicebant vidisse se Christum redivivum, & alia ejus miracula, fuisse in judicium vocatos, & juxta juris regulas de facti veritate examinatos.

Resp. nego assumpti suppositum, scilicet quod de iis, quæ vel tota civitas vel magna ejus pars vidit aut alio modo certo novit, quæ-ratur in foro an vera sint. Desipit qui Judicis sententiam requirat ut admittat tamquam vera, quæ ipse & tota regio aut urbs scit esse vera. Hujus conditionis sunt pleraque Christi miracula, & ipsa etiam ejus resurrectio, pro qua adfuit etiam repetiti ad tribunalia accitus Apostolorum, qui illam prædicabant, non quidem ut punirentur tamquam fabulatores, sed ut ab ejus promulgatione desisterent. Qua de causa negari etiam absolute posset assumptum. Nam novimus Petrum & Joannem post sanatum claudum tractos ad Judæorum tribunal, ubi (2) *si diudicamur*, inquit, *in beneficio hominis infirmi notum sit omnibus vobis, quia in nomine Jesu Christi, quem Deus suscitavit a mortuis, in hoc iste adstat coram vobis sanus, & nihil poterant contradicere, & denunciaverunt ne omnino loquerentur neque docerent in nomine Jesu, & comminantes dimiserunt eos.* Non multo post cum prædicationem Evangelii prosequerentur, prout illis jam indixerant se facturos, quia iustum non erat (3) *eos potius audire quam Deum*, iterum (4) statuuntur in concilio, ubi conquerentibus quod non obediunt præcepto sibi imposito, iterum dixerunt, *obedire oportet Deo magis quam hominibus. Deus suscitavit Jesum.* Nec interrumpunt sermonem tamquam fallum, sed cogitant interficere illos, & renovato præcepto tandem dimittunt. Insignis est etiam Pauli ad plura tribunalia deductio propter ipsam de resurrectione Christi prædicationem. Sistitur primo Jerosolymæ ad idem Judæorum concilium.

(1) Ber Confutazi. dell' esame p. 1.
c. 3. n. 1.

(2) Act. c. 3. v. 4.

(3) Ibid v. 59.

(4) Ibid. c. 5. v. 27.

cilium (1): Deinde ad tribunal Felicis Præsidis Romani (2): & tertio ad illud ejus successoris Portii Festi, præsentem etiam Rege Agrippa, & in omnibus actum est (3) *de Jesu defuncto, quem affirmabat Paulus vivere*, qui ante Regem eadem repetens, testem ipsum appellavit de ipsorum veritate utpote (4) *scientem omnia, & quæ apud Judæos sunt quæstiones*. Atque cum hæc agerentur, nemo fuit, qui ipsi obiceret falsitatem in suis dictis, & tam Præses quam Agrippa concluderunt, quod (5) *dimitti poterat, si non appellasset ad Cæsarem*. Quando tandem ipsemet Paulus de se scribit, sui (6) *in carceribus abundantius, in plagis supra modum, in mortibus frequenter*. A Judæis quinquies quadragenas una minus accepi. Ter virgis casus sum, semel lapidatus sum, jam appellat ad actus, qui palam faciunt sæpius se fuisse a Magistratibus examinatum de Christi resurrectione ejusque miraculis, quibus ejusdem Divinitatem persuadebat, & in cujus prædicatione vitam consumavit.

ARTICULUS XII.

Obiectio contra miracula Christi tamquam opera Diaboli.

341. **O**biicitur. Miracula quæ narrantur de Christo, existimata fuerunt esse opera Dæmonis non solum a Judæis sui temporis (7) *Quidam dixerunt in Beelzebub principe Demoniorum eiecit Dæmonia*, verum etiam a posterioribus authoribus, ut colligitur ex S. Justino (8) Origene (9), S. Cypriano (10), Lactantio (11) & omnibus fere antiquis Christianæ Religionis defensoribus: Eo ipso non potest confidenter affirmari illa esse indubitata miracula: ergo.

Resp. *dist. mai.* Miracula ejectionis Dæmonum credita fuerunt fieri per Beelzebub, *conc. mai.* omnia miracula, *neg. mai & min.* Stultitia fuisset tribuere virtuti Dæmonis cæcos a nativitate illuminare, paralyticos a multis jam annis confirmatos repente consolidare, paucos panes multiplicare in ipsa distributione inter multa millia hominum, mortuos suscitare & similia; Nam nemo unquam Diabolum credidit posse membra & organa jam corrupta renovare aut quicquam creare, saltem numquam hæc antea visa aut audita fuerant, idque vulgus ipsum significavit dicens per cæcum a nativitate,

(1) Ibid. c. 23.

(2) Ibid. c. 24.

(3) Ibid. c. 25. v. 19.

(4) Ibid. c. 26. v. 3.

(5) Ibid. v. 31.

(6) 2. Corint. c. 11. v. 23.

(7) Luc. c. 11. v. 15.

(8) S. Jus. Apolog. 1. n. 37.

(9) Ori. l. 1. c. Cels. n. 54. & l. 3.

(10) S. Cyp. de Idol. vanit.

(11) Luc. l. 4. c. 13.

te, quem Christus sanavit, (1) *A seculo non est auditum, quia quis aperuit oculos cæci nati* : & multo magis noverant Pharisei & Scribæ viri inter Judæos docti, quibus ignota esse non poterant, quæ Dæmon posset præstare eo præsertim tempore, quo maxime viguit curiositas Magiæ inter Gentiles teste Josepho apud Seigneuxium (2), quod colligitur etiam ex Actis Apostolorum, in quibus habemus (3) quod multi ex iis, qui fuerant curiosa sectati contulerunt libros, & combusserunt coram omnibus, & computatis pretiis illorum invenerunt pecuniam denariorum quinquaginta millium.

342. Hinc invidi Pharisei ipsum miraculum cæci nati factum sabbato quærentes deprimere, non tribuerunt Beelzebub, sed hoc solum dixerunt (4) *Non est hic homo a Deo, qui sabbatum non custodit*, de quo tamen ab aliis statim fuerunt reprehensi. Hinc etiam ex observatione Dupleffii apud eundem Seigneuxium, cum Principes Sacerdotum inito inter se consilio decreverint mortem Christi, nunquam legimus protulisse contra ipsum criminationem magiæ, probe intelligentes ejusdem inutilitatem. De sola proinde ejectione Dæmonum legimus tunc dictum fuisse a Diabolo provenire, quia de hac sola sine nota perversitatis nimis apertæ suspicio aliqua apud vulgus disseminari poterat, quod fieret opera principis Dæmoniorum, (5) *non quia*, inquit Brancatus, *Magus aut Dæmon habeat potestatem eiiciendi imperio suo alios Dæmones, sed quia ex condito seu pacto Dæmones ad iussuonem recedunt*.

343. At si in huiusmodi a Christo Dn. peractis expulsionibus tribuendis Dæmoni aberat stultitia, non deerat tamen blasphemia, quam Christus ipse iisdem exprobravit, quia dicebant in Beelzebub eiici Dæmonia, quæ evidens erat eiici in Spiritu Dei, hoc est virtute Divina, tum quia eadem videbant passim expelli a suis discipulis in nomine Christi, non Beelzebub, quod juxta Patres apud Maldonatum (6) significavit Christus per illa verba, *Filii vestri in quo eiiciunt Dæmonia* ? Nonne in nomine meo ? Tum quia hæc ejectio & omnes Christi operationes præferebant studium gloriæ Divinæ, incitamentum ad ejus cultum, odium Satanz, ejusque regni averfationem implacabilem, cujus ipsa fundamenta (7) superbiam vitæ & concupiscentiam carnis & oculorum perpetuis ad animi demissionem, divitiarum contemptum, & cupiditatum refroenationem impulsibus convellebat. Hanc rationem attulit ipse Christus tamquam

A 2

de-

(1) Joa. c. 9. v. 32.

(2) Sci. in not. ad. Adiffon. de Relig. Christ. sec. 2. §. 4.

(3) Act. c. 19. v. 19.

(4) Joa. c. 9. v. 16.

(5) Bra. de Mirac. n. 668.

(6) Mal. in Matt. c. 12. v. 27.

(7) 1. Ioan. c. 2.

demonstrationem impiæ illorum suspensionis, dum dixit (1) *Si satanas satanam eiicit, quomodo stabit regnum ejus.*

344. Propter hanc evidentiam Divinæ Virtutis in quibusvis Christi miraculis etiam inferioris generis ut sanationibus, credo equidem suspensionem magiæ ne venisse quidem in mentem iis qui eorum testes de visu fuerunt: alii autem, qui hæc deinde audientes hujusmodi vel suspensionem vel criminationem proposuerunt Thalmudistæ (n. 32.), & Pagani apud citatos Patres, vel etiam nunc horum discipuli proponant, refelluntur tum per exposita Divinæ virtutis signa, quæ in singulis elucebant, ut testes sunt Evangelistæ, tum per tantam illorum multitudinem, & tam eximiam in aliquibus qualitatem, ut evidens cuique sit esse supra Diaboli potentiam, tum per recordationem prophetiarum, quæ de iisdem miraculis in Veteri Testamento leguntur, & quæ jure habentur a Patribus Ethnicis & illis similes adversarios impugnantibus tamquam totidem demonstrationes ipsorum erroris & impietatis; Nam (2) *Dei est opus* inquit S. Iustinus, prius promulgare quicquam quam fiat, atque ita factum exhiberi, sicut est prædictum: & infra, (3) *Nequis opponat, quod Christus arte magica virtutes, quas diximus ediderit, demonstrationem aggredimur non tam dicentibus credentes, quam prædicentibus.* Et S. Irenæus, (4) *si et Dominum per phantasmata hujusmodi fecisse dicunt, ex propheticiis demonstrabimus omnia sic de eo prædicta esse.* Et S. Augustinus, (5) *Non defuissent, qui magica potentia cuncta illa (Christi Miracula) tribuerent, nisi talis eorum cogitatio contestatione prophetica vinceretur, qui- bus familia habent* Origenes (6) Tertullianus (7) & Lactantius (8)

345. Instatur. Expulsiones Dæmonum obtineri possunt modo etiam naturali: ergo hæc saltem quæ tamquam totidem Christi miracula narrantur ab Evangelistis, miracula revera non sunt. Quæ asseruntur pro antecedenti, quod negatur, sunt.

I. Quia Legimus Tobiam servasse jecur cujusdam piscis ex jussu Angeli, qui dixit ei (9), quod eo incenso fugaretur Dæmonium: ergo sicut hic fumus fugabat Dæmones, ita & alia erunt, quæ idem efficiant. At interpretes Liranus & alii, quo sequitur Martinus del Rio (10) in eo jecoris fumo non agnoscunt causam efficientem illius expulsionis, sed merum signum ejus, quam Angelus tunc facturus erat. Interpretatio nititur ipsi Scripturæ quæ refert, quod cum (11)

To.

(1) Matt. c. 12. v. 26.

(2) Iust. Apolog. 1. n. 14.

(3) Id. ibid. n. 37.

(4) S. Iren. l. 1. c. 57.

(5) S. Au. l. 12. con. Faust. c. 45.

(6) Orig. l. 1. con. Celsum uu. 5. & 34.

(7) Ter. con. Marcion. l. 3.

(8) Lac. Instit. l. 15.

(9) Tob. c. 6. v. 17.

(10) Rio. Disq. mag. l. 2. q. 30. sec. 3.

(11) Tob. c. 8. v. 2.

Tobias partem jecoris posuit super carbones vivos, tunc Raphael Angelus apprehendit Dæmonium, & religavit eum in deserto.

346. II. quia iterum legimus, quod (1) *quandocumque Spiritus Domini malus accipiebat Saul, David tollebat citharam, & percutiebat manu sua, & refocillabatur Saul, & levius habebat: recedebat enim ab eo Spiritus malus: ergo sonus illius citharæ fugabat Dæmones. At nullus ex probatis Interpretibus admittit hanc consequentiam, quam aliunde illegitimam esse vulgus ipsum novit, quod illos rideat, qui harmoniam credant vel dicant flagellum Dæmonum. Vera consequentia est, ergo melancholici, quales naturaliter sunt possessi a Dæmone, musicis instrumentis recreantur, & propter Divinas laudes, quas David supra citharam modulabatur, malus Saulis spiritus ad tempus recedebat; Habemus enim Saulem ex consilio fervorum suorum non quæsisse citharædum dumtaxat, sed (2) *hominem scientem psallere cithara.**

347. III. Quia sunt apud Gasparem Schottum (3), qui Salviam Anethum Foeniculum Allium. Rutam caprariam, & alias herbas nec non & quosdam lapides recensent inter causas naturaliter expultrices Dæmonum. At Philosophi & Theologi, quos nominat & sequitur Lambertinus (4) respuunt horum historias tamquam fabulas, & alienas a Philosophia, quæ non agnoscit aliam actionem naturalem corporum in Spiritu, nisi quam habent corpora in animas, quæ sint ipsorum formæ substantiales, eamque veram quidem sed ineffabilem profitentur.

348. IV. Quia Josephus Hebræus (5) testatur Salomoni notam fuisse Divino munere artem expellendi Dæmones sitam in quibusdam incantationibus quas scriptas reliquit, & vidisse se Eleazarum coram Vespasiano & toto ejus exercitu id obtinentem admoto Dæmoniaci naribus anulo. in quo erat radix quædam a Salomone monstrata. At Lambertinus (6) post Bellarminum (7) & Ettium (8) respondet, *hæc incerta sunt, & unde quaque superstitiosi exorcismi, qui dicuntur Salomonis.* Addit Nonnote (9) contra impium quemdam qui hanc renovavit obiectionem, quod tota narratione Josephi perpensa videatur posse totum eventum circulatoriæ arti adscribi.

349. V. Quia Malefici sicuti cum volunt cationibus Dæmones advocant ad inferendum malum aliis sibi invisis hominibus, aut eorum campis frugibus animalibus, ut supponunt plures Canones (10).

A a 2

& gra-

(1) 1. Reg. c. 16. v. 23.

(2) Ibid. v. 16.

(3) Sch. Physic. curiosa l. 4. c. 15.

(4) Lam. ubi alias. c. 29. n. 7.

(5) Jos. Antiq. l. 8. c. 2.

(6) Lam. ubi alias, c. 29. n. 6.

(7) Bel. Scri. Eccl. ar. de Salomone.

(8) Eit. in 4. Sent. dist. 24. §. 12.

(9) Non. Dict. Philos. tit. Christianisme art. 6. n. 15.

(10) Can. Episcopi. Can. Nec mirum. Can. Quicumque a6. q. 5.

& graves poenæ contra illos ab ipsi s Romanis Pontificibus constitutæ (1), ita etiam cum volunt dimittant: ergo non opus est Divina Virtute ad expellendos Dæmones. At onisso antecedenti *dist. consequ.* non opus est Divina virtute ad expellendos Dæmones, qui ex pacto cum maleficis alicubi supervenerint, *omitto*, secus nego *consequ.* Expulsiones malorum spirituum, quas Evangelia commemorant factas a Christo, demonstrantur fuisse verissima miracula, & quidem secundi gradus per ea, quæ supra (n. 32.) dixi, ex quibus Christus ipse conclusit (2) *Ego in Spiritu Dei eiicio Dæmonia.*

ARTICULUS XIII.

Obiectio contra miracula Christi tamquam effectus sui temperamentii.

350. **O**biicitur. Sanitas recuperata per contactum Christi. Dn. tribui potest habitudini temperatissimæ ipsius corporis, & definite surditas, impotentia loquendi, & cæcitas, sanatæ infirmitates per digitos, quos Christus (3) misit in aurículas surdi, & per salivam qua tetigit linguam muti, & oculos (4) cæci poterunt esse effectus naturales carnis & salivæ Christi. Quod confirmatur ex similibus sanationibus, quæ referuntur operatæ a quibusdam, qui *Salvatores* proinde solent appellari: ergo huiusmodi saltem sanationes non sunt miracula.

Resp. *nego ans.* Qui hæc commenti sunt, diligentissime consultantur a Michaelē Medina (5), & a Thoma Campanella apud Garmannum (6), & a Bordono (7). I. quia Christus ostendit vim suam operandi miracula in iis quæ fecit sine ullo contactu, ut quando aquam in vinum transmutavit, & Lazartm a morte ad vitam revocavit. II. quia sanavit non solum sibi præsentēs, sed etiam longe a se distantes, ut filium Reguli, & servum Centurionis: ergo non per temperamentum, quod postulat contactum sanantis cum sanando vel physicum, vel saltem virtuale, per medium scilicet aliquod, ut per atmosphæram propriam cuiusque corporis, quæ non potest fingi ad arbitrium extensa in immensam distantiam. III. quia Christus sanavit infirmos, non cum illi primum sibi facti erant propinqui, sed plerunque postquam instituerat cum ipsis, aliisque adstantibus colloquium aliquod, apertissime declarans, quod sciens & volens illis sanitatem largiretur, qui non est modus agendi virtutis, quæ

(1) Innoc. VIII. Const. 1. Summis. Et Greg. XV. Con. 46. Omnipote.

(2) Matt. c. 12. v. 28.

(3) Mar. c. 7. v. 32.

(4) Ibid. c. 8. v. 23.

(5) Med. Christ. Paræne. l. 2. c. 7.

§. Nunc de his.

(6) Gar. De mirac. mortu. Diss. proem. sec. 2. §. 53.

(7) Bord. De Mirac. medit. 3. n. 38.

quæ sita sit in naturali corporis temperamento. IV. quia vis naturalis ad aliquem effectum non communicatur naturaliter cuicumque alteri corpori, quod habeat temperamentum toto Cælo diversum. At Christus communicavit Apostolis, eorumque successoribus vim faciendi miracula, quam ipsi suo modo cum libuit exercuerunt. V. quia mera habitudo corporea, quæ sit causa alicuius effectus, hunc producit etiam sine precibus & invocatione Dei, & processu temporis satis diuturno; Natura enim non operatur per saltum. At miracula Christus fecit invocato Deo, & quando & quibus voluit, & plerumque in instanti. VI. tandem, quia vis qua Christus sanabat ægros eadem erat cum illa, per quam Lazarus quatruiduanus non solum ad vitam rediit, sed per novum miraculum ad eam ipsius vocem (1) *Lazare veni foras, statim prodiit ligatus pedes & manus insillis*, quam vim nulli veniat in mentem tribuere temperamento.

351. Quod dicitur in confirmatione de quibusdam *Salvatoribus*, respondeo, vel isti repente sanant morbos unius aut diversi generis invocato Jesu Christi nomine, & remota omni superstitione aut vana observantia, & tunc dicendum eos habere gratiam sanitatum (n. 60.) quæ in Ecclesia Christi apud aliquos semper potest reperiri, adeoque exemplum est contra adversarios: vel sanant repente aliquem aut aliquos morbos omisso omni actu Religionis Catholicæ & tunc dicendum intervenire operationem Diaboli, qui potest morbum aliquem tollere, quem ipse idem producat. Quare non est ad rem confirmatio. Si tandem non repente, sed progressu temporis infirmus per istos homines tactu aut saliva adiuvetur & sanetur, jam effectus erit naturalis, & comparandus cum iis, quos herbarum etiam & fossilia producant. Plura de his *Salvatoribus* dabunt varii auctores citati a Brancato (2), quorum aliqui, ut Victoria eosdem condemnant, alii ut Navarrus & Azorius absolvunt & admirantur.

352. Instant. Scriptum est, (3) *Omnis turba querebat eum tangere, quia virtus de illo exibat & sanabat omnes*: Et de muliere, quæ a profluvio sanguinis per furtivum vestimenti contactum sanata fuit, legimus (4) *Jesus in semetipso cognoscens virtutem, quæ exierat de illo, conversus ad turbam agebat, quis me tetigit?* Sed hæc indicant virtutem patrandi miracula fuisse in Christo a causa naturali dependentem: ergo.

Resp. conc. mai. & nego min. Virtus in citatis locis, ut observant Interpretes significat idem ac effectum, qui est miraculum. Christus autem in iis patrandis respiciebat ægrorum fidem, Dei gloriam, animarum utilitatem, novæ Ecclesiæ ædificium, quæ omnia

(1) Joa. c. 11. v. 44.

(2) Bra. de Mirac. n. 847.

(3) Luc. c. 6. v. 19.

(4) Marc. c. 5. v. 30.

omnia habuisse locum in circumstantiis, de quibus ea quæ obiiciuntur dicta sunt ex contextu patet. Quod confirmatur ex eo, quod idem Dominus in patria sua, (1) *non poterat virtutem ullam facere, nisi paucos infirmos impositis manibus curavit*, quia ut immediate legitur, *mirabatur propter incredulitatem eorum*, qui non solum eum non credebant, neque venerabantur ut Messiam, sed (2) *scandalizabantur in illo* eum contemnentes. Proinde pro regula quam Divina Providentia videtur servare, ut potentiam suam non exerceat in miraculis coram incredulis, signa in patria sua non fecit. Atque hinc quam præposterus sit recursus ad temperamentum corporis pro causa miraculorum Christi luculentissime innotescit, cum regio in qua quis natus sit omnium maxime faveat temperamento.

ARTICULUS XIV.

Obiectiones contra miracula Christi tamquam effectus naturales.

353. I. **O**biicitur. Omnes febrientes & paralytici possunt per causas naturales etiam repente convalescere: ergo hujus saltem generis miracula nulla sunt. Ans probatur. Schenckius (3) refert hominem a multis jam annis immotum propter paralytism in una sui corporis parte per incendium in ejus domo excitatum convaluisse, dum ex metu conatus est fugere, & e summo ædium in viam se præcipitem dedit. Horstius (4) author est irruptibus de nocte hostibus in Niorti urbem, paralyticum a tribus jam annis decumbentem e vestigio profiluisse, ut in hostes cum aliis irrueret, quod feliciter successit. Diemerbroeck (5) testatur paralyticam brachiis & crure sinistro a triginta jam annis motum subito & firmitatem recuperasse ex concepto horrore ad fragorem plusquam ingentem delapsi per noctem fulminis. Muratorius (6) narrat mulierem a medicis conclamatam ut proximam morti propter vehementem & diuturnam febrem, brevi naturaliter convaluisse ex vehementi terrore, qui illam invasit videns de nocte incendium proximæ domus, quo ita fuit commota, ut e lecto exiverit, & reptans manibus pedibusque longius a periculo abierit.

354. Resp. *nego ans.* Exempli ad ejus probationem allata omitto. Nam non inferitur ex illis propositum, I. quia habent singulares authores, quorum nullus testem se dicit de visu, immo aliquis in aliorum fide id profitetur se narrare: & aliunde parum vel nihil probabi-

(1) Ibid. c. 6. v. 5.

(2) Ibid. c. 6. v. 7.

(3) Sch. Observ. l. 1. de Paralyti.

(4) Hor. Confil l. 3.

(5) Dic. Anat. l. 8. c. 1. de Nervis

(6) Mur. Philos. mora. c. 6.

bilitatis habent. Admittitur quidem a Medicis, quod per animi affectus vehementes, metus maxime & iræ repentina fieri possit alteratio humorum, & spirituum animalium, quam salutares aliquando effectus consequantur: sed quod in his sit subita & completa valetudo maxime a morbis diuturnis & confirmatis nescio quisnam ex cordatis Physicis unquam dixerit. Verum quicquid de hoc sit, hoc certum est illa quæ inter miracula numerantur, talia esse sine controversia propter authoritatem Divinam, si sermo sit de iis, quorum Scriptura meminit, vel auctoritatem omni exceptione majorem, si de aliis. II. quia cum in obiectis non inveniantur omnia attributa, per quæ distinguuntur miracula vera ab apparentibus aut falsis juxta definitionem miraculi jam stabilitam, ultro damus ea non esse miraculis adscribenda, & ex contraria causâ in his cætera numeramus. III. quia naturales causæ propositæ earum admirabilium fanationum, quæ certe non sunt receptæ nec usitatæ a Medicis non intercesserunt in iis quas Christus & Sancti peregerunt. In his enim aliud non invenimus, quam infirmorum preces & animum in ipsis pacatum, & ad fiduciam non ad terrorem aut iracundiam compositum.

355. II. Obiicitur ab Incredulis apud Lambertinum (1) Quæ creduntur miracula sunt effectus extraordinarii, qui vi legum generalium cum exituri sint certo tempore, ii qui hanc notitiam aliquo modo habeant vel a sua singulari perspicacia, vel ab illa Dæmonis, ea abutuntur ad exhibendos se tamquam illorum causas: ergo non constat ulla esse miracula.

Resp. *negō* ans, utpote continens hypotheses evidenter insulas, cujusmodi sunt cæcum a nativitate vi legum generalium, quibus Auctor naturæ rerum materialium universitatem moderatur, debuisse visum recuperare eo instanti, quo videre petiit a Christo, etiamsi id non postulasset: & Lazarum redivivum e sepulcro debuisse prodire, quamvis Christus ipsum non evocasset: & Apostolos adeo Domini amantes habuisse commercium cum Diabolo, aut quamvis nullis disciplinis excultos eo fuisse ingenio, ut hæc naturæ mysteria præstantissimis philosophis nunquam nota cognoverint simul cum momento temporis quo erumperent, & ad aliorum deceptionem hujusmodi cognitione fuerint abusi. Hæ hypotheses præter insipientiam includunt summam impietatem, quippe faciunt Christum Dñum & Sanctos impostores, quandoquidem Dominus per potestatem sibi divinitus traditam (2) & Apostoli per illam sibi

a Do-

(1) Lam. ubi alias.

(2) Matt. c. 28. v. 18.

a Domino communicatam (1), & in ejus nomine (2) miracula dicebant se efficere.

356. III. Obiicitur a J. J. Rousseau apud Bergierium (3). Quæ Christus Dñus effecit singularia & insolita, ab ignorantibus spectatoribus credita fuerunt miracula, cum non essent nisi effectus per media naturalia, quæ ipse Divino lumine supra ceteros illustratus poterat adhibere. De hoc habemus quoddam quasi exemplum in arte nostris temporibus inventa restituendi vitam submersis. Fortasse eandem olim recuperabunt, qui alio genere morbi quotidie moriuntur, per arcanum aliquod, quod industria humana aut studium bonæ physices aut exercitatio in Chymicis tandem excudet.

Resp. *negò assumptum*, quod cum vix distet a superiori obiectione, eodem modo ipsius falsitas demonstratur, & hoc præterea, quod contradicat apertis ipsius Dni testimoniis, cujusmodi sunt, quando in digito Dei eicere se Dæmonia professus est, quando eadem virtute a se paralyticum sanari dixit, quæ ejusdem peccata remiserat, quæ certe non erat naturalis. Quod dicitur de arte restituendi vitam submersis, continet abusum cujusdam hyperbolicæ loquutionis, quæ solus incredulus abuti potuit. Ars enim in eo tota consistit, quod quibusdam opportunis adjumentis recenter excogitatis respirationis officium ex submersione attenuatum quidem ita ut insensibile etiam evaserit, non tamen omnino nullum, restituatur ad pristinam frequentiam & intensionem. Animi igitur deliquium est non mors, quod ab his suffocatis nova arte tollitur, quemadmodum communiora deliquia, in quibus homines mortui apparent sine motu & sine sensu, suis artibus vulgo ipsi cognitis, frequenter expelluntur.

ARTICULUS XV.

Alia obiectiones contra miracula Christi.

357. I. **O**biicitur. Aliqua ab Evangelistis narrata de Christo miracula sunt ridicula, ut potestas data Dæmonibus ab homine expulsis (4) sues invadendi. Quod J. J. Rousseau commemorans exclamat apud Nonnotem, (5). *Hæcine sunt argumenta missionis Christi. Mibi quidem ita mens perturbatur, ut nihil jam intelligam. Amens est, qui hoc credat.* Et alius nescio quis apud eundem (6), & Bergierium (7) falsus est hujusmodi miraculum, & ea quæ jam subiiciam, videri dubia. Aliæ itaque sunt levjæ ut fici

(1) Ioa. c. 14. v. 12.

(2) Luc. c. 10. v. 17.

(3) Ber. Decime refut. Lett. 12.

(4) Matt. c. 8.

(5) Non. Dict. art. Mirac. entr. 2. in fine

(6) Ibid. tit. Christianisme sr. 6. n. 5.

(7) Ber. Apolo. p. 4. tit. Christianisme pag. 171.

arbores arefacere (1) : Alia sunt sine ulla apparenti culpa damnosa possessoribus , ut patet in exemplis suum & ficulnæ : Alia sunt Deo indigna , ut aquam commutare in vinum pro convivis , qui in Cana Galilæe jam ebrii dicuntur : ergo hæc miracula somnia sunt Evangelistarum , vel eorum a quibus ipsi rudes & imperiti decepti fuerunt .

Resp. *nego ans.* Quod pertinet ad duo prima miracula , S. Jo. Chrysoftomus (2) putat Christum , quia omnibus beneficis erat voluisse in brutis & plantis præbere argumentum vis suæ , qua malos punire posset , & aliquando tandem puniet , sicut fecit cum Synagoga designata juxta Interpretes in ficu arefacta , quam a se repulit , quia bonorum operum fructus non ferebat . Qui autem ultiores rationes inquirat , S. Doctor a se rejicit tamquam moventes quæstiones nugacissimas . Illis quæ dicunt de damno injusto possessorum , repōnit S. Thomas , (3) *Non facit creator injuriam possidenti , si creatura sua suo arbitrio utatur ad aliorum salutem.* Hoc salutis studium videt Bergierius (4) in subita & generali ruina immundi gregis facta per invasionem Dæmonum , ut scilicet existentiam Spirituum hoc modo sensibilem redderet Sadducæis , qui rari in Judæa non erant , & aperte eam negabant ; Neque enim hunc eventum eodem tempore in tam multis bestiis explicarent , sicuti alias solebant actiones unius aut alterius Dæmoniæ , per vim morbi cujusdam particularis , aut perturbatæ imaginationis , vel per simulationem .

358. Adde esse apud Maldonatum (5) , qui existimant possessores porcorum fuisse Judæos , qui iis contra legem uterentur , eorumque jactura propterea punitos . Ficus autem dicitur fuisse *secus viam* . Quare fortasse nemo privatus erat ipsius possessor . Citati increduli exclamatio videtur mihi respondere illi Dæmonum , (6) *Quid nobis & tibi Jesu fili Dei ? Venisti hic ante tempus torquere nos .* Sed quis hominem curet , qui fatetur sibi de miraculis cogitanti mentem perturbari . Quod plane confirmat , ubi (7) ea excludit a miraculis , quæ dicuntur facta in compitis in desertis in cubiculis tamquam Deo indigna , quorum ceteroqui plura Jesus Christus juxta Evangelia perfecit .

359. Ad tertium sunt qui dicant vocabulum inebriari in Scriptura non semper intemperantiam significare . Alii melius negant in Evangelio haberi , quod convivæ Canæ ebrii fuerint , sed solum di-

B b

ci

(1) Matt. c. 21. v. 19.

(2) Chr. hom. 67. alias. 68. in Matt.

(3) S. Tho. 3. p. q. 44. ar. 4. ad 2.

(4) Ber. Deisme recut. Lett. 12. Edit. 3.

(5) Mal. in Mat. c. 8. v. 30.

(6) Matt. c. 8. v. 29.

(7) Rou. Emil. to. 3.

ci observant in more esse, quod vinum deterius apponatur post bonum, quod largius epotum potest inebriare. Quamvis negato antecedenti nulla sit consequentia, nihilominus juvat advertere in ea contineri quamdam adversariorum contradictionem; Nam si credunt Evangelistas & universim Christi discipulos fuisse rudes homines & vix sensu communi præditos, jam credant necesse est a Deo Authore esse Evangelium, opus doctrinæ admirabilis, quam tota Philosophorum natio numquam excudit. Sin evangelium habeant pro opere & inventione discipulorum, jam concedunt non semper fuisse rudes & imperitos, sed, sublimi mente sapientia & eloquentia fuisse aliquando divinitus instructos, prout Scriptura narrat evenisse per acceptum ab ipsis Spiritum Sanctum.

360. II. Obiicitur. Non persuasit Christus miraculis, quæ ipsi tribuuntur, suam missionem & Divinitatem, immo ne obtinuit quidem ut vitæ suæ parcerent, aut saltem ne modo omnium maxime probroso ipsam sibi eriperent. Ergo hæc miracula vel nulla sunt, vel longe pauciora ac tenuiora, quam prædicantur.

Resp. *dist. ans.* Non persuasit Phariseis & Magistratibus Judæorum, *conc. ans.* nullis Judæorum persuasit, *neg. ans. & consequ.* Hoc secundum dici non potest, quia habemus, quod (1) *Multi ex Judæis, qui viderant, quæ fecit Jesus, crediderunt in eum.* Restat illud primum, quod verum est & prædictum jam ab Isaia, ut notat idem Evangelium (2). Consequentia interea nulla est. Nam omnia scelera habent hoc, ut sint contra rationem, a qua magis vel minus distant pro majori vel minori ipsorum gravitate. Hæc numquam homines nisi a prava aliqua cupiditate inflammati committunt, quæ quam vehemens esse possit quotidie videmus in tot sceleratis, qui numquam desunt. Quæ Judæos contra Christum armavit quamvis certos de ipsius sanctitate & testes de visu ipsius miraculorum, fuit invidia de ipsius gloria, & hinc timor ne ipsi & tota respublica propterea splendorem suum amitterent, (3) *Quid facimus*, inquit ipsorum concilium post Lazarum resuscitatum, miraculum præclarissimum, *si dimittimus eum sic, omnes credent in eum, & venient Romani, & tollent nostrum locum & gentem.* Ab illa (4) ergo die cogitaverunt ut interficerent eum.

361. Hoc exemplum satis debuerat esse ne Freretus diceret infidelitatem Judæorum, qui dicuntur vidisse Christi miracula esse argumentum magni ponderis contra eorundem veritatem, & ne in

rem

(1) Jo. c. 12. v. 39.

(2) Ibid. c. 12. v. 37.

(3) Ibid. c. 12. v. 49.

(4) Ibid. v. 53.

rem suam adduceret simile Calvinistæ Jurei argumentum a Bayle (1) jam explosum, quo fabulam conclusit esse miraculum de manu restituta a B. Virgine S. Jo. Damasceno, quia Damascus Mahometi Religionem in Christianam non mutavit. Mali scilicet ratiocinatores, ut jam advertit Bergierius (2), qui contra primas naturalis Dialecticæ regulas unum non distinguunt ab altero, & certitudinem miraculorum cum professione Religionis, in qua vel pro qua ea fiunt, confundunt.

PROPOSITIO III.

Miracula tam Judaicæ Religionis, quæ in veteri, quam Christianæ, quæ in novo Testamento referuntur non habent exemplum apud Ethnicos.

362. **H**anc propositionem necessariam reddunt, qui ex miraculis quæ Ethnicorum libri apud se contigisse referunt, & quæ communiter jam habentur pro falsis & fictis, occasionem sumunt dubitandi, primo quidem de veritate etiam miraculorum Scripturæ, quibus similia dicunt occurrere apud Ethnicos, & deinde ex pari ratione de aliis omnibus. quin immo quidam citati a Bergierio (2) aperte scribunt nostra ætate, veros Philosophos Græcos atque Romanos Christianis jactantibus miracula pro sua religione numquam non respondisse, ea esse imitationes præstigiatarum, quæ ipsi de suis Diis narrabant. Quare dicebant, sicuti nos olim fuimus impostores, ita & vos nunc eit.

ARTICULUS I.

Argumenta pro propositione.

363. **P**robatur propositio. Miracula Judaicæ Religionis alia sunt, quæ ad illam fundandam & stabiliendam facta fuerunt, alia quæ ea jam constituta acciderunt quasi ad ipsam amplificandam & conservandam. Sed neutra habent exemplum apud Ethnicam, aut aliam quamcumque ex Religionibus vulgo jam cognitis tamquam falsis: Non prima; Nulla enim religio præter Judaicam & Christianam habet miracula quæ jactet pro sui fundamento & origine: Non secunda; Nam nulla pariter aliarum religionum

B b 2

est,

(1) Ba. Dicti. art. Damascene.

(2) Ber. Confus. dell' esam. c. 3. n. 7.

(1) Id. Apolog. c. 3. n. 7.

est, quæ in iis miraculis quæ pro se proponit, exhibeat eos de ipsorum veritate characteres, quibus credibilia prudenter reddantur, aut quos pro suis Judaica profert Religio. Ergo miracula Judaicæ Religionis non habent exemplum in ulla ex Religionibus certo falsis.

Quod pertinet ad miracula Religionis Christianæ, quæ in Novo Testamento referuntur idem argumentum sic distinctius expono. Miracula Religionis Christianæ pertinent ad ipsius fundamentum & erectionem, ad agnitionem Dei adducunt, quem persuadent unum esse in Natura, & trinum in Personis, & ex his secundam assumplisse naturam humanam in unum compositum theandricum, & hoc esse ipsummet Christum miraculorum effectorem: (1) Ad hoc, sic S. Leo, *discipulos suos doctrinæ monitis, & operum miraculis imbuebat, ut idem Christus, & Unigenitus Dei, & hominis filius crederetur.* Hæc præferunt Divinam virtutem vel in re vel in modo, & Dei cultum & amorem inspirant, ejusque divinas perfectiones declarant, Omnipotentiam in restitutione vitæ etiam extinctæ, & organorum atque membrorum, quæ jam destructa fuerunt, Magnificentiam & Liberalitatem in eorum multitudine & amplitudine late se extendente, Bonitatem in significatione ineffabilis benevolentiae qua in hominum bonum hæc largiebatur, Sanctitatem in optimis morum documentis, quæ plerumque tunc dabat. Hæc coram multitudine peracta narrantur a testibus de visu, etsi diverso ordine & diversis, ab his brevius & obscurius, & ab illis prolixius aut clarius, ut videas diversitatem simul & consensum scriptorum. Eadem post se reliquerunt perpetua de sui veritate monumenta. Iisdem nemo suo tempore obiecit falsitatem aut inendacium, aut vim ex medicamentis applicatis, sed omnes fassi sunt esse effectus Divinæ Potentiae. Eadem inveniuntur distinctius prænuntiata a plaribus prophetis usque ab antiquissimis temporibus, quorum scripta, in quibus Veteris Testamenti magna pars consistit, Divina Providentia factum est, ut ex quacumque rerum vicissitudine semper extarent. Eadem tandem jam tunc perquam multis, deinceps vero omnibus per universam terram dispersis gentibus persuaserunt, in Christo adorandum esse Deum hominem, promissum humani generis reparatorem, non merum hominem aut medicamentorum inventorem, ejusque legem & doctrinam opus esse recipere, & usque ad vitæ & sanguinis profusionem servare & tueri, quemadmodum quovis tempore innumerabiles fecerunt,

364. Nihil simile habent Ethnicorum historiae, a quibus nulla miracula referuntur facta ad suam Idololatriam, aut falsam religionem erigendam & nulla habent pro se tam validam auctoritatem,

cui

(1) S. Leo Serm. de Transfigur.

cui nefas sit non acquiescere, (1) *Non habemus necesse*, dixit jam S. Augustinus, *omnia credere, quæ historia continet gentium*, scilicet quia non fundantur in testimoniis, de quibus sufficienter nota sit scientia & veracitas; Plerumque enim narrantur juxta rumorem, qui per vulgus increbuit, quin inventus aut quæsitus fuerit legitimus testis de visu. & si qua sint quæ quis contendat omnino admitti debere propter sufficiens de illorum veritate fundamentum, videntur esse vel præmium alicujus virtutis moralis vel alicujus sceleris vindicta, quo modo juxta S. Thomam non repugnat esse vera miracula a Deo ipso patrata, vel sunt manifeste intra sphaeram virtutis Dæmoniorum, cum consistant in locali motione, aut in liberatione a morbis, qui vel naturaliter curari poterant vel ab ipsis Dæmoniis latenter ad hanc deceptionem inducti fuerant, aut in præstigiis brevi evanescentibus, aut in flexiloquis rerum futurarum enunciationibus. *Non potes* dicebat Celfo Origenes (2) *proferre multitudinem Græcorum Barbarorumque credentium Aesculapio*, & infra (3) *Non potes dicere quid utilitatis humano generi provenisset ex istis, quæ tibi videntur tam mirifica: nos autem dum res Jesu enarramus, non vulgares rationes asserimus, Deum voluisse per Jesum salutare doctrinam hominibus instituire*. (4) *Quid prodest*, respondebant Ethnicis Arnobius, & Tertullianus (5) *unum aut alterum ostendere fortasse curatos ab Aesculapio*. Desipere dicebat S. Augustinus Ethnicos, qui (6) eo quod sensibus eorum Dæmones quædam stupenda monstrarent, non eligerent quæ fectarentur vera miracula, quæ Deus *ad commendanda eloquia veritatis suæ per immortales nuncios fecit majora, certiora, clariora*. Et S. Franciscus Salesius (7) excusandos censuit Incredulos, si nullum aliud miraculum audirent de Christo Dn., quam mutasse aquam in vinum, & dixisse Samaritanæ, (8) *quinque viros habuisti & nunc quem habes, non est tuus vir*. At quis illos non coarguat atque condemnet, postquam noverunt claudos confirmatos, leprosos mundatos, cæcos a nativitate illuminatos, Dæmonia expulsa, mortuos ad vitam revocatos, prænuntiata futura quæ a libertate Dei vel hominum dependent, mortuos ad vitam revocatos, & alia multa ab ipso, & etiam ab aliis in ejus nomine aliquando per imperium aliquando per solum actum internum aut desiderium peracta? Concludam igitur etiam miracula Christianæ religionis non habere exemplum in ulla ex religionibus certo falsis.

Ultior probatio est solutio eorum, quæ obijciuntur, in quibus

(1) S. Aug. de Civ. l. 21. c. 6.

(2) Orig. l. 3. c. Celf. n. 137.

(3) Id. ibid. n. 131.

(4) Arn. l. 1. con. Gent. c. 17.

(5) Ter. Apolog. c. 27.

(6) S. Aug. de Civ. l. 10. c. 16.

(7) Jo. c. 4. v. 18.

(8) S. Fra. Disc. di Controv. p. 4. disc. 9

bus tamen non meminero neque de admirandis magorum Pharaonis operationibus, neque de illis Antichristi, quia utrisque supra (n. 151.) jam satisfactum est.

ARTICULUS I.

Obiectio pro redivivis etiam apud Ethnicos.

365. **O**biicitur. Historiæ Ethnicorum referunt plures mortuos ad vitam revocatos: ergo revocatio mortuorum ad vitam, quæ celebratur tamquam miraculum in utroque Testamento habet exemplum apud Ethnicos.

Antecedens probatur. Plato de Ero quodam Armenio, genere Phamphylio, profitens se non apologum narrare, sed historiam dicit (1) quod cum occubisset in prælio, sublevis decimo die cadaveribus ceteris jam corruptis integer incorrupto corpore repertus fuit, domumque delatus ut sepeliretur: duodecima ab obitu die, dum pyra impressus esset, revixit, & quæ interim viderat retulit. Aliam huic similem historiam retulit deinde Plutarchus de Thespæio Solensi, cui redivivo tribuit luculenter loquutum fuisse de poenis Inferni & Purgatorii. De prima meminit etiam S. Augustinus (2): de utraque Fortunius Licetus contendens (3) nullam in iis esse falsitatem aut fictionem.

Apollonius Thyaneus teste Philostrato coram Domitiano Cæsare mortuam puellam dum ad sepulturam deferretur ad vitam revocavit. Plinius (4) Gabienum nominat fortissimum militem bello Siculo relictum in litore toto die, capite ferre reciso protinus revixisse, & Sexto Pompeio futura quædam prænunciassæ, quo facto iterum animam eflavit.

Aelianus tandem ex Hyppide Rhegino refert (5) mulierculam ad vitam revocatam ab Aesculapio Epidauri, quo se contulerat, ut ab eo sanaretur ab infirmitate vermium, quam medicorum ars non poterat depellere. Sed cum forte tunc abesset Aesculapius, ejus ministri curam suscipientes illam occiderunt; Nam capite ipsi abscisso, ut manibus ex cavo corporis lumbricum quem habebat ingentem abstraherent, non potuerunt amplius caput corpori connectere, quemadmodum posse se faceret existimaverant. At superveniens tandem Aesculapius, quod illi non potuerunt, ipse facillime perfecit, & plenam vitam ac sanitatem feminam dimisit.

366. Resp. conc. ans. & nego consequ. Admitto enim reditum ad

(1) Pla. l. 10 de Rep. sub finem

(2) S. Aug. de civ. l. 22. c. 28.

(3) Lic. de sexto quæstis per epist.

(4) Plin. Nat. Hist. l. 7. c. 52.

(5) Ael. de animal. l. 9. c. 33.

ad vitam esse miraculum præclarissimum, & superare vim omnem creatam juxta axioma communiter receptum quod a privatione ad habitum non datur per naturæ vires regressus. Sed nego dici posse de mortuorum excitationibus relatis in Sacra Scriptura, quod dicitur de iis, quæ ex Ethnicis producantur. Quicumque etiam incredulus illa Bibliorum legat aut audiat, non dicit ipsam eorum narrationem & expositionem præferre fictionem, quemadmodum de secundis statim dicitur jure omnium optimo ut sigillatim adducta exempla considerando planum erit.

Ad primum enim de Platone. Talia Erus fusissime narrat, ut ex illis solis apologus plusquam manifeste eluceat, quem Iustinus Philosophus Platonicus, & deinde Martyr Christianus (1) credit excogitatum a Platone ad insinuandam doctrinam de felicitate bonorum, & rursus malorum calamitate in alia, quæ nos manet vita, haustam a Prophetis, utpote summopere utilem ad continendos homines in officio, quam cum nollet aperte fateri *Græcorum invidia deterritus, descripsit tamquam a quodam, sicuti ei fingere visum est, audivisset*. Nec quod ille neget se fingere, vim ullam habet, postquam ipsius dogma fuit, (2) *licere mentiri ad communem utilitatem*. Idem dico de exemplo Platarchi. Atque in utroque illud animadverto argumentum falsitatis ac dissimilitudinis a mortuis suscitatis Bibliorum, quod hi Ethnici gratis quodammodo vel sponte reviviscunt; Nemo enim est qui illorum interitum lamentetur, nullus qui pro eorum vita intercedat, eam aut postulans aut largiens, nullæ tandem apparent neque causæ neque circumstantiæ tanti miraculi, quæ de illis Sacrarum literarum referuntur. Licet qui has narrationes approbavit tamquam veras, oppono magni nominis Auctores, quos præter Justinum contra Licetum produxit Lambertinus (3).

367. De iis quæ Philostratus narrat de Apollonio, quantum curandum sit, patebit inferius. Sed quod pertinet ad relatum puelle miraculum Eusebius e verbis ipsis Philostrati colligit illum non dicere, quod mortua cum esset revixerit, sed quod cum mortuæ similis esset (4) *dum efferretur, irrorante pluvia excitata fuit*, idemque concludit Buffierius (5) ex aliis verbis, quæ leguntur in ea narratione.

Venio ad Plinium. Ex sola ipsius narratione apparet in ea haberi stratagemam Pompejanorum ad erigendos militum animos, qui ex acceptis cladibus concidere debuerant, quandoquidem Gabienus

(1) S. Jus. Paren. ad Gent.

(2) Pla. de Rep. dial. 3. sub initi.

(3) Lam. de Beatif. li. 4. p. 1. c. 27. n. 3.

(4) Euf. con. Hierocl. l. 6.

(5) Buf. Preur. de la relig. n. 415.

jussu Deorum dicitur rediisse ad vitam ut annuntiaret futuram victoriam ex parte Pompeii, utpote quæ a Diis iusta esset iudicata, quod notum est non evenisse. De aliis, quæ idem Plinius congerit dici debet, quod nemo ipsorum, qui dicuntur revixisse, mortuus revera fuit, sed syncope aliqua vehementissima correptus creditus fuit mortuus, & casu aliquo ut ex igne admoto ad cadaver comburendum ad sensus revocatus. Hoc ipse Plinius videtur satis aperte dicere, idemque non ita raro accidere notum est, & pluribus declarat Michael Medina ad hæc ipsa exempla (1) respondens.

Ultimum de Aesculapio tam frigide & stolidè confictum est, ut mirari non desinat Author E. Vv. (2) quoniam modo non puduerit Strillingfleetum tam insulsam fabulam adhibere pro seria obiectione contra miracula, quæ Catholici narrant, præsertim cum habeamus Lucianum inter Ethnicos (3), qui medicum agnovit in Aesculapio, non Deum. Aliæ anastases, quæ obiectis adiici possent confictæ ab Ethnicis referuntur & confutantur prolixè a Daniele Hueticio (4), & breviter a Clapodio, (5)

ARTICULUS III.

Obiectio pro miraculis apud Ethnicos similibus illi Christi Dni.

368. **O**biicitur. Miracula similia illis, quæ dicuntur habita esse per Christum referuntur habita etiam per Ethnicos. Aliis omisissis assumptum probant ipsi Patres, qui Ethnicis suorum Deorum præsertim Aesculapii miracula opponentibus contra illa, quæ de Christo prædicabantur, non responderunt omnia Deorum miracula esse fabulas, sed superari ab illis Christi numero certitudine & claritate. Probant etiam quæ Tacitus (6) & Suetonius (7) narrant de Vespasiano, quod Alexandriæ salutatus Imperator reddiderit cæco visum resperis oculis sputo, & alteri manum ægram pedis pressione confirmaverit, ita ut hæc miracula induxerint aliquos Judæorum in opinionem quod Vespasianus esset Messias.

Probant iterum multa, quæ Philostratus refert patrata ab Apollonio Thyaneo, sic appellato a Thiana pago quodam Cappadociæ, qui exiit primo Ecclesiæ sæculo, & cui divinos honores habuerunt Alexander Imperator, aliæque gentes referentibus Lactantio, Lampri-

(1) Med. Christ. paren. l. 2. c. 7.

(2) E. Vv. A discou. of mirac. c. 16; n. 18.

(3) Luc. Philopseud.

(4) Huc. Demon. Evang. prop. 9.

(5) Cfa. Relig. revel. l. 1, n. 125.

(6) Taci. Hist. l. 4.

(7) Suet. Vespas. c. 7.

pridio, aliisque. Nec Philostrati autoritas contemni potest, postquam recentius Cudworthius (1) de illo præclare sensit, & Gulielmus Fleetwood non audent ejus narrationes falsitatis acculare. Probat tandem, quæ apud Gruterum (2) Græce leguntur inculpta in tabula marmorea reperta in insula Tyberina, quæ proinde videtur spectasse ad templum Aesculapii, de duobus cæcis ab hoc Idolo illuminatis, & de altero a vomitu sanguinis, altero a contumaci lateris dolore liberatis.

369. Hanc objectionem ex ea parte, in qua miracula Christi cum iis comparantur, quæ de Aesculapio Ethnicis prædicabant, ab ipsis Ethnicis habemus teste S. Justino (3), Arnobio (4), aliisque Christianæ Religionis propugnatoribus: ex ea vero parte, in qua hæc comparatio instituitur cum miraculis Apollonio attributis, primus protulit Hierocles Aegypti præfectus, quem brevi refutavit Lactantius (5), & ex professo Eusebius Cæsariensis. Hieroclem imitati videntur aliqui tempore S. Augustini; Nam hæc apud illum lego, (6) *Quis vel risu dignum non putet, quod Apollonium & Apulejum cateroque magicarum artium peritissimos conferre Christo vel etiam præferre conantur*. Recentius huic impietati palam subscripserunt præter Vvolstonum & Humem Carolus Blount famosus blasphemus, de quo loquuntur Morerius (7), & Chaussépieu (8), & alii, in quibus videmus renovatam stultitiam Philisthiim, qui (9) *arcam Dei statuerunt juxta Dagon*.

Resp. nego ans. Ad id, quod obiicitur de Patribus, qui concesserunt Ethnicis aliqua saltem apud illos extitisse a sui Diis miracula, dico ipsos in hac concessione sequutos fuisse definitionem miraculi, quæ dicit esse effectum, qui excedit humanam facultatem, quod est juxta S. Thomam sumere (10) *miraculum large*. Hoc modo dicebat Origenes Celso prædicanti miracula Aesculapii, (11) *Concedamus medicum Demonem aliquem curare morbos corporum, qui vocatur Aesculapius*: Et S. Augustinus (12) arti magicæ tribuit mira Apollonii, quando quis velit hæc concedi, quæ ceteroqui inquit alibi (13) *nullo fidei Auctore jactitant*, eodemque modo jam antea loquutus fuerat Eusebius Cæsariensis scribens contra Hieroclem, si

C c

ve-

- (1) Cud. Syst. intellec. c. 4.
- (2) Gen. Inscr. cum annot. Grev. t. 1. pag. 71.
- (3) S. Jus. Apol. 1. n. 30. Et dial. cum Triph. c. 12.
- (4) Arn. l. 1. c. Gent.
- (5) Lac. Div. Inst. l. 5. c. 3.
- (6) S. Aug. Epi. ad Marcellin.

- (7) Mor. Dict. ar. Blount
- (8) Chan. Suppl. an. Dict. du Bayle. art. Blount.
- (9) 1. Reg. c. 5.
- (10) S. Tho. 1. p. q. 114. ar. 4. o.
- (11) Ori. l. 1. c. Cels. n. 123.
- (12) S. Aug. epis. ad Marcellin.
- (13) Id. epis. ad Volusian.

vera esse quæ Philostratus narrat concedamus, non alia tamen ratione, quam Dæmonis auxilio atque opera facta esse constabit.

Revocata igitur significatione miraculi ad definitionem jam stabilitam, quæ negat esse miraculum quicquid creatura suis viribus naturalibus efficiat, jam nulla esse possunt apud Ethnicos ab ipsorum Diis spiritibus nequam miracula, (1) *Sciendum est*, sic S. Thomas, *quod etiamsi Dæmones subito sanarent, non esset miraculum, ex quo id agerent mediante naturali virtute.*

370. Quod si insistent, illa saltem, quæ pro miraculis habebantur apud Ethnicos, similia erant miraculis Christi, & ipsum S. Augustinum fateri (2) *magicis artibus fieri miracula plerumque similia illis, quæ sunt per Servos Dei.* Resp. similia esse prima specie, quam confusa & generica illorum narratio puta cæci, claudi, aut alterius infirmi sanati ingerit, & in hoc sensu loqui S. Augustinum, ut S. Thomas (3) docet: at postquam omnia & singula in particulari quis considerat, & in nullis invenit characteres neque intrinsecos neque extrinsecos miraculi, jam dissimilia dicit, & nullo modo cum miraculis Christi comparanda.

371. Quod pertinet ad miracula Vespasiani imprimis non conveniunt inter se Tacitus & Suetonius. Hic crure debilem, ille manu ægrum dicit sanatum, *Manu ager*, sic Tacitus, *Serapide auctore ut pede ac vestigio Cæsaris calcaretur orabat*, apud Suetonium autem orabat, quia Serapis per quietem ipsi nunciaverat *confirmaturum erus si dignaretur calce contingere.* Deinde ipse Tacitus pro mendaciis habet has narrationes. Alii postea diligentius de iisdem inquirentes, ut Ctespodius (4) plures fraudis characteres in tota hac narratione proferunt, adulationem ex parte Alexandrinorum ad obtinendam vesligialium imminutionem, indulgentiam ad hanc simulationem ex parte Vespasiani ad stabiliendum imperium, quod recenter adierat, mendacia Sacerdotum Serapidis a Ruffino (5) exagitata, qui Imperatori huic fictioni repugnantem ad eandem induxerunt fingentes ipsum Serapidem iussisse ægros illos ab eo sanitatem postulare. Alii ut Menochius (6), & Pichler (7) de præstigiis Dæmonis suspicantur, quatenus organa oculorum, & manus vel cruris ceteroquin integra reliquerit expedita ad suas actiones ad quas Deo permittente antea impedierat, qua ratione sanati proprie non fuerunt nec cæcus nec claudus aut mancus, quasi alter visum jam perditum, alter nervos cruris vel manus jam recisos vel dissolutos recu-

(1) S. Tho. de Poten. q. 6. de Mirac. ar. 1.

(2) S. Au. l. 23. qu.

(3) S. Tho. 1. p. q. 114. ar. 4.

(4) Cla. Rel. revcl. l. 1. 12. 135.

(5) Ruff. Hist. Eccl. l. 2. c. 23.

(6) Men. Struor. p. 2. centu. 4. c. 12.

(7) Pich. Theol. polem. p. 1. controv. 3. ar. 4. 11. 27.

recuperaverint, sed liberati solum ab appositis per ipsum Dæmonem impedimentis. Baronius tandem ad annum Christi septuagesimum primum suadet omnia ex integro conficta fuisse vel studio Apollonii Thyanæi, qui eo tempore Alexandriæ commorabatur, vel malitia Judæorum, qui adulari Vespasiano voluerunt tamquam Messię, qui tunc advenerit, eidem applicando, quæ ex Scripturis noverant prædicta esse de Christo Dn., & quæ viderant contigisse in vero Christo, quem ipsi pro sua perfidia noluerunt recipere. Idem censuit Fleetvvodus apud Trevoltianos (1), & Campbell (2), qui nequitiam Humes ostendit in exaggerandis, & etiam fingendis argumentis, quibus hæc Vespasiani sanationes veræ possint apparere, ut quoniam nemo easdem jam non contemnuit tamquam ridicula commenta facilius persuadeat juxta suum propositum contemptum universalem miraculorum omnium quorumcumque.

372. Sed horum consilium nemo qui sapiat non solum impium, sed etiam stultum jam agnoscit. Nam commemorare hæc Vespasiani miracula est novum argumentum pro veritate miraculorum Christi asserre. Ista enim curiam conficta sunt ab ipso primo Ecclesiæ sæculo, nisi ad elevanda miracula Christi: ergo hæc erant communiter tunc cognita, & admissa ut vera. Eodem modo concluditur Deistas confirmare veritatem de existentia cujusvis miraculorum speciei, quæ a Catholicis pro Religione revelata producuntur, dum credunt eorumdem falsitatem a se demonstrari per ea quæ Gentes apud se similiter narrant contigisse habita jam ab ipsis Christianis pro vanis imaginationibus & erroribus popularibus; Non enim venit in mentem imaginari aut fingere revelationes sanationes apparitiones & alia diversi generis miracula, nisi quia extiterunt vera in singulis miracula. Itaque veræ historiæ plerumque fabulosas præcedunt, & errores populares ex aliqua veritate communiter nasci plures jam observarunt, quos sequitur Bergierius (3).

373. Quod pertinet ad Apollonii miracula, ea vulgo jam reputantur aliqua quidem mera mendacia Philostrati, quibus auctoritatem conciliare conatus est dicens eruta a se esse ex commentariis numquam pervulgatis ignotorum scriptorum Maximi, Metagenis, & Damidis: alia vero esse effectus productos per applicationem caussarum, quas ipse Apollonius Sophista & Medicus noverat, vulgo interea eas ignorante: alia demum esse opera Dæmonum, quæ manifeste ipsorum vim non superabant, cujusmodi fuerunt juxta Anastasium Sinaitam (4) avertere bestias quadrupedes & volucres, quæ possunt homines lædere, & alia quæ sunt ad perniciem & interitum homi-

C c 2

(1) Trev. an. 1703. ar. 189. pag. 2012.

(2) Cam. Diff. on mirac. p. 2. sec. 4.

(3) Ber. Confut. dell' csa. c. 5. n. 3.

(4) Ana. in Bibli. PP.

hominum, quæ non solum in vita ejus per ipsum fecerunt *Damones*, sed etiam post ejus mortem: & juxta Eusebium qui singula percurrit, (1) cuncta illius miracula *Demonis ministerio* fuerunt.

Suffragium Hieroclis Alexandrini nullum est; Nam odio in Christianam Religionem, cui crudeliter indulserat sub Diocletiano, adoptavit tamquam vera, quæ de Apollonio Philostratus annis centum & amplius post ejus mortem finxit; Godfridus enim Olearius in præfatione præmissa Philostrati operibus ex editione Lipsiensi anni 1709 ostendit Apollonium anno Christi 97 obiisse, qui natus dicitur tribus aut quatuor annis ante finem sæculi antecedentis: Philostratum vero Lemnium hominem, ab Eusebio Atheniensem dictum, quia Athenis Rhetor fuit antequam Romam veniret, scripsisse sub Septimio Severo, qui ab anno Christi 193. regnavit usque ad annum 211. Deinde Authores cœvi Apollonio, ut Tacitus, Suetonius, Plinius, Plutarchus, Dion Cassius, aliique quamvis Christiani nominis osiores nullam de prodigiis Apollonii mentionem faciunt.

374. Cudvvorthius Apollonii æstimator præter Eusebium & S. Augustinum supra (n. 369.) citatos habet contra se Lucianum in suo Pseudomante: Photium, (2) qui fabulatorem vocat Philostratum: Zenobium Acciolium, qui eandem adhibet appellationem in epistola dedicata ad Laurentium Medicem suæ versionis e Græco in Latinum Eusebianæ impugnationis jam dictæ: Aldum Manutium, qui in epistola ad citatum Acciolium præmissa suæ editioni Græcæ & Latinæ Philostrati & Eusebii contra Hieroclem, appellat mendacem Philostratum, & temerarium Hieroclem, & vanissimum circulatorum Apollonium: Baronium ad annum Christi sexagesimum octavum, qui cum omni contemptu de Apollonio & Scriptore ejus vitæ Philostrato loquitur, quem imitantur alii Historiæ Ecclesiasticæ auctores: Gulielmum Nicholsum (3), qui copiosius ostendit ficta ea esse a Philostrato, quod ex professo fecerunt etiam Huetius (4), & Buffierius (5) in sua de Apollonio dissertatione, & Ludovicus du Pin in sua de eodem historia, & Carolus Lesleus in Præfatione ad suam *Methodum contra Deistas*, & Clairvalius in sua *Historia Apollonii Thyanaei* convicta de falsitate, cujus epitoma extat apud Trevoltianos (6). Novam contra Cudvvorthium cohortem ducit Morerius (7), cui conjunguntur Michael Medina (8), Jacobus Bru-

(1) Euf. co. Hierocl.

(2) Pho. cod. 449.

(3) Nic A conference vvith. a Theist.

(4) Huc. Dem. Evangel. prop. 9.

(5) Buf. Preuv. de la Relig. diff. 3.

(6) Trev. an. 1707. ar. 122. pag. 1714.

(7) Mor. Diction. ar. Apollonius

(8) Med. Chris. Paræ. l. 1. c. 7.

Bruckerus (1) Antonius Genaensis (2), Creverius (3), Faffonius (4), & Valfecchius (5).

Quod pertinet ad Fleetvvodum, ille de hujusmodi circa Apollonium narrationibus non curavit, quia cum ejus institutum esset oppugnare Deistas, observavit quaecumque de illo fingerentur, ea ipsis non favere, quandoquidem dato etiam, quod vera essent, ex illis inferebatur non jam Deismus, sed Polytheismus; Nam eadem historiae, quae illa referunt, dicunt etiam, Apollonium solitum fuisse sacrificia offerre Diis quibuslibet, quos inveniret coli in iis regionibus, per quas transiret. Simili de causa citatus etiam Lesleus permisit Deistis sentire quicquid libuerit de Apollonio, ejusque vita ac gestis.

375. Restant curationes attributæ Aesculapio in tabula Gruteri. At imprimis quoniam hæ dicuntur contigisse sub Antonino, *populo congratulante quod grandia miracula fierent sub Imperatore nostro Antonino*, dubitari non injuria potest conficta fuisse a Sacerdotibus Aesculapii simili consilio ac illa Vespasiani, ut officerent miraculis, quæ de Christo prædicabantur. Dubitationem confirmat, quod in omnibus legitur intercessisse oraculum, scilicet Sacerdotum responsum, vel fictum aliquod somnium tamquam a Deo immissum, quo jussi fuerunt ægri quædam peragere ad obtinendam sanitatem, quam quærebant. Deinde præter unum cæcum, cum reliqui sanati dicantur post adhibita remedia ab Oraculo præscripta, quæ ibidem referuntur, & videntur satis opportuna, jam ad miracula non pertinent, quemadmodum Arnobius (6) jam observaverat & Aesculapii prædicatoribus exprobravit. Cæci autem illuminatio sine remediis sic narratur in tabula, *Cuidam cæco oraculum edidit, veniret ad sacrum altare, & genua flecteret, a parte dextra veniret ad lavam, & poneret quinque digitos super altare, & elevaret manum, & poneret super proprios oculos. Et recte vidit. Ex qua sola narratione apparet conventio & dolus.*

AR-

- (1) Bru. Hist. Crit. Philos. t. 2.
 (2) Gen. Elem. Metaph. p. 3. c. 5.
 prop. 34.
 (3) Cre. hist. dea Emper. 3. 7. Do-
 mitien.

- (4) Fas. de Mirac. n. 20.
 (5) Val. Fond. d. Relig. l. 2. c. 16. n. 12.
 (6) Arn. l. 1. c. Gent.

ARTICULUS IV.

Objectiones pro prophetiis etiam apud Ethnicos.

376. I. **O**biicitur. Habemus ex Plutarcho in Julio Cæsare, eadem die qua in Thessalia pugnam inierunt exercitus Cæsaris & Pompeii, Patavii C. Corneliū Sacerdotem augurē eam quasi præsens esset in quodam mentis excessu descripsisse, & Cæsaris tandem victoriam enunciaſſe. De hoc vaticinio loquens Gellius dixit, (1) *Ea sacerdotis hariolatio levis tum quidem visa est & vecors, magna mox admirationis fuit.* Et Lucani de eodem sunt hæc:

Augur

Venit summa dies, geritur res maxima, dixit,

Impia concurrunt Pompeii & Cæsaris arma

Extant igitur etiam apud Ethnicos prophetiæ.

Resp. conc. ans. & nego consequ. Prophetia enim est manifestatio rei creaturis occultæ. Hæc autem pugna evidens erat Dæmoni, qui per augurē illam Patavii enunciavit, quamvis in Thessalia acciderit, quia Dæmones juxta S. Augustinum (2) *volatus avium inæ comparabiliter vincunt, & juxta Tertullianum (3) Omnis spiritus ales est. Velocitas divinitas creditur, quia in substantia ignoratur.*

377. II. Obiicitur. S. Augustinus refert prænuntiata Ethnicis per Spiritus nequam (4) *defectum cultura & Idolorum ruinam*: quæ possunt conferri cum prophetiis de sterilitate Aegypti sub Patriarcha Josepho, & de everſione templi Salomonis.

Resp. iniquos esse qui hanc collationem faciant. Nam prophetia Josephi clarissima fuit, & extensa ad multorum annorum seriem, & aliæ, quæ a veris Prophetis habentur in Scriptura, sunt etiam de iis, in quibus nullius creaturæ sagacitas habere poterat locum, utpote quæ post quatuor, quinque, & multo plura quandoque sæcula erant eventura: Prædictiones autem Dæmonum nūquam sunt cum tanta temporis amplitudine, vel sunt de rebus, quæ ipsi cognoscere possunt ex longa rerum experientia observatione & scientia rerum naturalium, vel sunt ambiguae, ut interpretibus suis, quemadmodum ibidem dixit Augustinus, *signorumque suorum conjectoribus culpa tribuatur, quando vel decepti fuerint, vel mentiti.* Exemplo sint responsa data Regibus Croeso & Pyrrho quærentibus de belli quod intentabant eventu: Croeso dictum, *Magnum regnum dissipabis*, in quibus verbis nescias de quo regno sermo sit de tuo ne an de il-

(1) Gel. Noc. Att. l. 15. c. 18.

(2) S. Au. de Divin. Dæm.

(3) Ter. Apolog. c. 12.

(4) S. Au. de Divin. Dæm. c. 6.

illo Cyri, contra quem infelicitè pugnavit: Pyrrho. autem responsum.

Aio te Aeacida Romanos vincere posse, ubi nescias Romanos ne, an Te regatur à vincere.

De ruina autem Idolorum, cum *banc Prophetæ Dei summi*, ut idem Augustinus profequitur, *tanto ante prædixerint*, nulla fuit in Dæmoniis hujus prophetia, sed ejus quam jam noverant mera declaratio.

378. Instant. Celeberrima sunt Oracula Jovis Dodonæi in Chaonia parte Epiri, Jovis Hammonis in Lybia, Apollinis in Delo & Delphis & alibi, Latonæ in Aegypto, quod Sebenniticum oraculum vocabatur, & alia permulta erudite collecta & declarata a Musardo in sua *Historia Deorum Fatidicorum Vatum Sybillarum Phœbadum apud præfatos illustrium*, Coloniz Allobrogum edita anno 1575, a quibus Ethnicis expetebant, & plerumque obtinebant prophetias, responsa scilicet de rebus ab humana cognitione prorsus remotis.

Resp. & imprimis dico existentiam hujusmodi oraculorum non esse sine controversia; Nam non defuerunt ipsis Ethnicorum temporibus, qui de illis riderent tamquam de vulgi erroribus, quos Sacerdotes utpote sibi quæstuosos per quascumque fraudes conservabant & augebant, & ad faciliorem populi moderationem Magistratus fovebant. Testis est Eusebius Peripateticos, Cynicos, & Epicureos (1) *qua passim iactabantur oracula, quæque omnium concursu populorum vaticinia celebrabantur, ea non modo vanitatis coarguisse, sed etiam exitii potius quam utilitatis ullius causas esse demonstrasse.* Hanc sententiam tenet inter alios Jaquelotius (2).

379. Sed demus saltem aliqua extitisse olim oracula, quoniam notæ sunt veterum aliquorum querelæ de Oraculorum silentio, adveniente luce Evangelii, quales sunt Lucani (3).

Non ulla sæcula dono

Nostra carent majore Deum, quam Delphica sedes

Quod fileat:

& Juvenalis, (4) *Delphis oracula silent: & Strabonis, (5) Oraculum Hammonis pene desertum est, quod antea honorabatur, & Plutarchi in libro, De defectu Oraculorum, ubi hujus causam inquirens inter alias dubitanter propositas illam refert de morte Geniorum, qui oracula edebant. Atque jam dico facile potuisse ex ipsa hujusmodi oraculorum natura cognosci respondentis Diaboli ignorantia. Quoties enim rogaretur de rebus contingentibus, in quibus connexio aliqua immi-*

see-

(1) Euf. Præp. l. 4. c. 1.

(4) Juv. Saty. 5.

(2) Jaq. Exist. de Dieu. Dis. 4. c. 8.

(5) Stra. Geog. l. 11.

(3) Luc. Phars. l. 5.

ſceretur cum actibus ab alicujus libertate dependentibus, flexiloqua erant reſponſa. Abundat enim Diabolus non ſolum nequitia, ſed etiam calliditate, qua evitaret nequis unquam ipſum mendacii aut deceptionis accuſaret. Confidentia in affirmationibus de hujusmodi futuris propria eſt imprudentium & audacium, ejuſque exemplum habemus in J. J. Rouſſeau, qui (1) æternam Moſcorum barbariem, & neſcio quæ præclara Corſorum facinora (2) quibus Europa obſtupeſceret, affirmate prædixit in ſuo *Contractu Sociali*; quem circa annum 1760 conſuebat ex principiis abſurdis & contradicitoriis conſequentiis, ut oſtendit Bergierius (3), & quem horreat etiam Mahometanus propter apertas in Jeſum Chriſtum contumelias, quem cetero qui alibi (4) pluſquam hominem concluſit cognosci ex ſola historia ejus vitæ & doctrinæ qualis legitur in Evangeliiis libris ipſomet ſatente Divinam inſpirationem præſeferentibus.

380. Itaque decantata oracula pro veris ineptiis habenda ſunt cum Tullio, cujus hæc ſunt, (5) *Authoritatem nullam debemus, nec fidem commentitiis rebus adiungere: eodemque modo nec ego Publicio neſcio cui, nec Martii vatibus, nec Apollinis operis credendum exiſtimo: quorum partim ficta aperte, partim effutita temere, nunquam ne mediocri cuiquam non modo prudenti probata ſunt.* De Chryſippi collecti-one oraculorum inferius dixit, (6) *Oraculis Chryſippus totum volumen implevit partim falſis, ut ego opinor: partim caſu veris, ut ſit in omni oratione ſepiſſime: partim flexiloquis & obſcuris, ut interpres egeat interprete, & ſors ipſa referenda ſit ad ſortes: partim ambiguis, & quæ ad Dialecticem referenda ſint.* Legi autem poteſt S. Auguſtinus De divinatione Daemonum, ubi percurrit diverſas fraudes, quibus hi incautis imponere ſolent a ſe futura prævideri.

ARTICULUS V.

Obiectiones pro martyribus miraculis fortitudinis in quavis religione.

381. **O**biicitur. Si pro miraculis habenda ſint martyria, quæ pro Catholicae religionis profeſſione fortiter tolerata dicuntur, ſimilia habentur pro quavis religione non catholica. Religionem enim a Catholica diſſentientem profeſſi ſunt Montaniſtæ, quorum tamen aliqui in flammæ ſe conjecerunt pro ſua hæreſi, & quotquot ſæculo decimo ſeptimo & decimo octavo maluerunt exilium carcerem & alia mala tolerare pro tuendis erroribus ab Eccleſia ca-

(1) Rou. Cont. l. 2. c. 5.

(2) Ibid. c. 10.

(3) Ber. Deism. reſu. Lett. 9.

(4) Rou. Emile. to. 3.

(5) Tul. de Divin. l. 2. n. 113.

(6) Ibid. n. 115.

catholica damnatis in Calvino & Jansenio Ipreſi, quorum multitudinem exhibent quatuor tomi operis Gallici, quod inſcribitur *Necrologium clariorum deſenſorum & confeſſorum veritatis* editum anno 1760 & ſequentibus, quod ipſius auctor anonymus in nota ad præſationem tomi ſecundi dicit, Martyrologium inſcribi potuiſſe. Quin immo ipſe Mahumetiſmus ſuos proſert martyres in iis, qui parati dicuntur ad ſe ipſos pro illo occidendos, & ſuos etiam jaſtat Atheiſmus; Elapſo enim ſaeculo Apulienſis quidam Vaninus baptizatus ſub Lucilii nomine, ut reſert Leibnitius (1), ſed qui ſibi deinde illud Julii Caſaris ex vanitate aſſumpſit cognitus ex ſuo *Amphitheatro Divinae Providentiae* Lugduni edito ann. 1615, & ex quibuſdam dialogis, ſuſtinuit carcerem Londini, exilium Lugduni, & Pariſiis, & ſupplicium tandem Tolofae ex illius Senatus ſententia annos natus 30 tanta fortitudine & tranquillitate, ut Bayles ipſum appellaverit (2) *inclitum Atheiſmi martyrem*.

382. Reſp. *nego aſſumptum*. Imprimis enim ſola Chriſtiana Religio habet martyres pro meris factis cujuſmodi ſunt miracula Chriſti, & in his ipſius reſurrectio, & ejus doctrina ab eo audita, & mandatum ab eo acceptum de ejus promulgatione, quod plane evincit haec omnia fuiſſe vera & non imaginaria neque commentitia. Atque hi martyres fuerunt Apoſtoli, & alii Chriſti diſcipuli bene multi, qui ſacto ipſo profeſſi ſunt, quod Petrus & Joannes jam dixerant Jadæorum concilio, quando ipſis prohibuit loqui de Chriſto, (3) *Non poſſumus quæ vidimus & audivimus non loqui*. Aliae religiones ad ſummum habent aliquos qui pro ſuo quodam dogmate tuendo, non vero pro ullo ſacto conſtanter pugnaverint citra tamen tormenta & periculum vitæ, quod plerumque noverunt tempeſtively effugere. Viſ reſponſionis major etiam evadit ſi univerſaliſ dicatur, quod verum eſt nullum unquam extitiſſe, qui pro tuenda veritate alicujus hitoriae præter Evangelicam, quam ſcripſerit vel narraverit, cruciari ſe permiſerit & etiam occidi.

383. Deinde martyria Chriſtianorum præſeferunt conſtantiam in tormentis conjunctam cum pietate in Deum, & Jeſum Chriſtum, cui cognoſcebant ſe hoc modo obſequium præſtare, ex qua naſcebantur patientia, quam non vincebant quævis exquiſita ſupplicia, hilaritas in cruciatibus palam ſe manifeſtans in frontis ſerenitate, in placidis verbis, in eloquenti prædicatione Chriſti & ejus laudibus plenis ſapientia & religione, & certa expectatio felicitatis brevi futurae in ſempiternum. Multa etiam ex his martyriis decorata erant miraculis præclariffimis, in quibus fundatur frequens apud Paganos ca-

D d

(1) Lei. Theodic. not. ad King. n. 24.

(2) Act. c. 4. v. 20.

(3) Ba. Penſe, diver. n. 182.

lumnia de Magia Christianorum. In hominibus autem, si qui sunt qui pro aliis religionibus certo falsis tuendis cruciatus & mortem subeant, dicant quidnam observatum fuerit, quod eorum sanctitatem argueret, & ad honorem Dei excitaret?

384. Quod de Vanino Bayles olim vel delusus vel alio modo errans scripserat, deinde retractavit (1). Constat enim ipsum instar bovis ad lanienam pertracti obiiisse plenum furore & desperatione, ut distinctius docebunt vel Trevoltiani (2) loquentes de ejus vita scripta a Mauritio Schramm, vel Jo. Clericus loquens (3) de posteriori ejusdem vitæ scriptore Durand, vel Antoninus Valsecchi (4). qui citat Bartholemaum Gramondum, virum gravissimum, auctorem historiae cujusdam gallicae, qui de visu testatur impium hunc diram mortem obiiisse, in eaque Atheum se non theoreticum sed practicum comprobasse.

385. Præterea Christiani tormenta & mortem sustinuerunt sequenti rationes dignas homine sanæ mentis & veritatis amante, cujus modi sunt omnia pervulgata credibilitatis argumenta. At quis non videt quotquot producantur pro falsa Religione aliquid passi, fuisse huc perductos non ex amore & persuasione veritatis, quæ locum non habent, ubi deficiunt omnino rationes, quæ sanam mentem moveant, sed ex vera in hoc ipsorum amentia, quæ consistit vel in præpostero studio comparandi sibi celebritatem nominis vel in vana sui ingenii & doctrinæ exultatione supra illam aliorum, vel in odio concepto contra sibi contradicentes, vel in alia damnabili cupiditate. Tales fuerunt, qui ex Montanistis dicuntur maluisse se in ignem conicere, quam suam hæresim abiurare, & qui ex Mahumeranis parati describuntur ad se suis manibus necandos in testimonium suæ religionis, & qui a citato laudantur necrologio, quod furor contra Sedem Apostolicam concepit, & fabulis mendaciis & calumniis confectum in lucem emisit nescias ubi sine ullo Authoris nomine, & sine ulla neque civili neque ecclesiastica approbatione.

386. Tandem Christianorum martyria quis numeret? præferatim quando pagani Imperatores, ut rapidam Christianæ Fidei propagationem saltem cohiberent, quæ urbes vicos campos senatum castra regiam, omnia demum loca occupabat præter Idolorum templa, ut aiebat Tertullianus (5) immanc consilium susceperunt necandi quotquot invenirentur Christiani, quod perficere diu tentarunt

(1) Id. Entr. de Max. & de Them.

(2) Trc. an. 1711. ar. 42. pag. 380.

(3) Cle. Bib. antiq. & med. to. 2. p. 1. ar. 6.

(4) Val. Fond. de la Relig. l. 2. c. 19. n. 8. Et l. 3. p. 1. c. 9. n. 4.

(5) Ter. Apolog.

runt innumeris ubique caesis ex omni ordine gradu aetate & sexu. Quid his simile opponi potest ex falsis religionibus?

387. Boulangerus nugatur, dum apud Bergierum (1) dicit autum fuisse persecutionibus numerum Christianorum & Martyrum, quia commoveri solet animus hominum aspectu supplicii, cui quis jure vel injuria subiaceat, & quia furor quidam qui aliquos tunc invaluit in favorem Christianorum, quos videbant pro sua secta cruciari & necari, contagione quadam novos Christianissimi defensores procreavit. At quod fatetur volens nolens evenisse in propugnatione sanctæ in Christum fidei, debuit cognoscere esse prorsus singulare & divinum. Religio enim pagana sere ad nihilum redacta fuit in toto Romano imperio licet radices haberet robustissimas in præiudiciis suæ antiquitatis, educationis, splendoris sacrificiorum, templorum & spectaculorum, quæ inter sacra numerabantur, & amplissimæ indulgentiæ in pravas hominum inclinationes, simul ac primus inter imperatores Constantinus Magnus ab illa se abhorreere ostendit, & deinde Constans & Constantius ejus filii sub poena mortis sacrilega Idolis sacrificia offerri vetuerunt: Et quamvis postea Julianus Apostata assequutus imperium eam ad pristinam quasi dignitatem revocare studuerit exemplo suo & concionibus per se habitis ad populum & senatum. nihilominus jacentem semper vidit, ut constat ex suis epistolis, in quibus queritur de desertis Deorum templis, neglectisque eorum festis & omissis sacrificiis. Multo autem magis nugatur, dum fingit non videre se quid (2) differant a martyribus, qui tormenta & mortem etiam passi sunt pro professione Religionis Judaicæ apud Christianos vel alias gentes, quæ hanc non tolerant. Nam differunt tantum, quantum sacrilegi a sanctis. Supplicia enim pro Judaismo non infliguntur nisi vel propter simulationem Christianæ Religionis coram populo & privatam ejusdem irriptionem, vel propter execrandam apostasiam. Scilicet hoc deerat ad impietatem omni ex parte cumulatam, ut cum Sanctis Martyribus compararentur & confunderentur, qui propter constatum sibi vitulum aureum in Deum Divino jussu (3) gladio percussi interierunt.

388. Instant increduli. Numerus martyrum Christianorum non est tantus, quantus vulgo creditur. Nam alii sunt prorsus fabulosi, alii incerti, alii cruciati quidem aut occisi cum essent Christiani, non tamen tam crudeliter quantum in vulgus sparsum est ab ignorantibus, sed propter ipsorum crimina sive vera sive falsa contra Reip. quietem, vel propter imprudentem audaciam, qua palam Idola

D d 2

con-

(1) Ber. Apolog. c. 3. n. 16.

(2) Exod. c. 31. v. 27.

(3) Ibid. c. 6. n. 18.

contemnebant, & ipsos aliquando Magistratus de suis contra Christianos legibus coram reprehendebant. Hanc instantiam primas protulit Henricus Dodwellus in undecima ex suis *Dissertationibus Cyprianicis* Oxonii editis ann. 1684, quam etiam Theodoricus Ruinart profligaverit in sua *praefatione in Acta Martyrum*, attamen Incredible quotidie iterum obtrudunt.

Resp. *nego assumptum*, quod cum contendunt modo jam obiecto suadere, nihil aliud obtinent apud eos qui recurrunt ad Auctores coævos, non solum illos a quibus acta Martyrum habemus, sed etiam paganos, quam indicare amplissimam viam, qua quivis cognoscat incredibilem ipsorum contra Christianam religionem furor, quo ad calumnias mendacia contradictiones & omnem impietatem rapiuntur, ut videre est apud Nonnotem (1), qui ex his aliqua patefecit. Equidem omitam dicere quid de crudelitate contra Christianos, & de multitudine eorum, qui unice propter Christianam religionem occisi fuerunt sub primis Ecclesiæ sæculis scriptum nobis reliquerint ejusdem temporis Sancti, Ignatius Clemens Polycarpus, & plures Christiani Apologistæ & Historici, quos dabant Catalogi Cronologici Auctorum Ecclesiasticorum, & solum asseram aliquorum paganorum testimonia.

389. Itaque pro primo sæculo occurrit Tacitus (2), qui refert Neronis iussu multitudinem ingentem Christianorum, in quibus nulum crimen inventum fuit, sed solum vulgi & magistratuum in ipsos odium, *quasitissimis poenis* trucidatam ut extirparetur hæc ipsorum Religio, quam omni prætermisso examine modis omnibus extirpandam credebant, quia Idololatriam quamvis aperte absurdam & detestabilem ipsa reiiciebat, & quia etiam si alias fuerit repressa, adhuc tamen vigeat & augebatur. Cui consentiunt Suetonius (3), Seneca (4), & Juvenalis (5). Pro martyribus secundi sæculi extat epistola junioris Plinii (6) Bithyniæ Proconsulis ad Trajanum Imperatorem huiusque ad ipsum responsio. ex quibus novimus damnatos fuisse ad mortem, quotquot accusati de adoratione Jesu Christi tamquam Dei eidem non renunciarent, & Romæ deferendos qui ex illis essent cives Romani, etiam si nullum aliud ipsis crimen imputaretur, & nullius confessio ne per supplicia quidem adhibita ab ipsis extorqueretur, quin immo pietas caritas & iustitia in eisdem resplenderent. Lex igitur tunc vigeat prohibens sub poena mortis Christiani professionem, quæ si tot cædes attulit in Bithynia, quam Plinius sub Trajano moderabatur, quis dubitet multo plures attulisse

in

(1) Non. Diæ. art. *Martyres*.(2) Tac. *Annal.* l. 13.(3) *Suc. in Neron.*(4) *Sen. Epist.* 14.(5) *Juv. Satyr.* 1.(6) *Plin. l. 10. epist.* 97. & 98.

in aliis Imperii regionibus, quibus præerant magistratus indolis severioris præsertim sub Imperatoribus minus ad humanitatem compositis. Pliniana hæc monumenta demonstrant fatuitatem impii Dictionarii philosophici, quod apud Bergierum (1) impugnationem multitudinis martyrum aggreditur a damnatione ad bestias, S. Ignatii Episcopi Antiocheni sub Trajano duobus annis post commemoratas epistolas, quam negat inflictam fuisse propter Christianam Religionem, quia sub clementissimo Trajano nullus Christianus Romæ suæ religionis causâ occidebatur.

390. De numero martyrum tertii sæculi extant apud Origenem (2) quæ Celsus scribens contra Christianos dicit de tormentis, quibus juxta leges Romanas ubique Christiani afficiebantur, antequam extremo plecterentur supplicio. Atque huc etiam spectant, quæ sæculo proximo Libanius apud Fabricium (3) scribebat in laudem Juliani Apostatæ, quod contra expectationem Christianorum abstinerit ab usitatis antea in ipsos suppliciis. Sola Diocletiani ætas, quam Celsus antecessit, tanta abundavit Christianorum strage, ut ætas Martyrum communiter appelletur, propterea quod in ipsos per decennium conspiraverunt Diocletianus & Maximianus Hercules, ejus in imperio collega, & Galerius, quem Cæsarem creaverat. Hinc iterum cognosci potest pessima indoles heiterni Auctoris Dictionarii modo citati, qui audent ignorantes vocare quotquot Diocletianum numerant inter Christianorum persecutores, ejusque imperium ætatem Martyrum appellant.

391. Instat iterum Freretus. Saltem gratis & etiam falso martyres dicuntur omnes Apostoli; Nam martyrium constat solum de S. Jacobo Zebedæi ex Actis Apostolorum (4), & de SS. Petro & Paulo ex S. Clemente, & ex Eusebio de S. Jacobo Alphæi, quem S. Lucas (5) vocat minorem, quia junior erat altero ejusdem nominis Apostolo, non vero de reliquis ex consensu sapientiorum Criticorum: Et habemus Heracleonem, qui affirmat aliquos naturali extinguitos morte.

Resp. cum Bergierio (6) *Nego assumptum*. Pro martyrio enim omnium Apostolorum habemus receptam communiter traditionem, & autoritatem aliquorum ex antiquis Patribus, ut Polycarpi in sua ad Philippenfes epistola, & Clementis Alexandrini (7), qui Apostolos universim pro Christo passos affirmat. Critici, qui increduli adeoque impudentes & insipientes non sint, his non contradicent
exclu-

(1) Ber. Apol. p. 4. art. Christianisme

(2) Ori. c. Cels. l. 1. n. 1 & 41. Et l. 2. n. 18. Et l. 6. n. 4. Et l. 8.

(3) Fab. Biblioth. Græc. to. 7.

(4) Act. c. 12. v. 2.

(5) Luc. c. 15. v. 40.

(6) Ber. Confut. p. 1. c. 3. n. 7.

(7) S. Cle. Strom. l. 4. c. 5.

excludendo a singulis martyrium, sed solum certitudinem æqualem de qualitate ipsius. Hoc credo comperiet, qui tales Criticos consulat, quales sunt Agiographi Bollandistæ. Heracleonis autem obiectum testimonium utpote auctoris secundi sæculi & hæretici Valentini est prorsus importunum & ineptum.

ARTICULUS VI.

Obiectiones pro aliis miraculis apud Ethnicos similibus illis utriusque Testamenti.

392. I. **O**biicitur ab impio Dictionario philosophico, & a Frereto apud Bergierum (1). Etiam Ethnici ex testimonio Plutarchi Luciani & Damascii eiiciebant Dæmonia. Hinc nullum eorum novimus ad Christianismum accessisse, propterea quod viderit Dæmonia a Christianis expelli. Cujus ratio fortasse est, vel quia ipsi noverant ex propria experientia intercedere in his eventibus pactum quoddam inter homines fraudulentos & mendaces, quorum unus exorcistæ alter exorcizati manus susciperet, vel quod verius dicitur, quia certo sciebant effectus qui Dæmonum obsessionibus seu possessionibus tribuebantur non esse nisi a particularibus morbis, vel a delirante imaginatione, quemadmodum veteres medici Hippocrates & Possidonius docuerunt, cum quibus sentiunt alii recentiores.

Resp. *dist. assumptum*. Ethnici eiiciebant aliqua Dæmonia in aliquibus circumstantiis, *omitto*: eiiciebant quæcumque & in quibuslibet circumstantiis, *nego*. Illa ad summum videbantur expellere, quæ ipsimet suis incantationibus advocaverant, quin ulla interesset circumstantia, per quam induceretur in adstantibus persuasio de licito cultu Dæmoniorum, vel alio circa aut contra veram religionem errore. Authores citati ubi ea dicant, quoniam non significat, alii viderint an non ita loquantur, ut dubitationem saltem suam ostendant de fraudibus in his eventibus ex parte sacrificulorum ad retinendos populos in Idolorum sacrilega veneratione ipsis proficua, quam videbant in dies deficere propter hanc etiam causam, expulsionem Dæmoniorum, quam Christiani passim perficiebant, ut plures Patres de visu testes referunt, inter quos est S. Irenæus (2), qui expresse dicit nomen suum Christo datum ab iis, qui in nomine Christi a Dæmoniis liberabantur, cujus testimonium cum ipse Freretus attulerit, jam non solum nulla est confirmatio, quam pro suo

(1) Ber- Apol. p. 4. ar. Christianism.
pag. 209. Et Confut. dell'efam. c. 5.

(2) S. Ir. l. 2. c. 17. n. 4.

suo assumpto proposuit, sed jure subiicitur reprehensioni, quam ipsi intentat Bergierius, de contradictione, vel si inavis de oblivione nimis probrosa in scriptore præsertim dum hæc accidit in eodem sermone.

393. Quod additur de fraude ex conventionē, non potest habere locum in Dæmoniacis, de quibus Sacræ Literæ, & auctores doctrina ingenio sagacitate & etiam sanctitate præclari meminerunt. Quod tandem pertinet ad veterum medicorum auctoritatem, quis de illa sollicitus sit contra evidentiam & auctoritatem aliorum medicorum etiam recentiorum, qui etsi moneant non esse facile credendum energumēnos esse quos tales vulgus aliquando existimat, atamen fatentur imprimis de Fide Divina esse illos primis, Ecclesiæ temporibus frequentes fuisse, quia eorum liberatio fuerat a Christo Dno constituta inter argumenta sensibilia veritatis evangelii, quam volebat ubique propagatam: Deinde tales etiam esse his temporibus statuunt, qui per aera rapiantur nulla visibili arte, aut lingua loquantur quam numquam didicerint vel fortasse numquam audierunt, apte respondentes iis, de quibus interrogentur, aut alia in ipsis deprehendantur hujus Dæmoniacæ invasionis signa, quæ Patres & Ecclesiæ Doctores jam adverterunt, & determinarunt.

394. II. Obiicitur. Historiæ Ethnicorum referunt teste S. Augustino, (1) *in quadam Campaniæ lata planicie auditi primum ingentes fragores, moxque visas a multis per aliquot dies duas acies præliari*. Et (2) *Boves locutos, & infantes nondum natos de uteris matrum quadam verba clamasse*. Alia plura dabunt Ti. Livius, Valerius Maximus, Pausanias, Marius Maximus, aliique Veteres. Sed hæc similia sunt præliis in aere visis, quæ narrantur in libris Machabæorum, & Asinæ Balaam, quæ ipsum est alloquuta, & Jo. Baptistæ, qui exultavit in utero ad adventum Deiparæ: ergo.

Resp. *conc. mai. & dist. min.* Similia sunt confuse cognita, & primo ut ita dicam aspectu *conc. min.* secus *nego*. Redit enim argumentatio paulo ante facta, quod in hujusmodi factis nemo prudens agnoscat characteres neque intrinsecos neque extrinsecos veri miraculi. S. Augustinus referens visa prælia, quæ obiciuntur, ea tribuit malignis Spiritibus, qui ea fecerint ad erigendos animos Romanorum adhuc refugientes bellum civile tamquam maximum scelus hominibus & Diis detestabile per exemplum belli quod inter se ipsi met Diis habebant; Nam *sc.* inquit, *inter se numina pugnarunt, jam bella civilia excusantur humana*. Idem dicitur de verbis prolatis a bovis & foetibus, quod fuerint ex fraude spirituum nequam, si quis contendat non esse neque fabulas, neque somnia; Nullus enim

ap-

(1) S. Aug. de Civ. l. 2. c. 25.

(2) Id. ibid. l. 3. c. 3.

apparet in illis finis nisi perturbandi homines, iisque per hæc ter-
cula nocendi. Quid plura? ipsimet Ethnici scriptores observant
destitui hæc facta opportuno credibilitatis fundamento. Titus Livius
dum ea & alia multa in diversis locis a veteribus credita & nuntiata
prodigia refert, vel aperte dicit esse poeticas fabulas (1), vel esse
commenta (2) hominum simplicium, aut (3) superstitionum.
Cicero Quinto fratri suo qui aliqua ex his commemoraverat respon-
dit, *nihil est in Philosophia commentitii fabulis loci*. Valerius Ma-
ximus plura ex narratis a Livio repetens concludit, (4) *horum fidem*
auctores vindicent: Et quæ de Hadriano enarrat miracula Marius
Maximus, apud eundem dicuntur *facta per simulationem*, quam
exacte exponit Huetius (5).

395. III. Obiicitur. In libris Machabæorum Antiochus dicitur
misere periisse ob expilatum templum Hebræorum (6), & Helio-
dorus simile quid aggrediens (7) *detrusus in terram, ac multa caligi-
ne circumfusus*: quibus simile est quod Lactantius (8) de Pyrrho Epi-
rotarum Rege memorat naufragium fecisse post spoliatum Proserpi-
næ Locrensis templum in proximo litore: & quod Justinus (9) &
Pausanias (10) dicunt de clade exercitus Gallorum, quam tribuunt
vindictæ Delphici numinis, quod ipsius templum tentaverint de-
prædare.

At quænam fingitur similitudo, ubi evidens est dissimilitudo?
Naufragia contingebant etiam navibus, quæ munera Idolis obtule-
rant, & clades illa a Strabone (11), & Athenæo (12) dicitur accidisse
propter ipsorum dissensionem, postquam Delphis discesserunt.

396. Instant. Similitudo cum allato Heliodori exemplo habetur
saltem in quibusdam Alexandri militibus, quos Valerius Maxi-
mus (13), & citatus Lactantius referunt fuisse excæcatos, quando
nescio quod templum Mileti in Jonia volebant expilare.

Resp. quando in hoc velit quis veram historiam contineri, quæ
ceteroqui non habet auctoritatem ineluctabilem, dabo cum Lessio (14)
haberi verum miraculum, sed a Deo, & quidem punitionis, quod
in eo consistit, quod Diabolo permiserit exercitium suæ naturalis
potestatis nocendi hominibus in vindictam illorum Idololatriæ, cui
servebant contra conscientiam, cum lumen rationis ostendat in hoc
haberi scelus omnium maxime execrabile. Quare hæc, & his simi-

(1) Liv. in proemio,

(2) Id. Hist. l. 24. c. 10.

(3) Id. Ibid. l. 29. c. 12.

(4) Val. l. 1.

(5) Huc. Dem. Evang. propos. 9. c. 39.

(6) Mach. l. 1. c. 7.

(7) Ibid. l. 2. c. 3. v. 27.

(8) Lac. Divin. Instit. l. 2. c. 8.

(9) Jus. Hist. l. 24. c. 6.

(10) Paul. l. 6.

(11) Stra. Geogr. l. 9.

(12) Ath. l. 5. c. 5.

(13) Val. l. 1. c. 2.

(14) Less. de Providen. n. 164.

similia minus bene dicuntur miracula apud Ethnicos, cum proprie dicenda sint contra Ethnicos pro ipsorum sceleribus ab ipsa lege naturali damnatis, qualia multa sunt in Sacris Literis, eaque bene opponas illis, quæ juxta S. Thomam (1) iisdem Ethnicis potuerunt accidere in præmium aut commendationem alicujus virtutis.

PROPOSITIO IV.

Multa quovis tempore in Ecclesia Catholica existunt miracula.

297. **P**ropositio est speciatim contra Sectarios, qui omnia miracula, quæ non sunt in Sacra Scriptura pernegant, nulla statuentes nunc fieri miracula, eaque quæ a Catholicis celebrantur, dicunt esse vel figmenta vel præstigia malorum sive hominum sive spirituum. Sic Calvinistæ, quos confutat Richeome (2) sequuti suum ducein, qui in ipsa Epistola dedicatoria suarum Institutionum Catholicos vocat mirabiliarios, nomen a S. Augustino excusum pro Donatistis. Sic Lutherani, inter quos est Fridericus Garmannus in quadam dissertatione de Miraculis præfixa suo *De Miraculis mortuorum* commentario, ex quibusvis historiis & fabulis contexto, ut vere jam observarunt Trevoltiani (3). Sic Centuriatores Magdeburgenses, in quibus Matthias Flaccus Illyricus primas tenuit, qui in sua Historia Ecclesiastica, quam anno 1559 ad impugnandam Ecclesiam Catholicam edere incoeperunt, narrantes in singulis undecim primis sæculis ad caput decimum sextum plura miracula pro diversis Fidei Catholicæ articulis, a quibus hæretice dissentiant, eadem repudiant tamquam hallucinationes aut mendacia aut incantationes. Sic recentius Fleetwoodus, & Vernerus apud Trevoltianos (4). Sic qui ab iisdem (5) ostenditur Logica & bona fide carens Phileleutherus Helvetius in suo de Miraculis libello Edimburgi iterum edito anno 1755. Sic alii Angli, contra quos apud eosdem (6) habetur doctus Commentarius. Sic tandem unanimiter Increduli nostræ ætatis. Qui in hac re legerit unius dictionaria in impio Dictionario Philosophico ex professo refutata a Nonnote (7), omnium jam erit abunde conscius.

E c

AR-

(1) 1. Th. qu. disp. de poten. q. 6. ar. 5.

(2) Rich. Discou. des. Mirac. operum
-om. 1. pag. 1.

(3) Trev. an. 1712. ar. 12. pag. 35.

(4) Trev. an. 1702. ar. 189. pag. 1997.

(5) Ibid. an. 1756. ar. 4. pag. 1039.

(6) Ibid. an. 1751. ar. 55. pag. 1048.

(7) Non. Diet. phil. ar. Mirac. Entret. 4.

ARTICULUS I.

Argumenta a priori pro propositione.

398. I. **P** Robatur. Idem Spiritus Sanctus, qui in Sacris Literis affirmavit miracula patrata a Christo & Apostolis, affirmat Christum dixisse, (1) *Amen amen dico vobis, qui credit in me opera, quæ ego facio & ipse faciet, & majora horum faciet*: eundemque jam jam ascensurum ad Cælos testatum fuisse, (2) *signa eos, qui crediderint, sequentur*, quæ ibidem numerantur, & quæ consonant illi quod olim scriptum fuerat (3) *Non confundetur populus meus in æternum: Et erit post hæc: Effundam spiritum meum super omnem carnem, & prophetabunt filii vestri & filie vestre, & dabo prodigia in Cælo & in Terra*: ergo si certa sunt miracula in promulgatione Legis Mosaicæ, & Legis Christianæ facta quia in Sacris Literis sunt, certum est etiam alia deinceps fore in Ecclesia Jesu Christi miracula, quia in iisdem Sacris Literis ita fore dicitur.

399. Porro verba illa Christi Dni *majora horum faciet*, etiam si S. Augustinus dicat nihil esse, quod cogat ea intelligere de omnibus a Christo in vita mortali patratiss miraculis, quia *horum* forte dixit, quæ tunc faciebat, nihilominus communius Patres & Interpretes apud Cornelium a Lapide, & Benedictum Plazzam (4), quos sequitur Auctor epistolæ de miraculis ad Trevoltianos datæ, & ab ipsis insertæ in suis monumentis (5), intelligunt de omnibus universaliter sumptis, contenduntque ibi a Christo Domino prædici miracula per Apostolos facienda fore absolute majora iis, quæ ipse in terris fecerat; Neque enim hoc officit gloriæ Christi, quin immo eandem promovet & illustrat, siquidem cum in ipsius nomine ea efficerent, prout ab ipso instructi fuerant (6), jam demonstrabant Divinam Jesu Christi dignitatem. Atque veritatem prædicationis dicunt manifestam esse tum ex majori fortasse miraculorum numero, quæ per Apostolos facta fuerunt, tum ex aliquorum qualitate magis insigni & prorsus inaudita, quorum utrumque concluditur ex tot tantisque Gentibus per Apostolos ad Christianam Religionem perductis; Nam (7) *plures*, inquit S. Augustinus, *Apostolis, quam ipse per os proprium prædicante Domino crediderunt* omnis gradus ætatis & sexus homines, qui fidem etiam semel susceptam palam professi sunt in-

(1) Joa. c. 14. v. 12.

(2) Mar. c. 16. v. 17.

(3) Joc. c. 2. v. 27.

(4) Pla. Christia. Devot. pa. 1. c. 12.

(5) Trev. an. 1751. ar. 54. pag. 1054.

(6) Mar. c. 16. v. 17.

(7) S. Aug. tr. 72. in Ioan.

invitis Magistratibus usque ad sanguinis effusionem, & barbaram mortem iisdem propterea illatam, cum interea ad Christi prædicationem multi quidem de populo in ipsum aperte crediderunt, sed de nobilibus & doctis non ita multi. Saltem Scriptura in his non commemorat nisi Centurionem cujus (1) servum, & Regulum cujus (2) filium sanavit, & Jairum principem synagogæ, cujus filiam (3) a mortuis excitavit. De cæteris autem sic scriptum est, (4) *ex principibus multi crediderunt in eum, sed propter Phariseos non confitebantur* ... *dilexerunt enim gloriam hominum magis, quam gloriam Dei*: Et nominatim de Nicodemo (5) principe Judæorum, & de Josepho ab Arimathæa, nobili (6) decurione, & (7) divite palam est ex Evangelio (8) occultos dumtaxat fuisse discipulos propter metum Judæorum.

400. Sed qualitas miraculorum prorsus insignis enituit in Apostolis, quando tot linguarum peritiam ostenderunt prædicantes propria singularum gentium lingua: Et quando delatis (9) *super languidos a corpore Pauli sudariis & semicinctiis recedebant ab eis languores, & Spiritus nequam egrediebantur*: ubi videas reliquiarum usum ab ipso Christianismi ortu Divina miraculorum approbatione venerabilem propter rationem supra jam (n. 284.) allatam ad condemnationem eorum, qui cum Calvino apud Maldonatam (10) ipsam habent pro superstitione: Et quando ipsa terra, in qua recondita post mortem fuerunt ipsorum corpora sicut etiam illa aliorum Sanctorum efficax inventa fuit ad moribundos ipsos sanandos. Quare dixit S. Jo. Chrysostomus, (11) *quod pulverem immortalem in sepulcris reliquerint.* & S. Gregorius Nissenus (12) *pro munere pulvis accipitur, & tamquam res magni pretii terra thesauro reponitur.*

401. II. Probatur Christus Dn. in eodem contextu apud S. Marcum (13) mandavit Apostolis prædicare, & promisit miracula pro iis, qui credidissent: sed mandatum Christi de prædicatione ita factum fuit Apostolis, ut eorum nomine mandaverit idem illorum successoribus, quod ipsi Sectarii fatentur, & apertissime etiam significavit Christus addens immediate illi mandato, (14) *Ecce ego vobiscum sum usque ad consumationem sæculi*, quod non potest intelligi dictum pro solis Apostolis, sed pro illorum etiam successoribus in munere prædicandi: ergo etiam promissio miraculorum pro iis,

E c 2

qui

(1) Matt. c. 8.

(2) Joa. c. 4. v. 46.

(3) Luc. c. 8. v. 41.

(4) Joa. c. 12. v. 42.

(5) Ibid. c. 3. v. 1.

(6) Mar. c. 15. v. 43.

(7) Matt. c. 27. v. 77.

(8) Joa. c. 7. v. 50. Et c. 19. v. 38.

(9) Act. c. 19. v. 12.

(10) Mal. in Matth. c. 11. v. 22.

(11) Chr. ser. de. laud. Apostol.

(12) Nyf. Orat. pro. S. Theodoro

(13) Mar. c. 16. v. 1.

(14) Matt. 28.

qui crediderint, ita facta sunt Apostolis, ut eorum nomine idem promiserit illorum successoribus: ergo sicuti nunquam defunt successores Apostolorum in prædicatione, ita non defunt etiam pro illis qui credant, miracula.

Qui dicat se & multos secum in eadem urbe commorantes licet in Fide Catholica natos & educatos, eique firmiter adhærentes nullum post multos vitæ annos nec fecisse nec vidisse miraculum, novit, quod supra (n. 307.) adverti, dictam Christi non intelligendum esse de actu, sed de potentia faciendi miraculi, & quidem concessâ non singulis hominibus, sed quibus convènit ad propagandam & stabiliendam fidem: adeoque ne primo quidem Ecclesiæ temporem verosimile est singulos homines & ipsas etiam mulierculas fideles fecisse miracula, & multo minus quotiescumque cuique libitum esset.

402. III. Per omnes Auctores, & ipsos etiam Adversarios primis Ecclesiæ temporibus Apostoli tot & tanta fecerunt miracula, ut Fidem Christianam in suis mysteriis altissimam, & in suis præceptis difficilem, utpote pravis inclinationibus usu jam antiquo confirmatis repugnantem, extirpata Idololatria, aut emendata morum corruptela plantaverint: ergo si miracula facta essent etiam ab illis, qui ultimis huius sæculi in ignotis olim Orientalibus & Occidentalibus terræ plagis veræ religionis ignorantia, & simili morum barbarie aut pravitate laborantibus eandem fidem plantarunt, ea vera esse ex eadem ratione facile intelligi posset. Atqui facta revera esse prædicant passim illorum temporum Auctores, & Historici ex optimis monumentis quæ citant: ergo ultimis etiam huius sæculi facta sunt miracula.

403. IV. Causæ finales miraculorum supra indicatæ sin minus semper, saltem frequenter adsunt, illa præsertim de commendatione sanctorum qui vivant vel mortuijam sint, de quibus scriptum jam fuit, (1) *Dabo vos in nomen & in laudem omnibus populis terre*: Et alibi, (2) *Quicumque glorificaverit me, glorificabo eum*: ergo erunt etiam sin minus semper, saltem frequenter harum causarum effectus miracula.

V. Deus fecit miracula tum in Lege Naturæ, tum in Lege veteri quamdiu durarunt, ut demonstratum est superioribus propositionibus: ergo faciet & in Lege nova seu Christiana quamdiu durabit. Hoc argumentum exornat Richeome (3), cujus consequentia probatur, quia operatio miraculorum est inter privilegia concessâ veræ Religioni, & inter proprios ipsius characteres. Quare non solam
fine

(1) Soph. c. 3. v. 20.

(2) 1. Reg. c. 2. v. 30.

(3) Rich. Discon. des Miracl. c. 29.

sine ulla ratione negatur Ecclesiæ Christi, sed etiam contra omnia argumenta, quæ probant Deum voluisse, ut hæc Ecclesia ceteras sibi antecedentes tanto in omnibus præstaret, quanto corpus umbræ & exemplar imagini.

404. VI. Ideo præscindendo a Revelatione extante in Bibliis miracula Christi negari non possunt, quia innuntur permultis testibus de visu, ex quibus incipit traditio, quæ usque ad nos devenit: Sed idem dici potest de miraculis posteriorum temporum usque ad hæc nostra: ergo hæc pariter negari non possunt. Major declaratur, quia traditio de miraculis Christi, quæ ad nos usque devenit & illa quæ est de miraculis posteriorum temporum non differunt inter se, nisi in eo, quod prima universalior est quam secunda, quemadmodum oportuit; Nam Christus est Auctor Ecclesiæ, & homo simul & Deus: ceteri autem etiam Sancti membra Ecclesiæ, & homines dumtaxat, ideoque sicuti nemo potest esse in Ecclesia, qui Christum non agnoscat, & adoret, ita necesse erat, ut notitia miraculorum, quæ sunt argumenta dignitatis Christi omnem omnino terram pervaderent: contra vero quoniam perfecta ignorantia de eo, quod hic vel ille homo sit vel non sit in hac Ecclesia, ejusque leges religiose custodiat vel impie contemnat, neminem ab ipsa Ecclesia excludit, ideo longe minus universaliter diffunditur cognitio miraculorum, quæ ad fines istos particulares reducuntur.

ARTICULUS II.

Argumentum a posteriori pro propositione.

405. **H**oc argumentum defumitur ex miraculis communiter admittis tamquam veris apud doctos Catholicos, qui habent tamquam fabulosâ vel incerta omnia, quæ Auctores Critices ignari pervulgarunt. Itaque sic arguitur. Si miracula historiæ ecclesiasticæ usque ad nostra hæc tempora, quæ a doctis Catholicis ut vera admittuntur sunt falsâ, hoc erit vel quia habent aliquid quod involvit contradictionem vel quia nihil habent, quod superet vires creatas saltem Dæmonum, vel quia innuntur testimoniis hominum aut stolidorum aut mendacium aut nimis credulorum circa ea, quæ conferrent ad Religionem quam profitebimur: Sed contradictio non ostenditur, notæ omnes veri miraculi in illis reperiuntur, eorumque testes sunt, qui ea vel experti sunt, vel fuisset oculis viderunt; & quidem multi & aliquando integræ urbes: atque in his numerantur frequentes authores Pagani osiores Christianæ Fidei, qui ea non negant, sed tribuunt arti magicæ, quasi vero Diabolus vel-

vellet destructionem regni quod supra hanc terram sibi usurpaverat ipsemet urgere & conficere : Sunt etiam Viri omni exceptione maiores, tum quia ad regimen Ecclesiæ destinati & incumbentes habent pro huiusmodi circumstantiis (1) *sermonem sapientia scientia & discretionem spirituum* : tum quia etiam per Adversarios sunt insignes perspicacia & probitate, ut S. Athanasius, qui descubuit miracula S. Antonii in ejus vita, quam ipsi iure tribui propugnat Belarminus (2) : Et S. Jo. Chrysostomus qui (3) alia commemorat habita per reliquias S. Babilæ, & iterum iterumque illud quod accidit in S. Romano Martyre, (4) qui excisa a Tyranno lingua expeditius loquebatur quam antea, ut narrat etiam Eusebius Cæsariensis (5) : Et S. Hilarius Pictaviensis (6), ac Cyrillus Hierosolymitanus (7), qui de aliis testantur, quæ per reliquias & sanguinem martyrum obtinebantur : Et S. Gregorius Nazianzenus, qui de miraculis (8) per reliquias S. Cypriani Antiocheni patris meminit, & alibi de pluribus Sanctis nominatim laudatis dicit (9) *ab his Demones propelluntur & morbi curantur, horum sunt apparitiones & predicationes, horum sola corpora idem possunt quod anima sancta, sive manibus contrectentur sive honorentur, horum vel sola sanguinis gutta atque exigua passionis signa idem possunt, quod corpora*. Et S. Ambrosius, qui (10) multa refert prodigia ad contactum reliquiarum SS. Naboris & Felicis, Gervasii & Protasii Martyrum. Et S. Augustinus (11) de illis loquens, quæ in translatione reliquiarum S. Stephani facta fuerunt. Et Victor Uticensis Episcopus, qui libro tertio de Persecutione Vandalica suorum temporum narrat se novisse, qui recisatunc lingua adhuc prompte loquebantur. Et S. Gregorius Turonensis, qui librum unum de miraculis S. Juliani, & quatuor de illis S. Martini nobis reliquit.

406. Et S. Gregorius Magnus (12) qui de illis meminit, quæ ad sepulcrum SS. Proceffi & Martiniani contingebant, aliisque impetratis (13) a SS. Joanne & Agapeto Romanis Pontificibus, & Augustino Angliæ Episcopo cum suis sociis (14), Nec sit qui minoris hæc habeat, quia sunt in libris Dialogorum, de quibus dubitatum est an sint S. Gregorii; Nam dubitatio sublata iam fuit a Card. Baronio (15), a Natali Alexandro (16) & a Bellarmino de Scripturibus

Ec-

(1) Corinth. c. 12. v. 3.

(2) Bett. de Script. Ecclesiæ. ar. S. Athanasius

(3) Chry. l. de S. Babyla

(4) Orat. 43. & 48.

(5) Euf. de Resurrectione, ex edition. Sirmundi

(6) S. Hil. advers. Constantium

(7) S. Cyr. Catech. 10.

(8) S. Greg. orat. 18.

(9) Id. Orat. 1. in Julianum.

(10) S. Aubr. ferm. 9.

(11) S. Aug. de Civ. l. 22. c. 3.

(12) S. Greg. hom. 33.

(13) Id. Dialog. l. 3 c. 2. & 3.

(14) Id. l. 1. epist. 58.

(15) Bar. notæ ad Martyrol. ad 23. Dec.

(16) Alex. Hist. Ecclesiæ. æc. 6. c. 4. ar. 16.

Ecclesiasticis juxta auctam ejusdem editionem. Et Asterius de illis, quæ (1) accedentes tumulo S. Phocæ Martyris reportabant. Et S. Cummiānus natus sæculo sexto, qui in epistola ad Segienum Abbatem Hyensem apud Viferium (2) dicit, *Vidimus oculis nostris puellam cæcam ad has reliquias oculos aperientem, & paralyticum ambulantem*, quæ sunt aliqua testimonia pro miraculis primorum sæculorum, quibus addo illud Eusebii Cæsariensis authoris sæculi quarti, qui dicebat (3) *Ecclesia in nomine Jesu Christi in dies singulos multa miracula ad Gentium utilitatem efficit, & neque quemquam dolo & fallaciis deludit.*

407. Miracula autem posteriorum temporum testantur sinceri Historici, etiam Protestantes, ut Baldæus, qui in sua Historia Indica meminit de illis S. Fancisci Xaverii, quemadmodum pariter faciunt Richardus Halkait in Volumine II. partis secundæ de præcipuis Anglorum navigationibus, & Tavernier in collectione variarum relationum singularium. Testantur quod longe plures est Episcopi, quorum jam approbatio ex decreto Concilii Tridentini, de quo inferius redibit sermo, requiritur ad promulgationem novorum miraculorum, quæ scilicet per eos fiant, quibus sedes Apostolica cultum jam concessit, quam non dant nisi juris ordine servato, & auditis Theologis & Doctoribus earum facultatum, quarum objectum forte sit propositum miraculum, & omnibus perpensis juxta severiores Critices regulas, quibus ipsi omnium optime uti possunt, utpote qui instructi jam aliunde sunt de fraudibus hypocritarum, nec malitiam incredulorum ignorant.

408. Omnium hujusmodi circumstantiarum aggregatum legi potest in miraculo sincere descripto etiam in Monumentis Trevoltianis quod Fani contigit anno 1726 in nobili Virgine e Comitibus de Montevecchio per B. Aloysium Gonzagam natum 9. Martii an. 1568, & 21. Junii extinctum ann. 1591. in obsequio contragiosorum, & titulo Beati a Paulo V. insignitum anno 1605, cuius tunc Causa Canonizationis prope suum terminum erat, cum promulgatum jam esset decretum, quod constaret de miraculis ad hunc effectum, quem consecuta est a Benedicto XIII. ultima die ejusdem anni 1726. Mentio facta decreti de miraculis, quod præcedit solemnitate Canonizationis, aliud pro nostra propositione argumentum in mentem revocat, approbationem miraculorum, quæ sit a Summis Pontificibus per occasionem Beatificationum & Canonizationum, sed ut melius ipsius robur appareat in sequenti propositione distinctius ipsum proponam.

409. Mi.

(1) Ast. hom. in S. Phocam.

(2) Vif. Epist. Hibern. epist. 11.

(3) Euf. Demons. Evang. l. 5. c. 7.

(4) Trev. ann. 1726. ar. 65.

409. Miraculum anniversarium quod habetur in Ecclesia Catholica tamquam specimen multorum, de quibus meminit Sylvester Petrasanctus in sua Thaumasia sub titulo *De Miraculis perpetuis* non omitam, de S. Januario Beneventano Episcopo, & sub Diocletiano Martyre apud Puteolos in Campania, cujus sanguis ut verbis utar Breviarii Romani, *in ampulla vitrea concretus, cum in conspectu capitis ejusdem ponitur, colliguescere & ebullire perinde atque recens effusus ad hæc usque tempora cernitur*. Quæ contra hoc commentus est Petrus Molinæus (1) dissipavit jam multi, qui præter citatum Petrasanctum de eo scripserunt, ut Fortunius Licetus (2), Card. Gotti (3), Lambertinus (4) & Bollandistæ ad diem 19. Septemb. post Jo. Dominicam Putignanum, qui copiosum opus edidit *De redivivo Sanguine Divi Januarii*.

410. Alia miracula ubertim colliguntur ex Bullis Romanorum Pontificum decernentibus sacros honores alicui jam defuncto post adhibitas omnes exactiores humanæ prudentiæ regulas, & imploratum Divinum impulsus ad earum promulgationem. Una ex his est Bulla pro Canonizatione S. Francisci Xaverii data ab Urbano VIII. anno 1623. 8. Idus Augusti, in qua meminit de prophetiis de admirabilibus conversionibus de perquam multis diversis generis miraculis. Quare videas ignorantiam Increduli, qui apud Bergierium (5) & Nonnotem (6) tantam miraculorum multitudinem, quæ S. Xaverio tribuuntur, nullo opportuno fundamento inniti significat, & insipientiam Scriptoris Dictionarii Auctorum Ecclesiasticorum, qui agens de editis hujus S. Epistolis dicit (7) *in iis non agi de tot incredibilibus miraculis, quæ Auctores eius vite ipsi tribuerunt*. Eadem Bulla expressè meminit de dono linguarum, quod hæc Apostolo alius Incredulus negat apud eundem Nonnotem (8) quasi præter alia argumenta illud desit maxime evincens, quod aliter non potuisset intra spatium annorum decem Evangelium apud Gentes tot diversarum linguarum prædicare, quot Indias componunt, quarum Apostolus nuncupatur: Et etiam meminit de tribus mortuis ad vitam revocatis, dum adhuc viveret, qui proinde optimo jure commemorabantur in Martyrologio Romano quod in usu erat ante illud, quod ex decreto Benedicti XIV. jam legitur, in quo deficit hæc commemoratio. Alias similes Bullas ordinatim nominat Brancatus (9), incipiens ab illa Joannis XV. pro S. Vldarico, & in illam defi-

- (1) Mol. Vates Calvinia. l. 5. c. 14.
 (2) Lic. De secundo quesit. per epist. c. 45.
 (3) Gott. de Vera Eccles. t. 1. c. 4. n. 38.
 (4) Lam. ubi alias c. 31. n. 10.

- (5) Ber. Apolog. p. 4. pag. 243.
 (6) Non. Dict. tit. Christianisme. ar. 6. n. 23.
 (7) Dict. ar. Francesco Saverio.
 (8) Non. Dict. ar. Miracles. contr. 4.

definens Clementis X. quam dedit in Canonizatione SS. Cajetani, Philippi Benitii, Francisci Borgiae, Ludovici Bertrandi, & Rosæ Limanæ.

411. Ex Actis Sanctorum a Bollandistis collectis (1) *per singulos anni dies, & superiora usque ad Christum sæcula, infinita deprehendimus miracula*, dixit jam olim Garmannus (n. 397.) qui etiam ex aliorum relatione tantummodo acta illa noverit, judicavit tamen pro sua sapientia & æquitate non esse illis credendum: cui præfuit Stillingfleetus, quem ipsius impugnator E. VV. admiratur (2), quoniam consilio Hagiographos istos contemnat, & simul fateatur eos rem totam juxta omnes Critices regulas pertractasse. Si dividet pleaque miracula, quæ in his Actis, aliisque similibus reperiuntur, non esse hujusmodi, ut supra illa possit fundari Decretum Canonizationis eorum, quibus ea adscribuntur, nihil esset reprehensione dignum; Nam ut inferius ostendam miracula, quæ inserviant Canonizationibus, opus habent pluribus testibus de visu & juratis, cujusmodi non sunt communiter, quæ in Sanctorum vitis afferuntur. Quoniam tamen his veritatis characteribus a jure requisitis in hujusmodi causis agendis ea carent, non proinde inter fabulas sunt numeranda aut somnia, sicuti fabulæ non habentur ceteræ de aliis rebus historiæ. Porro laudati de Actis Sanctorum Auctores, Bollandistæ vulgo appellantur a Jo. Bollandio mortuo anno 1665 ætatis sexagesimo nono, qui ex hujusmodi actis, quæ jam colligere coeperat Heribertus Rosvveidus, primus in publicam lucem emisit, quæ pertinent ad Ianuarium & Februarium: de reliquis bene meriti sunt ejusdem successores Enschenius, Papebrochius, aliique, quorum opera habemus acta Sanctorum usque ad totam diem 7. Octobris, quod ego sciam, comprehensa tomis quadraginta novem majoris moduli.

412. Qui hæc Acta consulat, confirmabit & augebit in immensum, quod Richeome (3), Bellarminus (4), & Brancatus (5) ordinatim quidem, sed breviter ostenderunt singula Catholicæ Ecclesiæ sæcula frequentibus miraculis illustrari, cum hoc duplici d'scrimine, quod pauciora sint post stabilitam Religionem & minus nota: pauciora quidem, quia inquit S. Augustinus (6) *neccessaria fuerunt priusquam crederet Mundus. Quisquis adhuc prodigia ut credat inquirat, magnum est ipse prodigium, quod mundi credente non credat*: minus autem nota, quia ut idem ibidem ait Canon Sacrarum literarum.

F f

quem

(1) Gar. de mirac. mortuo. sec. 2. §. 14

(2) E. VV. A discours. of. mirac. c. 8.
n. 8.

(3) Rich. Dikou. des mirac. c. 26.

(4) Bell. de Conci. & Eccl. l. 4. c. 14.

(5) Bra. de Mirac. a n. 204.

(6) S. Aug. de Civi. l. 22. c. 8.

quem diffamatum esse oportebat, illa primitivæ Ecclesiæ facit ubique recitari: hæc autem ubicumque sunt, ibi sciuntur vix a tota civitate ipsa vel quocumque commanensium loco; Nam plerumque ipsa paucissimi sciunt, ignorantibus cæteris, maxime si magna sit Civitas.

413. Addit S. Isidorus, quod (1) antequam Antichristus appareat, virtutes ab Ecclesia magna cessabunt, ut per hoc Sanctorum clareat patientia, & reproborum qui scandalizabuntur levitas ostendatur. Idem ante ipsum docuit S. Gregorius Magnus, (2) Quia Antichristus priusquam manifestus & conspicuus veniat, ex magna parte in Ecclesia signa virtutum cessant, recte nunc dicitur, (3) Ante faciem ejus præcedet egestas, ante enim a fidelibus miraculorum divitiæ subtrahentur, & tunc antiquus ille hostis per aperta prodigia ostendatur, ut quo ipse per signa exollitur, eo a fidelibus sine signis robustius laudabiliusque vincatur. Quanvis etiam fidelibus in ejus certamine signa non deerunt, sed tanta erunt illius, ut nostrorum aut pauca aut nulla videantur. Horum doctrina videtur eruta ex prophetia de seductione hominum tam violenta sub finem Mundi per falsa miracula Antichristi, (4) ut in errorem inducantur, si fieri potest etiam electi, & nisi brevitati fuissent dies illi, non fieret salva omnis caro, quia scilicet non erunt tunc, quæ illis opponantur paria ex veris miraculis, nisi quæ electi firmiter credent juxta Sacræ Scripturæ testimonia.

ARTICULUS III.

Objectiones ex Auctoritate:

414. I. **O**biicitur S. Jo. Chrysostomus sæpe negat post tempora Apostolorum fieri miracula. Ita expresse quærens, (5) quare signa nunc cessarunt? respondet, quia nunc utiliter non sunt, præmonens primis Ecclesiæ temporibus ea utiliter facta fuisse, ne ex eo, quod nunc signa non fiant, argumentum ducas, tunc etiam non fuisse. Alibi interrogantibus, (6) Cur non sunt nunc etiam qui mortuos suscitent, & curationes peragant? non respondet decipi aut mentiri sic loquentes, vel cæcos aut indociles esse, sed tamquam justissime rogantibus respondet, quando oportebat plantari fidem, erant multi hujusmodi: nunc autem non vult nos pendere ab his signis. Tandem de suis temporibus ait (7) Hodierni homines omnes simul

cc-

(1) S. Is. de summo bono c. 25.

(2) S. Gre. Moral. l. 34. c. 3. n. 7.

(3) Iob. c. 41. v. 18.

(4) Matth. c. 24. v. 22. & 24.

(5) Chry. hom. 6. in 1. Corinth. n. 2.

(6) Id. hom. 8. in c. 3. ad Coloss. n. 9.

(7) Id. de Sacerd. l. 4. c. 4. n. 6.

coacti infinitis tum precibus tum lacrymis nunquam tantum possunt, quantum olim Pauli semicincti potuerunt.

Resp. *nego assumptum*, quod nuper affirmavit Dictionarium Philosophicum Increduli apud Nonnotem (1). Quæ obiiciuntur habent alium sensum ab illo, in quo mala fide ea urget Stillingfleetus apud E. VV. (2); Nam in primo ex objectis locis solum negat S. Chrysostomus esse nunc cœtum ullum hominum, qui habeat habituales, & quasi ordinariam potestatem faciendi miracula, qualis fuit in duodecim Apostolis, quorum singulis Christus Dn (3) *dedit potestatem Spirituum immundorum, ut eicerent eos, & curarent omnem languorem & omnem infirmitatem*: quod optime componitur cum eo, quod multi in Ecclesia Catholica faciant identidem miracula pro opportunitate temporum Deo nota, & per potestatem temporariam ac ut ita dicam transuentem. In secundo autem testimonio uniformiter ad modo dicta excluditur dumtaxat esse adhuc, qui miracula faciant per potestatem sibi immanentem adeoque frequentissima. Ibi enim eos reprehendit, qui in morbis vel filiorum vel propinquorum vel lent patere recursum ad aliquem qui sicuti Christus & Apostoli statim illos sanaret. In tertio tandem loco insectatur Sacerdotes sui temporis, qui negligebant studia, & illud etiam eloquentiæ tam necessarium ad instruendum & dirigendum in Christianis moribus vulgus, exemplo Pauli abutentes, qui se (4) *imperitum sermone* profitetur, ostendens illum fuisse virum Sanctissimum Divina inspiratione loquentum, & ordinaria potestate faciendi miracula præditum, quorum nihil illi habebant.

415. Explicationes huiusmodi, quas esse genuinas, scopus S. Doctoris suadebit illum legenti, confirmant ea ejusdem testimonia, quæ multa congeri possent, in quibus non solum affirmat, sed præterea demonstrat fieri etiam nunc miracula. Memini supra (n. 405.) de iis, quæ sermonem habens de S. Babyla Anthiochenæ Ecclesiæ Episcopo & Martyre commemorat ipsius illustria miracula, quorum ipse & populus unversus quem alloquebatur, testes erant: Ubi notanda est hæc generalis ejusdem professio (5) *Miracula a Sanctis Martyribus quotidie edi*. Hic addam, quod explicans illud Psalmi *Memoriam fecit mirabilium suorum sic habet*, (6) *Numquam miracula facere intermisit. Hoc enim est memoriam fecit, non cessavit non destitit per omnem generationem facere miracula, & per res admirabiles*

F f 2

exci-

(1) Non. Dic. Philos. art. Mirac. 4.

entret.

(2) E. VV. A discou. of mirac. c. 9.

(3) Matt. c. 10. v. 1.

(4) 1^a Corinth. c. 11. v. 6.

(5) Chry. de S. Babyla n. 12.

(6) Id. in Psal. 90. n. 4.

excit:re crassiores: quod declarat innuens plura nota miracula non solum primorum temporum, sed suæ etiam ætatis.

416. II. Obiicitur. Auctor Operis imperfecti in Matthæum, quod inter opera S. Chrysostomi habetur, sic ait, (1) *Volens quis cognoscere, quæ sit vera Ecclesia Christi, unde cognoscat, nisi tantummodo per Scripturas? Item antea & per signa cognoscebantur, qui erant veri Christiani, & qui falsi. Nunc autem signorum operatio omnino levata est, magis autem & apud eos invenitur, qui falsi sunt Christiani, falsifica.*

Resp. hunc auctorem non posse attendi, utpote qui pluribus scatur hæresibus, & etiam contradictionibus, ut docebunt, qui de Scriptoribus Ecclesiasticis agunt. Quare nihil curandum de ejus in hac re sententia.

417. III. Obiicitur. S. Augustinus (2) asserit Deum noluisse ut miracula perseverarent usque ad sua tempora: ergo neque nostris temporibus fiunt miracula.

Resp. *dist. ans.*, & illud asserit de quibusdam determinatis miraculis *conc.* de omnibus *nego ans & consequ.* Augustinus ipse in libris retractationum hanc ad locum objectam explicationem dedit, (3) *Verum, inquit, est quidem non nunc usque, cum manus imponitur baptizatis, sic accipiunt Spiritum Sanctum, ut loquantur linguis omnium gentium: sed non sic accipiendum est, quod dixi, ut nunc in Christi nomine fieri miracula nulla credantur. Nam ego ipse quando istum ipsum librum scripsi ad Mediolanensem corpora martyrum cæcum illuminatum jam noveram, & alia, qualia multa etiam istis temporibus fiunt, idemque alibi ut supra (n. 405.) vidimus repetit. Quod autem primis solum Ecclesiæ temporibus concederetur tam illuitre miraculum, allapsus Spiritus Sancti evidens ex effectibus, ratio est quia sub initium in Ecclesia Christi carebat universitate & antiquitate, quæ sunt duæ notæ, quibus jam veritas catholicæ religionis dignoscitur: (4) *Accipimus* inquit S. Augustinus *maiores nostros eo gradu quo a temporibus ad æterna conscendimus, visibilia miracula (non enim aliter poterant) secutos esse, per quos id actum est, ut necessaria non essent posteris. Cum enim Ecclesia Catholica per totum orbem diffusa atque fundata sit, nec miracula illa in nostra tempora durare permissa sunt.**

418. Eadem responsio convenit eidem obiectioni, quæ ex S. Gregorio renovatur, propterea quod ille hortatur (5) Auditores suos, ut firmi sint in Fide Christiana, etiamsi non faciant ipsi ea signa, quæ a primis fidelibus operabantur. Qui hunc obiiciant, vel non

le-

(1) Aug. hom. 49. in Matt. Oper. Chrysost. 6. juxta Maurinos.

(2) S. Aug. de Vera Relig. c. 29.

(3) Id. Retr. l. 1. c. 13.

(4) Id. de Vera Relig. c. 25.

(5) S. Greg. hom. 29. in Evang.

legerunt, quæ Idem in Dialogis & homiliis recenset sui temporis miracula supra (n. 405.) commemorata. & quod non semel in epistolis significat se misisse ad diversos (1) *clavem a S. Petri Apostoli corpore, quæ super agros multis solet miraculis coruscare*; Nam etiam de ejus catenis interius habetur: vel pro sua in sola impietate constantia, quem antea ut sui erroris patronum celebrabant, nunc credulitatis accusant.

Nec diverso modo responderi debet iis quæ similiter ex Tostato fraudulenter proposito obiiciuntur. Ille enim, quia cessasse dicit (2) in Episcopis & Fidelibus ordinariam potestatem faciendi miracula, nec amplius videri in receptione Baptismi, quæ olim videbantur miracula, citatur tamquam negans ulla fieri post tempora Apostolorum miracula, etsi aperte ibidem multa ultimis etiam temporibus facta miracula fateatur:

419. IV. Obiicitur iterum S. Augustinus, qui (3) postquam multa enumeravit miracula, quæ videbant homines tempore Christi, pro certo habensea amplius non fieri, quærit *cur ista modo non fiunt?* Cujus quæstioni solutionem hoc quidem loco hanc affert, *quia non moverent nisi mira essent, at si solita essent, mira non essent*: alio vero in loco hanc aliam affert, (4) *quia illa fecit ut invitaret ad fidem*. Alibi tandem fatetur non fieri miracula in Africa, quæ alibi dicebantur fieri, (5) *Numquid non & Africa Sanctorum Martyrum corporibus plena est: Et tamen numquam hic scimus tali fieri*.

Resp. ipsum S. Doctorem in Retractionibus advertere se in primo ex objectis locis ita loquutum esse, (6) *quia non tanta nec omnia modo, non quæ nulli sunt etiam modo miracula*. Quod etiam non animadvertisset, planum fecerat paulo post in eodem libro de *Utilitate credendi* confitens miracula quamplurima facta semper fuisse (7) *pro temporum opportunitate*. Eadem interpretatio sponte sese offert, quando alibi audimus excludere miracula, quibus Christus invitavit ad fidem, hoc est excludere dumtaxat primævam & quasi quotidianam eorum multitudinem. Quod spectat ad locum ultimo oppositum ille ibidem negat solum fieri in Africa ea miracula, quibus *non sana alicujus conscientia aperitur, & ad confessionem vel poena vel timore compellitur*: alterius autem generis miracula bene multa in eo ipso loco, quem nuper citatum Increduli Dictionarium affert pro hac obiectione non solum fatetur (8) in Africa suis temporibus accidisse, sed eadem narrat, prædicat, multorum testem se fuisse oculis

(1) Id Epist. 29. & 30.

(2) Tost. in c. 3. 9. & 10. Matth. q. 12.
Et in 9. Levit.

(3) S. Aug. de Utilit. crede. c. 16.

(4) Id de Verb. Dei. ser. 8 2. alias 18.

(5) Id Epist. ad Clerum Hippon. 137.
ante medium.

(6) Id. Retr. l. 1. c. 16 n. 5.

(7) Id. de Vti. cred. c. 17.

(8) Id. de Civit. l. 22. c. 2.

lis dicit fuisse, in eosque ibidem irascitur, qui ea quæ in se ipsis acciderunt, paucis nota esse passi fuerunt. Atque ex his aliqua ad Critices regulas examinans Auctor Artis cogitandi, concludit (1) illa prout a S. Doctore narrantur contigisse, non posse a quoquam sine nota stultitiæ in dubium revocari. Huc accedit, quod de aliquibus illorum non semel tantum meminit Augustinus, sed diversis in locis citatis a Coquæo in notis ad libros de Civitate Dei (2). Quare plusquam inconsiderate de iisdem dixit Jaquelotius (3) *ut libere dicam opus est esse nimis credulum ut ea credantur*.

420. V. Adhuc S. Augustinus obiicitur. Ejus doctrina est Prophetas extitisse a Samuele usque ad reditum Israelitarum de Babilonia, (4) *Tempus*, inquit, *ex quo S. Samuel prophetare coepit, & deinceps donec populus Israel captivus in Babilonia duceretur, atque inde post 70 annos reversus Israelitis domus Dei instauraretur, totum tempus prophetarum fuit*: ergo hoc saltem miraculum Prophetia non est omnis temporis nec hujus temporis.

Resp. *negans*, pro quo ea verba S. Doctoris contra ipsius mentem accipiuntur, quæ ut ipsemet inferius exponit, est, Prophetæ nomen per excellentiam quamdam tribui illis, qui intra prædictum tempus extiterunt. Nam ibidem hæc habet, *Quamvis Noë & alios supra & infra usque ad hoc tempus non immerito appellare possumus prophetas, quia præsertim nonnullos eorum sic expressim legimus nuncupatos, sicut Abraham, sicut Moysen, tamen dies prophetarum præcipue maximeque hic dicti sunt, ex quo coepit prophetare Samuel*. Negato antecedenti cessat consequentia, quam ceteroqui falsam esse omnibus compertum est, inquit Lambertinus (5), qui de pluribus ultimorum temporum prophetiis meminit per rigidas judiciorum vias comprobatis.

ARTICULUS IV.

Objectiones ex vi Imaginationis.

421. **O**biicitur. Homines saltem aliqui per solam imaginationis suæ vim possunt in se & in aliis producere graves ægritudines & repentinam etiam sanitatem: ergo nulla vel vix ulla ægritudo ac sanatio potest affirmate statui esse miraculum. Antecedens quantum ad morbos, qui in ipso imaginante fiant, probatur. S. Thomas (6) admittit per imaginationem fieri posse ut

mo-

(1) Art. de penser. p. 4. c. 23.

(2) Coq. not. in l. 22. c. 8.

(3) Jaq. Exilt. de Dicu. Dis. 4. c. 7.

(4) S. Aug. de Civ. l. 17. c. 1.

(5) Lam. de Beatif. l. 3. c. 47.

(6) S. Th. q. 6. de mirac. ar. 3. ad 7.

motus cordis & spirituum varietur, atque ita morbus aliquis excitetur. Idem docent Gaspar a Reies (1), Thomas Fienus (2), & alii: qui exemplum etiam producant celebre de hominibus, qui usque ad hæc nostra tempora maxime per Pannoniam lenta tabe miserabiliter interibant, quia sibi sanguinem exsuctum a Vampiro aliquo imaginabantur, quem visi sunt videre sibi per concubiam noctem hoc malum inferre. In particulari extat Francisci Petrarchæ sententia circa stigmata S. Francisci quod ea fuerint effectus imaginationis, quatenus (3) *cum Christi mortem jugi & valida meditatione in se jam dudum animo transfussisset, & cruci affixus ipse sibi cum Domino videretur, tandem ab animo in corpus veram rei effigiem pia transfudit opinio*: Eodemque modo de hac re censuit cogitandum Petrus Pomponatius celebris Professor in Academia Bononiensi natus Mantuæ anno 1462, quem Xaverius Bettrинelli in suis Italicis sermonibus, *De literis & artibus Mantuanis* a nota incredulitatis ipsi communiter etiam dum viveret iniusta egregie juxta Ephemerides Literarias Romanas (4) nuper vindicavit.

422. Quantum vero ad morbos in aliis per imaginationem productos probatur ex frequentibus historiis de fascinationibus, & de monstrosis partibus ex vitio in illis producto a matrum phantasia. Horum specimen sit juvenis, qui referente Malebranchio (5) vivebat suo tempore in Nosocomio Parisiensi habens ab ortu brachia & crura ibi fracta, ubi reis frangi solent utique ex imaginatione matris, quæ cum illum in utero gestaret, voluit huic supplicio interesse. Alia dabunt Theophilus Raynaudus (6), Marcellus Donatus (7), Schenkius (8), Jo. Melchior Verdries (9) præter citatos paulo ante Rejem, & Fienum & alios.

423. Quantum vero ad sanitatem ab imaginatione productam probatur, tum quia si phantasia potest morbos inducere saltem in imaginante, non videtur negari posse, quod possit etiam curare, quando nondum organa destructa sint: tum quia multæ occurrunt historiæ de similibus sanationibus apud nuper citatos Donatum & Verdriem. Satis sit illud comemorare, quod Michael Medina sic refert (10) *Vidi ego Salmantica pueri cujusdam attactu qui gratiam sanitatum habere credebatur, e vulgo plures gravissimis morbis levatos, vi scilicet hujusmodi illorum fidei ac imaginationis*: tum quia ita passim docent præstantissimi Philosophi. Ludovici Muratorii sunt quæ

(1) Rei. Jucund. qu. q. 11.

(2) Fic. de virib. imagin. q. 10.

(3) Pet. Senil. epist. l. 8. epist. 3. ad Thomam del Garbo.

(4) Efc. ann. 1775. n. 43.

(5) Mal. de Inquis. verit. l. 2. c. 7.

(6) Ray. Oper. to. 17. Centur. hist. §. 33.

(7) Don. de Medica hist. l. 2. c. 1.

(8) Sch. Obser. Medic. l. 4. de Gravid.

(9) Ver. de æquilib. ment. & corp.

(10) Med. Christi. paræna. l. 2. c. 7. §. Sed, in quantum

sequuntur ex Italicis Latine reddita, (1) *In sanationibus etsi momento temporis contingentibus non est statim exclamandum, Miraculum. Sola phantasia commota vehementi desiderio vel spe recuperandi valetudinem concipiens adesse auxilium supernaturale Dei Omnipotentis, & intercessionem alicujus ex suis servis, naturaliter apta est ad impellendos spiritus animales per ductus glandulas & poros corporis antea aliquo modo obstructos & impeditos, ita ut reddita fluidis debita circulatione organa corporis suum singula munus expedite exequantur.*

Similia dicunt Jo. Gaspar VVestfalius (2), Honoratus Faber (3) Regnault (4), Tozzius (5) & ante hos Franciscus Picus nepos Ioannis Pici Comititis Mirandulæ, qui duos libros de imaginationis effectibus scripsit, & alii nominati a Martino del Rio (6). Quibus omnibus præest Avicenna, qui docuit referente Lambertino (7) *posse animam humanam per fortem imaginationem vel intensum affectum, alenum corpus & extra ipsum positum realiter transmutare, & quo voluerit langore conficere.* Habita hac præ oculis philosophia dubitat Freretus (8) an quæcumque referuntur miracula expulsiōis Dæmonum frequentissima sub ortum Christianæ Religionis, fuerint effectus imaginarii, quando quis ea nolit in fraudes & imposturas reicere, quemadmodum de iis, quæ nostris temporibus fiant, generaliter credit Auctor Dictionarii philosophici portatilis.

424. Resp. cum citato Lambertino *transeat ans, & dist. consequ.* Nulla ægritudo aut sanitas ex iis, quæ dependent a solo spirituum motu, in quibus sunt macies & tabes ex credita mortuorum apparentium malevolentia, & contractæ a foetibus imperfectiones aut deformitates ex imaginatione matrum potest statui esse miraculum *conc. consequ.* nulla ægritudo aut sanitas, quæ dependet ab organis vitiatis, vel ab humoribus densatis, & alicubi importune defixis, statui potest esse miraculum, *subdist.* quando sit ad breve tempus, iterum *conc.* quando sit diuturna, *nego consequ.* S. Thomas partem huius responsionis sic exprimit, (9) *Imaginationi si fuerit fortis, naturaliter obedit corpus, quantum ad alterationem, quæ est secundum calorem & frigus, & alia consequentia, eo quod ex imaginatione consequenter nata sunt consequi animæ passionēs, secundum quas movetur cor. & sic per commotionem spirituum totum corpus alteratur. Alia vero dispositiones corporales, quæ non habent naturalem ordinem ad imaginationem non transmutantur ab imaginatione quantumcumque sit for-*

(1) Mur. Filof. Moral. c. 6.

(2) VVest. Patholog. Dæmon. ar. de Imagina. virib.

(3) Fab. l. 4. de homi. appeti. prop. 49.

(4) Reg. Euret. de Physic. to. 2.

(5) Toz. Oper. to. 5. ar. de viri. imagi.

(6) Rio. Disq. Lag. l. 1. q. 3 a princ.

(7) Lam. de Beatit. l. 4. p. 1. culti. n. 12.

(8) Fre. Exam des Apolog. c. 5.

(9) S. Tho. 3. p. q. 13. ar. 3. ad 3.

fortis. De reliqua responsionis parte, quæ appellat ad temporariam quamdam quasi valedudinem, cujus causâ sit imaginatio, exemplum habemus in iis, qui per intensam mentis applicationem ad ali- quid, quod sibi placeat, ut sonitum vel cantum vel lectionem, experiuntur vehementiam morbi aut dolorum aliquandiu penitus cessare.

425. Ex iis quæ in contrarium docuerint Avicenna & Pomponatius, quem Jovius (1) vocat veteratorum disputantem, non veritatis amantem, nemo jam commoveretur nisi ad risum; Horum enim opinio, quam ex professio impugnat citatus Medina nititur in eo, quod puri Spiritus etiam creati ex ratione suæ perfectionis longe majoris quam sit in natura rerum materialium, habeant vim efficiendi ex materia & in materia quocumque modo & loco se habeat, quicquid velint, & etiam novas entitates, & quod propter eandem rationem animas etiam hominum, quæ magis accedunt ad perfectionem hujusmodi spirituum participant similem virtutem, eamque efficaciorē etiam fieri, si exoriantur sub felici aliqua Astrorum combinatione & adspectu. Jam vero quot absurda in tota hac doctrina coacervantur, toridem sunt argumenta, quæ eandem pessumdant. Ea enim supponit fieri posse, ut habeatur agens in distans, ut agens spirituale creatum efficiat entitates materiales, ut corpora cælestia insuant in Spiritus, illisque communicent qualitates corporeas temere in ipsis excogitatas, ut dato etiam quod hæc qualitates in illis existerent, possint ipsæ participari ab anima spiritali, cum ea permisceri, & quasi in unum coalescere. Quæ omnia esse absolute impossibilia, planum feci in libro *de Causa efficiente*.

426. Quæ de Fascino narrantur, habent longe aliam explicationem, & causam, quam imaginationem fascinantis, ut alibi (2) exposui. Exemplum matrum, quæ imprimunt in foetu quasi vestigia suarum imaginationum, continetur intra sphaeram eorum, quæ novimus utique dependere a vi imaginationis animæ, quæ corpus sibi conjunctum potest singulariter immutare, cujusmodi sunt aliquem nulla existente causâ præterquam in apprehensione ita tristari ut palleat contremiscat & sudet, aut ita lætari ut exulet & rideat. Exemplum autem pueri Salmanticensis ipse Medina elevat; Nam immediate post recitata verba hæc alia habet, *quamvis posteaquam imaginatio quiescisset, morbi redibant*, quæ additio evertit totam vim argumenti, utpote quæ reducit rem ad illud vulgo cognitum, quod non raro accidit, ut aliqui quid possint, quia posse videntur. Ad illud Muratorii de vi Phantasie reddentis motum spiritibus animalibus ita ut naturaliter in instanti morbus omnis depellatur, negatur

G g

pror-

(1) Jov. in Elogiis c. 71.

(2) De Caus. efficiente

prorsus naturaliter possibile esse, quando sermo est de morbis, qui suum per gradus & tempus augmentum habuerunt. Sicuti enim destructio valetudinis sensim facta fuit, ita etiam & quidem a fortiori sensim fit ejusdem reparatio. Sunt igitur in veris sanationum miraculis sui characteres, de quibus infra distinctius meminerò, per quos dignoscantur ab effectibus naturalibus, & ab illusionibus imaginationis.

427. At ex Petrarcha obiiciebantur nata ex imaginatione stigmata S. Francisci, quæ erant quid longe diversum a motu humorum, ejusque consequentiis, ad quæ restringimus effectus imaginationis.

Resp. Petrarcham alibi (1) agnovisse divinum quid & supernaturalè in hujusmodi signis, quandoquidem ea vocavit stupenda & sacra. Alios qui idem cum ipso absurdum dixerunt, consultavit jam Bartholomæus de Pisis (2) observans supra vim omnis naturæ & imaginationis esse clavos sive ex nervis sive ex carne factos extare ex utraque parte manuum & pedum hominis, & vulnus in latere apertum per integros annos sine ullo pure perdurare. Alia plura contra istos pro veritate miraculi in his stigmatibus dixerunt deinde ex professo Fortunius Licetus (3), & Theophilus Raynaudus (4).

Restat dubitatio Frereti de Dæmoniis eorumque sanatione etiam pro Christi & Apostolorum temporibus. At qui negat historias quas a Sanctis Scripturis habemus, impius est, & qui ea negat, quæ testes de visu docti & Sancti homines testantur, sponte insanit. Similes censuræ cum illa etiam Pyrrhonismi cadunt in omnes incredulos, qui nolint agnoscere in Ecclesia perseverantem potestatem in Dæmones, quemadmodum persuadet, qui utrosque copiose & erudite impugnavit Bergierius (5).

ARTICULUS V.

Objectiones contra multa miracula ex illorum levitate.

428. I. **O**biiciunt Jo. Clericus (6) & VVarburton (7). In miraculis, quæ narrantur a Catholicis post stabilitam Religionem Christianam non habetur ratio sufficiens credendi illa facta esse; Nam Deus non derogat legibus naturæ, nec invertit ordinem Universi pro rebus tam parvi momenti, cujusmodi inveniuntur esse multæ ex illis, pro quibus dicuntur facta miracula: ergo.

Resp.

(1) Pet. de Vita solitar. l. 2. c. 17.

(2) Pis. Conformitas Vite B. Francisci ad vitam J. Christi

(3) Lic. de quarto quæstus per epist. c. 29

(4) Ray Op. to. 12. De Stigmatismo.

(5) Ber. Confut. dell' esa. c. 5.

(6) Cler. Log. p. 2. c. 8. n. 14.

(7) VVar. Julian. B. 2. c. 2.

Resp. cum Buffierio (1) Clericum impugnante, *nego ans.* Ratio non solum sufficiens habetur credendi miracula, sed etiam urgens, evitare scilicet noram animi vel perversi vel imbecilli vel stolidi, qualis incurritur, quoties quis negat, quod plures testes de visu, nullo fingendi neque mentiendi motivo, sed sola evidentia & admiratione rei adacti fateantur. Ita qua fronte negare quis possit, quod Neapoli anno 1633 contigit miraculum P. Marcelli Matrilli, qui jam proximus morti ob acceptum in capite atrox vulnus, ex improvviso intercedente S. Francisco Xaverio convaluit coram tam multis, qui ipsi tunc aderant, & quem sanum vidit tota ejusdem frequens cognatio, alique turmatim accurrentes ad illum su finet oculis inspicendum, quem a pluribus jam diebus noverant conclamatum.

429. Ad probationem dico circumstantias, quarum occasione miracula fiant, non esse illorum causam, sed infinitam Dei erga nos benignitatem, cujus obiectum est etiam conversio unius ex infima plebe homunculi juxta illud, (2) *Gaudium erit in Cælo super uno peccatore poenitentiam agente*. Non est igitur ex parte circumstantiarum, quæ levissimæ sint, dubitandum de ullius miraculi veritate, quoties videamus per illud obtineri finem miraculi, aut augmentum Divini cultus, aut confirmationem veritatis alicujus articuli Catholicæ Religionis, cujusmodi sunt impetrari a Deo posse juxta ipsius promissionem (3) etiam miracula ab iis, qui *babeant Fidem Dei*, & pie sancteque nos venerari Beatos; quoniam per eos ad nostras preces fiunt miracula. Quod urgebant incredibile esse, quod Deus invertat ordinem universi & perturbet leges naturæ pro uno vel altero homunculo, peccat falsâ suppositione, quod ordo universi & leges naturæ stent quoties medica manu plaga aut morbus curetur ruant vero & perturbentur si Divina virtute hæc fiant.

430. II. Obijciunt. Multa, quæ Catholici narrant miracula per solam sui narrationem suadentur falsa utpote ridicula, & absurditatem præferentia. Cujusmodi sunt magnam avium multitudinem circa S. Franciscum Affisiatensem convolasse, & eo exhortante laudes Deo suo modo concinuisse: pisces circa litus Ariminense se disposuisse ad audiendam concionem, quam illis habebat S. Antonius Patavinus: Martyres aliquos capite obruncatos illud præ manibus gestasse, quod de SS. Dionysio Areopagita, Lamberto Martyre Cæsaraugustano, Claro, Olitha, & aliis dicunt: & similia non pauca: ergo quandoquidem hæc Catholici effutiunt incredibilia, nulla illorum miracula credi possunt.

Resp. *nego ans.* quia Veritas seu certitudo facti, posito quod

G g 2

hoc

(1) Buf. Remarq. sur la Logiq. du Clerc,

(2) Luc. c. 15. v. 7.

(3) Mar. c. 16. v. 23.

hoc non involvat contradictionem in suis attributis non concluditur ab his ipsis attributis sed a solitis argumentis ipsi extrinsecis, ut observat Nonnote contra incredulum (1), qui hoc modo plura miracula a SS. Patribus celebrata rejecit inter fabulas. Quæ autem exempli causa prolata sunt, male ab Adversariis traducuntur; Nam Ethnici similiter & Athei traducunt aliqua, quorum Sacra Scriptura meminit, ut quod tres pueri in fornace Babylonis invitaverint singula fere genera bestiarum ad benedicendum Deo: quod Asina Baalam sit cum eo colloquuta, & de ipsius sævitia conquesta, quod pauci milites Gedeonis lagenarum fractione, & buccinarum clangore de immensa hostium vi triumphaverint: quod Samson mille viros (2) mandibula asini occiderit, & aqua egrediente ex ejusdem mandibulæ dente spiritum refocillaverit: quod (3) aquæ Jordanis se diviserint pallio ab Eliseo percussæ. Siquis diceret hæc credenda esse, quia sunt Scripturæ Sacræ, illa vero nequaquam, quia sunt autoritatis humanæ, sensum omnem auferret ab obiectione, quæ ea miracula non contemnit propter autoritatem, sed propter illorum qualitatem quæ plus jussu admirabilis apparet. Quare cum similis admirationis causa inveniatur etiam in quibusdam prodigiis a Scriptura narratis, optime hoc exemplum retundit totam objectionem.

431. Cæterum non propugnabo hoc loco singulorum veritatem, quæ dependet ab examine eorum, quæ in quæstionibus facti attenduntur. Illud de Sanctis quibusdam caput sibi obtruncatum præ manibus gestantibus, fortasse non est verum, sed error quidam, quem admodum aliqui contendunt, natus a pictoribus, qui putarunt se ingerere cognitionem de martyrii determinato modo per amputationem capitis, hoc ipsius Sancti manibus imponendo.

ARTICULUS VI.

Objectiones ex aliis rationibus.

432. I. **O**biicit Hume (4). Fides sive assensus firmus testimoniis nascitur ab experientia, & ubi testimoniis opponuntur alia testimonia, neutra pars meretur fidem, quando in illis sit quædam æqualitas, quia invicem eliduntur: & altera solum pars meretur fidem magis vel minus debilem juxta majorem vel minorem testimoniorum excessum supra alteram: Atqui miracula non subiacent nisi paucis testimoniis, & habent contra se innumeraabilia testimonia: ergo miracula non merentur fidem. Prima ma-

jo-

(1) Non. dict. Phil. ar. Mirac. 4. entret.

(2) Judic. c. 15. v. 16. & 19.

(3) 4. Reg. c. 2. v. 14.

(4) Ham. Essay of miracl.

joris pars, quæ unice controverti potest probatur, quia quatenus frequenter deprehendimus plura se habere in re, sicuti hi vel illi nobis dixerunt, assuescimus assensum præbere aliorum de re nobis ignota assertionibus. Minor probatur, quia testimonia pro existentia miraculorum puta mortui ad vitam revocati, sunt plerumque pauci determinati loci homines: testimonia autem contraria sunt observationes quotidianæ omnium hominum pro quovis loco & tempore, quæ certiores nos reddunt mortuos non reviviscere.

433. Resp. I. cum Campbell (1) *nego mai.* & ejus probationem: Fides enim nascitur a præsumptione veracitatis & scientiæ in attestante, non ab experientia proposita. Hæc potius parit hæsitantiam, quippe processu temporis novimus dari plus nimio multos, qui veraces non sunt aut minus cauti in suis assertionibus. Clarum id est unicuique, qui advertat omnia statim a se credita cum puer esset, & solum adulto sibi & de pluribus edocto accidisse, ut difficultatem inveniret in credendo.

Resp. II. *Omitto mai. & nego min.* Ad cuius probationem nego suppositum, quod evidentia de mortuis qui non reviviscunt opposatur vel evidentia de aliquo singulari mortuo qui revixit, vel testimonio eorum qui se hoc miraculum vidisse affirmant. Opposita postulant juxta Dialecticam idem subiectum in iisdem circumstantiis. Hoc non reperitur in his propositionibus, quarum altera dicit, hic homo jam mortuus revixit, altera vero dicit, homines communiter non reviviscant. Neque in his, Aliqui qui viderunt hominem jam mortuum ad vitam rediisse, hoc ipsum testantur, & homines communiter vident mortuos ad vitam non redire.

434. Est præterea in ratiocinio Humes insignis abusus hujus nominis testimonium, dum modo in eodem contextu illud sumit in sensu vulgari, qui proprius est pro affirmatione ejus, quod quis vidit aut expertus est, facta aliis, modo in sensu metaphorico pro evidentia vel pro argumento ejus, quod quis pro certo habet. Testimonio sumpto in sensu proprio respondet Fides, at testimonio sumpto in sensu metaphorico respondet scientia. Scientiæ autem non opponitur Fides ne divina quidem, nec Fidei circa unum objectum unquam opponitur scientia de eodem objecto, nisi sit idem non solum in genere, sed etiam in individuo. Hume causam ætus fidei, & causam ætus scientiæ per idem vocabulum testimonii exprimens se ipsum decipit, vel alios tentat decipere, dum dicit non credendum esse mortuum revivisse iis, qui hoc quantavis affirmatione testantur, nec sibi met, qui hæc aliquando viderit, quia contra hoc testimonium particulare militant innumera alia testimonia de mortuis

(1) Cam. A dissertation Mirac. p.1. sec.1.

tuis non resurgentibus. Qui hanc philosophiam sequatur, profecto personam sponte infanientis apud cæteros sustineat necesse est. Quis enim nisi mente captus vel negabit vel dubitabit de ruina alicujus ædificii, quam nunc primo videt, quia alias millies hoc ædificium stare contempletur, dicens se non posse aliter sentire, quia pro hac ruina non habet nisi unum aut alterum testimonium, aut satis pauca, quæ millenis oppositis obruuntur. Videri potest contra huiusmodi ratiocinia Philosopho indigna non solum citatus Campbell, sed etiam Diarium Literatorum Pisanum (1).

335. II. Obiicitur a J. J. Rousseau apud Bergierium (2). De miraculis Sanctorum, quæ ad nostram notitiam non perveniunt nisi per attestantes, non habemus nisi demonstrationes morales: Sed *demonstrationes morales juxta omnes qui sapiunt satis sunt ad credenda facta quæ sunt possibilia moraliter* hoc est naturaliter, non vero facta quæ sunt possibilia supernaturaliter, cujusmodi sunt miracula: ergo hæc non sunt credenda. Minorem quæ concessa majori negatur sic probat: Catholicus iis, qui sibi narrarent vidisse se hominem, qui certo hæreticus objerat, iterum vivere in eadem hæresi, responderet, *novi equidem duos vel tres probos homines & sapientes posse esse testes sufficientes pro vita & morte alicujus, sed nondum novi quos opus sit testibus pro admittenda resurrectione hæretici*. ergo.

Resp. *nego ans*, quod nemo qui sapiat, proferet; Nam resurrectio hominis tam certa est, quam certa sunt ejus mors præterita ejusque vita præsens. Quare qui concedit duos vel tres testes satis esse pro vita & morte alicujus, concedet etiam satis esse pro resurrectione, utpote quæ est consequentia necessaria præteritæ mortis & præsentis vitæ, quæ ambo iuxta ipsum in fide testium idoneorum duorum vel trium credi debent. Videri potest in hanc rem Auctor dissertationis *de Certitudine facti* in Encyclopædia, ubi ex professo ostendit demonstrationem moralem quæ satis est pro effectibus naturalibus, satis esse etiam pro supernaturalibus.

435. III. Obiicit Stillingfleetus apud E. VV. (3). Miracula, quæ de aliquibus Sanctis Ecclesiæ Romanæ narrantur, numerosiora sunt illis, quæ de Christo ipso & Apostolis narrantur: ergo falsa sunt.

Resp. I. *Ommitto ans*, & *nego consequ*, quæ ex illo non sequitur. A Deo enim sunt miracula, qui prout sibi rerum omnium Domino libeat, ea potest efficere. Hæc quoties nobis certa fiant, necesse est ea fateamur, & admiremur, quocumque in numero sint, sive plura, sive pauciora uno tempore, quam alio.

Resp. II. *nego ans*. Nam habemus in Scripturis formulas gene-

ra-

(1) Giorn. to. 7. art. 3.

(2) Ber. Deism. refut. Lett. 3. pag. 144.

(3) E. VV. A discou. of mirac. c. 14.

rales, quæ perquam multa miracula a Christo & Apostolis patrata significant. Multas supra (n. 284. 297. retuli, alias hic subiicio. De Christo habemus illum quovis tempore curasse infirmos a quacumque detinerentur infirmitate, ita ut Pharisei hypocritæ increparent turbas, quia etiam die Sabbati illum adibant, ab eoque impetrabant miracula. Habeatur tandem præ oculis effatum Joannis supra (n. 274.) jam observatum, (1) *Multa fecit Jesus, quasi scriberentur per singula, nec ipsum arbitror mundum capere posse eos, qui scribendi sunt libri*. De Apostolis autem scriptum est, quod (2) *predixerunt ubique Domino cooperante & sermonem confirmante sequentibus signis*: Et de aliis etiam septuaginta duobus discipulis, quos Dominus (3) *misi in omnem civitatem & locum, quærat ipse venturus*, novimus iis præscriptum (4) *in quacumque civitatem intraveritis, curate infirmos, qui in illa sunt*. Quod & multo amplius factum esse ipsi iidem (4) reversi cum gaudio narrabant. Acta tandem Apostolorum exhibent nobis illos prædicantes ubique, & facientes (6) *signa & virtutes maximas*, ita ut Paulus olim & Barnabas vix obtinuerint (7) *natura sibi immolarent*. Quin etiam per impositionem manuum conferebant aliis viibiles gratias gratis datas, quod (8) *cum vidisset Simon, obtulit eis pecuniam dicens, date & mihi hanc potestatem, ut cuicumque imposuero manus accipiat Spiritum Sanctum*.

PROPOSITIO V.

Miracula quæ promulgantur a Sede Apostolica in Beatificationibus & Canonizationibus Sanctorum certiora sunt alia quavis historia.

437. **H**æc propositio est nova demonstratio superioris de existentia miraculorum in Ecclesia Catholica pro quovis tempore, & sic probatur. Summi Pontifices nulla promulgant miracula in Beatificationibus & Canonizationibus Sanctorum, nisi post habitum de illis examen juxta regulas juris tam rigidi ad eruendam illorum veritatem, ut nulla alia historia par habeat pro se fundamentum: ergo ea certiora sunt alia quavis historia. Consequentia est aperte legitima, & antecedens ostenditur referendo hujusmodi jura, quæ pro diversis temporibus diversa inveniuntur.

Ar-

(1) Isa. c. 41. v. 25.

(2) Matt. c. 16. v. 20.

(3) Luc. c. 10. v. 1.

(4) Ibid. c. 10. v. 8.

(5) Ibid. v. 47.

(6) Act. c. 8. v. 14.

(7) Ibid. c. 14. v. 17.

(8) Ibid. c. 8. v. 18.

ARTICULUS I.

De jure olim servato a Sede Apostolica in promulgatione miraculorum.

438. **P**rimis Ecclesiæ temporibus, quæ a Sanctis hominibus videbant aliqui patrata miracula, aliis narrabant, & hoc modo brevi totam urbem regionem & remotissimas etiam gentes illorum fama percurrerebat, & quod consequens erat, cultus etiam late præstabatur iis, qui eorum authores dicebantur. Postea tamen hæresibus præsertim erumpentibus, non amplius his vulgaribus vocibus creditum est; Nam vulgus temere credulum solet esse, & Sectarii fingere etiam coeperant miracula pro suis erroribus facta, eaque in vulgus spargere ad eos confirmandos. Testis enim est Tertullianus de hæreticis sui temporis fuisse qui dicerent se (1) *maxime doctrina sua fidem confirmasse, mortuos suscitasse, debiles reformasse, futura significasse, uti merito Apostoli crederentur*. Quare Episcopis, quibus datum est regere Ecclesiam Dei, intercesserunt, & nequis crederet ullum miraculum, nisi ipsimet post diligens illorum examen edicerent verum esse, sanxerunt. Hoc modo per plura sæcula res se habuit. Ex quo factum est, ut in singulis regionibus plures alibi ignoti venerentur Sancti, ii scilicet de quibus miracula ab Episcopis approbata referebantur.

439. Sed cum deinde ipsimet Episcopi observaverint falli se posse in hujusmodi approbationibus, atque decretis, quippe soli Petro, & iis qui ei in plenitudine potestatis succedunt Romani Pontifices, concessum est non errare in rebus, quæ ad Fidem & mores pro conservatione & augmento Ecclesiæ spectant, removerunt a se hujusmodi decreta, quibus fieri poterat, ut ex falso fundamento de miraculis creditis per errorem veris, cultus alicui indebitus tribueretur, ut fusius exponit Fagnanus (2). Quare extat Alexandri III. Papæ Canon, quemquam (3) *non licere pro Sancto absque autoritate Romana Ecclesia venerari etiam si per eum miracula fierent*: ex quo arguitur cum Brancato (4) consequi soli Sedi Apostolicæ reservatum esse proponere populis ut certa, miracula Servorum Dei non Canonizatorum, quandoquidem cum consequentia necessaria sit eos a populo haberi pro Sanctis, qui faciant certa miracula, si Episcopi palam approbarent miracula, quæ a non Canonizatis proveniunt, jam virtualiter excitarent populos ad publicam eorum venerationem. Clarius autem deinde Urbanus VIII. hoc ipsum expressit la-

(1) Ter. de Præscrip. c. ult.

(2) Fag. in Decret. c. 1. de Reliquiis.

(3) Cap. Audivi. de Reli. & Venera. SS.

(4) Bra. de Mirac. u. 2249.

ta lege (1), qua Episcopis relictum est munus constituendi examen de miraculis, quæ dicantur fieri a non Canonizatis, quod utile & necessarium erit ad effectum legitimæ Canonizationis, non vero ulla hujusmodi miracula approbandi aut promulgandi.

440. Nec obstat huic Urbani legi decretum Concilii Tridentini, in quo cum dicatur (2) *nulla admittenda esse nova miracula, nisi eodem recognoscante & approbante Episcopo*, aliqui a Brancato (3) impugnati propugnarunt posse adhuc Episcopos approbare & promulgare nova miracula: Non obstat inquam, tum quia Decretum Tridentini intelligitur de miraculis. quæ per illos, quibus jam cultus ab Ecclesia Romana concessus est contingant, non vero de iis, qui hunc cultum nondum habent. De his enim dici potest facere miracula, non vero facere nova miracula, quod supponit alia quæ sint sine controversia, prius fecisse, quod non potest dici nisi de Canonizatis: tum quia idem Tridentinum expresse dicit (4) *omnia & singula, quæ de morum reformatione atque Ecclesiastica disciplina in hoc sacro Concilio statuta sunt, declarat ita decreta fuisse, ut in his salva semper autoritas Sedis Apostolica & sit & esse intelligatur*. Firma igitur est etiam per Tridentinum Urbani VIII. reservatio soli Sedi Apostolicæ juris approbandi miracula non Canonizatorum.

441. Quare Episcopi in hac re possunt jam solum inquirere sicut de Vita aut Martyrio eorum, qui cum hac fama obierint, ita etiam de Miraculis, quæ de ipsis narrentur, ne eorum testes de visu, aliæque probationes depereant, & quæ invenerint in Acta referre caute in Archivii custodienda, ut expeditior sit via ad Canonizationem obtinendam a Sede Apostolica, quæ tunc hujusmodi acta solet ut ajunt compulsare, hoc est eorum ex archivii judicalem extractionem ductus aut tribus ab ipsa delegatis judicibus committere, ut ipsis inserviant ad novum processum Apostolica autoritate faciendum. Atque si accadat ut hujusmodi miracula sint tam conspicua, vel aliunde quam per Episcopi judicium & promulgationem apud populum tam certa, ut hic ad eorum auctores venerandos quodammodo trahatur, partes Episcopi sunt impedire ne cultus hic publicus sit per erectionem altarium in eorum honorem, aut per tabulas aliæve signa accepti beneficii palam eorum sepulcris imposita, aut per impressam typis eorumdem narrationem sine præscriptis cautelis quod hæc scripta sint credenda ut soli auctoritati humanæ innixa, utpote de rebus nondum a S. Sede discussis aut approbatis. Nam axioma jam est illud S. Thomæ (5) *Quod sit præter Dei & Ec-*

H h

clo-

(1) Urb. Const. Cælestis

(2) Tri. sess. 25. de Invocat. SS.

(3) Bra. de Mirac. n. 2243.

(4) Tri. sess. 25. de Refor. c. 21.

(5) S. Tho. 2. 2. q. 93. ar. 2. o.

cleſiæ inſtitutionem, reputandum eſt ſuperfluum & ſuperſtitioſum.

442. Ex conſenſu interea totius Eccleſiæ Catholice revocatis Canonizationibus Sanctorum ad ſolius Eccleſiæ Romanæ authoritatem, ad eas novimus ex monumentis, quæ affert Lambertinus (1), Romanos Pontifices numquam deveniſſe niſi vel in Conciliis ſive generalibus, ſive particularibus, & adhibita ipſorum Patrum opera in diligenti vitæ & miraculorum examine, eorumque audito conſilio, vel extra Concilium coram Cardinalibus, Archiepiſcopis, & Episcopis, quorum pariter opera uſi ſunt atque conſilio, ut conſtat ex pluribus Canonizationum Bullis Alexandri III. Cæleſtini III. aliorumque: ergo miracula quæ ſunt unum ex fundamentis huiusmodi Canonizationum atque Bullarum, antequam per ipſas promulgarentur, perpenſa fuerunt juxta regulas rigidi cujuſdam juris, quod nulla pro ſe jactat hiſtoria.

443. Proceſſu temporis diligentiores inquiſitiones in Canonizationum cauſſis inſtitutæ ſunt ad normam novi juris, quod Pontifices deinceps novis legibus rigidius reddiderunt. Poſtquam enim omnia perquiſita & a doctis & expertis diſpoſita fuerant quæ ad has cauſſas pertinerent, ea viris probatæ doctriinæ & ſapientiæ, aut tribus Rotæ Romanæ Auditoribus examinanda committebantur, ut conſtat ex Card. Oſtienſi (2), quorum ſuffragium ſi abeſſet, in Conſiſtorio Pontificis non proponebantur. Poſtea examini Auditorum Rotæ additum ſuit illud unus Cardinalis a Pontifice electi, ut videre eſt in cauſſa S. Stanislai Epiſc. apud Bollandiſtas (3), & ſucceſſive auctum ſuit hoc examen delegatis non jam amplius uno ſed tribus Cardinalibus, quorum unus eſſet Episcopuſ, alter Presbyter, & tertius Diaconuſ, ut conſtat ex Bonifacio VIII. in concione ante Canonizationem S. Ludovici Galliarum Regis, illudque Sixtus V. in cauſſa S. Didaci cumulavit octo conſtitutis Cardinalibus ad ejus cognitionem. Atque quando omnia huc uſque favorabiliter proceſſiſſent, tunc tandem coram Pontifice ultimum examen habebatur Cardinalibus & Episcopis præſentibus, & aliquando aliis Theologis & Canoniſtis convocatis, uti eruitur ex quibuſdam Canonizationum Bullis: ergo iterum, concluditur de veritate miraculorum inſtitutum a Romanis Pontificibus ſemper fuiſſe examen juxta Juris & quidem rigidioris regulas antequam ipſi eadem approbarent & promulgarent.

(1) Lam. de Beatif. l. 1. c. 20.

(2) Oſt. in c. Audivimus. De Reliq.

& Vener. S.

(3) Bol. ad 7. Maij

ARTICULUS II.

De jure quod nunc servat Sedes Apostolica in promulgatione miraculorum

444. **N**ostro tempore ad erectam a Sixto V. Congregationem Sacrorum Rituum tota de his causis disquisitio pertinet, cui opus est satisfacere antequam ad Papam deferantur. Eidem autem satisfacere hoc opus hic labor est; Nam præter Cardinales ad eandem pertinent permulti ex coetu Præfulum Curiae, & ex Clero tam seculari quam regulari, qui Consultores appellantur, & Medici præterea aut Mathematici, aut aliarum facultatum Doctores, quos Sacra Congregatio in consilium adhibet quoties agit de miraculis, ad quæ rectius æstimanda ipsorum cognitiones utiles aut necessariæ esse possint. Quare tranquilli videntur debere esse increduli, qui vellent pro veritate miraculorum adesset sententia alicujus Academiæ, quod credo voluerit significare ille qui apud Bergierium (1) dixit optare se ad habendam certitudinem alicujus miraculi, ut ipsum fieret in conspectu Academiæ scientiarum Parisiensis & Medicæ Facultatis. Horum omnium suffragium in questione an constet de Miraculis exquiritur, & nisi pro parte affirmativa habeantur duæ tertiæ partes pro more usitato in rebus maximi momenti, jam causa cadit. Evidens igitur est summam jam adhiberi diligentiam in æstimanda veritate miraculorum; quæ a Romanis Pontificibus debeant promulgari.

445. Sed ut distinctius hoc ipsum cognoscatur sic dico. Imprimis Congregatio Sacrorum Rituum numquam de miraculis ad effectum Beatificationis aut Canonizationis inquirat, nisi postquam Papa decreverit constare de Virtutibus aut Martyrio ejus de quo agitur. Habito hoc decreto, quod tantopere suffragatur veritati miraculorum, certe quidem removel omnem circa illorum possibilitatem dubitationem, jam ad eorundem accuratam cognitionem accedit, ac primo examinat duo extrema miraculi, puta præcedentem sanitatis defectum; & hujus deinde existentiam: tum quærit de relevantia miraculi, sive an effectus (n. 81.) sit reapse miraculum, & tandem de medio miraculi, seu invocatione ejus cui tribuitur. Meum est hic solum dicere de duobus primis, quandoquidem Invocatio non pertinet ad essentiam miraculi, quam supponit existere, sed ad causam, cui debet tribui.

446. Quod pertinet ad primum, dico Sedem Apostolicam ad cognoscendam veritatem de extremis miraculi adhibere testes legi-

H h 2

(1) Ber. Apolog. c. 6. §. 21.

rimos, cujusmodi statuit eos esse, quos utrumque Jus Civile & Canonicum volunt admitti in Causis Criminalibus, quæ summum jus sequuntur, & sunt qui habent qualitates per hos versus indicatas,

Conditio Sexus Aetas Discretio Fama

Et Fortuna Fides in testibus ista requires,

quæ sic declarantur. *Conditio* postulat ut nemo in testem adhibeatur conductus pretio (1), nec infamis, hoc est (2) Homicida Maleficus Fur Sacrilegus Raptor Adulter Incestus Veneticus Perjurus, & qui ad Sortilegos Divinosque concurrerit. *Sexus* significat tēminas excludi a testimonio dicendo in aliquibus causis criminalibus, non tamē in omnibus, quas Leges determinant. Quare ne in causa quidem miraculi excluduntur. *Aetas* requirit ut testis non sit impubes (3). *Discretio* postulat ut testis sit compos sui, adeoque non admititur amens, & qui imaginationibus suis indulgeat aut rapiatur. *Fama* excludit a testificando omnes infames. *Fortuna* appellat ad statum testis, qui non debet esse vilis & mendicus. *Fides* tandem significat testes non posse esse, qui cogniti sunt mendaces. Hac via utrumque jus cavit quantum humanitus potuit a falso plurium etiam hominum testimonio, quod novimus non raro intercesse, ut in causa Naboth (4), Sufannæ (5), Christi Dni (6), S. Stephani (7). Admissi testes juxta id quod statutum est (8) debent de veritate eorum, quæ dicunt, juramentum suum interponere, aliter iis non creditur etiam si Religiosi sint. Juramentum enim in quibusvis causis pertrahandis exigunt Jura & quidem solemne, cujusmodi appellatur, quod coram Judice fit vel Notario vel utroque, quia consuetudo est omnium temporum & gentium, ut res alicujus momenti, quas volumus credi a præsentibus & posteris juramento saltem simplici seu non solemni confirmantur, quemadmodum luculenter demonstrat Brancattus (9).

447. Circa numerum testium, qui debent esse de visu, duo vel tres sufficerent juxta legem Dei, quam iterum iterumque tam Vetus quam Novum Testamentum (10) præscripsit in judiciis servandam. *In ore duorum aut trium testium stabit omne verbum*, & in qua fundantur frequentes Ecclesiæ Canones, cujusmodi est ille Concilii Lateranensis IV, & refertur in Capite Licet. 2. De testibus, *Secundum ordinem judiciorum non sufficit unius testis assertio, etiamsi prædiali refulgeat digni-*

(1) Cap. Placuit. de Testibus
(2) Can. Constituimus. 3. q. 5.
(3) Can. Testes. 4. q. 1.
(4) 3. Reg. c. 21. v. 13.
(5) Daniel. c. 13. v. 34.
(6) Matt. c. 26. v. 60.

(7) Act. c. 6. v. 11.
(8) Cap. Fraternitatis. Et cap. Nuper. De Testib.
(9) Bra. de Mirac. n. 1199.
(10) Deut. c. 17. Et c. 19. Et Matt. c. 18. Et 1. Corinth. c. 13. Et alibi.

gnitate. Nihilominus solent in causis de Miraculis plures quam duos requiri, quod Brancatus (1) dicit sibi compertum esse per annos decem & octo, quibus consultoris munus gerebat in Sacra Rituum Congregatione.

418. Opportunum fuit hunc morem adnotasse, quoniam Felix Contelorus, qui de Canonizatione Sanctorum scripsit anno 1634, alique quasdam opiniones ipsi oppositas conati sunt defendere. Talis est quæ contendit per Scripturas antiquas vel historias privatim factas probari posse sufficienter miracula antiqua, quæ quia privatæ dicuntur, destitutæ sunt pluribus de visu juratis testibus. Sed Brancatus (2) copiose demonstrat temere & falso id doceri. Talis etiam est opinio, quæ dicit (3) *quod si testis sit persona digna & gravis, solus sufficit ad probandum totum miraculum, si concurrant adminicula*, cujusmodi essent plures testes de auditu, aut fama de existentia miraculi, quam doctrinam idem Brancatus referens reiicit tamquam numquam usitatam in hac re ab Ecclesia, & contrariam Sacræ Scripturæ jam citatæ, quam S. Augustinus vocavit (4) *Legem Divinam in judiciis*; & infra distinctius pertrahens quæstionem de sufficientia unius testis de visu cum aliis de auditu pro existentia miraculorum, in quibus fundetur decretum Canonizationis testatur (5) *ex quo tempore per Consultores Theologos & Canonistas causæ & processus canonizandorum discutiuntur numquam tales probationes tamquam concludentes fuisse admittas*; & plures causæ hoc defectu laborantes ex hoc capite infelicem exitum sortite sunt. Quod iterum affirmat, ubi deinde statuit neque famam solam, neque famam cum uno teste de visu probare apud Ecclesiam ullius miraculi existentiam, & iterum referens canones, in quibus decernitur ita admittendum esse (6) *testimonium etiam ab uno licet Episcopo perhibitum, ut nullus alius audiat*, & alios præterea canones, quibus privilegium Episcopis conceditur, ut sine juramento deponant, dicit (7) *se nihilominus existimare solum Episcopi dictum non probare concludenter miraculum propter allatam Dei legem*, & alias Ecclesiæ Sanctiones oppositas, & quando ipsi Episcopi non sint jurati, (8) *in gravissimo hoc negotio non facere probationem, sed presumptionem*.

449. Cur autem plures quam duo vel tres testes in causis de miraculis, sicuti & in quibusdam aliis adhibeantur, ratio est, quia Sedes Apostolica mavult abundare in humanis assequendæ veritatis conatibus, quos novit Deum velle præmitti Decretis suis, quæ cum quid

(1) Bra. de Mirac. n. 1033.

(2) Bra. de Mirac. an. 1185.

(3) Id. ibid. n. 1186.

(4) S. Aug. tr. 36. in Joa.

(5) Bra. de Mirac. n. 1186.

(6) Can. Omnes itaque 11. qu. 1.

(7) Bra. de Mirac. n. 1182.

(8) Id. ibid. n. 1184.

proponunt universis fidelibus ut verum tenendum, venerari ipsi debent tamquam Divinum Oraculum propter promissam Sancti Spiritus assistentiam, quæ omnem ab iis errorem avertat. Quare Romani Pontifices quibus solis ea assistentia promissa est, numquam cogitant de declarando aliquo tamquam digno, qui ut amicus Dei ad ejus gloriam colatur, de quo non solum non viderint probatas evidenter insignes virtutes, sed probata evidenter etiam miracula, utpote sensibile testimonium Dei de vera usque ad finem vitæ sanctitate eorum, quibus ea tribuuntur.

450. Quoniam plures exigantur testes, manifestum est debere esse ut ajunt testes, hoc est uniformes in iis circumstantiis referendis, sine quibus non haberetur plurium testimonium de uno eodemque miraculi extremo. Fac itaque testes conveniant in tempore loco & persona, quæ repente sanata est, quam prius noverant gravi afflicta morbo, jam habent uniformitatem in essentialibus facti, quæ unice requiritur, quia humanitus difficillimum est habere ulteriorem uniformitatem etiam in accidentalibus, ut motus quem infirmus fecerit, modi quo Sancti invocatio aut ejus reliquæ applicatio facta fuerunt, & similia, quemadmodum jam docuit S. Thomas advertens, quod (1) *si sit discordia testimonii in aliquibus circumstantiis non pertinentibus ad substantiam facti talis discordia non præjudicat testimonio, quia homines non consueverunt circa talia multum sollicitari: quin immo aliqua discordia in talibus facit testimonium creditilius, ut Chrysostomus dicit supra Matth. quia si in omnibus concordarent, etiam in minimis, viderentur ex condito eundem sermonem proferre: ergo nihil certius, quam nullum jam promulgari miraculum in Ecclesia Catholica, nisi post habitum de illo examen juxta rigidioris juris regulas.*

451. Probatis extremis miraculi ipsius relevantiam supra jam (n. 81.) definitam demonstrare necesse est. Hoc autem postulat I. considerationem ipsiusmet effectus, an artis viribus, an creaturæ aliqujus virtute fieri possit. Quamobrem Brancatus (2) diligenter post Martinum del Rio (3) quem citat, persequitur, quæ Dæmones non possunt reipsa præstare, sed solum apparenter per præstigias brevi evanescentes. II. postulat considerationem modi quo fit, an media naturalia sint adhibita, quæ potuerint illud saltem accelerare vel perficere.

452. III. considerationem finis, propter quem fit sive an ad bonos mores & cultum Dei conducatur. Quando Antichristus cum suis adiutoribus operabitur signa magna & prodigia, ut se ipse suadeat esse

(1) S. Tho. 2. 2. q. 70. ar. 2. ad 2.

(2) Bra. de Mirac. an. 710.

(3) Rio. Disq. Mag. l. 2.

esse Christum promissum a Prophetis, & adorationem a seductis gentibus recipiat tamquam Filius Dei, electi ipsum execrabantur, & omnia ejus prodigia inter diabolicos conatus numerabant ex hac infallibili regula, quod eorum finis sit vesanam Idololatriam stabilire, quandoquidem Christum jam advenisse certi erunt Fide Divina, fundata in apertis tam Veteris, quam Novi Testamenti testimoniis, prout etiam ab Ecclesia Catholica semper fuerunt intellecta. Quare in eo, qui tunc Christum se finget, agnoscent (1) *hominem peccati, & filium perditionis*, & in suis ministris totidem Pseudoprophetas & de utrisque commemorabunt horribiles prædictiones, & gravem Christi Dni præmonitionem (2) *Vos ergo videte, ecce prædixi vobis*.

453. IV. tandem postulat considerationem adiunctorum, quæ illud comitentur. Miracula dicebat jam Origenes (3) *examinamus ex eorum vita moribusque, tum ex ipsorum effectibus, dispiciendo afferantne damnum hominibus aut correctionem moribus, ut sciamus quenam ab incantatore fiant ministerio Demonum, vel ab anima pura sanctaque & assistata Divino Spiritu*. Observandam igitur an qui fecit miraculum sit homo probus, & spectatæ virtutis, an quod fecit sit quid utile & in suo genere perfectum & stabile, an palam factum fuerit, an tandem absint omnes superstitiosæ & ineptæ cærimonix, ex quibus duodecim Brancatus (4) exponit tamquam indubia argumenta effectus Dæmoniæ, non miraculi.

In hujusmodi regulas conspirat doctrina S. Thomæ (5), qui docet miracula vera a falsis differre efficacia duratione utilitate modo ac fine. Atque hæc sunt regulæ pro miraculis in genere, in quibus iterum diligentius exponendis versantur Auctores agentes de singulis miraculorum speciebus. Juvat aliquid dicere de regulis, quas tradunt pro sanationibus prophetiis & apparitionibus, utpote miraculis frequentius occurrentibus.

454. In sanationibus I. requiritur certa notitia quod morbus sit curatu vel difficilis vel impossibilis. Atque quia ad hoc iudicium postulatur cognitio de natura morbi, quæ colligitur præsertim ex causa aut occasione & symptomatis ipsius, si hæc ignorantur, jam de eo amplius non quæritur, adeoque numquam statuitur esse miraculum. Contra vero si constet morbum ex iis esse, qui curatu impossibiles sunt, jam hoc satis est, ut miraculum omnis aliis considerationibus (n. 36.) haberi definiatur.

II. Requiritur ut medicamenta vel non sint adhibita, vel certum sit nihil profuisse. Ac si frustra dicantur adhibita, opus est indi-

(1) 2. ad Thessal. c. 2.

(2) Mar. c. 13. v. 23.

(3) Orig. l. 2. c. Cels. n. 94.

(4) Bra. de Mirac. a. n. § 36.

(5) S. Th. in 2. sec. dis. 7. q. 3. ar. 3.

dica re qualia fuerint, ut cognosci possit an revera nihil profuerint; Nam aliquando accidit morbos non abire tempore curationis, quia ipsa medicamenta debiles reddunt vires naturæ, quæ deinde paulatim invalescunt, & sanationem perficiunt. Quare qui nesciat his quæsitis satisfacere, jam non suadebit sanationem miraculo esse adscribendam.

455. III. Requiritur ut sanatio sit perfecta, nulla scilicet remanente virium debilitate, qualis contingeret, si naturaliter morbus recederet. Hoc volunt jam qui sequuntur Lambertinum (1): & quidem merito, quia quotquot dicunt negandum non esse miraculum, quoties in instanti cessaverit malitia morbi, & remaneat virium imbecillitas, probari nequit; Nam malitiam morbi sublatam penitus esse per miraculum non aliter fortasse intelligimus, quam per vires subito recuperatas. Aliquando tamen contingit, ut quis pluribus simul morbis affligatur, & ab uno tantum sanetur. Hoc non impedit, quod possit sanatio esse per miraculum, si debilitas virium, vel alia imperfectio propria morbi qui recedit, sublata cum eo appareat, altera remanente quæ propria est alterius morbi; Nam verum est quod habeatur perfecta sanatio a tali morbo. Nil clarius ac certius hac doctrina: siquidem quis neget cæcum posse per miraculum a febris maligna convalescere, etiamsi perseveret in sua cæcitate.

456. IV. Requiritur ut sanatio comprobetur facta in instanti, nisi sit in subiecto quod esset incapax sanationis. Hæc regula inculcatur quodammodo a Scriptura? Evangelia enim dum referunt hujusmodi miracula facta a Christo aut Apostolis apponunt particulas statim aut confestim aut protinus aut aliam æquivalentem. (2) *Confestim sanata est lepra ejus* dicitur de leproso, quem *Jesus tetigit*: Et de muliere curva ab annis 18 (3) *imposuit illi manus, & confestim erecta est*: Et de cæco prope Hierico (4) *Jesus dixit illi respice, & confestim vidit*: Et de furdo & muto, (5) *statim aperta sunt aures ejus, & solutum est vinculum lingua ejus ad vocem Jesus, Epheta*: Et de languido probe probaticam piscinam, (6) *dicit ei Jesus, surge tolle grabatum tuum & ambula, & statim sanus factus est*: Et de claudo, quem Paulus (7) *Apprehensa manu ejus dextera allecnavit, & protinus consolidata sunt bases ejus*: Et de Aenea paralitico, cui Petrus dixit (8) *surge & continuo surrexit*.

457. V. Requiritur, ut sanationem non præcesserit status morbi proximus declinationi, neque crisis. Primum quidem quantum sal-

(1) Lam. de Beat. l. 4. p. 1. c. 8. n. 22.

(2) Matt. c. 8. v. 3.

(3) Luc. c. 13. v. 35.

(4) Ibid. c. 18. v. 42.

(5) Mar. c. 7. v. 35.

(6) Joa. c. 5. v. 8.

(7) Act. c. 3. v. 7.

(8) Ibid. c. 9. v. 12.

saltem ad forum tollit rationem miraculi a sanatione, quia juxta Zacchiam (1) *cum appropinquat declinatio, aliquando fit repentina ac momentanea mutatio etiam præter spem & cum summa admiratione adstantium ad salutem, quæ a natura quidem est.* Crisis autem officit miraculo, quia Medici communiter cum Galeno observant naturales esse subitas etiam sanationes, quibus (2) *evacuatio effatæ digna contingit vel per vomitum, vel per ventris exonerationem, vel sudores, vel urinas, vel sanguinis e naribus effluvium, aut ex sede per hæmorrhides, aut in mulieribus per purgationem menstruorum.* Cum his limitationibus hæc propositio. Potest quis naturaliter repente mori & repente convalescere, utpote particularis vera est, quæ si fiat generalis falsa est & contra evidentiam in sanatione a morbis quæ corporis organa jam vastaverint. Generalem fecit J. J. Rousseau, merito proinde reprehensus a Nonnote (3) ut concluderet nullam sanationem probari quod sit miraculum.

458. VI. Requiritur diuturnitas quædam in impetrata divinitus valetudine, quæ quanta debeat esse determinabunt periti & prudentes, considerata indole morbi, & omnibus miraculi circumstantiis, quæ aliquando tales esse possunt, ut miraculum sit etiam in sanatione ad tempus satis breve. Exemplum habemus ex Historia Ecclesiastica in filio Valentis Imperatoris, qui presente S. Basilio Magno per miraculum convaleuit, idemque non multo post ad adventum hæreticorum, quos pater advocaverat ad invisendum puerum, iterum ita ægrotavit, ut brevi obierit. Quare Bordonus cum aliis bene multis a Lambertino (4) citatis, censent posse stare miraculum sanationis, etiam si quis (5) *reincidat in eundem vel alium morbum post unum aut alterum diem.* Alii vero distinctius dicunt tempus quantumvis breve inter sanationem & novum morbum, siue idem sit cum primo siue diversus, stare posse cum miraculo, si constet de nova causa morbi culpabili. At Romana Curia in miraculis ad effectum Canonizationis, nisi forte æger petierit expressæ sanitatem pro certo brevis temporis intervallo, longam omnino permanentiam in sanatione quæ sit miraculum requirit eodem Lambertino teste (6) & plusquam longam plurium annorum, cum agitur (7) de sanatione ab Epilepsia, & a Mania (8).

459. Ad horum examen cum planum sit opus esse opera eorum, qui etiam in Medica facultate docti & exercitati sint, hi utique ad-

I i

hi

(1) Zac. Quæst. medico leg. l. 4. tit. 1. qu. 2. c. 6. Et l. 9. Consul. 9. n. 7.

(2) Gal. de Crisib. l. 3. c. 7.

(3) Non Dic. Phil. ar. Mirac. 2. Entr.

(4) Lam. de Beatis l. 4. p. 1. c. 8. n. 29.

(5) Bord. de Mirac. Medit. 7. q. 11. n. 31.

(6) Lam. ubi supra c. 8. n. 34.

(7) Id. ibid. c. 13. n. 10.

(8) Id. ibid. c. 14. n. 19.

hibentur in Caussis Canonizationum . Atque sicuti , qui has student impetrate vulgo dicti Postulatores , eligunt aliquos , qui scriptis patrocinium miraculorum , quæ proponunt suscipiant , ita Sacra jam Rituum Congregatio alios assumit , qui interposito juramento quid omnibus perpenlis pro veritate sentiant , scripto pariter exponant .

450. In Prophetiis alia miraculi specie præscribitur , nihil habendum esse tamquam prophetiam , nisi prius constet I. de re ipsa , quæ debet esse contingens , & Deo aut homini libera . II. de verbis , quæ aperta postulantur , non flexiloqua , neque significantia conjecturam potius quam affirmationem . III. de modo , qui vatem ostendat constantem & non fluctuantem . IV. quod Dei gloria hinc promoveatur , non temporale aliquod emolumentum intendatur . V. tandem eventus expectandus . Hæc ad prophetiæ dignitatem atque constitutionem spectant , cujus magna est apud omnes qui sapiunt auctoritas , quicquid dicat J. J. Rousseau , qui nullam in nullo casu esse vult , quia ad illam (1) *tria* inquit apud Bergierium , *requiruntur* , *quæ numquam possunt simul adesse , scilicet ut sint testis prophetiæ , testis eventus , & certius quod hic non potuerit esse fortuitus* : Qua ratione nullis veteris & Novi testamenti prophetiis credet ; quin immo nulli historiæ anteacli temporis & etiam præsentis de iis , quorum ipse testis non fuit .

461. Pro apparitionibus & revelationibus has regulas tradit Brancatus (2) I. Falsa apparitio & revelatio est , ad quam obtinendam adhibita sint aliqua superstitionibus , aut ineptæ cærimonie . II. Quæ quid doceat contra Fidem Catholicam & bonos mores . Iterum enim iterumque scriptum est , (3) *Siquis vos evangelizaverit præter id quod accepistis anathema sit* . III. Quæ non excitet ad spiritualem profectum , sed ad temporalia , profana , & inania . Nam (4) *Fructus Spiritus sunt caritas gaudium pax patientia benignitas bonitas longanimitas mansuetudo fides modestia continentia castitas* .

452. Pro aliis miraculis suæ etiam sunt particulares regulæ , quas dabit Lambertinus in libro quarto de Beatificatione , ubi non solum agit de jam dictis , sed etiam de reviviscentibus , de lapsu ex alto sine læsione , de ambulatione supra aquas tamquam supra solum , de partu felici cum esset difficilis , de familiari consuetudine cum feris , de transitu innoxio per flammam cum quadam longiori in ipsis commoratione , de incorruptione cadaveris nulla adhibita medicamentorum ope , nec alia interveniente causâ naturali , de suavi odore aut liquore ab ipso cadavere emanante , de eruptione fontium mirabili ,
de

(1) Ber. Deism. refut. Lett. 3. pag. 161.

(2) Bra. in 3. den. to. 4. De Gratia gratis data a n. 374. Et de Mirac. n. 350.

(3) ad Galat. c. 1. v. 4.

(4) Ibid. c. 5. v. 22.

de multiplicatione annonæ, de conversione unius rei in aliam, de splendore vultus aut corporis, de expulsiōe Dæmonum aliter quam per exorcismos ab Ecclesia institutos.

463. Quando tam multis ad Relevantiam miraculorum requisitis satisfactum fuerit sacra Congregationi sperari poterit ipsorum approbatio & promulgatio per Pontificem. Quod dum faciat, manifestum est ea certiora esse quacumque historia. Ac quoniam hac via licet tam difficili, identidem aliqua miracula promulgantur, concludam cum S. Augustino, (1) *Fiunt ergo etiamnum miracula eodem Deo faciente per quos vult, & quemadmodum vult*, eosque qui adhuc contra horum existentiam hîscere audeant, compellabo cum citato supra (n. 159.) Langueto, (2) *Quando miraculis scrupulose examinatis obicitis vestras dubitationes, est ne hoc sapere an ignorantiam profiteri? Est ne esse prudentes, an perversos?*



(1) S. Au. de Civi. l. 11. c. 9.

(2) Lan. Vita. della V. Alacoq. pref.

P A R S V.

De Caussa finali miraculorum

P R O P O S I T I O .

Caussa finalis miraculorum est multiplex.

464



subicio.

Considerationem finis in miraculis ad illorum veritatem agnoscendam non solum utilem sed prorsus necessariam esse supra jam statui (n. 96.), dum ad bonam miraculi definitionem requiri ostendi ad Divina conducentiam, quæ diversis modis potest se manifestare, quos in argumento pro propositione jam

A R T I C U L U S I.

Argumentum pro propositione.

465. **C**AUSSA finalis miraculorum ex doctrina Theologorum cum S. Thoma (1) fundata in Sacris Literis est I. Gloria Dei per manifestationem suæ vel Potentiæ vel Misericordiæ vel Justitiæ vel alterius attributi. Hic cum sit finis primarius omnium Divinarum operationum, expresse enunciatus fuit a Christo Dn. in excitatione Lazari; Nunciantibus enim sibi ejus infirmitatem dixit, (2) *Infirmus hac non est ad mortem, sed pro gloria Dei*: quod iterum professus est (3) audiens a quatuor jam diebus sepultum. Quæ autem sit gloria Dei in miraculis indicat communis notio gloriæ, quod sit clara de aliquo cognitio cum laude. Omnia igitur miracula fiunt ad excitandam vel illustrandam in nobis cognitionem Dei, ejusque venerationem & laudem promovendam. Quare sicut iuxta supra (n. 96.) dicta, ubi gloria Dei non appareat in eo, quod primo adspectu diceretur miraculum concluditur non esse, ita ubi eadem haberi non possit, frustra expectatur aut desideratur miraculum. Haberi autem non potest apud hæreticos & incredulos; Utrique enim habent jam sufficiente in cognitionem eorum, quæ Deus jam olim

(1) S. Th. 2. 2. q. 178. a. 2. Et 3. p. q. 41. 2. l. Et l. 1. c. Gent. c. 6.

(2) Jo. c. 11. v. 4.
(3) Ibid. v. 40.

olim voluit esse hominibus nota per miracula, & quamvis hæc cognitio per nova miracula in ipsis augeretur, ita tamen animo comparati sunt ut non darent assensum & executionem iis, quæ ab ipsis expetuntur.

466. II. Comprobatio veritatis divinitus revelatæ. Sic per miracula comprobata fuit missio Moysis ad liberationem Hebræorum ab Aegyptiorum servitute (1). Idem finis apparuit in miraculis Christi, quæ (2) *ad hoc ordinabantur*, inquit S. Thomas, *quod virtus Divinitatis cognosceretur in ipso ad hominum salutem*. Idem in illis, quæ ab Apostolis habita sunt ad promulgationem Legis Christianæ. Non est dicebat S. Paulus (3) *predicatio mea in persuasibilibus humane sapientie verbis, sed in ostensione spiritus & virtutis, ut fides vestra non sit in sapientia hominum sed in virtute Dei*.

III. Commendatio probitatis alicujus hominis adhuc viventis. Hujusmodi est miraculum factum pro Elia (4) in duobus ducibus Ochoziæ Regis Samaritæ, qui cum quinquaginta militibus igne de Cælo delapso perierunt, eo quod cum ad eum capiendum jussu Regis venissent, debita cum reverentia non essent colloquuti. Et illud factum pro Moysæ contra detractiones fororis Mariæ & fratris Aaron, qui audierunt Dominum dicentem, (5) *Servus meus Moyses in omni domo mea fidelissimus est. Quare ergo non timuistis detrahere servo meo?* Et viderunt Mariam lepra repente correptam, nec sanatam nisi post septem dies Moysæ ipso intercedente.

467. IV. Contestatio Sanctitatis alicujus hominis jam mortui. Tale fuit miraculum reditus ad vitam hominis, cujus (6) *cadaver projectum in sepulcro Elisei, cum tetigisset ossa ejus, revixit, & stetit super pedes suos*.

V. Tandem Utilitas aliquorum spiritualis, aut etiam corporalis. Hujusmodi finis eluxit in liberatione Noe a diluvio, & Lot a Sodomis, in Visione reddita Tobitæ seniori oculis felle piscis linitis, in liberatione Saræ a Dæmone, & Petri (7) *de manu Herodis* per Angelum, qui eum e carcere extraxit in revocatione ad vitam Tabithæ, quam ipse S. Petrus exoravit a Deo motus precibus & lacrymis viduarum, quæ ipsum circumsteterunt (8) *ostendentes ei tunicas & vestes, quas faciebat illis, & in omnibus apparitionibus sive Beatorum sive Damnatorum sive Purgantium; Siquidem Beati apparent vel ad incitandos homines ad virtutem meritam gloriæ, vel eos deterrandos a vitiis, via certissima perditionis, vel alio modo juvandos;*

(1) Exod. c. 4.

(2) S. Tho. 3. p. q. 44. art. 4. O.

(3) 1. Corin. c. 2. v. 4.

(4) 4. Reg. c. 1.

(5) Num. c. 12. v. 7.

(6) 4. Reg. c. 13. v. 21.

(7) Act. 12. v. 11.

(8) Ad. c. 9. v. 39.

dos : Dammati vero sive in perpetuum sive ad tempus, (1) *ad eruditionem*, ut dicitur in supplemento S. Thomæ, & *terrorem aut etiam ad suffragia expetenda, quantum ad illas, quæ in Purgatorio detineantur*. Ergo multiplex est miraculorum causa finalis,

ARTICULUS II.

Objectiones contra miracula ex fine omnibus communi.

468. I. **O**biicitur. Cognitio Dei, ejusque attributorum obtineri potest sola contemplatione hujus mundi. (2) *Sola ratio*, inquit J. J. Rousseau, *assequitur omnium præclarissimas de Dei naturæ cognitiones. Intuemini spectaculum naturæ, auscultate vocem internam. Nonne Deus omnia dixit nostris oculis conscientia & menti nostræ?* Et Auctor impii Dictionarii Philosophici ad articulos *Idolatria & Religio* pro sua eruditione testatur omnes philosophos *Græcos & Romanos admisisse unum Deum supremum remuneratorem & vindicem*: ergo si cognitio Dei est finis qui in omnibus miraculis debet juxta etiam definitionem (n. 1.) intervenire, nulla sunt miracula utpote superflua.

Resp. *dist. ans.* Finis prædictus obtineri potest & obtinetur, *subdist.* ab aliquibus & relate ad aliqua objecta, *concedo*, a plerisque & relate ad omnia objecta, *nego ans. & consequ.* Imprimis igitur dico posse quidem a consideratione Divinorum operum, quæ Apostolus vocat (3) *Dei sapientiam*, & prostant in existentia & conservatione hujus Mundi rapi mentem hominis in Dei cognitionem laudem & admirationem. Interea tamen communis ante adventum Christi evaserat hominum ignorantia de Deo & solum (4) *notus in Judæa Deus, & in Israel magnum nomen ejus*, & ne hic quidem satis constanter, cum tam sæpe utriusque populi Reges in infaniam Gentium abierint, & in ipso circuitu Jerusalem adoleverint (5) *incensum Baal & Soli & Luna & duodecim signis & omni militia Celi*. Scilicet abhorrent homines reflexionem supra ea quæ apprehendunt, & qui ea utuntur partim præjudiciis abrepti, partim ad alias consequentias intenti vel de Deo ne cogitant quidem, vel ab ejus vera cognitione post longam hujus mundi contemplationem & admirationem magis remoti evadunt, quod significanter dixit Apostolus, *in Dei sapientia non cognovit mundus per sapientiam Deum*. Testis est Plato *Philosophorum Deus* juxta Tullium, qui (6) *in Timæo & in Legibus mun-*
dum

(1) S. Tho in suppl. q. 69. ar. 3.

(2) Rou. Emil. tom. 3.

(3) 1. Corint. c. 1. v. 21.

(4) Psal. 75. v. 1.

(5) 4. Reg. c. 23. v. 5.

(6) Tul. de Nat. Deor. l. 1. n. 30.

dum Deum esse ait & Calum & Astra & Terram & Animos. Testes sunt ipsi etiam citati increduli, a quibus veritates per se manifestae non raro assensum ab ipsis extorquent, quem alias recusant, quando indulgent libidini contradicendi iis qui Divinae revelationis necessitatem, aut alia catholica dogmata propugnant. Ipse enim Rousseau to. 2. ejusdem Emilii dixerat, *Deus mundi auctor effugit omnes nostros sensus. Opus visibile est sed artifex absconditus. Difficile est pervenire ad cognitionem existentiae Dei quo cum perveneris si queras qui sit & ubi, jam mens confunditur & vagatur incerta*, & post paucas paginas concludit spectaculum naturae impulsisse homines in Polytheismum quem contra Genesim dicit fuisse primam mundi religionem. In impio autem Dictio. philoso. ad artic. *Athei* haec habentur: *Compertum est Scepticos de omnibus dubitasse, Academicos nihil definite affirmasse aut negasse, & Epicu eos persuasos fuisse Deum nihil esse, & si quis forte esset, non se immiscere rebus humanis*: Quare juxta ipsius observationem ab aliis jam antea factam praeclearissimi philosophi Graeci & Romani post studiosam hujus mundi considerationem non solum in Dei cognitione non profecerunt, sed ne sententiam quidem circa ejus existentiam firmam & immotam sibi reddiderunt.

469. Itaque opportuna sunt miracula, ut etiam inconsiderati & perversi ad cultum Dei revocentur (1) *Quis est* dixerat jam olim Augustinus, *qui considerat opera Dei, quibus regitur & administratur totus Mundus, & non obstupescit? Sed quia homines in aliud intenti perdidierunt considerationem operum Dei, in qua darent laudem quotidie Creatori, tamquam servavit sibi Deus inusitata quadam, qua faceret, ut tamquam dormientes homines ad se colendum mirabilibus excitaret*. Deinde dico contemplationem naturae posse inducere homines in cognitionem Dei ut entis a se & perfectissimi, eandem tamen impari esse ad efficiendam in nobis cognitionem mysteriorum, quod Deus sit unus in natura, & simul trinus in personis, quod Jesus Christus sit filius Dei unigenitus, qui propter nostram salutem incarnatus est. Propter haec & quae ex ipsis dependent manifestanda ac suadenda adhibita fuerunt, & adhuc adhibentur miracula a Deo, non quidem tamquam aliquid jam omnino necessarium, sed tamquam quid convenientissimum, ut ait S. Thomas (2).

470. II. Obiicitur post Spinosam, ut supra (n. 136.) vidimus a Montaigneu (3), & Rousseau apud Bergierium (4), Csapodium (5), & Nonnotem (6). Nemo novit quo pertingant vires crea-
tae:

(1) S. Aug. in Joa. tr. 8.

(2) S. Th. 3 p. q. 43. ar. 1. o.

(3) M. J. Lett. Persen. 155.

(4) Ber. Dissim. refu. Lett. 12. p. 208. & 214.

(5) Csa. Relig. rev. l. n. 70.

(6) Non. Dic. phil. ar. mirac. capte. 3.

tæ: ergo nihil est quod affirmari possit nos in cognitionem Dei deducere.

Resp. I. *dist. ans*: Nemo novit quo pertingant vires creatæ, hoc est quid efficere possint res creatæ in certis circumstantiis positæ, si agant juxta modum, quo post hominum memoriam constanter solent agere; *negō ans*: secus *omitto ans*. Et tunc distinguatur oportet consequens prout paulo infra dicam. Allata explicatio videtur ea quæ obiecto antecedenti convenire potest, quando metaphorica verba *vires naturæ*, quæ ipsius claræ intelligentiæ officiant, removeantur: Ea autem posita manifestum est non solum negandum antecedens, sed ipsius contradictorium confidenter affirmandum, ex quo quis non videt plane sequi miraculum toties evidenter haberi, quoties res creatæ non agant, prout solebant agere. Quis enim est tam plumbeus, qui postquam noverit ignem comburere, & quæ specificè graviora sunt aquis in his immergi, non inserat miraculum haberi in homine, quem videat in mediis flammis illæsum, aut supra aquas tamquam supra viam lapideam ambulantem.

471. Quoniam antecedens solet etiam sub his aliis terminis enunciari. Nemo novit omnes naturæ leges, illud eadem omnino distinctione excipiendum; Nam nihil aliud sunt leges naturæ, quam modi agendi rerum creatarum pro certis circumstantiis, in quibus versentur ex observatione constanter uniformi deprehensi, quos Deus qui illos pro sua libera voluntate ab ipsa rerum creatione constituit, potest quoties velit impedire aut immutare, quandoquidem non sunt de ipsarum rerum essentia. Siquis pro negato antecedenti vellet arguere ex admirandis sed certe non prodigiosis eventibus, quos in promptu haberet collectos ex iis maxime, qui in suis per orbem terrarum excursionibus eos se vidisse observasse aut audivisse a fide dignis referunt, is animadvertat nullam ex hujusmodi historicis mortuum esse & ne paratum quidem fuisse ad carcerem aut ulum vel levem cruciatum & multo minus mortem ipsam subeundam pro tuenda eorum veritate. Quare inutile jam concludet ea nobis proponere, qui cum pro veritate miraculorum Christi innumerabiles martyres veneremur, has narrationes iis relinquimus, quorum studium est tempus fallere.

472. Resp. II. cum Lesleo (1), & Authore operis *De Veritate Religionis Christianæ* Londini editi ann. 1732, cujus epitomam dederunt Nova Acta Eruditorum Lipsiæ ad annum 1734 apud Lambertinum (2), *omitto ans*. & *dist. consequ.* Nihil affirmari potest miraculum, si ignotum est quo pertingant, & quo non pertingant vires creatæ, *conc. consequ.* si ignotum sit quo pertingant vires crea-

tæ,

(1) Lct. Breve metod. n. 10.

(2) Lam. ubi. alias p. 1. c. 4. fin.

tæ, licet ignotum non sit, quo non pertingant, *nego consequi*. Dico igitur insipienter se gerere, qui aliquid esse miraculum affirmet, quod certo nesciat a viribus creatis non posse effici. Atque hoc est affirmare aliquid esse miraculum, dum ignotum est non solum quo pertingant, sed etiam quo non pertingant, vires creatæ. Hanc insipientiam ostenderunt æ nationes, quæ cum primo senserunt vim tormentorum bellicorum, nihil in ea naturalis esse existimantes statuerunt superos e Cælo olim tonantes in suas terras descendisse. Similis imprudentiæ rei fuerunt apud nos Italos, qui ceteroquin in variis disciplinis probe exculti, sed nihil vel parum in historia naturali, dum primo contemplantur Anroram Borealem rarum apud nos spectaculum, sed quod circa dimidium hujus sæculi fuit per aliquot annos satis frequens, crediderunt esse prodigium quoddam, quo Deus nos admoneret de magnis calamitatibus in poenam nostrorum scelerum impendentibus. Et qui cum primo observarunt nostra pariter ætate effectus machinæ electricæ, illos inter præstigias Dæmonum computarunt, ac veros & innocentes Philosophos tamquam certis incantationibus addictos exhorruerunt.

473. Qui autem ad affirmandum aliquid esse miraculum satis habet cognoscere, quo non pertingant vires creatæ, sapientissimæ segerit, & si seous saxis, jam insipiens habetur. Itaque qui videt per medium ardentis fornacis homines illuc projectos spatari quasi per hortum, & ex eo egredi omni ex parte tum sui, tum vestium suarum illæsos, jure exclamat Miraculum, quia etiam si ignoret, quoniam se extendat aut vis ignis, aut vis humana circa ignem, hoc tamen certe novit corpora humana & vestes esse materiam subjectam actioni ignis, & proprium hujus esse hæc in ipsam projecta brevi in cineres redigere, & nullam esse vim humanam, quæ hos effectus possit impedire. Miraculum pariter iure exclamant, qui vident hominis imperio elementa obedire, ad ejus nutum manu extenta manifestatum converti pulverem in insecta, excitari fontes e mediis scopulis, & vias amplissimas in medio mari aut flumine aperiri. Quis dubitet de miraculo, qui testis sit de robore infirmis, visu cæcis, auditu surdis, vita mortuis ex improvviso redditus? Non posse hæc & similia vi ulla causarum naturalium præstari tanta certitudine noscimus, ut verbo tenus non ex animo, observante Buffierio (1), possit quis contradicere.

474. J. J. Rousseau, qui admisit posse a Deo fieri miracula, quorum essentiam constituit in sensibili mutatione ordinis naturalis, dedit ansam Bergierio ipsum reprehendendi de contradictione qua concedit simul & negat dari posse sensibiles mutationes in ordine na-

K k

tu.

(1) Buf. Premier. Vetur. 2. 327.

turali; Concedit enim dum tenet posse a Deo fieri miracula, negat vero dum affirmat non posse a nobis cognosci an aliquid sit miraculum. Hoc argumentum est maxime opportunum contra omnes qui magni faciunt propositam objectionem, quandoquidem cum facile sit cognoscere stultum esse negare Deo potentiam miraculorum, jam necessarium est fateri existentiam illorum non esse quid supra mentis nostræ captum positum.

ARTICULUS III.

Objectiones contra miracula ex fine particulari constituendi Religionem revelatam.

475. I. **O**biicitur. Miracula demonstrant potentiam Dei, non vero ejus veracitatem: ergo nulla sunt miracula, quæ dicuntur facta ad suadendam religionem revelatam, utpote nulla ad hunc finem opportuna.

Resp. conc. *primam partem antee; & nego secundam*, quæ aliquo modo supponit posse Deum mentiri. Habebatur olim ab Evangelio dictum de quibusdam incredulis, (1) *Neque si quis ex mortuis resurrexerit, credent.* Quod nequis sumat tamquam hyperbolam facit Auctor hujus objectionis Anglus Chubb, qui librum de Religione scripsit, cujus epitomen concludunt Trevoltiani (2) per admirationem tantæ hominis impietatis cum furore potius quam cum impudentia conjunctæ. Huic alii accesserunt, qui dicunt quæstionem de connexionem inter miraculum, & veritatem ejus, quod Auctor miraculi dicat, esse insolubilem, ad quos Campbell (3), & Auctores tractatus de Religione, qui prostat in fine tomi sexti Dictionarii Disciplinarum Ecclesiasticarum, & separatim prodiit Italice e Gallico redditus Venetiis ann. 1771 (4) diffusam dirigunt hujus connexionis declarationem, quæ similis mihi videtur illi, quam quis contexeret ad suadendam connexionem diei cum sole supra horizontem jam elevato. Sed dato non esse in hac connexionem evidentiam, certitudo tamen statim acquiritur per argumenta, quibus (n. 141.) demonstratum est miracula non posse fieri in confirmationem ullius erroris.

476. II. Obiicitur. Miracula non possunt nos deducere ad cognitionem veræ religionis, quæ scilicet habeat dogmata divinitus revelata: ergo miracula pro sanctione ac demonstratione alicujus religionis nulla sunt. Antecedens quod negatur, Increduli probant I. quia etiam Dæmon potest talia facere, qualia sunt, quæ dicuntur mi-

(1) Luc. c. 16. v. 31.

(2) Tre. an. 1734. ar. 92. pag. 1769.

(3) Cam. Dis. on mirac. p. 2. seff. 3.

(4) Tra. della Relig. §. 4. obic. 4.

miracula . At quicquid admirabile Dæmon permittente Deo efficiat per suam vim , quæ longe superat humanam , certe non est miraculum proprie dictum , & confuse solum consideratum simile apparebit alicui vero miraculo ex dictis supra (n. 394.) , adeoque per principia & regulas jam (n. 444.) propositas facile cognoscetur non esse verum miraculum . Hac responsione plane confutatur J. J. Rousseau , qui propterea concludit apud Bergierium (1) standam soli ratiocinio , dum examen instituitur de veritate alicujus doctrinæ , & omitendum omnino tamquam inutile argumentum ex miraculis . Alii vero hæretici qui eadem ratione utuntur ad excludenda miracula nostrorum temporum , habent contra se refutationem ex eo , quod Dæmonum potestas Christi & Apostolorum temporibus expeditior erat in poenam hominum , qui in moram & principiorum depravatione longe majori versabantur , & nihilominus admittunt Christum & Apostolos censuisse conducere miracula ad manifestandam veram religionem , quæ ab ipsis faterentur patrata , nec negabunt eandem saltem aliquando fuisse SS. Patrum sententiam , ut S. Augustini (2), & Richardi a S. Victore (3) . Qua igitur coherentia negant nunc fidendum miraculis , quia etiam Dæmon potest similia facere .

477. II. Probat , quia multa etiam ab Ethnicis novimus facta miracula , quæ Valerius Maximus (4) collegit , quibus addi possunt , quæ refert & examinat S. Augustinus (5) non solum ab antiquis relata , sed quæ suis etiam temporibus arte magica dicebantur accidere , & alia permulta , quæ ad imitationem eorum , quæ Vetus & Novum Testamentum referunt , jactabant Ethnicis apud Huetium (6) , & Jaquelorium (7) . At hæc objectio cum supra jam (n. 362.) dissipata sit , illud hic solum dicam , eidem generaliter responderi Ethnicorum miracula non fuisse vera miracula , si ope naturalium causarum , inter quas sunt homines ingeniosi , & Dæmones astuti , facta fuerunt . Particularis autem responsio , quæ horum aliquibus traditur etiam a S. Thoma (8) est , alia ex illis esse meras fabulas ; cum idem Valerius objectus de iis dixerit (9) *in ancipiti versari* , & T. Livius iterum iterumque testetur multa visa creditaque prodigia , quæ non erant : alia esse ludificationes alicujus , qui sibi visus est videre , quæ non vidit , cui ea narranti homines e vulgo non putarunt indignum credere , quem sibi non existimarent mentiri : alia esse operationes Dæmonum secundum naturæ ipsorum potentiam , quibus hæc

K k 2

- (1) Ber. Deism. ref. Lett. 3. pag. 148.
 (2) S. Aug. de Vul. crede. c. 17. Et cont. epist. fundam. c. 4. Et hom. 4. in c. 3. ad Coloss. n. 7.
 (3) Rich. l. 1. de Trini. c. 2.
 (4) Val. l. 1. c. 6. & 8.

- (5) S. Aug. de Civ. l. 3. c. 31. Et l. 10. c. 16. Et l. 18. c. 18.
 (6) Hue. Concord. ration. c. 12. & 13.
 (7) Jaq. Exist. de Dieu diff. 4. c. 8.
 (8) S. Tho. de Poten. q. 6. ar. 5.
 (9) Val. l. 1. c. 8. nu. 7.

hæc operari permisit Deus, cujus iudicia occulta sunt: alia esse præstigias vel Dæmonum vel hominum, de quibus quotidianum argumentum circulatorum exhibent, qui in conferta intuentium concione ea celeri motu manuum & agitatione præstant quorum rationem vulgus quavis meditatione non assequitur. Quare S. Augustinus generaliter omnia huiusmodi miracula loco eodem qui obicitur, & alibi appellat *aut figmenta mendacium hominum aut portenta fallacium spirituum*: alia tandem potuerunt esse vera miracula facta a Deo per Ethnicos etiam & improbos in argumentum alicujus veritatis vel commendationem alicujus virtutis (n. 165.) vel alicujus sceleris punitiorem.

478. III. Probant, quia S. Augustinus aperte docet non posse per miracula manifestari veram Ecclesiam, (1) *quæcumque*, inquit, *italia in Catholica sunt, ideo sunt approbanda, quia in Catholica sunt, non ideo ipsa manifestatur Catholica, quia hæc in ea fiunt*.

At sententia S. Doctoris non est eruenda ex objectis verbis secundum a toto contextu. Hunc habendo præ oculis duo concluduntur. Alterum est, miracula ibi usurpari in sensu ampliori pro quibusvis rebus admirabilibus. Nam imprimis hanc vidimus (n. 21.) esse frequentem acceptionem miraculi apud S. Doctorem. Deinde quod ab hac non recedat in objecto loco probatur, quia ibi sermo est contra Donatistas, qui pro sua hæresi perorabant ex eo etiam quod (2) *illa & illa miracula fecit Donatus & Pontius, aut quia homines ad memorias mortuorum nostrorum orantes exaudiuntur*: quæ nullius veritatis argumentum esse probat Augustinus, quia poterant esse portenta fallacium spirituum, & notum aliunde est quandoque esse poenam impetrare quod petitur. Universim autem Donatistæ, qui admittere scripturas, debuerant agnoscere figmenta esse quævis miracula, quæ pro doctrina illis contradicente proferrentur: non enim Deus secum ipse pugnat; quin immo ipse idem expresse nos monuit caveremus a pseudochristis, qui faciant signa & prodigia. Quæ verba sibi subiciens idem Augustinus erumpit in hoc epiphonema, (3) *usque adeo nil credi voluit adversus confirmatam scripturarum auctoritatem*. Alterum est miracula etiam vera fieri quandoque a Deo ad alium finem, quam ad manifestandam veram Religionem, sed in commendationem virtutis alicujus moralis, quemadmodum censuit S. Thomas dici posse de miraculis, quæ de Vestalibus supra (n. 156.) allatis historiæ referunt. Quare sicuti in hac hypòthesi nemo dicit ea miracula fuisse argumentum adhærendi religioni Vestalium, quæ erat Idololatria, ita Augustinus jure reprehendit Donatistas, quod mi-

(1) S. Aug. de Unit. Eccl. c. 19.

(2) Id. ibid.

(3) Id. l. 13. con. Faustum. c. 5.

miracula, quæ apud ipsos vere etiam contingerent, sumerent pro argumento bonitatis suæ Religionis, quæ tantopere abhorrebat a Catholica, ut ex ipsis scripturis, quas cum Catholicis recipiebant, poterant certo intelligere.

479. Instant. Catholicus dicens miracula nos conducere ad cognitionem veræ Religionis, quam constituit unice in iis quæ docet Ecclesia Catholica, incidit in circulum vitiosum; Nam juxta ipsum miracula declarant veritatem suæ Ecclesiæ, seu Religionis, quam sua docet Ecclesia, & hæc Ecclesia declarat veritatem vel falsitatem miraculorum: Eo ipso miracula non conducunt ad cognitionem veræ religionis: ergo.

Resp. *nego assumptum*. Ad probationem *dist. m. i.* Miraculum declarat veritatem Ecclesiæ Catholice diverso modo, ac Ecclesia Catholica declarat veritatem vel falsitatem miraculorum, *conc. mai. fecus nego mai. & min.* Dico itaque Catholicos docere, quod miracula declarant suam Ecclesiam esse veram, tamquam testimonium ipsius Dei de ejus veritate: Ecclesia autem declarat miracula esse vel non esse vera tamquam organum, per quod docet nos Deus veritates quas ad suam gloriam pertinet nos non ignorare. Est enim Ecclesia in ordine ad omnem Dei loquutionem ad quam ex dictis (n 143.) reducuntur miracula, tamquam nomophylax seu tabularius in ordine ad literas regias, qui illas declarat esse veras, ut sine ejusdem manifesta per sigillum vel alio modo approbatione pro nullis habeantur. En igitur quod diverso modo Ecclesia declarat veritatem miraculorum, ac miracula declarent veritatem Ecclesiæ. Quare manifestum est nullum adesse circulum vitiosum, cum concludatur solummutua inter illa duo causalitas in diverso genere causæ. Sic omnes fatentur, quod Sol supra horizontem positus declarat esse diem, ut ipsius causa efficiens, dies vero declarat esse Solem, ut hujus effectus: & quod anima movet corpus ut Domina, & corpus animam ut hujus subiectum.

480. Illud addo, quod declaratio veritatis Religionis, quam docet Ecclesia Catholica, facta fuit per miracula præcipue in ejus prima institutione seu promulgatione; Nam miracula tunc habita extorserunt sua evidentia assensum doctrinæ plenæ mysteriis, quæ fidem proinde exigebat de rebus non solum non conspicuis sed ne apparentibus quidem, seu supra rationem humanam positis. Quare horum veritas non dicitur tunc fuisse per ipsam Ecclesiam comprobata. Sed postquam hoc modo hæc veritas adeoque & illa huius Ecclesiæ certa evasit, ipsaque late fuit promulgata & stabilita, iam eadem accessit autoritas, per quam suamet dogmata divinitus accepta tueatur, & de omnibus indicet, quæ ad eorum conservationem per-

pertinent, cuiusmodi sunt miracula, quæ deinceps accidunt. Quamobrem quod S. Augustinus de Christo Dno dixit, quod sibi (1) *miraculis conciliavit auctoritatem, auctoritate meruit fidem*, applicari jam potest ejus Ecclesiæ quæ Catholica est, cui idem Dominus miraculis conciliavit auctoritatem, & auctoritate meretur fidem. Hanc Ecclesiæ auctoritatem habuit præ oculis ipsæ Augustinus, ubi professus est, (2) *Multa sunt quæ ejus gremio iustissime me teneant, teneat auctoritas miraculis inchoata.*

481. III. Obiicitur a J. J. Rousseau (3). Christus non est usus miraculis in institutione Christianismi, immo requisitus a Doctoribus legis Mosæicæ, qui ipsum audiebant novam prædicare, ut missionem suam aliquo miraculo ostenderet, negavit illis omne signum præter illud Jonæ, quod aliud non fuit nisi prædicatio quam habuit Ninivitis: ergo nulla saltem a Christo facta sunt miracula ex fine constituendi Religionem quam revelavit.

Resp. cum Bergierio (4) *negans*. Nam in eodem Evangelii capite, in quo legimus, (5) *coepit Jesus prædicare*, dicitur deinde, *circuibat Jesus totam Galilæam prædicans Evangelium, & sanans omnem infirmitatem in populo*. Quod obiicitur de negato miraculo quod Scribæ & Pharisei petebant, est verissimum, sed ratio etiam manifesta est, & quidem duplex: altera est, quia illud malo animo petebant, quem proderant tribuentes virtuti principis Dæmoniorum liberationem a Dæmonio illius hominis, de quo in eodem capite Evangelium loquitur, referens ipsius Domini querelam de tanta Judæorum contumelia: altera est, quia arroganter petebant, (6) *Volumus*, sic illi, *a te signum videre*, & quidem non qualecumque, sed de Cælo, ut Marcus (7), & Lucas (8) declararunt. Ceterum si tunc abstinuit a miraculis, attamen in iis quæ antea & postea fecit, habuisse hunc finem demonstrandi suam missionem ipsemet Dominus aperte significavit, quando advenientibus qui nomine Jo. Baptistæ rogarunt, an ille esset, qui venturus erat, (9) *respondens dixit, renunciate quæ audistis & vidistis*. In ipsa autem hora multos curavit a languoribus & plagis & spiritibus malis, *cæcis multis donavit visum*: Et quando Judæis, qui (10) *dicebant ei, quo usque animam nostram tollis, si tu es Christus dic nobis palam, respondit, Loquor vobis & non creditis, opera quæ ego facio in nomine Patris mei, hæc testimonium perhibent de me*, quod in eodem cum ipsis colloquio iterum inculcavit: Et quando omis-

(1) S. Au. de Vtil. cred. c. 14.

(2) Id. cont. epif. Fundam. c. 4.

(3) Rou. Lett. 3. de la montagn.

(4) Ber. Deism. ref. Lett. 12.

(5) Matt. c. 4. v. 17.

(6) Ibi. v. 38.

(7) Mar. c. 8. v. 11.

(8) Luc. 11. v. 16.

(9) Luc. c. 7. v. 21.

(10) Jo. c. 10. v. 24. & 37.

omissis aliis antequam Lazaro quadriduano vitam restitueret professus est (1) se palam gratias egisse, ut ii qui circumstantabant crederent se a Patre missum. Pessima autem est interpretatio signi Jonæ pro prædicatione non pro miraculo suæ resurrectionis tertia a morte die, utpote quæ est aperte contraria verbis Domini in Evangelio relatis.

482. Instat. Non potuit Christus uti miraculis ad institutionem Christianismi: ergo non est usus. Ans probat quia ipse optime novit miracula apud homines sinceros perspicaces & doctos futura argumentum dubitandi non solum de ipsorum veritate, sed de ipsa etiam sua missione & Divinitate & de toto Evangelio.

Resp. *nego ans*, quod continet incredulitatem, Evangeliorum contemptu cumulatam. Nego etiam probationem, tum propter suam falsitatem, tum propter illas quæ continentur in suppositionibus, quas involvit. Per se falsum evidenter est miracula non esse medium omnium maxime opportunum ad aliquid suadendum, cum supra jam (n. 327.) demonstratum sit Mundum hac ratione factum esse Christianum. Ipse idem Adversarius paucis ante paginis dixerat miracula esse argumentum revelationis, quod statim incurrit in oculos, nec meditationis & examinis laborem requirit, & omnes persuadet qui huic labori impares sunt: Quonam igitur modo tam cito sibi contradicit? Sed venio ad falsas suppositiones. Prima est: a miraculis pertractos non fuisse ad fidem Christi populos, cum passim Evangelia & Acta Apostolorum & Ecclesiastica historia narrent oppositum de singulis fere miraculis, quæ narrant. Altera est, quod qui ipsa Scripturæ miracula calumniantur, sint docti perspicaces sinceri, cum non sint nisi Increduli, illorum progenies, qui juxta prædictionem Domini (2) ex videntibus sponte cæci fiunt, ut palam est ex contradictionibus, quas in uno eodemque sermone frequenter immiscent. Tertia est quod qui in Christum non crediderunt visis ipsius miraculis, ideo non crediderint, quia de illorum veritate dubitaverint. Hoc certe falsum est de Principibus Sacerdotum, qui certi erant de Lazaro a mortuis revocato, dum (3) *cogitaverunt ut & Lazarum interficerent*, qui jam ipsius Domini mortem propter hoc ipsum miraculum decreverant (4): Et de oculis apertis cæco nato, in quem animadverterunt summo apud illos odii argumento ejjectione et synagoga post compertam veritatem miraculi. Causa igitur non credendi in Christum erat invidia de ejus gloriæ. Quarta est, quam observat Bergier (5) Divinæ Sapientiæ esse parcere miraculis, quæ ad Dei honorem.

(1) Joa. c. 11. v. 42.

(2) Joa. c. 9. v. 29.

(3) Joa. c. 11. v. 16.

(4) Ibid. c. 11. v. 53.

(5) Ber. Deism. ref. Lett. 11.

rem impellant multitudinem, ne hujusmodi increduli qui vix erant in ratione unius ad mille, scandalum ab ipsis per suam malitiam accipiant.

483. IV. Obiicitur. Religio, quæ dicitur revelata, nullum continet dogma, & nullum morum principium, quod non fuerit a Philosophis cognitum & admissum: ergo miracula ad finem inducendi Religionem revelatam superflua cum sint, nulla etiam sunt. Ans probat Freretius (1) ex productis in medium testimoniis philosophorum circa dogmata de Deo, quem unum docuerunt esse & incorporeum æternum immensum immutabilem omnipotentem bonum justum providum, & de anima, quam propugnabant esse liberam a necessitate in suis actionibus, & immortalem, & æterna felicitate aut miseria afficiendam a Deo pro meritis hujus vitæ: circa autem morum principia in iisdem philosophis testatur reperiri, quæ pertinent ad distinctionem virtutum & vitiorum, ad necessitatem cultus divini, ad amorem proximi ad castitatem ad oblivionem injuriarum, ad quævis demum officia, quæ circa Deum homines & nos ipsos distinguuntur.

Resp. cum Bergierio (2) *nego* ans, cujus falsitatem tot & tantæ rationes demonstrant, ut solus incredulus possit fingere nullas sibi occurrere. I. enim nemo Philosophorum ante religionem revelatam novit mysteria Trinitatis & Incarnationis, neque docuit ad docere potuit modum, quo Deus a nobis coli velit, ut sempiternam largiatur felicitatem. II. nemo pariter illorum novit omnia, quæ sunt de essentia solius etiam religionis naturalis, sed unum reperimus insinuatum ab aliquo unius regionis & temporis philosopho, aliud ab alio alterius, & multa a nemine, cujusmodi sunt octo Evangelicæ Beatitudines, in quibus Freretius (3) fatetur contineri perfectionem admirabilem, sed supra hominum conditionem positam, quam tamen ut sibi constet dicit, vel propositam fuisse etiam a Philosophis, quod esset temere dictum, vel ideo non propositam, quia in hominem cadere non potest, quod contra conscientiam diceret homo de factis Ecclesiæ non ignarus. III. omnes philosophi simul etiam sumpti sunt minima pars hominum, & quamvis ea ipsis demum perspecta fuisse, vulgus tamen ignoravit. IV. eorum cognitio de vero & bono non erat firma & per modum scientiæ, sed fluctuans & per modum opinionis. V. eadem privata etiam erat, & intra Lycei parietes aut umbra porticus unitatem Dei docebant, & dignitatem virtutis extollebant, palam autem thura Idolis incendebant, & vitia eodem modo ac vulgus ignarum & petulans sequebantur. VI.

(1) Fre. Esam. crit. c. 9.

(2) Fre. Esam. crit. c. 10.

(3) Ber. Conf. dell' esam. c. 9.

tur VI. tandem si ex Scriptis veterum colligi possunt præclaræ veritates circa dogmata, & egregia effata circa mores, facilius colligas contraria documenta & sententias, quæ simul proposita ut ex parte fecit Lactantius (1) horrorem cum admiratione excitabant de tanta hominum ante adventum Christi cæcitate & malitia. Satis est meminisse de Academicis, qui nihil credebant posse affirmari, de Stoicis, qui Fatalismum & Materialismum sequebantur, & de Epicureis qui de Deo & bonis moribus inquirebant, ut utrumque excluderent & soli voluptati liberius indulgerent.

ARTICULUS IV.

Objectiones contra miracula ex fine conservandi religionem revelatam.

484. I. **O**biicitur. Acquisito fine cessat ratio faciendi, quæ propter illum fiebant: Sed miracula facta sunt, ut homines crederent in Christum juxta illa (2) *Lingua in signum sunt non fidelibus sed infidelibus*: Et (3) *Hec scripta sunt ut credatis, quia Jesus est Christus filius Dei*: ergo acquisito jam olim ut est evidens hoc fine cessat ratio faciendi miracula, ac proinde nulla jam sunt. Vigilantius primus apud S. Hieronymum sic est argumentatus.

Resp. *con. mai. & dist. min.* Miracula facta sunt ut homines crederent in Christum, tamquam immediato & unico plurimorum fine *conc. min.* tamquam immediato & unico omnium & singulorum fine *nego min. & consequ.* Miracula enim quæ in Veteri & Novo Testamento narrantur, & ab ipsis adversariis admittuntur, apparent facta generaliter quidem ad Gloriam Dei: speciatim vero alia ad conversionem infidelium, & confusionem hæreticorum, alia ad bonum iustorum aut poenam malorum, alia ad declarationem Sanctitatis alicujus hominis, ad confirmationem eorum qui minus robusti sunt in fide, ad augmentum ipsius fidei spei cæterarumque virtutum in fidelibus, ad conservationem tandem Ecclesiæ contra tot Incredulos, qui tamquam zizania in medio veræ Ecclesiæ reperiuntur, & contra tot hæreses quasi turbines & tempestates circa plures Fidei articulos, quos Sectarii omni tempore convellere conati sunt, (4) *Non cessat Deus, sic de sua ætate S. Thomas, etiam nostris temporibus ad confirmationem fidei per sanctos suos miracula operari*; Cum enim Sectarii post admissa cum Catholicis antiqua miracula Christi & Apostolorum, & maximam Novi Testamenti partem tamquam Divinam revelationem dissentiant in quibusdam fundamenta-

L I

li.

(1) Lac. Inst. l. 3.

(2) 1. Corin. c. 14. v. 22.

(3) Jo. c. 20. v. 31.

(4) S. Tho. l. 1. con. Gent. c. 6.

libus Fidei doctrinis. ut in necessitate Sacramenti poenitentiae, in praesentia Corporis Christi Dni sub speciebus panis & vini debita forma consecratorum, in existentia Purgatorii, in Invocatione Sanctorum, in cultu Sacramentorum Imaginum, aliisque, opportunissimum est novum Divinum Testimonium in aliquo miraculo, quod hujusmodi dubia ab imperito vulgo tollat aut removeat. Quis enim ex eo, quod Christus Dn. Lazarum ad vitam revocaverit, aut caecum a natiuitate illuminaverit, inferat, ergo confitenda sunt sacramentaliter peccata, aut ergo existit Purgatorium & similia? Obiectio interea tota recidit in Adversarios; Si enim miracula sunt propter fidem stabiliendam, ubi nam sunt miracula pro ipsorum fide in tot tantisque contrariis fidei majorum suorum & Ecclesiae Catholicae?

485. At reponit Stillingfleetus apud E. VV. (1), Faciant igitur Catholici apud nos, quos vocant haereticos miracula pro iis, in quibus ab ipsis dissentimus. Huic instantiae ab aliis jam usque ab antiquissimis temporibus factae ut videre est apud Michaelem Mediram (2) respondetur perperam posci miracula non necessaria inutilia & contra ordinariam Dei Providentiam in extraordinariis efficiendis. Quae tria sic per partes ostendo. Imprimis necessaria nunc non sunt miracula: Nam juxta S. Augustinum (3) per majores nostros, *visibilia miracula (non enim aliter poterant) secutus actum est, ut necessaria non essent posteris, cum Ecclesia Catholica per totum orbem diffusa atque fundata sit*. Deficiente igitur necessitate a sola libertate & misericordia Divina dependet novis miraculis articulos Fidei ipsis Sectariis jam notos confirmare.

486. Deinde quid miracula postulant, quae inutilia illis forent? postquam ipsimet impediunt ne locum habeat gloria Dei, finis omnium miraculorum, quemadmodum supra jam (n. 455) ex ipso um improbitate & incredulitate conclusum fuit, & luculenter demonstrant non solum quae haecenus dicta sunt, sed quod novimus aliis temporibus accidisse in aliis, quorum hi vestigia sequuntur. Habemus enim a S. Augustino (4) Petilianum Donatistam nihil solitum commoveri a miraculis Catholicorum, quia eos dicebat esse ex illis, quibus clamantibus, (5) *Domine in nomine tuo virtutes multas fecimus, Dominus confitebitur, Numquam novi vos*. Sed omittamus argumentum ex historiis humanis, ubi occurrunt Evangelicae. Vitam Dominus restituit Lazaro a quatuor jam diebus sepulto miraculo ex se & ex adjunctis praeclarissimo: Attamen aliqui ex multis, qui illud suismet oculis viderunt, nihil ex eo profecerunt; Nam cum

Evan-

(1) E. VV. Discou. of miras. c. 12.

(4) S. Aug. Ibid.

(2) Med. Chriit. paræn. l. 2. c. 8.

(5) Matt. c. 7. v. 22.

(3) S. Au. de vera relig. c. 25.

Evangelista dixerit (1) *Multi qui viderunt, crediderunt in eum: quidam autem ex eis abierunt ad Thariseos, Patres apud Maldonatum notant ex oppositione inter crediderunt & abierunt ad Thariseos concludi abeuntes non credidisse in Christum, sed eum habuisse vel tamquam sacrilegum, qui mortui corpus effodisset. vel tamquam præstigiatorum, certe quidem perturbatorem Reipublicæ, qui suis miraculis Pontificum & Phariseorum gloriæ officeret. Hoc sine controverfia est, quod ejus Reip. capita audito tam insigni miraculo (2) collegerunt concilium, hujusque conclusio fuit quod ab illa die cogitaverunt ut interficerent eum, nec unquam nisi eo crudeliter occiso conquieverunt. Atque cum Christus tertia die prout dixerat resurrexerit, & illustre miraculum in ejus confirmationem non multo post Petrus effecerit sanans repente claudum (3) annorum amplius quadraginta in nomine Jesu Christi, (4) quem Deus suscitavit a mortuis, illi non solum non recesserunt a suscepta deliberatione non credendi in Christum, sed novis (5) celebratis conciliis consulerunt de modo, quo hæc in aliis fides impediretur. Hujusmodi evangelicæ historiæ respondet quod dictum est in parabola divitis in inferno sepulti dum rogavit (6) Abrahamum ut mitteret Lazarum ad quinque fratres suos, qui iis testaretur de supplicio malorum in alia vita, quia dicebant, *Siquis ex mortuis ierit ad eos, poenitentiam agent, responsum scilicet fuit, Habent Moysen & Prophetas: si Moysen & Prophetas non audiunt, neque si quis ex mortuis resurrexerit credent.* Constat igitur de inutilitate novorum miraculorum, quæ Increduli postulant.*

487. Restat tertium, miracula non fieri iuxta ordinariam Dei providentiam coram Incredulis. Hoc luculenter probat, quod accidit in civitate Nazareth, ubi scriptum est non fecisse Christum (7) *virtutes multas propter incredulitatem eorum: & quod accidit Herodidi (8), & quibusdam Phariseis (9), qui sine fide in Christum desiderantes & postulantes ab eo miraculum, nullum obtinuerunt. Atque (10) hæc inquit Maldonatus, ratio est, cur etiam homines qui maxime miracula videre volunt, minime videant, quia non credentes, sed de fide dubitantes videre volunt.*

488. II. Obicitur, Miracula post traditas nobis Divinas Scripturas utriusque Testamenti sunt inutilia: ergo nulla iam sunt miracula. Ans probatur ex illo Christi Dni, (11) *Si Moysen & Prophetas*

L 1 2

non

(1) Joa. c. 11. 45.

(2) Ibid. v. 47.

(3) Act. c. 4. v. 22.

(4) Ibid. c. 3. v. 15.

(5) Matt. c. 28. v. 12. Act. c. 4. v. 5.

(6) Luc. c. 16. v. 27.

(7) Matt. c. 13. v. 58.

(8) Luc. c. 25. v. 8.

(9) Matt. c. 12. v. 39.

(10) Mal. in Matt. c. 13. v. 58.

(11) Luc. c. 16. v. 31.

non audiunt, neque si quis ex mortuis resurrexerit, credent.

Resp. nego ans. Nec probatio est opportuna, quia ex adducto ibidem testimonio solum inferitur miracula reddi posse inutilia, non vero esse. Inutilia autem reddunt, qui pro sua malitia vel de præstigiis accusant quævis conspicua miracula, vel etiam si hæc non negent, immo videant & fateantur, illud tamen quod per ea Deus vellet crederent aut agerent, nolunt ipsi pro sua libertate credere aut agere, cujusmodi fuerunt Judæi, qui quamvis non negarent, quæ præ oculis habebant signa Divinæ Missionis Christi, cæcos ab eo illuminatos, & mortuos etiam putrescentes jam redivos, & alia præclarissima prodigia, nihilominus ita noluerunt credere ipsum esse Messiam, ut tandem eundem crucifiggerent.

489. III. Obijcitur a Sæctariis. Nos prædicamus Evangelium, prout jacer in Scripturis: ergo opus jam non est miraculis ad suadendum, quod Deus jam pridem stabilivit cum miraculis. Quod si iis opus jam non est; jam non sunt; Nam Deus nihil frustra facit.

Resp. dist. ans. Prædicant Sæctarii Evangelium prout jacet in Scripturis detortis a sensu Catholicæ Ecclesiæ *conc. ans.* juxta hujus sensum, nobis prædicatum a Christo, traditum ab Apostolis, confirmatum a Sanctis, propugnatum a Martyribus, stabilitum a miraculis, *nego ans.* Omnes hæresiarchæ Montanus, Marcion, Cerinthus, Manichæus, Arius suas hæreses eodem modo venditarunt tamquam purum verbum Dei, sed quia tale non erat, sed perversa ejusdem detorsio, sunt perditissimi perduelles. *Nego autem consequ.* I. quia quamvis Christus & Apostoli prædicantes Evangelium usi fuerint testimoniis Veteris Testamenti, nihilominus miraculis opus esse crediderunt ad illorum applicationem suadendam, utpote nondum satis intellectam. II. quia donec Sæctarii proferant & evulgent novas & inauditas Scripturæ interpretationes, quæ fidem & mores pervertant, dici non ita facile poterit opus amplius non esse miraculis. III. quia ea consequentia continet falsam suppositionem, quod miracula fiant solum pro infidelibus & coram illis. Nonne fideles erant Hebræi sub Moyse, pro quibus tot ac tanta in deserto facta fuerunt prodigia: & turbæ quæ Christum sequebantur in eum credentes, pro quibus bis multiplicati fuerunt panes & pisces: & Apostoli pro quibus mare ex procelloso factum illico fuit tranquillum ad Christi imperium.

ARTICULUS V.

Objectiones contra miracula ex fine manifestandi alicujus Sanctitatem.

490. I. **O**biicitur. Nostra ætate de quodam Diacono Francisco de Paris Parisiensi, qui anno ætatis suæ 37 vitam clausit in aperto ab Ecclesia Romana schismate, conficta novimus permulta miracula tamquam quotidie patrata ad ejus sepulcrum, donec edicto tandem Regis anno 1732 impeditus fuit ad illum accessus, & fons tantæ fraudis obstructus: ergo miracula non possunt esse argumentum sanctitatis.

Resp. *conc. ans & diss. conseqs*: miracula ficta & similia illis quæ de hoc Diacono a mendacissimis factiosis spargebantur, non possunt esse argumentum sanctitatis, *conc.*, secus *nego conseqm*. Etsi qualia fuerint miracula hujus Paridis supra jam (n. 159.) dixi, nihilominus juvar audire quæ de iis dixerit Bergierius (1). Observat ille communia omnibus fuisse hæc attributa. I. quod illa crediderint, ve a se credi sinxerint pauci in eorum comparatione, qui eadem de impostura palam & constanter condemnarunt. II. quod improbi, quæ neque publicam per compita verberationem neque aliud supplicium contra fraudolentos timerent, ea promulgabant in argumentum innocentie quin immo sanctitatis in quibusdam actionibus, quas omnes Catholici jure pro illicitis habebant, contemptu scilicet quarundam legum ad doctrinam & moris spectantium, quas per ea tempora Sedes tulerat Apostolica. III. quod eadem testarentur homines copiosa pecunia ad hanc fraudem conducti. IV. quod multi ex ipsis factiosis contra eadem tandem conclamarunt, postquam certiores facti fuerunt de sceleribus, quæ in hisce confictis miraculis immiscebantur. V. quod nemo produceret pro illorum veritate auctoritatem ullius Magistratus. VI. tandem quod instituto ad normam juris illorum examine omnium fraus comperta est.

491. II. Obiicitur. Donec extet Magia, ars quædam quæ prestat effectus admirabiles, nihil potest statui esse verum miraculum ullius sanctitatem demonstrans: ergo.

Resp. *nego ans*. Atque ut tricas dissolvam, quas Adversarii student contexere per hoc magiæ nomen cujus claram ac distinctam ideam vel dissimulant si habent, vel negligunt sibi comparare si non habent, dico Magiæ nomen, quod juxta S. Hieronymum (2) Chaldæum est seu Persicum ex sua institutione significare summam ma-

(1) Ber. conf. dell'esam. c. 1. n. 3. & c. 6.

(2) S. Hic. in Dani. c. 2.

manæ sapientiæ perfectionem. Quare præclari Philosophi dicebantur Magi. Sed usus jam obtinuit ut significet facultatem præstandi effectus admirabiles, & etiam ut duæ ipsius species, altera naturalis, altera superstitiosa distinguantur,

492. Prima est, quæ effectus obtinet per applicationem causarum naturalium, quas vulgus non cognoscit, sed pauci solum ex Philosophis, in quibus est Gaspar Schottus, ut planum est ex suo celebri opere quadripartito *De Magia universali Natura & Artis*. Atque hujus Magiæ multæ sunt subalternæ species, quot nimirum habent scientia physica, & physico mathematica. Effectus per hanc habiti naturales sunt, & longe a miraculis distare vulgus ipsum cognoscit ex eo, quod videat eos fieri quasi per lusum, & quin ad Divina ordinentur, quam ordinationem novit propriam esse veri miraculi, & propterea credit vel esse effectus naturales ex causis tibi ignotis, quarum notitiam iis invidet, qui eam habent, vel esse operationes mali Dæmonis, quas detestatur, cujusmodi creditæ ab aliquibus fuerunt effectus machinæ electricæ, cum primum nostra ætate coeperunt exhiberi.

493. Venio ad magiam superstitiosam seu diabolicam, vel ut alii cum Medina (1) dicunt cærimoniam supra (n. 21.) definitam, cujus pariter multæ apud eundem, & apud Laurentium Beyerlink in suo *Theatro Vita humana* distinguuntur species per proprias singulis appellationes, & cujus originem Auctor Recognitionum sub nomine S. Clementis Romani repetita Mizriam filio Cham, & nepote Noe. De hac dico, quod effectus ipsius propter hoc ipsum, quod dicuntur esse vi Dæmonis, jam non sunt miracula. Nam sunt ad summum supra vires naturæ creatæ corporeæ, non vero spiritualis, & pæsepe sunt meræ præstigiæ. Hujusmodi fuerunt, quæ de Eudone Britone hæretico homine & damnato in Concilio Rhemensis sub Eugenio III. Baronius ad ann. 1148 describit ex Guglielmo Neubrigenſi (2): Et quæ Berninus (3), & Brancatus (4) referunt ex Duhravio de quodam Zytone, qui in aula Venceslai Regis Boemiæ modo hominum manus in formam pedis equini commutabat, modo illorum capita ramosis cervorum cornibus ad nutum voluntatis prægravabat, modo integros deglutiebat, deinde membratim eiiciebat, & tandem iterum in vivos homines componebat.

494. Itaque dum Adversarii obiiciunt Magiæ adscribi posse quæcumque proferantur miracula facta in contestationem sanctitatis aliqujus, vel loquuntur de Magia naturali, & hæc urpote limitata ad paucos effectus, sin minus vulgo, al. quibus saltem doctis certe cog-
gni-

(1) Med. Christi. paræn. l. 1. c. 7.

(2) Neu. Hist. l. 1. c. 9.

(3) Ber. Hist. dell' Eref. sec. 15. c. 2.

(4) Bra. de Mirac. n. 624.

gnitos, non habet locum, in miraculis primi & secundi gradus, ut est evidens, neque in illis tertii gradus, ut evincitur per regulas jam (n. 451.) propositas: vel loquuntur de magia superstitiosa, ad quam revera appellat Calvinus, cujus est hæc propositio, *Miracula que pro se Catholici obtrudunt, mera sunt Satanae prestigia*: At quis unquam dixit aut novit ad effectum aut impetrationem miraculorum, de quibus agitur, alias usurpari caerimonias, quam omnino sanctas, & ab Ecclesia receptas? Qui per superstitiones olim morbos pellerent aut arcere, aut alia admiranda tentabant a Dæmoniis obtinere, adhibebant, ut notavit Origenes (1) *lustrationes & incantationes, aut effigies formasque Demonum varias, & præter hæc in vestibus numeris lapidibus plantis rutilantibus amuleta diversorum generum*, quare concludit non opus esse huic criminationi respondere, cum ne levis quidem suspiciuncula de nobis sit, quasi talia tractantibus.

495. Quod si quis hanc quamcumque suspicionem vellet penitus evulsam etsi imprudenter obortant, & a Christianorum persequutoribus acceptam, qui magicis artibus tribuebant ferreas catenas ad pedes martyrum contractas per sæpe inveniri, & graves plagas heri inflictas hodie nullas esse, & aquas ignem feras gladios naturam suam mutare contra ipsos adhibita, id facile obtinebit ex iisdem generalibus regulis, & illis præterea argumentis, quibus similis Judæorum calumnia contra Christi miracula supra (n. 343.) fuit oppressa. Hanc ob editionem Origenes sic olim retorquebat, (2) *si semel admittimus manifeste existente arte magica, quæ genios malos elicit ad patranda miracula, consequens est ut etiam Divina virtutis operationes inveniantur inter homines: aliter hæc negans perinde facere videretur, ac si falsus sophismata quedam esse rationesque probabiles, negaret extare apud homines alias veras longeque diversas a sophismatibus*. Eadem rectorio habetur etiam in his S. Augustini verbis (3) *Si hæc immundi Demones possunt, quanto potentiores sunt Sancti Angeli Dei, quanto potentior his omnibus Deus, qui tantorum miraculorum effectores etiam ipsos Angelos facit*.

496. Illud hic advertam, quod alias (n. 93. & 290.) feci, esse qui magiam superstitiosam existimant fabulosam, adducentes pro se Neronem & Julianum Apostatam, qui ejus vanitatem experti sunt, postquam nihil intentatum reliquerunt, ut effectum saltem unum obtinerent, quemadmodum de Nerone affirmat Plinius (4), & de Juliano Ammonius Marcellinus, Procopius, & alii. At nullum est hujusmodi argumentum; Nam dicitur cum Nicolao Serario (5) &
Del

(1) Orig. l. 6. c. celf. n. 311.

(4) Pli. Hist. l. 22. c. 1.

(2) Orig. l. 2. c. celf. n. 95.

(5) Ser. in Tob. c. 6. q. 19.

(3) S. Au. de civ. l. 22. c. 6.

Del rio (1) *non passam esse Dei providentiam Diabolum illorum potentia & malitia depravatissima accedere.*

497. Inflat Scipio Massejus in Italica epist. *De arte magica dissipata*: Saltem post consummatam a Christo redemptionem nostram omnino impeditus est Diabolus ab efficiendis operibus inusitatis & admirabilibus per incantationes; Hoc enim significat illud Apocalypses, (2) *Vidi Angelum descendentem de Celo, & apprehendit draconem, qui est Diabolus & misit eum in abyssum & clausit.* Sed negato assumpto ad ejus probationem dico, Patres & probatos Interpretes abunde citatos ab Aquila (3) intelligere ea verba per coercitam Diaboli potestatem atque tyrannidem in hanc terram, ita ut nihil jam nocere possit nisi volentibus, quos Apostolus dixit esse (4) *filios diffidentiae* hoc est inobedientiae, & in eos etiam nunc operari.

498. Itaque pro existentia talis damnatae artis sunt haec argumenta. I. Praeter laudatum Apostoli testimonium habemus de Diabolo scriptum (5) *Non est super terram potestas qua comparetur ei, qui factus est ut nullum timeret*: Et S. Augustini sententia est, Idololatriam, quae juxta S. Scripturam (6) originem habuit ab imaginibus defunctorum, incrementum accepisse a malis Dæmonibus, qui per eas incoeperunt mira aliqua efficere, (7) *Non enim inquit, se aliter colendos esse persuaserunt nisi mirabilibus operum effectibus*, quos alibi docet saepe ab ipsis effici per suos etiam cultores, quandoquidem Dæmonibus (8) *Divina lege saepe conceditur, ut eis quos secundum merita subiugaverint, privato illo jure miraculorum aliquid praestent*, idque scimus futurum in Antichristo ab illa prophetia, (9) *Dedit illi draco virtutem suam & potestatem magnam.*

499. II. Certum est tempore Moyſis fuisse, qui Magiam profitebantur a Deo detestatam; Nam illam iterum iterumque prohibuit Hebraeis, (10) *Non declinetis ad magos: & infra iram Domini coram se habere dicitur anima, quae declinaverit ad magos.*

III. Constat primis Ecclesiae temporibus Simonem & Elymam per Magiam Diabolicam magnum sibi nomen comparasse; De Simone enim dicitur, quod illi (11) *auscultabant omnes a minimo usque ad maximum dicentes, hic est Virtus Dei, quae vocatur magna. Attendebant autem eum, propter quod multo tempore magis suis dementasset eos.* De Elyma vero dicitur a Paulo repleto Spiritu Sancto, (12) *Fi-*

(1) Ri. Dis. Ma. 9. l. 1. q. 7. in fine

(2) Apo. c. 2. v. 1.

(3) Aqu. Dizio. d. Bibbia. ar. Pitone

(4) ad Ephes. c. 2. v. 2.

(5) Job. c. 41. v. 24.

(6) Sap. c. 14.

(8) S. Au. de civi. l. 10. c. 18. Et l. 8. c. 24

(9) Id. l. 83. qq. 9. 79.

(7) Apoc. c. 13. v. 2.

(8) Lev. c. 19. v. 31.

(8) Act. c. 8. v. 10.

(7) Ibid. c. 13. v. 10.

li Diaboli non desinis subvertere vias Domini. IV. memorie proditum est referente etiam S. Augustino (1) Numam Pompilium Regem Romanorum commercium cum Diabolo habuisse, & per ipsum multa novisse & fecisse, ita ut etiam libros de Magia reliquerit, quos tamen Senatus incendit: Eademque fit accusatio contra Aesculapium & Pythagoram. V. multa sunt in Utroque jure loca, in quibus effectus Magiae Diabolicae narrantur, & gravissimæ poenae decernuntur contra ejus cultores, ut docebit Petrus Danieli (2). Quis autem dicat iura omnia in hac re peccasse falsis suppositionibus?



(1) S. Au. de Civ. l. 7. c. 35.

M m

(2) Dan. Inst. Grimin. l. 3. tit. 16.

P A R S VI.

De potestate creaturis concessa patrandi miracula.

P R O P O S I T I O I.

Sancti tum in terris viventes tum beati in Calis, quin immo ipsa Christi Dn. humanitas sunt miraculorum causa dumtaxat moralis.

A R T I C U L U S I.

Argumentum pro prima parte.

500.



Rima pars quod Sancti sint aliquo modo causæ miraculorum, probatur, tum quia habemus expresse, quod Christus Dn. (1) discipulis suis dedit potestatem spirituum immundorum, ut eiicerent eos, & curarent omnem languorem & omnem infirmitatem. Et ipse met iisdem dixit, (2) Ecce dedi vobis potesta-

tem calcandi supra serpentes & scorpiones, & super omnem virtutem inimici. Verumtamen in hoc nolite gaudere, gaudete autem quod nomina vestra scripta sunt in Calis: tum quia ut vidimus in utroque Testamento miracula passim prædicantur de Sanctis tamquam eorum authoribus, sive ii viverent adhuc, sive jam obierint, ut constat de Eliseo, qui (3) in vita sua fecit monstra, & in morte mirabilia operatus est: & de Onia summo Sacerdote ac Jeremia propheta, qui jam mortui promiserunt in visione Judæ Machabæo victoriam, qua (4) prostraverunt non minus triginta quinque millia inimicorum.

501. Hinc cognoscimus quanto jure Concilium Tridentinum definierit (5), juxta Catholicæ & Apostolicæ Ecclesiæ usum a primævis Christianæ Religionis temporibus receptum, Sanctorumque Patrum consensionem, & Sacrorum Conciliorum decreta bonum atque utile esse suppliciter Sanctos invocare, & ob beneficia impetranda a Deo per filium ejus Iesum Christum Dominum nostrum ad eorum orationes opem auxiliumque confugere contra Lutheranos, Zuinglianos & Calvinistas, qui

(1) Matt. c. 10. v. 1.

(2) Luc. c. 10. v. 19.

(3) Eccli. c. 48.

(4) Mach. l. 2. c. 15. v. 2.

(5) Trid. sess. 25. Decreto de Invocatione.

qui docent Sanctos non esse invocandos : In qua hæresi fuerunt olim Eunomiani , Eustathiani , & Porphyriani , & deinde Vigilantius natione Gallus & Barcinonensis Ecclesiæ presbyter , contra quem multa scripsit S. Hieronymus .

502. Obiicitur . Sancti jam mortui utpote qui amplius nobiscum non sunt , non audiant nostras preces , & ignorant nostras necessitates : Ergo hi saltem nequeunt esse ullo modo causâ ullius miraculi .

Resp. *nego ans* , quod continet unum ex argumentis , quo hæretici per damnatam jam in citato Tridentini decreto impietatem audent *asserere stultum esse in Cælo regnantibus voce vel mente supplicare* . Quis enim , inquit Calvinus apud Jacobum Gaultier (1) , credat tam longas aures Caelitibus dari , ut audiant nostras preces , aut oculos tam acutos , qui nostras videant necessitates , quasi animæ Sanctorum vel non sint in Cælo ab omni corpore separatæ . vel in hoc statu non habeant modum cognoscendi independentem a corpore , & omnino spiritualem , qualis in Deo est & in Angelis . Cum igitur certa jam sit falsitas hæretici antecedentis , ut distinctius docebant , qui illud ex professo jam confutarunt Theologi , ut citatus Gaultierus , vir ut ait Alegambe (2) doctus in paucis , & Maldonatus (3) , & Becanus (4) , & Brancatus (5) , quæri solum potest quoniam modo necessitates & preces nostræ notæ illis sint .

503. Quæstionem passim definiunt Theologicum S. Thoma docentes nota ea esse vel per revelationem divinam , vel per eorundem visionem in Verbo . (6) *Cogitationes cordium* , inquit S. Thomas in quantum sent . *Solus Deus per se ipsum novit : sed tamen Sancti cognoscere possunt quatenus eis revelantur , vel per visionem , vel quocumque alio modo* : quod deinde in Summa (7) iterum docuit : Et in quæstionibus disputatis hanc etiam hujus doctrinæ rationem proponit , quod (8) *ad Sanctorum beatitudinem pertinet , ut cognoscant eos , qui sua beneficia implorant* , quam Durandus luculenter sic exponit , (9) *Omnes Beati cognoscunt nostras orationes sive mentales sive vocales , quæ ad eos diriguntur , quia secundum B. Augustinum ad beatitudinem requiritur , quod quisque habeat quicquid vult , nec velit aliquid inordinate . Sed quilibet recta voluntate vult cognoscere ea , quæ ad ipsos pertinent : Sed orationes , quas ad eos dirigimus eo ipso ad ipsos pertinent , tamquam mediatores inter nos & Deum* . Quoniam vero Durandus hic potius infert cognitionem in Sanctis nostrarum precum ex quodam S. Augustini prin-

M m 2

- (1) Gau. Anato. du Calvin. Dilem. 131.
Et in Tabulis Chronogr. sæc. 1-
Vcrit. 3.
(2) Ale. Biblioth. Scripto.
(3) Mal. in Jo c. 6. v. 68.
(4) Ber. Manu. contror. l. 1. c. 7.

- (5) Bra. de Mirac. n. 600.
(6) S. Tho. dist. 45. q. 8.
(7) Id. 2. 2. q. 83. ar. 4. ad 1.
(8) Id. de Verit. q. 8. ar. 4.
(9) Dn. in 4. sent. dist. 45. q. 4.

Dominus Jesus Christus. Surge & continuo surrexit. In hac efficacia ad miracula tunc non solum ab Apostolis, sed ab omnibus fidelibus exorata in nomine Jesu Christi juxta ipsius promissionem (1) Qui crediderint, *in nomine meo Dæmonia eicient, &c.* præclarum habetur argumentum Divinitatis Christi.

506. Similiter Apostolus volens Elymam punire subvertentem vias Domini rectas dixit, (2) *Ecce manus Domini super te: & eris cæcus*: Et de aliis ejusdem miraculis apertissime scriptum est quod ea (3) *faciebat Deus per manum Pauli*: & omnia quæ acciderunt in prædicatione Evangelii tribuuntur Deo, (4) *Contestante Deo signis & portentis & variis virtutibus*, cui testimonio consonat, quod dicitur in fine Evangelii S. Marci Deum confirmasse signis sermonem Apostolorum, & quod legitur in Actis (5) *Domino dante signa & prodigia fieri* non a manibus, sed *per manus* Apostolorum, quem modum loquendi supra etiam Scriptura (6) adhibuit, & infra (7).

507. Quin immo Scriptura sæpe expresse dicit a solo Deo fieri miracula, (8) *Benedictus Dominus qui facit mirabilia solus*: *Confitemini* (9) *Domino qui facit mirabilia magna solus*: *Mirabilia* (10) *opera altissimi solius*. Hanc loquendi modum tam aperte excludentem a ratione causæ proprie efficientis, cujusmodi est causæ physica omnem creaturam, observavit jam Suarez (11), qui ceteroquin in tertiam partem, ut infra constabit, nobis ex professo opponitur, quantum ad eam propositionis partem, quæ ipsam humanitatem Christi Dni affirmat esse dumtaxat causam moralem miraculorum. Huc facit, quod Deus perquam sæpe appelletur in Scripturis Deus virtutum, quod nomen ex dictis (n. 14) synonymum est miraculo, ut in psalmis 23, 46, 47, 67, & ter in psalmo 79, & iterum ter in psalmo 83, aliis omisiss. Et quod eadem Scriptura non dicunt, quod Sancti, sed Deus sit (12) *mirabilis in Sanctis*: ergo ex Scriptura nulla creatura est causæ physica miraculorum.

508. II. Probatur. Miracula sunt effectus supernaturales (§. 1.): ergo non aliter effici possunt a creaturis sive in terris sint sive in Cælis, quam per tales actiones; quæ terminentur in aliquid, ex quo ea miracula sequuntur, nimirum in preces ad Deum, vel desideria, vel operationes aliquas, quibus positus si Deo libeat, ab ipso tandem physice efficiantur: Atqui ex alibi (13) dictis aliquid efficere per

(1) Mar. c. 16. v. 17.

(2) Act. c. 13. v. 10.

(3) Ibid. c. 19. v. 11.

(4) ad Hebr. c. 2. v. 4.

(5) Act. c. 14. v. 3.

(6) Ibid. c. 5. v. 12.

(7) Ibid. c. 19. v. 12.

(8) Psal. 71. v. 18.

(9) Psal. 135. v. 3.

(10) Eccles. c. 11. v. 4.

(11) Sua. de Angelis. l. 4. c. 39. n. 1.

(12) Psal. 67. v. 17.

(13) De caus. efficien.

per actionem, quæ non terminetur in datum effectum, sed in id, ex quo vi alterius causæ physicæ sequatur, est esse illius causam dumtaxat moralem: ergo

Quin immo in aliquibus etiam miraculis alicui Sancto attributis nulla apparet ipsius causalitas ne moralis quidem, ut in cadavere, quod projectum in sepulcrum Elisei (1) *cum tetigisset ossa ejus revixit*, Ossa enim mortui sunt iners materia, quæ proinde nihil ex se conferre potuerunt ad eam resurrectionem. Solum restat anima Elisei a suo corpore jam separata, quæ potuit divinitus edocta de projectione hujus cadaveris supra ossa a se olim informata exorasse Deum pro eo miraculo. Atque hoc unice modo utique non apparenti fuisset illius causa moralis: & hoc excluso non aliter Eliseo tribuetur, quam quia in ejus gratiam palam est factum a Deo fuisse.

509. III. Probatur autoritate S. Augustini, qui aperte dicit, (2) *Sancti qui fecerunt miracula, faciebant hæc implorando divinam virtutem, non imperando: & si aliquando talibus imperabant, hoc non erat in virtute propria, sed exprimendo virtutem Christi tanquam ministri non domini*. Idem illud Christi Dn. (3) *Qui credit in me, opera quæ ego facio, & ipse faciet, & majora horum faciet*, interpretatur (4) *quod per illos ipse dignaretur eadem & majora facere, qui dixit illis si ne me nihil potestis facere: & infra Christum ipsam inducit discipulis dictum suum sic explicantem, Non vobis hoc impossibile videatur: Non enim esse poterit major me qui credit in me, sed ego sum factururus & tunc majora quam nunc*. Idem volens suadere opera bona ita a nobis fieri, ut tamen ipsi Deo tribui debeant, ait (5) *Si propterea non est opus Dei, quia per nos agitur, vel quia illo donante nos agimus, nec illud est opus Dei, ut mons transferatur in mare, quia hoc ipsorum operi attribuit dicens, si habueritis in vobis fidem, & dicetis huic monti tollere, fiet: & tamen homo nullo modo facit hoc nisi illo donante & operante*. Mitto alia (6) in quibus eandem doctrinam inculcat. Brancatus (7) statuens speciatim de Sanctis in Cælo, hos imperative tantum posse miracula facere, credit se id suadere referens multa SS. Patrum & Conciliorum dicta præsertim Tridentini decretum de Invocatione SS., quibus docemur Sanctos suis ad Deum precibus impetrare nobis beneficia. Sed minus efficax reputabunt hoc argumentum, qui observant ex hoc non inferri quod Sancti ipsi physice non efficiant nobis aliqua saltem ex his beneficiis.

510. IV. Probatur autoritate S. Thomæ, cujus doctrina est sæpius re-

(1) 4. Reg. c. 13. v. 24.

(2) 1. 1. c. 9. Matth.

(3) Joa. c. 14. v. 12.

(4) S. Aug. tr. 72. in Joan.

(5) Id. de spiritu & liter. c. 35.

(6) Id. de Civit. l. 10. c. 12.

(7) Bra. de mirac. n. 83.

repetita, (1) *Ex hoc aliquid dici miraculum, quod sit præter ordinem totius naturæ create: hoc autem non potest facere nisi Deus: Unde relinquitur quod solus Deus miracula facere possit.* Quare ibidem negat miraculum esse quicquid Angeli & quæcumque alia creatura propria virtute operantur. Idem alibi loquens de miraculorum potestate concessâ Apostolis expresse docet, quod (2) *Apostolis non est data potestas, ut ipsi sanarent infirmos, sed ut ad eorum orationem infirmi sanarentur: tamen non semper modo deprecativo utebantur, sed quandoque modo indicativo & imperat vobis, sicuti Act. 3, legitur, quod Petrus dixit claudo, In nomine Jesu Christi surge & ambula.* Plura alia luculenta testimonia S. Doctoris occurrent in decursu propositionis.

§11. V. Probatur ex communi hominum consensu, quod sic declaro. Phæao cum ranarum vexationem & flagellum tonitruum & grandinis non posset amplius tolerare, non dicit Moyse & Aaron ad se vocatis, Oro ut auferatis ranas, & desinant tonitrua & grando, sed (3) *Orate Dominum ut desinant tonitrua Dei & grando.* Similiter Jeroboam Rex Israel amisso usu manus arefactæ simul ac eam extendit contra virum Dei, precatus est illum in hæc verba, (4) *Deprecare faciem Domini Dei tui, & ora pro me ut restituatur manus mea mihi.* Et Rex Syriæ audiens prophetam esse apud Regem Israel, qui posset tollere lepram a Naaman principe militiæ suæ, ipsum ad eum mittit cum epistola (5) *in hæc verba: scito quod miserim ad te Naaman servum meum, ut cures eum a lepra sua.* Profecto Rex Syriæ non credebat, curationem faciendam nisi per Prophetam, de quo sibi facta fuerat mentio: attamen quoniam hoc non scribebatur, nec Regi Israel aliunde innotuerat, cum legisset literas, scidit vestimenta sua, & ait, *numquid Deus ego sum. Videte quod occasiones querat adversum me: quæ verba videntur dirigi ad suos consiliarios, qui legitimam reputarent perturbationem Regis cum tota Urbe, cui brevi ea innotuit, ut ad aures Elisei pervenerit.* Habemus igitur Regem Israel, ejus proceres & totum populum, qui latentur Deum solum efficere posse: quod a Rege Syriæ petebatur. Eliseus his auditis jubens mitti ad se Naaman, ipsi septenariam lavationem intra aquas Jordanis præscripsit, qua cum convalesceret, *Reversus ad virum Dei cum universo comitatu suo venit & stetit coram eo, & ait: vere scio quod non sit alius Deus in universa terra, nisi tantum in Israel.* En Naaman & comitatus ejus solum Deum recuperatæ valetudinis, causam agnoscunt & venerantur. Tandem cum prope portam civi-

12-

(1) S. Tho. 1. p. q. 110. ar. 4. o. Et ibid.

q. 114. art. 4. O. Et l. 3. cont. Cent. c. 102.

(2) Id. 3. p. q. 84. ar. 3. ad 14.

(3) Exod. c. 8. v. 8.

(4) 3. Reg. c. 13.

(5) 4. Reg. c. 5. v. 6.

tatis Naim Christus vitam reddiderit filio viduæ, qui efferebatur, sensum copiosæ multitudinis sic exprimit Evangelium, (1) *Accepti omnes timor, & magnificabant Deum*, quod est Deum revereri tamquam autorem hujus tam insignis miraculi.

ARTICULUS III.

Argumenta pro tertia parte.

512. **T**ertia pars, humanitatem ipsam Christi Dn. esse solum causam moralem, est contra Suarez, & alios, de quibus meminerunt Platellius (2), & Lambertinus (3) qui tenent esse eorum causam physicam. Quod tamen non affirmant de omnibus; Hoc enim, nisi quis admittat actionem in distans, est evidenter falsum in iis, quæ operatus est in subjectis a se remotis, ut in puero Centurionis (4), & in filio Reguli (5), quos sanavit, & in Lazaro, cui vitam (6) reddidit, cum adhuc jaceret in sepulcro. Sed iis qui hæc obijciunt respondet Suarez, (7) *si efficientia physica ad aliquos effectus necessaria non est, non ideo in aliis est neganda*.

513. Itaque sic I. probatur. Nulla neque ex Scriptura neque ex Patribus producit exceptio humanitatis Christi a communi receptaque doctrina fundata in apertis Scripturæ testimoniis jam allatis, (n. 504.) quod solus Deus sit causa physica miraculorum: ergo gratis excipitur.

II. Christus Dnus opus Dei vocavit visum, quem redditurus erat cæco, quem natum dixit (8) *ut manifestentur opera Dei in illo*, ubi notat Chrysostomus apud Maldonatum, quod per ea quæ immediate addidit, *me oportet operari opera ejus qui misit me*, se ipsum hoc loco Deum declaravit opera Dei vocans quæ ipse facturus erat. Huc pertinent, quæ idem Dominus ad Judæos dicebat, (9) *Opera quæ ego facio testimonium perhibent de me, quia Pater misit me: & ipsa testimonium perhibuit de me*, ubi opera quæ faciebat testimonium Patris appellat, quia ea Pater faciebat ut operibus ipsis declararet Christum filium esse suum ait Maldonatus approbans hanc præ ceteris interpretationem, quam confirmant illa ejusdem Domini ad Judæos pariter directæ, (10) *Est pater meus, qui glorificat me, quem vos dicitis, quia*

(1) Luc. c. 7. v. 16.

(2) Plu. de Incarnat. n. 2 59.

(3) Lam. ubi alias c. 2. nu. 9.

(4) Matt. c. 8. v. 13.

(5) Jo. c. 4. v. 47.

(6) Ibid. c. 11. v. 33.

(7) Sua. in 3. p. dis. 31. sec. 3. §. Ad ultimum.

(8) Jo. c. 9. v. 3.

(9) Ibid. c. 5. v. 36.

(10) Ibid. c. 8. v. 54.

quia pater vester est : Et alia non minus clara , quæ ad discipulos dixit , (1) *Pater in me manens ipse facit opera* . Quid plura ? Apostolus expresse loquens de miraculis Christi non dicit facta ab eo fuisse . sed facta a Deo per eam , (2) *Viri Israelite Jesum Nazarenum virum approbatum a Deo in vobis virtutibus & prodigiis & signis . que fecit Deus per illum in medio vestri , hunc interemistis* : ergo ipsa Scriptura physicam miraculorum efficientiam Deo definite tribuit non Christo ut homini .

514. III. Restitutio ad vitam Christi Dni facta fuit a Deo non a Christi anima , & multo minus ab ejus corpore , cum non semel Scriptura dicat , (3) *Deus suscitavit eum a mortuis* . Illam etiam Lazari factam legimus a Christo , postquam Deum vel oravit , vel suum de hoc miraculo desiderium manifestavit . Nam scriptum est (4) *Jesus elevatis sursum oculis dixit , Pater gratias ago tibi quoniam audisti me* . Et hæc cum dixisset , voce magna clamavit , *Lazare veni foras* : ubi Glossa ait , *quia secundum hominem minor erat Patre , ab eo petit suscitationem Lazari* . Oratio pariter intercessit in sanatione surdi & muti ; Nam scriptum est illam contigisse postquam Jesus (5) *Suspiciens in Cælum ingemuit , & ait illi Epheta* : Et in multiplicatione panum & piscium ; Nam dicitur (6) *Acceptis quinque panibus , & duobus piscibus respexit in Cælum , & benedixit illis* : Sed facere miracula per orationem ad Deum , est facere miracula solum moraliter , quatenus Deus per illam movetur ad ea physice efficienda : ergo Christus qua homo fecit hæc miracula non physice sed moraliter : ergo a pari etiam alia .

515. IV. Finis miraculorum Christi erat persuadere hominibus se esse non solum hominem sed etiam Deum & Filium Dei ad ipsorum redemptionem in terras missum a Patre : sed homines non potuissent a miraculis persuaderi ipsam esse etiam Deum , si hæc possent physice effici etiam ab homine : ergo ab homine hæc non possunt sic effici .

V. Tridentinum distinguens singulas nostræ justificationis causas docet ejus efficientem causam esse Deum , meritoriam vero , quæ est in genere causæ moralis esse Jesum Christum , (7) *Justificationis inquit causæ sunt , efficiens , misericors Deus , meritoria autem Jesus Christus* : ergo etiam miraculorum causa efficiens est solus Deus , moralis autem Jesus Christus scilicet ut homo ; Nam ideo primum , quia

N n

Ju.

(1) Joa. c. 14. v. 10.

(2) Act. 2. v. 22.

(3) Ibid. c. 3. v. 15. Et 1. Petri c. 1. v. 31.

(4) Joa. c. 11. v. 41.

(5) Mar. c. 7. v. 34.

(6) Luc. c. 9. v. 16.

(7) Trid. sess. 6. c. 7.

Iustificatio est effectus supernaturalis : sed etiam miracula sunt effectus supernaturales : ergo.

516. VI. Multi ex Patribus expresse tribuunt miracula Christi ipsius Divinitati : humanitati vero actionem duntaxat aliquam præviā , ut contactum , aliaque , quibus proinde non convenit nisi ratio causæ instrumentalis moralis , cum ipse Christus ut homo sit solum moralis causa miraculorum . Ita S. Athanasius loquens de focu Simonis sanata a Christo , (1) *Humano* , inquit , *more manum extendit , divinitas autem morbum compefcuit* : Damascenus ait (2) *Humana actionis opus fuit , quod puella manum pertraxerit : Divina quod eam ad vitam revocaverit* : S. Leo (3) dicit , quod in Christo sunt duæ naturæ . una Divina , quæ coruscat miraculis , altera humana , quæ succumbit miseriis , &c. similis est loquutio S. Sophronii , (4) *Unus duarum naturarum , secundum aliam divina signa operabatur , secundum aliam humilia recipiebat*. Testimonio S. Leonis utitur S. Thomas , ubi statuit (5) miracula Christi facta fuisse Divina Virtute , propterea quod *vera miracula sola virtute Divina fieri possunt* . Est igitur pro nobis etiam S. Thomas .

517. VII. Ad hominem sic arguo . Juxta Adversarios humanitas Christi Dni est causa physica etfi instrumentalis miraculorum vel per entitatem sive ut ajunt qualitatem ipsi superadditam , vel per potentiam obedientialem activam : ad alterutrum enim reducuntur omnes adversariorum in hac re explicationes . Sed neutrum jam potest dici , non primum , tum quia qualitates hujusmodi explosæ jamd.u sunt a Philosophia utpote cogitationes arbitrariæ nec intelligibiles philosophiæ peripateticæ : tum quia eas in hac saltem re non habere locum satis luculenter evincit Suarez (6) . Non potest autem dici secundum , quia dicere humanam Christi naturam , & generaliter creaturam esse causam physicam instrumentalem miraculorum per potentiam obedientialem activam , est petere principium . Quod quisque facile concludet , qui audiat eundem Suarez , qui hanc tenet & propugnat opinionem , dicere hujusmodi potentiam (7) *non esse aliquid a rebus distinctum , sed in unaquaque re creata ipsammet entitatem per se ipsam esse hanc obedientialem potentiam ad agendum ut instrumentum Dei* .

AR-

(1) E. At. ser. 4. con. Ariani.

(2) Dam. de Fide. l. 3. c. 15.

(3) S. Leo. Epist. ad Flavianum

(4) S. Soph. Epist. in Sexta Synod.

act. 11.

(5) S. Tho. 3. p. q. 43. ar. 2.

(6) Sua. in 3. p. disp. 31. sec. 5.

(7) Id. ibid. §. Quod si inquiratur

ARTICULUS IV.

Objectiones contra primam & secundam partem.

518. I. **O**biicitur. Scriptura sæpius dicit solius Dei esse facere miracula, ut supra (n. 506.) ostensum est: ergo Sancti nullam omnino causalitatem habent in miraculis. Confirmatur obiectio auctoritate S. Thomæ qui his Scripturæ testimoniis innitens concludit, (1) *ne angelos quidem, sed solum Deum miracula facere posse.*

Resp. *conc. ans. & nego consequ.* Ea enim Scripturæ loca opportuna sunt ad excludendam a creaturis causalitatem physicam miraculorum, non vero moralem, tum quia ipsa Scriptura ex dictis (n. 500) testatur convenire Apostolis potestatem miraculorum, adeoque causalitatem aliquam. Quare omnino male Nicolaus Ghezzi dixit, (2) *Scholasticos definire opus supernaturale, rem quæ superat vires omnes tum physicas tum morales cuiuscumque creaturæ etiam possibili:* Quod pertinet ad S. Thomam, ipse adduci potius debet pro nobis quam contra nos in eo ipso loco, qui obiicitur; Nam ibidem causalitatem moralem in miracula aperte tribuit Sanctis, dicens (3) *Angelos & Sanctos facere miracula, vel quia ad eorum desiderium Deus miracula facit, vel quia aliquod ministerium exhibent in miraculis quæ fiunt.*

519. II. Obiicitur. Christus dixit, (4) *Amen dico vobis, qui credit in me, opera quæ ego facio, & ipse faciet, & maiora horum faciet.* Sed si Sancti non possent esse causæ nisi morales miraculorum, falsum esset illos facere posse opera, & quidem etiam maiora iis, quæ Christus fecit; Nam qui facit tamquam causa moralis, vel revera non facit, vel minus facit, quam qui facit ut causa physica, ergo.

Resp. *conc. mai. & nego min.* Quod pertinet ad primam probationis partem illa falsa est; Nam qui aliquid facit, dumtaxat ut causa moralis revera facit, & absolute dicitur ficere, ut infra distinctius probabitur. Quod vero pertinet ad secundam probationis partem illa pariter falsa est; Nam qui facit ut causa moralis, revera facit, atque ita vulgo etiam creditur facere, ut effectus qui sequatur, unice vel magis tribuatur causæ morali, quam physicæ: Itaque injusta hominis occisio mandanti magis quam sicario, & iusta

N n 2

ju-

(1) S. Tho. 1. p. q. 110. ar. 4.

(2) Ghe. Principi di moral filosofia p. 2. n. 10. §. A dissipare

(3) S. Tho. 1. p. q. 110. ar. 4. ad 1.

(4) Joa. c. 14. v. 12.

iudici unice tribuitur non carnifici. Quo autem modo sancti etiam si sint causæ morales miraculorum dicendi sint facere majora miracula iis, quæ Christus fecit, supra jam (n. 399. & 509.) dixi.

520. III. Obiicitur. Scriptum est, (1) *Convocatis duodecim discipulis suis dedit (Christus) illis potestatem spirituum immundorum ut eicerent eos, & curarent omnem languorem, & omnem infirmitatem; Et alibi, (2) Ecce dedi vobis potestatem calcandi supra serpentes & scorpiones & super omnem virtutem inimici, & nihil vobis nocebit*: ergo saltem duodecim Apostoli fuerunt causæ plusquam morales miraculorum.

Resp. conc. ans. & nego consequ. Rationes propositionis impediunt, ne possimus aliter interpretari & intelligere prædicta verba, quam per hoc, ut ait Cornelius a Lapide in hunc locum, quod *Omnipotentia Dei illis promissa ita semper assisteret, ut quoties vellent Dæmones eicere, vel aegritudines curare, illico Deus illos eiceret, & sanitatem conferret*. Quod est esse causam dumtaxat moralem.

IV. Obiicitur: S. Augustinus dubium se declaravit, utrum (3) quæ per Martyres fieri dicuntur miracula, eis orantibus tantum & impetrantibus, non etiam operantibus fiant, & infra (4) *Miracula faciunt Martyres, vel potius Deus vel orantibus aut cooperantibus eis*: sed si Miracula fiant martyribus operantibus, jam ipsi sunt causæ physicae non morales dumtaxat: ergo juxta S. Augustinum viri Sancti possunt esse causæ miraculorum non solum morales sed etiam physicae.

Resp. conc. mai. & nego min. Quod intercedat aliqua sanctorum operatio in quibusdam miraculis probat solum operationem illam esse causam occasionalem vel instrumentalem moralem miraculi, quandoquidem Sancti ipsi non sunt nisi causæ morales, et in hac linea principales. Hanc responsionem videtur insinuare etiam S. Thomas (5), ubi locum primo obiectum S. Augustini commemorat, & alium S. Gregorii, de quo iam dicam. Ceterum ibi S. Augustinus non quærit de hac quæstione, an Martyres sint causæ morales vel plusquam morales miraculorum: sed enumeratis disjunctive pluribus modis, quibus hæc fieri fortasse possunt, cujuscumque sunt vel solus Deus, vel Spiritus Martyrum, vel Angeli, vel homines, concludit, hæc nullo modo comprehendi a mortalibus possunt.

521. V. Obiicitur. S. Gregorius contendit (6) Sanctos facere miracula non solum virtute orationis, quod credit ille esse aliquid minus, sed etiam ex potestate, quod credit esse aliquid majus: ergo si facere miracula per orationem est esse illorum causam moralem, fa-

ce-

(1) Matt. c. 16. v. 1.

(2) Luc. c. 10. v. 19.

(3) S. Aug. de Civ. l. 22. c. 9.

(4) Id. ibid. c. 18.

(5) S. Tho. de Potent. q. 6. ar. 4.

(6) S. Gre. Dialog. l. 2. c. 30. & 31.

cere ex potestate erit esse causam plusquam moralem .

Resp. conc. ans. & nego consequ. Causalitas moralis suscipit magis & minus . Sancti qui impetrant miracula , *quasi* ut ait S. Thomas (1) *aliquod ministerium exhibent in miraculis , quæ sunt , sicut colligendo pulveres in resurrectione communi* , sunt aliqua illorum causa moralis , sed inferioris fortasse conditionis illis , qui impetrant miracula solum per preces , & multo magis illis , qui ea impetrant solum per desiderium . Hoc desiderium S. Thomas loquens de obiecta Gregorii autoritate duobus aliis in locis , in uno vocat (2) *presentationem quamdam imperii divini , cui natura obedit in miraculis , factam per Sanctos rebus naturalibus* : in alio vocat (3) *interiorem hominis motum* . Atque revera nihil aliud , quam huiusmodi desiderium conjunctum cum fide nihil hæsitante per illud vocabulum ex potestate exprimi , demonstrat scopus S. Gregorii , qui est respondere quærenti , an S. Benedictus *miracula virtute orationis impetraret , an aliquando etiam solo voluntatis exhiberet motu* . Est quidem Cajetanus (4) . qui censet S. Gregorium per vocabulum ex potestate docere Sanctos se aliquando habere ut causas physicas etsi instrumentales miraculorum , quatenus inquit *Deus elevat aliquem Sanctorum actum etiam interiorem in suum instrumentum ad opus miraculorum* , eandemque interpretationem habet Suarez (5) . Quod multo magis dicendum statuunt de humana natura Christi Dni operantis miracula . Verum minus congruit hæc interpretatio testimoniis Scripturæ in probatione allatis , intentioni S. Gregorii , & interpretationi S. Thomæ , quam jam dedimus .

§ 22. Instant . S. Thomas alibi de Sanctorum miraculis agens , dicit (6) *Deus principaliter operatur , qui utitur instrumentaliter vel inferiori motu hominis , vel ejus loquutione , vel etiam aliquo exteriori actu , seu etiam aliquo contactu corporali* : ergo S. Thomas excludit in miraculis , quæ a Sanctis fiant solam rationem causæ physicæ principalis , non vero causæ physicæ instrumentalis . Huo pertinet , quod alio in loco docet , (7) *Nihil prohibet substantias spirituales in quantum agunt virtute divina miracula facere* .

Resp. conc. ans. & nego consequ. S. Thomas ibi non meminit nisi de causâ instrumentali , quam invenit in operationibus Sanctorum , & iis quæ quasi media ad miraculorum existentiam adhibeant . Cum autem Sancti sint ex demonstratis causæ solum morales miraculorum ,

(1) S. Tho. 1. p. q. 110. ar. 4. ad 1.

(2) Id. de potent. q. 6. ar. 10. O.

(3) Id. 2. 2. qu. 178. art. 1. ad 1.

(4) Cai. in 3. p. q. 23. ar. 2. §. Circa doctrinam

(5) Sua. in 3. p. disp. 31. sec. 3. §. Nihilominus

(6) S. Tho. 2. 2. q. 178. ar. 1. ad 1.

(7) Id. cont. Gent. l. 3. c. 103.

rum . eorum etiam operationes , ut ungere oleo alicujus lampadis infirmos , & quæ quasi remedia applicabant , ut (1) *massa ficorum* posita ab Isâja supra ulcus Regis Iuda , non possunt habere aliam causam rationem nisi instrumentalis moralis , ut alibi (2) etiam explicavi . Adde quod qui velint operationes creaturarum , ipsarumque etiam actus internos esse Deo instrumentum physicum miraculorum , sicuti calamus est instrumentum physicum scriptionis , non poterunt quod dicunt declarare , quia ne potest quidem animo informari .

523. VI. Obiicitur . Virtus faciendi miracula est Gratia gratis data : ergo est quid positivum , inhærens animæ ; ergo habet causalitatem physicam ; Nam si hanc non haberet frustra esset .

Resp. *conc. ans* , & *nego consequ.* & cadunt reliqua ; Nam de omni quidem gratia controversum est , an sit entitas quædam esse ut ajunt qualitas inhærens animæ eo modo quo volunt Peripatetici : sed quod Gratia faciendi miracula non sit u la hujusmodi entitas extra controversiam esse debet , tum ex ratione in obiectione adducta , tum ex hac alia , quod miracula relate ad creaturas , a quibus et aliquo modo proveniunt , sunt impetratio beneficiorum a Deo . Quis autem concipiat impetrationem esse entitatem positivam inhærentem impetranti , sive habitum conferendi beneficia . S. Thomas hanc rationem sic exponit (3) *miraculorum causa est Divina Omnipotentia , quæ nulli creaturæ communicari potest , & ideo impossibile est , quod principium operandi miracula sit aliqua qualitas naturalis manens in anima , sed hoc potest contingere , quod sicut mens propheta moveatur ex inspiratione divina ad aliquid supernaturaliter cognoscendum , ita etiam mens miracula facientis moveatur ad faciendum aliquid , quod sequitur effectus miraculi quod Deus sua virtute facit : & similia habet etiam alibi (4) . Plura contra hujusmodi positivam qualitatem quasi causam miraculorum dabit Bordonus (5) , qui non paucos nominat Theologos , tum pro nobis , quos ipse sequitur , quam contra nos (6) .*

ARTICULUS V.

Objectiones contra tertiam partem .

524. Obiicitur . De Christo ut homine scriptum est , (7) *Data est mihi omnis potestas in Cælo & in Terra* ; Nam de Christo ut Deo quis illud ignorabat , aut in dubium revocabat ?
er.

(1) 4 Reg. c. 20.

(2) De Caus. efficien. n. 20.

(3) S. Th. 2. 2. q. 178. ar. 1. ad. 4.

(4) Id. de Potentia q. 6. ar. 4. O.

(5) Bord. de Mirac. medit. 2. n. 20.

(6) Id. Ibid. n. 39.

(7) Mat. 28. 18.

ergo Christo etiam ut homini negari non potest potentia physica faciendi miracula.

Resp. *negs. ans.* Ipsius Christi sunt veneranda verba, quæ sicuti ad totum Christum ut compositum Theandricum appellant, ita non de Christo ut homine, sed ut homine simul & Deo intelligenda sunt. Itaque interpretatio obiecta reiicienda est non solum quia aliena ab obvio verborum sensu, sed etiam quia si sibi Adversarii consent, jam non solum tribuent humanæ Christi naturæ potestatem physicam ad miracula, sed etiam potestatem creativam & infinitam, quod est absurdum.

525. II. Obijcitur. Conveniens est virtutem miraculorum fuisse in Christo ut homine longe majorem quam in quavis pura creatura propter suam unionem cum Divina Persona: ergo cum in puris creaturis sit solum moralis, in Christo ut homine fuit physica.

Resp. *conc. ans. & nego consequ. m.* Etiam si potestas miraculorum fuerit in Christo ut homine solum moralis, nihilominus longe major in ipso fuit, quam in puris creaturis, quandoquidem in eo fuit permanens & per modum habitus, (1) quia, inquit Suarez, *sicuti habitibus utimur cum volumus, ita ipse arbitrio suo potest miracula facere*, quod declarat exemplo potestatis consecrandi datæ Sacerdotibus, quæ permanens est & per modum habitus, quia quoties id velint, certissime efficiunt. At in Sanctis virtus miraculorum fuit solum per modum cujusdam actionis transeuntis vel saltem pro certo vitæ illorum tempore aut circumstantiis, quemadmodum de Apostolis dicendum est.

526. III. Obijcitur. Siquando Christus ante quædam miracula oravit, quod non est certum, ut observat Maldonatus (2), non oravit ex indigentia, sed ad instructionem populi de sua a Deo missione. Habemus hoc clarè expressum ab ipso Domino, qui professus est (3) *propter populum*, qui circumstabat dixisse elevatis sursum oculis antequam Lazarum suscitaret *Pater gratias ago tibi, quoniam audisti me*, si forte quis hic orationem inveniret: ergo ex oratione præmissa miraculis non bene arguitur Christum fuisse causam solum moralem miraculorum.

Resp. *omit. ans. & dist. consequ.* Non probatur Christum fuisse causam solum moralem miraculorum ex præmissa oratione in hypothese, quod hæc fuerit solum ad instructionem nostram, *conc. consequ. m.* ex oratione, quatenus fuit manifestatio sui desiderii de miraculo, *neg. consequ. m.* Qui quovis modo morali alium ad physice quid efficiendum movet, ille est ipsius effectus causa moralis. Esto igitur

(1) Sua. in 3. p. disp. 31. sec. 2. §. Dico secundo.

(2) Mal. in Joa. c. 11. v. 41.

(3) Joa. c. 11.

igitur non fuerint preces Christi Dni ad impetrationem miraculi factæ, attamen fuerunt manifestatio sui desiderii de miraculo, quæ dico Deum motum fuisse ad illud physice efficiendum.

527. Instant. Chrysostomus & alii Patres apud Maldonatum (1) observant Christum non semper, sed aliquando solum oculos ad Cælum elevasse, dum miracula faceret, ne si semper elevasset, non sua sed aliena autoritate videretur miracula facere: Sed facere miracula sua non aliena autoritate est ea facere potentia plusquam morali: ergo hi patres sentiunt Christum fecisse miracula potentia plusquam morali.

Resp. *dist. mai.* Et ibi Patres loquuntur de Christo ut Deo simul & homine. *conc. mai.* de Christo solum ut homine, *neg. mai.* Et omisa minori *neg. consequ.* Quam legitimus sit sensus attributus objectis Patribus, alii inter quos ipse Chrysostomus manifestant, qui apud eundem Maldonatum (2) advertunt de miraculis, quæ Christus fecit post resurrectionem non legi, quod Cælum prius suspexerit, aut gratias egerit, quia tunc non amplius se gerebat ut homo sed ut Deus.

528. IV. Objicitur. Concilium Ephesinum (3) definit carnem Christi propter unionem cum Verbo esse vivificatricem, quod etiam docent Patres: ergo humanitas Christi est causa plusquam moralis miraculorum,

Resp. *conc. an.* & *neg. consequ.* Ille enim modus loquendi indifferens est ad effectiorem vel physicam vel moralem, quatenus per passionem, quam substinuit, meruit nobis vitam æternam, nec nostrum est ipsum determinare ad physicam, præsertim cum hanc excludant adducta argumenta, & hoc præterea, quod vivificatio, seu sanctificatio Patrum veteris testamenti, quando referatur ad vivificantem Christi carnem necessario dicenda est effecta ab illa influxu solum morali.

529. Instant. S. Cyrillus Alexandrinus, & alii etiam veterum notant, ideo Christum voluisse leprosum quemdam tangendo curare, ut ostenderet esse in ipsamet sua carne vim salutaris & vivificam. At ratio ab his adducta est ipsis propria; Nam alii apud Maldonatum (4) alias asserunt. Ambrosius contactum adhibitum putat ut humanæ naturæ veritatem probaret: Chrysostomus, Theophylactus, & Euthymius ut ostenderet se non teneri veteri lege, quæ lepram tangere prohibebat. & tamquam legislatorem esse omni legi superiorem: Tertullianus ut doceret se non posse contaminari qui erat finis interdicti leproforum contactus. Alii tandem ut manifestum

(1) Mal. in Matt. c. 14. v. 17.

(2) Id. in Joa. c. 21. v. 12.

(3) Eph. can. 11.

(4) Mal. in Matt. c. 8. v. 3.

stum esset tibi eam sanationem deberi, & cum humana natura quam videbant crederent conjunctam Divinam.

530. V. Obijcitur. Ecclesia orans quemvis Sanctum non dicit *exaudi nos*, sed *ora pro nobis*: at rursus orans Christum non dicit *ora pro nobis*, sed *exaudi nos*. Atqui hoc significat Christum ut hominem esse causam physicam eorum etiam miraculorum, quæ ab eo petimus: ergo.

Resp. *conc. mai. & nego min.* Quod Ecclesia eo modo oret Christum vera ratio est quam verbis Suarez exponam, (1) *Nos loquentes cum Christo & colentes illum semper respicimus ad dignitatem personalem ejus, & ideo loquimur cum illo tamquam cum vero Deo & ideo non loquimur cum illo tamquam cum intercessore, sed tamquam cum auctore bonorum omnium.*

531. VI. Obijcitur. S. Thomas dicit (2) *humanam naturam Christi Dn. esse instrumentum Divinae Virtutis* in miraculis quæ faciebat: ergo juxta S. Thomam sicuti Divina Virtus est causa principalis physica miraculorum, ita humanitas Christi est eorum causa instrumentalis physica.

Resp. *conc. ans & nego consequ.* Hæc enim illatio non solum non habetur apud S. Thomam, sed ab eo etiam excluditur dum ibidem repetit *vera miracula sola virtute Divina fieri posse.*

Instant Suarez. (3) *Ita concedit S. Thomas animam Christi potuisse efficere miracula, sicuti negat potuisse assumi ad creandum vel annihilandum: constat autem si sermo esset, solum de concursu morali potuisse animam Christi concurrere ad annihilationem & creationem.* Loquitur ergo D. Thomas de physica effectione.

Resp. *dist. mai.* Et ibi S. Doctor alterum de potentia animæ Christi sive physica sive morali faciendi miracula concedit, quia ut ipse ait est (4) *ordinabile ad Incarnationis finem, qui est instaurare omnia*: & alterum de ejusdem animæ potentia creandi negat, quia non est ordinabile ad hunc finem, *conc. mai.* Et ibi alterum concedit, & alterum negat ex alia ratione *nego mai.* & concessa minori *nego consequ.* Distinctio est legitima, quia deducta ex loco, quem præ oculis habuit Suarez, eademque placere ipsimet debuit, ne cum deinde dicat se (5) *non invenisse cur sit impossibile, ut creatura assumatur a Deo ut sit instrumentum creationis*, cogatur dicere gratis S. Thomam docuisse, animam Christi non posse esse causam ullius creationis in quovis genere causæ.

O o

PRO-

(1) Sua. de Relig. t. 2. c. 10. n. 16.

(2) S. Tho. 3. p. q. 43. ar. 2. O.

(3) Sua. ubi supra sec. 3. §. Nihilominus.

(4) S. Tho. 3. p. q. 13. ar. 2. O.

(5) Sua ubi supra sec. 8. §. Ad difficultatem.

PROPOSITIO II.

Sancti quamvis sint causse dumtaxat morales miraculorum, nihilominus cum proprietate possunt absolute dici facere miracula.

532. **P**ropositio est contra Lamindum Pritanium: sub quo nomine latet Ludovicus Muratori, qui visus est contrarium sentire: Habet saltem duram hanc propositionem, (1) *Pro certo habendum esse Gratias & Miracula non fieri a Sanctis*; Et contra Jo. Cadonicum (2), de quo alibi (3) memini, qui idem sentit.

533. I. Probatur cum Benedicto Piazza (4) Esse causam moralem alicujus effectus sufficere, ut quis absolute dicatur illum effecisse; sic enim communiter dicitur, & in ipso iudicio habetur ut Author mali, qui solum illius fuit causa moralis: Sed Sancti sine controversia ex dictis (n. 500) sunt causse morales miraculorum: ergo hoc sufficit ut absolute dicantur facere miracula.

II. Sacramenta novæ Legis in communiore sententia sunt causse dumtaxat morales gratiæ, quam qui rite ea suscipit, obtinet, & nihilominus cum omni proprietate dicuntur absolute gratiam conferre; Male enim audiret, qui id negaret, vel accusaret tamquam improprie dictum, postquam Concilium Florentinum (5) dixit differre Sacramenta antiquæ legis a Sacramentis novæ propterea quod illa non causabant gratiam, sed eam solum per passionem Christi dandam esse figurabant: hæc vero nostra continent gratiam, & ipsam digne suspicientibus conferunt. De quo extat jam definitio facta deinde a Tridentino (6): ergo etiam Sancti possunt dici absolute facere miracula, quamvis sint illorum causa dumtaxat moralis.

534. III. Cum proprietate dicitur, quod Scriptura, Patres, Theologi & Ecclesia dicunt. Atqui Scriptura, Patres, Theologi, tota demum Ecclesia dicunt absolute Sanctos facere miracula: ergo. Pro minori, quod pertinet ad Scripturam sunt hæc quorum aliqua Brancatus etiam adduxit (7), qui idem jam olim statuit. Eliseus (8) in vita monstravit, & in morte mirabilia operatus est. (9) Qui credit in me, sunt verba Jesu Christi, opera quæ ego facio, & ipse faciet & ma-

(1) Pri. De Christiana n. devotio. c. 20.

(2) Cad. Confut. di Derham §. 12. pag. 146.

(3) De Mundo n. 114. Et de Malon. 119.

(4) Pla. Christianorum devotio vindicata c. 20.

(5) Flo. in decreto Eugenii IV.

(6) Trid. sess. 7. c. 6.

(7) Bra de Mirac. n. 559.

(8) Eccli. 48. v. 14.

(9) Jos. c. 14. v. 13.

jora bonorum faciet. (1) Per manus Apostolorum fiebant signa & prodigia multa. (2) Stephanus faciebat prodigia & signa magna in populo. (3) Alii per spiritum datur gratia sanitatum, alii operatio virtutum. Ex quibus plane videtur concludi posse, hæreticum esse negare miracula fieri a Sanctis.

Quod pertinet ad Patres, S. Augustinus dicit (4) Credamus (Sanctis) & vera dicentibus, & mira facientibus; dicendo enim vera passi sunt, ut possent facere mira. Idem interpretans dictum Christi, Qui credit in me, majora faciet, sic habet, (5) Ego facturus sum majora per eum, qui credit in me, quam prater eum per me. Sed quando prater eum, non faciet ipse, quando autem per eum quamvis non per semetipsum, faciet & ipse. S. Basilii, (6) Memores esto Martyris, qui quosque sanitati restituit, quibuscumque pueros jam mortuos ad vitam reductos reddidit, quotquot vita terminos prorogavit. Similes loquutiones habent SS. Gregorius Nazianzenus (7), Nissenus (8), Chrysostomus (9), Gregorius Magnus (10).

535. Ex Theologis illorum princeps S. Thomas ait (11) Angeli dicuntur miracula facere, vel quia ad eorum desiderium Deus miracula facit, sicut sancti homines dicuntur miracula facere, vel quia aliquod ministerium exhibent in miraculis que fiunt. Huic doctrinæ inhærens Suarez docet, quod (12) potest Sanctus cooperari Deo ad aliquod beneficium nobis præstandum non solum orando, sed etiam ministerium aliquod sibi a Deo collatum exhibendo, & tunc licitum est petere a Sancto, ut ipse nobis conferat illud beneficium non solum orando sed etiam cooperando. Quod tandem pertinet ad Ecclesiam suadent ea, quæ nobis proponit legenda in horis Canonicis, Martyrologiis, & in Historia Ecclesiastica, ita ut aliquos etiam denominet Thaumaturgos.

COROLLARIUM.

536. **P**ossimus sine ulla absurditate Sanctos orare, ut nobis miracula faciant.

Corollarium est contra Pritanium, qui non agnoscit licitas esse alias orationes ad Sanctos, nisi illas, quibus (13) oramus Sanctos, ut orent Deum pro nobis.

(1) Act. c. 5. v. 12.

(2) Ibid. c. 6. v. 8.

(3) 1. ad Corinth. c. 12.

(4) S. Aug. de Civit. l. 12. c. 10.

(5) Id. in Joa. tr. 72.

(6) S. Basi. Hom. de S. Mamante

(7) Naz. Orat. in Julian.

(8) Nyss. Orat. in 40. Marty.

O 2

(9) Chr. con. Genti. Et hom. in 7. Machabæ.

(10) Greg. Dialog.

(11) S. Tho. 1. p. q. 110. ar. 4. ad 1.

(12) Sua. de Relig. to. 2. l. 1. c. 10. n. 7.

(13) Pri. De rec. devo. c. 20.

1. Pro-

537. I. Probatnr, quia licet ab illis miracula posulare, qui cum binij proprietate dici possunt facere miracula: Atqui Sancti cum omni proprietate dici possunt facere miracula (n. 532.): ergo.

II. Probatnr. Ideo absurdum esset orare Sanctos, ut faciant nobis miracula, quia hoc significaret credi a nobis Sanctos ipsos per se posse miracula physice efficere: Sed hoc est falsum: Nam vulgi ipsius essatum est, Quod Deus non vult ne Sancti quidem possint præstare, & melius Theologi cum S. Thoma dicunt (1) *Sancti non volunt nisi quod Deus vult, nec petunt nisi quod volunt fieri*. Quare apparet communem esse apud quosvis homines doctrinam, quam idem S. Thomas sic expressit, (2) *Oratio porrigitur alicui dapliciter, uno modo quasi per ipsum implenda, et o modo sicut per ipsum impetranda. Primo quidem modo soli Deo orationem porrigimus, secundario modo orationem porrigimus Sanctis Angelis & hominibus, ut eorum precibus & meritis orationes nostra sortiantur effectum*.

538. III Probatnr ex usu SS. Patrum & Ecclesiæ. S. Basilus in Oratione de 40 Martyribus sic perorat, *Qui aliqua premittitur angustia, ad hos confugiat: qui rursus latatur, hos oret. Ille ut a malis liberetur, hic ut duret in rebus latis*. S. Gregorius Nazianzenus orat S. Cyprianum in hunc modum, (3) *Nos de Calo benignus aspicias, sermonesque nostros & vitam gubernes, sacrumque hunc gregem adjuves*. S. Bernardi nota sunt verba, (4) *Si insurgant venti temptationum, & incurras scopulos tribulationum, respice stellam, voca Mariam, in periculis in angustiis in rebus dubiis Mariam invoca*. Ecclesiæ Romana in festo S. Stanislai Episc. & Marty. Deus, inquit, *præsta ut omnes, qui ejus implorant auxilium, petitionis sue salutarem consequantur effectum*, nec reprehendit quos supponit implorare. ceterorum auxilium.

PROPOSITIO III.

Homines actu etiam mali possunt esse causa morales miraculorum.

ARTICULUS I.

Argumenta pro propositione.

539. **P**ropositio est de actu malis: Nam quod faciant miracula qui olim fuerunt, vel deinde evaserunt mali, certum

(1) S. Th. in suppl. q. 72. a. 3.

(2) Id. 2. 2. q. 83. a. 4. O.

(3) Naz. Orat. 18. de S. Cypri.

(4) S. Be. ho. 2. in Missus. cit.

tum est. Matthæus enim publicanus, *idest*, inquit Maldonatus (1) *publicus peccator*, factus Apostolus miracula ut cæteri Apostoli patravit: Et Saul qui reprobis obiit paulo ante suam in Regem electionem prophetavit (2). I. itaque probatur. In scriptura habemus Christum aperte pronunciantem, quod (3) *multi dicent mihi in illa die, Domine Domine, nonne in nomine tuo prophetavimus, & in nomine tuo Demonia ejecimus, & in nomine tuo virtutes multas fecimus, & tunc confitebor illis quia numquam novi vos*, ubi sermonem esse de veris non de falsis miraculis probatur. tum quia non respondit Christus eos mentiri: tum quia mirum non esset illos, qui falsa miracula faciunt, audituros a Domino, nunquam novi vos, sed mirum est id dicendum aliquibus, qui vera fecerint: tum tandem quia non opus fuisset tantopere nos monere ne credamus facientibus falsa miracula, sed magnæ profecto utilitatis fuit hæc admonitio eorum respectu qui vera faciunt, quibus nolit credamus nisi ipsorum mores inspiciamus, ex quibus prophetæ veri a falsis, sicuti ex fructibus arbores bonæ a malis discernuntur. Huc videtur etiam spectare, quod (4) *Joannes dixit, præceptor vidimus quemdam in nomine tuo eiicientem Demoniam, & prohibuimus eum, quia non sequitur nobiscum*. Quod enim Brancatus (5) putaverit illud eiicientem Demoniam sumi posse non tantum significans effectum, sed affectum conatumque, minus approbatum fuit a Maldonato, qui post expositam hujusmodi interpretationem subdit, (6) *Nolo omnibus dissidentibus auctoribus id primum dicere*.

540. Habemus præterea Saulem, cum jam Dominus ab eo discesserit, in medio prophetarum prophetasse, & (7) Ethnicum Balaam edidisse præclarissimas prophetias, miraculi speciem insignem (n. 28.) de victoriis Hebræorum ex Aegypto redeuntium supra gentes Palæstinam tunc occupantes, de Adventu Messiae, de vastatione Assyriæ, & ipsiusmet tandem Palæstinæ per populos ex Italia venientes, scilicet Romanos. Huc per me spectat etiam (8) Pythonissa femina incantationibus dedita, quæ evocavit a mortuis Samuelem ad petitionem Saulis, qui ipsum repente sibi præsentem interrogavit de eventu proximæ dimicationis cum Philistiim. Nil enim obstat, ut luculenter ostendit Pererius (9) quominus verum miraculum credamus hic intervenisse, sed punitionis factum a Deo per occasionem impiæ curiositatis Saulis, & damnati exercitii Pythonisse, de qua scriptum est (10) *Cum vidisset mulier Samuelem,*
excla.

- (1) Mal. in Matt. c. 7. v. 23.
(2) 1. Reg. c. 10. v. 10. & 11.
(3) Matt. c. 7. v. 22.
(4) Luc. c. 9. v. 49.
(5) Bra. de mirac. n. 821.

- (6) Mal. in Marc. c. 9. v. 38.
(7) Num. 23. & 24.
(8) 1. Reg. c. 28. v. 7.
(9) Per. in Exod. disp. 8. c. 7. n. 48.
(10) 1. Reg. c. 28. v. 12.

exclamavit voce magna, quod est iis proprium, quibus aliquid accidit inexpectatum. Quare sicuti (1) ad vindictam impietatis Regis Ochoziæ, illis quos miserat ad consulendum Beelzebub Idolum Accaronis de sua infirmitate iussit Deus Eliam occurrere in via, & prænunciare ejusdem mortem ex illa certo futuram, ita Samuelem nunc misit ad hanc mulierem, quam Saul persuaserat tentare ejus a mortuis evocationem, ut jam tunc vindicaret Saulis iniquitatem, qui malo audito nuncio proximæ cladis cum sua ac filiorum suorum morte plenus terrore (2) *perrectus cecidit in terram*.

541. Brancatus (3) & alii apud ipsum, & præterea Jacobus Serres, & Alphonfus Tarretinus apud Hooke (4) nollent hujusmodi Pythonissam hic commemorari, contententes nullum per eam factum miraculum, quia non Samuel, sed Dæmon sub ejus persona Sauli apparuit. Sed imprimis in ipsis apparitionibus malorum Dæmonum non deest miraculum propter rationes supra (n. 89.) allatas. Deinde dicere Dæmonem, non Samuelem apparuisse, minus congruit Ecclesiastico, qui in laudem Samuelis dicit, quod ipse post mortem (5) *notum fecit Regi* (Sauli), & *ostendit illi finem vite sue* & *exaltavit vocem suam de terra*: qui locus controversiam videtur decidere post Tridentinum, quod Ecclesiasticum inter Canonicas Scripturas adnumeravit.

542. Tandem opponentium argumenta præcipua, quæ jam pridem exposuit Gratianus in suo Decreto (6) ipsorum propositum non evincunt. Alterum enim est, quod Dæmon non potest inmortuos evocare. Sed ex hoc inferitur, ergo Deus evocavit, quod de hoc miraculo, sicut de aliis omnibus dicimus. Alterum sic habet, si Samuel verus fuisset, non permisisset se adorari a Saule: Dicit enim Scriptura, (7) *Intellexit Saul, quod Samuel esset, & inclinavit se super faciem suam in terra, & adoravit*. At quid est, quod cogat accipere hæc verba, sicuti ipsi volunt tamquam significantia Saulem veneratam esse Samuelem aliter quam tamquam virum Sanctum atque Prophetam?

543. Alia duo alibi protulit argumenta Brancatus. Quare tertium erit. Si Samuel verus fuisset non dixisset (8) *duo solemnia mendacia*, *Gras tu & filii tui mecum eritis*; *In crastino enim non fuit mortuus neque Saul a Deo reprobatus futurus erat in eodem loco, in quo Samuel Sanctus*. At respondetur *Gras* apud Latinos significat etiam

(1) 4. Reg. c. 1. v. 1.

(2) 1. Reg. c. 28. v. 19.

(3) Bran. de Mirac. n. 694. Et in 4. sent. to. 4. disp. 25. ar. ultimo.

(4) Hoo. Relig. nat. Diss. de mir. c. 1.

(5) Eccli. c. 46. v. 23.

(6) Can. Nec Mirum 26. q. 5.

(7) 1. Reg. c. 23. v. 14.

(8) Bra. de Mirac. n. 719.

futurem indeterminatum, ut notant Lexicographi: & ad illud *Micum eritis*, Emmanuel Sa dicit (1) idest *morsus ut ego, vel in altera vita*. Ultimum est. (2) *Omnes interpretes cum Augustino dicunt, quod Samuel non surrexit, neque cum Saul loquutus est, sed Damon finxit Samuelem*. At negat hoc præter Pererium jam citatum Emmanuel Sa, cujus est hæc notatio. *fuisse verum Samuelem gravissimi Viri sentiunt, ut Justinus, Basilus, Ambrosius, Hieronymus, Augustinus*, qui videri poterit, ubi (3) in utramque partem de hac re disputans (4) videtur, inquit Lambertinus, *asserere, quod utrumque possit affirmari*, quæ fuit sententia ter repetita a S. Thoma (5), quia suo tempore ab aliquibus impune (6) *Ecclesiastici autoritas non recipiebatur*, tamquam deducta ex libro. tunc non. Canonico.

544. Erit fortasse, qui hoc argumentum exornet ex similibus exemplis, quæ referuntur exhibita ab aliis Necromantiæ cultoribus. Sed equidem ab his abstinere, quia nulla est ratio, quæ cogat ea credere, ut idem Pererius (7) ostendit. Alii videntur an opportunior argumenti confirmatio sint Ethnicarum Sybillarum carmina. Hoc enim negabunt quotquot mordicus tenent fabulam esse ipsam illarum existentiam, & deceptos fuisse aliquos ex antiquis etiam Patribus, qui supposuerunt eas revera extitisse & prophetasse. Ipso Origenis tempore erant, qui Sybillitas quasi per contemptum (8) vocabant, qui ipsarum versibus uterentur. Aliqua pro hac parte argumenta exponit Muscardus post alios, quos citat in sua *Historia Deorum Fœdidorum*, & cum his sentit Bergierius (9). Contra vero hoc affirmabunt, qui historiam esse non fabulam Sybillarum prophetias propugnant, quos nuper sequutus est Vincentius Antolini in præfatione præmissa suæ in Etruscos versus versioni oraculorum, quæ iisdem tribuuntur. Decem hæ communius numerantur, omniumque (10) *insigne*, inquit S. Hieronymus, *virginitas est, & virginitatis premium divinatio*. Cumæa dicta a Cumis Campaniæ urbe, quam Justinus Martyr dicit (11) *de Jesu Christi adventu, & de his omnibus, quæ facturus erat manifeste prænunciare*. Cumana a Cuma Urbe Joniæ, cui tribuitur prophetia de Verbi Divini Incarnatione: Persica prædixit præcursores Redemptoris: Hellepontica loquuta est de doctrina Domini: Lybica de ejus miraculis: Samia de ejusdem ingressu in Jerusalem supra asellum: Delphica de ejus cruciatibus: Phry-

(1) Sa. Notatio. in Script.

(2) Bran. de Mirac. n. 812.

(3) S. Aug. ad Simplicia. l. 2. q. 3.

(4) Lamb. de Beatific. l. 3. c. 50. n. 3.

(5) S. Tho. 1. p. q. 89. ar. 8. ad 2. Et

2. 2. q. 95. ar. 4. ad 2. Et ibid. q.

174. ar. 7. ad 4.

(6) Id. 1. p. q. 89. ar. 8.

(7) Per. disp. 7. in c. 7. Exod.

(8) Ori. l. 5. c. Cels.

(9) Ber. confut. del. esam c. 1. n. 7.

(10) S. Hie. l. 1. adversus Jovinian.

(11) Just. Admonit. ad Gentes.

Phrygia de ipsius morte. Tburina de ipsius resurrectione & ascensione in Cælum: Erythræa tandem ab Erytheris Joniæ Urbe de iudicio finali, & æterna cum Christo felicitate pro bonis, & æterna malorum damnatione, præter alia, de quibus meminerunt Clemens Alexandrinus (1), & Augustinus (2): ergo etiam mali possunt esse causæ morales miraculorum.

545. II. Probat. Deus qui solus physice operatur miracula (n. 504.) potest moveri ex sua misericordia ad preces vel desideria, vel religiosas operationes hominis etiam mali ad manifestandam veritatem aliquam, vel gloriam suam per aliquod miraculum: & potest etiam ex sua iustitia moveri ad concedendum, quod mali desiderant tamquam sibi bonum, quod sibi malum est, & aliqua de ipsorum malitia vindicta: Sed quando Deus sic moveatur ad faciendum aliquod miraculum, homo malus est illius causæ moralis: ergo etiam homines mali possunt esse causæ morales miraculorum.

III. Gratia gratis datæ, quæ sunt (n. 55.) totidem potentiæ ad diversa miracula, non pertinent ad voluntatem, in cuius actibus consistit bonitas morum, ut patet inductione per singulas. Præterea primario conceduntur non in propriam recipientis, sed in aliorum utilitatem: ergo non repugnat etiam in malis esse potestatem miraculorum.

546. Consonant his SS. Patres. S. Jo. Chrysostomus (3) inquit, *Ne ipsa quidem miraculorum operatio cuiquam profutura est, si ea operatus fuerit absque possessione virtutum*; idemque alibi (4) fusius persequitur. S. Hieronymus, (5) *Virtutes facere interdum non est ejus meriti, qui operatur, sed invocatio nominis Christi hoc agit ad aliorum utilitatem*. S. Augustinus, (6) *Siquando invocatione summi Dei aliquid pro suis malis cupiditatibus impetrant, vindicta est illa non gratia*; *Non enim frustra dicit Apostolus (7) tradidit illos Deus in desideria cordis eorum*. Et sua sunt hæc etiam eodem loco. *Nonnunquam mali Christiani vel Schismatici vel Hæretici per nomen Christi, aut verba aut Sacramenta Christiana exigunt aliquid a potestatibus, quibus honori Christi cedere indictum est*. Quare ad Petilianum Donatistam scribebat, (8) *De exclusione Dæmonum & de potentia miraculorum, quoniam plerique talia non faciunt, & tamen ad Regnum Dei pertinent, plerique autem faciunt, & non pertinent, nec nostri nec vestri debent gloriari, siqui forte ista possint*. Audiatur tandem S. Gregorius, (9) *Probatio*
San-

(1) Cle. Orat. ad Gent. Et l. 6. Stromat.

(2) S. Aug. de Civit. c. 13.

(3) Chry. homi. 27. in Matt. 7.

(4) Id. in c. 13. Matt. homi. 13.

(5) S. Hier. in c. 7. Matt.

(6) S. Aug. l. 83. quæst. q. 79.

(7) Rom. 1.

(8) S. Aug. l. 2. c. liter. Petili.

(9) S. Gr. l. 20. Mor. c. 8.

Sanctitatis non est signa facere. Plura alia debet in hac re Anastasius Sinaita. (1)

547. Consonant Scripturæ Interpretes, ut Maldonatus, qui ait (2) *Fecit Judas miracula, dum in Christum credebatur; Nam cum aliis gloriatus est, quod sibi Dæmonia subiicerentur & tamen* (3) *fur erat*: advertit tamen paucissima esse miracula quæ per malos facta legimus.

Consonant Theologi, ut Suarez (4), qui pariter ipsorum raritatem observat. Hi sequuntur S. Thomam, qui hoc idem expresse statuens (5) vindicat ab iis, quæ in contrarium obijciuntur. Idem loquens de Tutia Virgine Vestali, adeoque Idololatricæ addicta, de qua legitur in historia Romana portasse aquam Tyberis in vase perforato in signum conservatiæ pudicitæ, non esse absurdum credit (6) *dicere in commendationem castitatis Deum verum hujusmodi miraculum fecisse*, ut supra (n. 91.) adnotavi.

548. Consonant pervulgatæ sanationes a dolore Ischiadico, quas usque ad hanc diem per contactum efficiunt quivis ex posteris cujusdam familiæ, quæ adhuc extat Cancellis humili loco Marcæ Anconitanæ, ornata hujus sanitatis gratia a S. Gentium Apostolo Paulo, cum apud ipsam diversaretur. Et alia similis virtus, quæ de illis prædicatur, qui e legitimo thoro nati septimo loco sunt masculi nullo femineo partu intercedente, quam Del Rio datam credit a Deo (7) *ob dici honorem, & mysterii sanctitatem, & honorem conjugii*. Et illa, quam concessam Galliarum Regi (n. 119) sanandi per contactum a strumis habemus non solum ab Annalibus, & Medicorum libris. sed etiam a quotidiana certa que experientia, inquit citatus del Rio (8). Hanc gratiam extendunt aliqui etiam ad Reges Angliæ, quando erant sacro chrismate inuncti, atque Catholici. quod tamen idem Del Rio ibidem non credit esse satis comprobatum: Contra vero idem Auctor (9) illam quam in Hispania quidam *Salvatores* appellati, de quibus alias (n. 350. & 426.) memini, dictitabant se habere gratiam curationum, credit resolvi in parum mendacium, vel in effectus diabolicos. Quæ omnia propositionem confirmant, siquidem quis audeat affirmare hos omnes, dum has gratias exercebant, fuisse in Justitia & Sanctitate constitutos.

549. Consonat tandem quod observamus in usu esse in Caussis de Canonizatione Sanctorum, quæ teste Lambertino (10) feliciter

P P

pro-

(1) Ana. Quæf. ver. q. 20. in Bibliot. Put. t. 9.

(2) Mal. in Matt. c. 7. v. 22.

(3) Luc. c. 10. v. 17.

(4) Sua. de Fide disp. 4. sec. 3.

(5) S. Th. 2. 2. q. 173. a. 2.

(6) Id. de poten. q. 6. a. 5. ad 5.

(7) Rio. Disc. Mag. l. 1. c. 3. q. 4. §. septimo obijcit.

(8) Id. ibid. §. Denique

(9) Id. ibid. §. 4.

(10) Lam. de Beatific. l. 3. c. 42.

procedunt ad suum terminum, etiam si non possit demonstrari de illorum aliquo, quod habuerit Gratias gratis datas, quæ ceteroquin, quando non defuerint, utique producantur, sed tamquam mera signa, quæ favent præsumptioni de eorum virtutibus heroicis, quasi in illorum testimonium fuerint a Deo collatæ.

ARTICULUS II.

Objectiones & Corollaria.

550. I. Obiicitur. Cæcus natus, cui visum Christus reddidit, argumentatus fuit illum a Deo esse, quia (1) *Deus peccatores non audit, & nisi esset a Deo non poterat facere quicquam*: ipsique Pharisæi audientes aliquos statuere Christum non esse a Deo, quia Sabbatho hunc cæcum illuminaverat, dicebant, (2) *Quomodo potest homo peccator hæc signa facere*: ergo communis opinio est per malos non posse fieri miracula.

Resp. conc. ans, & dist. consequ. Est communis opinio per malos non posse fieri miracula, quæ probent se non esse malos, conc. consequ. quæ aliud quid probent utile & verum, nego consequ. Hæc interpretatio congruit contextui: Nam Christus ad probandam suam missionem, & Sanctitatem hoc miraculum cum aliis fecit, ac propterea eadem Bellarmino (3), & Maldonato (4) placet præ alia, quam ceteroquin approbavit S. Thomas (5), quæ dicit obiectas propositiones, quæ generaliter prolatae falsæ sunt, non esse Spiritus Sancti, sed hominum.

551. II. Obiicitur. Scriptum est (6) *Sapientia Dei in animas Sanctas se transfert, & amicos Dei & prophetas constituit*: ergo mali dum mali sunt tam possunt esse prophetæ, quam possunt esse animæ Sanctæ & amici Dei.

Resp. conc. ans, & nego consequ. Quoniam enim Scripturæ ex dictis prophetas narrant factas a malis, necesse est illud quod obiicitur sumi debere in sensu solum positivo, non vero in sensu etiam exclusivo, quem reipsa non habet; Dicit enim sapientiam Dei in animas sanctas, non vero in solas animas sanctas se transferre.

552. Corollarium I. Miracula non probant esse veram religionem hominis, per quem ea fiant, nisi hæc faciat ad probandam veritatem suæmet Religionis. Prima pars vera intelligitur, quia Deus etiam per infideles potest (n. 540) exhibere miracula. Secunda autem

cer-

(1) Joa. c. 9. v. 31.

(2) Ibid. v. 16.

(3) Bell. de bonis operibus in particulari c. 9.

(4) Mald. in Joan.

(5) S. Tho. de Potest. q. 6. ar. 9. ad 9.

(6) Sap. 7. v. 27.

certa est, quia miracula non possunt fieri (n. 141.) in confirmatio-
ne nullius erroris.

553. Coroll. II. Miracula non probant Sanctitatem hominis a stu-
viventis, a quo sint. Ratio est eadem ac modo allata. Accedit da-
plex Christi Dn. testimonium. Alteram est, quo nos monet ut ve-
ros a falsis prophetis discernamus per ipsorum fructus idest mores,
non vero per miracula prædicens fore ut palam dicturus sit in die
extremi iudicii se numquam novisse malos, qui tunc sibi dicent, (1)
Domine in nomine tuo virtutes multas fecimus: Quo testimonio usus
S. Cyprianus in rem nostram dixit, (2) *Prophetare, & demonia exclu-
dere, & virtutes magnas in terris facere, sublimis utique & admirabi-
lis res est, non tamen regnum celestium consequitur, nisi recti & iusti iti-
neris observatione gradiatur*. Alterum est quod idem Dominus Apo-
stolis dixit post collatam ipsis miraculorum potestatem, (3) *In hoc
nolite gaudere: gaudete autem quod nomina vestra scripta sunt in Calis*.
Accedit etiam, quod advertit S. Augustinus, (4) *Non omnibus San-
ctis potestatem miraculorum tribui, ne perniciosissimo errore decipiantur
infirmi existimantes in talibus factis majora dona esse, quam in operibus
iustitia, quibus æterna vita comparatur*. Accedit tandem consuetudo
Ecclesiæ Catholicæ, quæ in Causis Beatificationis & Canonizatio-
nis iis exceptis, quæ sint de Martyrio, in quo habetur testimonium
omnium maximum veræ in Deum caritatis, requirit miracula post
obitum patrata, non ante, hæc quidem ut utilia (n. 549.) at illa ut
necessaria considerans, Cujus consuetudinis ac legis est ea ratio, quod
opus sit tum certo argumento de reali & non simulata vitæ Sanctita-
te, ut observat Bordonus (5), tum testimonio perseverantiæ in bo-
no usque ad mortem, quandoquidem plus nimio nota est homi-
num dum vivunt mutabilitas ex bono in malum.

LAUS DEO.



P p 2

IN.

(1) Matt. c. 7. v. 22

(2) S. Cypri. de unit. Eccl.

(3) Luc. c. 10. v. 19.

(4) S. Aug. l. 83. qu. 9. 79.

(5) Ber. de mirac. medit. 4. n. 14.

INDEX RERUM

NUMERI INDICANT PARAGRAPHOS.

A Braham factæ apparitiones . 181

Aesculapii curationes . 364. 375.

Ejus templum cur Romæ positum . 207

Aestus maris duratio . 242

Alienatio a sensibus . 253

Aloysii Gonzagæ S. Miraculum . 408

America quomodo post diluvium habitata . 226

Anima Christi non est causa physica miraculorum . 531

Antiochi mors . 199

Anulus sonans in cyatho . 3

Apollonius Thyaneus quis . 368. 373. 374

Apostoli pauperes & rudes fuerunt . 328. Et omnes Martyres . 391

Apparitiones corporeæ, imaginariæ, & intellectuales . 181. Beatorum, & Damnatorum . 467. Christi redivivi . 333. Et spirituum in forma humana . 138. Cur fiant . 472.

Quomodo dignoscantur . 461

Aquarum miracula . 189

Archimedis mors . 253

Argens(de) negat Diluvium universale . 217

Attractio Newtoniana . 246

Aurora Borealis credita portentum . 472

B

B Aalam ethnici prophetiæ . 540

Bene operari sed non meritorie est homini naturale . 95

Binghamus Joseph . 147

Blount Carolus . 369

Bolingbroke errores . 128. 200. 251

Bollandiæ . 411

Bordoni definitio miraculi . 118

Boulangerii errores . 264. 319. 381

Brancati definitio miraculi . 121. credit rana multas productas a Magis . 152. 154

Brun (Le) Petrus . 102. ejus definitio miraculi . 116

Buffierii definitio miraculi . 112

Bumeti opinio de diluvio . 235

C

C Abalistica scientia . 127

Caelum tertium Apostoli quid . 68

Calcis ebullitio per aquam . 19

Calvini miraculum . 148

Cancelli humilis locus Marcæ . 548

Canonizationum epocha . 38. harum causæ quomodo fiant . 444

Canticum Canticorum est allegoria amoris Dei & Ecclesiæ . 259

Caput obtruncatum Sancti an manibus gestaverint . 43

Cardinales in causis Canonizationum adhibiti . 442

Castoris & Pollucis fabula . 208

Causæ Canonizationum quando typis edi coeperint . 39

Causæ finales miraculorum . 83. 465. Non est horum causæ sola fides in Christum . 484

Causæ incredulitatis . 482

Centuriatores Magdeburgenses . 397

Christi miracula . 266. multa iuridice examinata fuerunt . 340. Ille ut homo fuit eorum causæ moralis . 512. An oraverit ante illorum

lorum

- lorum effectiōnem . 514. & 526.
 Cur in patria non fecerit nisi pauca . 352. Neque cum peterent Scribæ . 481. conversiones nobilium & doctorum ab eo facta. 399
 Chubb incredulus quidam . 475
 Circulatorum artes . 100
 Clades prædictæ . 177. & per miraculum . 182. 196. 201
 Clarke definitio miraculi . 98. 104. 109
 Clericus Jo. quid sentiat de transitu Erythræi . 239. 243
 Compulsare acta quid . 441
 Constantino imperante Paganismus defecit . 387
 Consultores in Causis canonizationum . 444
 Conversio unius rei in aliam est miraculum primi gradus . 27
 Conversiones factæ a Christo & Apostolis etiam nobilium & sapientum . 231. 339
 Corporis temperamentum non facit miracula . 350
 Creatura non faciunt physice miracula 86. nec possunt perturbare ordinem naturæ . 89
 Cultus publicus non Canonizatis prohibitus . 441.
 Cupiditates scelerum causæ . 360
 D
D Amasceni (Jo. S.) manus restituta . 36
 Daniel cum Leonibus . 94. Ejus prophetiæ . 177. 179.
 Deistarum proprietates . 128. hi negant miracula . 166 V. Increduli
 Deus est ens supernaturale per dignitatem . 8.
 Demones miracula large sumpta faciunt 22. stricte sumpta nequaquam 369. Forum divinationes non sunt prophetiæ 63. 265. Faciunt aliquando morbos 290. Eorum vis 93. 97. Et velocitas 576. Nulla re naturali expelluntur 345. Quando sit miraculum eorum expulsio 32. Quæ sit per exorcismos Ecclesiæ Catholicæ non est miraculum 93. Qualis ea esset quæ per Ethnicos fiebat 392. An unus Dæmon ab alio possit expelli . 342
 Dæmoniaci non possunt negari 93. 392. Cur frequentes sub ortum Ecclesiæ 307. 393. Illi quos Christus liberavit . 341
 Demonstratio moralis facti quæ . 334
 Dictionarium Auctorum Ecclesiasticorum . 16.
 Dictionarium philosophicum portatile 102. Ejus errores 228. 390. 392. Irridet prophetiās 258. Et Canticum Canticorum 259. Imaginationis effectus dicit esse miracula 423. Et illa Evangelii habet pro parabolis 264. Negat S. Chrysostomum admittere miracula suorum temporum 414. & sibi contradicit . 468
 Dii Ethnicorum quales . 328.
 Diluvium universale est miraculum 188. De ejus existentia argumentum sunt S. Scriptura 218. Altitudo aquarum 219. Conchilia in montibus 220. Consensus omnium Scriptorum 221. Ejus aquæ unde venerint 229. Qui illud negaverint . 217.
 Discretio Spirituum naturalis 74. supernaturalis . 74
 Divisio Erythræi & Jordanis . 239
 Donatistarum miracula . 158
 Donum linguarum 75. commune olim Fidelibus 76. proprium legis Græciæ . 296
 D

Dumarsais incredulus quidam . 62

E

Ecclesia quæ per miracula cognoscitur vera statuit quæ sint vera miracula sine ullo circulo vitioso . 479

Eclipsis in morte Christi . 293

Ecstasis supernaturalis 69. & naturalis exempla . 253

Effectus naturales a solo Deo facti . 92

Electricæ machinæ effectus crediti ab ignaris diabolici . 491

Elias a corvo provifus cibo 186. Pistoribus dedit anam ad solis imaginem 184. Ejus jejunium . 202

Elisei prophetiæ . 176

Episcopi non promulgant miracula non Canonizatorum . 439

Erythræi & Jordanis trajectio . 239

Ethnicorum miracula sunt falsa 477. & dissimilia ab illis veræ Ecclesiæ . 362

Evangelia canonica opus admirabile 317. 359. Eorum stylus . 317

Evangelia apocrypha . 318

Evangelistarum qualitates . 317

Exaudi nos dicitur Christo . 530

F

Fabulosa miracula . 101

Fides gratia gratis data quid . 59

Fidei fundamentum & origo 433. Hæli non opponitur Scientia . 434

Fleetyvodii definitio miraculi 108. Miracula magorum Pharaonis male tribuit Deo 108. 151

Francisci (S.) Stigmata 421

Francisci Xaverii (S.) miracula . 407. 410.

Freretius dubitat de authenticitate Evangeliorum . 318. Nihil in iis reperit quod Philosophi non dixerint 483. Nollet testimonia profana

adduci pro miraculis Christi 323. Infidelitatem Judæorum iis opponit 361. Expulsiones Dæmonum ad imaginationem revocat 423. 427. Citat pro se qui sunt contra se 324. Obliviosus homo est . 302

Funambuli quomodo procurent æquilibrium . 116. 219.

G

Galliæ Reges contactu sanant strumas . 119. 548.

Garmannus Fridericus . 397.

Gloria Dei cur dicantur miracula 16

Gloriæ notio . 465.

Gradus miraculorum cur distinguantur . 38. 39.

Grando prodigiosa . 185

Gratia appellat ad causam , non ad eos qui eam recipiant 77. Illa sanitatum quid . 60

Gratiæ gratis datæ quid 55. Cur novem . 53

Gratiæ quæ non sunt miracula . 56 134

Gregorii magni (S.) Dialogi . 406

Grotius Hugo favet Socinianis . 258

H

Hæretici modo negant , modo affirmant opus esse miraculis 145. Scripturam male interpretantur . 489

Hallejus mutato centro gravitatis terræ aquis ipsam obrui ostendit . 218

Hebræi cur ubique 50. Exeuntes de Aegypto quot fuerint 205. Illorum divisio in duos regna . 214

Henoch & Eliæ prodigia futura . 155

Heracleo hæreticus . 391

Herodes occidit multos infantes . 269

Hierocles quis . 369. 373

Humanitas Christi est causa solum mo-

moralis miraculorum . 512. 524
 Humes Davidis errores . 326. Impie-
 tas . 111. Quomodo definiat mi-
 raculum . 110. Negat omnia mi-
 racula . 166. Non credit Penta-
 teucho . 128. Nolens probat mi-
 racula Pentateuchi . 212. Confert
 Vespasianum cum Christo . 369.
 & 371. Ejus infelix ratiocinium .
 432

I

J Anuarii (S.) miraculum perpetuum . 119. 409.

Jaquelotius incredibilia dicit miracu-
 la narrata a S. Augustino . 419

Jejunium sumptum pro tenui cibo .
 306. Sumptum pro abstinencia ab
 omni cibo, quando propter diutur-
 nitatem sit naturale, & quando
 non . 247. Naturalis quæ causa .
 251. Non naturalis causæ finales .
 252

Jejunium Ecclesiasticum quale primo
 sæculo . 270

Jerosolymæ excidium . 282

Ignatii Loyolæ (S.) exercitiorum li-
 ber . 58

Ignis de cælo delapsus . 183

Ignis lambens . 255

Imaginationis vis . 421

Immortalitas naturalis est animæ,
 sed non corpori . 95

Increduli quales . 213. 330. 482. Hi
 non sistentur a miraculis . 336.
 486

Inferni locus proprius ignotus . 232

Interpretatio sermonum quid . 78

Jo. Baptista (S.) cur nullum signum
 fecit . 54

Jo. de Cupertino (S.) raptus . 69

Job calamitas & præmium . 202

Jordanis tractio . 239. 244.

Josephi Hebræi testimonium de Chri-
 sto . 321

Josue sistit solem . 247

Ischiadici dolores sanati per miracu-
 lum . 548

Judæi de miraculis Christi convin-
 cuntur . 315. quæ tribuerint ma-
 giæ . 342. Quomodo alia expli-
 cent . 127. Eorum religio abro-
 gata . 327

Julianus Apostata dolet de Paganis-
 mo destructo . 387

Juramentum solemne quale . 446

K

K Ingii definitio miraculi . 107

L

L Amindus Pritanius negat Sanctos
 facere miracula . 532

Languet Jo. Joseph . 159

Leges naturæ quid . 133. 475

Leibnitii definitio miraculi . 122

Legletus de Fresnoy . 47

Liberum a necessitate opponitur natu-
 rali . 5

Linguarum donum proprium Legis
 Gratia . 296

Lockes definitio miraculi . 105

Lunaticus idem ac Epilepticus . 290

Lutheri miraculum . 148

M

M Affeius Scipio negat dari Ma-
 giam . 497

Magiæ nomen & divisio . 491. Alia
 naturalis . 21. Alia diabolica . 3.

21. Hujus auctor . 493. Hæc ex-
 culta ab Ethnicis . Hanc qui ne-
 gent unquam fuisse . 496. Argu-
 menta pro ejus existentia . 498

Magorum Pharaonis prodigia . 150.
 152. facta per Dæmones . 108

Mahumetis miracula . 147

Ma.

- Malebranche. 129. 134. Quomodo definiat miraculum. 115
- Mali possunt esse causa miraculorum. 539
- Malum quid dicitur effectu non natura. 47
- Manetis mors. 147
- Martyres pro factis sunt inter solos Christianos. 382. Hi sunt innumeri. 386. 389. Etiam ex testimonio Paganorum. 380
- Mattæ divisio miraculorum. 41
- Medici in Causis Canonizationum audiuntur. 459
- Mendacium est violatio ordinis moralis. 137
- Merlini definitio miraculi. 123
- Miracula Christi. 272. Cur conjuncta cum prophetiis. 103. Cur notiora quam illa Sanctorum. 404. 412. Confirmantur ab illis, quæ attributa sunt Vespasiano. 372
- Miracula communia primis Ecclesie temporibus. 118. Quando hæc cessaverint. 307
- Miracula dantur etiam nunc quia Christus promissit. 398. 401. quia ea necessaria ad conversionem gentium. 402. cum ducant ad cognitionem veræ religionis. 475. quia causæ finales illorum etiam nunc dantur. 403. quia habent fundamentum in optimis testibus. 404. Qui nam sint, qui hæc negent. 397. Quæ nunc non dentur. 417. Quomodo majora facta sint post Christum illis, quæ ipse fecit. 399. 534
- Miracula non probant sanctitatem hominis viventis, per quem fiant 546. 553. Et facta post mortem requiruntur in causis canonizationum. 553
- Miracula sunt testificatio Dei. 143. Non sunt coram solis infidelibus. 493. Cur non fiant pro incredulis 465. Non perturbant ordinem Universi. 429. Non sunt violatio ordinis naturalis. 137. Non sunt essentialiter, quid insolitum. 118. 120. Non sunt petenda, quæ sunt inutilia. 485. Quænam debeant esse facta in instanti. 36. Possunt habere apparentem levitatem. 429 Pauca erunt sub finem Mundi. 413. Impossibilia sunt pro errore. 140
- Miracula Ethnicorum derisa ab ipsis Ethnicis. 394
- Miracula punitionis numerata. 46
- Miracula Sanctorum de quibus meminit Novum Testamentum. 297. Illa S. Petri. 300. Illa S. Pauli. 304. An plura, & majora sint post Christum, quam sub illo. 399. 436. 534
- Miracula supra naturam. 42. Præter naturam. 43. Contra naturam. 44. Quoad rem. 36. Quoad modum. 88. Simpliciter. 26
- Miracula terræ septem. 18
- Miracula Testamenti veteris. 83. Demonstrantur vera. 204. Et illa definite Pentateuchi. 209. & 212 Et illa novi. 311
- Miracula vera a falsis quomodo discernantur. 96. 100. & 102.
- Miraculi definitio. 1. Etimologia. 84. Synonyma. 10. Extrema & medium. 80. Et variæ acceptiones. 17
- Miraculorum gradus tres. 23. Illa primi. 26. Secundi. 30. Terti. 33. Et

33. Eorum possibilitas. 30. Necessitas. 409. Vis ad persuadendum. 314. Quomodo sint æqualia aut contra. 24. Eorum quæ pro Christiana Religione facta sunt, qualitates. 363.
 Miraculorum potestas quomodo intelligenda. 401. Est nota veræ Ecclesiæ. 403. In Apostolis fuit permanens. 414
 Montgeronius. 161
 Morbi divinitus inflicti. 199
 Mortes divinitus datæ. 200
 Mortui redivivi apud Ethnicos. 365
 Motus leges sunt a Deo libere stabilitæ. 132
 Moyſis existentia demonstratur. 214.
 Ejus jejunium. 202. Ejus vultus splendor. 184. 255
 Multiplicationes rerum. 195. Non fiunt per creationem. 27.
 Mutatio in Deo non datur. 135.
 Muratori Ludovicus. v. Lamindus.
 Myſteria, & dogmata Christiana. 312. 331

N

Nathanael an ſit S. Bartholomæus. 28
 Nativitates per miraculum. 193
 Naturæ notiones variz. 5
 Naturæ cursus ſupponit creationem. 130
 Naturalis ſignificationes variz. 2
 Necrologium ridiculum. 381. 385
 Nobiles & docti a Christo converſi. 399
 Nonnotes definitio miraculi. 113

O

Operatio virtutum quid. 61
 Ora pro nobis dicitur Sanctis. 530
 Oraculorum existentia. 378

Ordo naturalis quid. 131
 Ordinatio ad Divina requiritur ad miraculum. 96
 P

Aganiſmus defecit poſt Conſtantinum Magnum. 387.
 Paralyſis. 291.
 Parhelia propria Septemtrionis. 245
 Pariſſi miracula ficta. 158. 490
 Pauli S. Converſio. 304. Ejusque miracula. 305
 Peccatores quæ miracula poſſint facere. 550
 Pentateuchi veritas demonstratur. 210
 Perſequutiones in Chriſtianos ſeviſſimæ. 289
 Pervicacia Incredulorum. 336
 Peyrerius negat diluvium univerſale. 217
 Philoſophi non cognoverunt omnia quæ docet Chriſtiſmus. 483.
 Et multa mala & impia docuerunt. 483
 Philoſtratus mendax eſt. 367. 373
 Phlegon miraculum eclipſis in morte Chriſti commemorat. 295
 Pilati acta in cauſa Chriſti. 322
 Pſcinæ probaticæ miraculum. 190
 Plato erravit circa Divinitatem. 468
 Approbavit mendacium ad bonum publicum. 366. Narrat mortuum revixiſſe. 365
 Plinius laudat Chriſtianos. 389
 Pomponatius Petrus. 425. Negat miracula. 166
 Porci cur a Dæmoniis præcipitati. 357
 Potestas miraculorum quomodo intelligenda. 401. Est nota veræ Ecclesiæ. 403. In Apostolis fuit permanens. 414

Q q

Pra-

Præde (de) Martinus. 364
 Primogeniti in Ægypto occisi. 205
 Prodigii notio. 12
 Profani, qui Christi miracula commemorant. 321. Cur pauci. 325
 Prophetia quid. 62. Est nomen late patens. 64. Plures ejus species. 71. Quæ perfecta. 66. Quæ perfectissima. 68. Est a Deo. 70. Est miraculum primi gradus. 28. Stare potest sine intelligentia prophetæ. 65. Quomodo cognoscatur an vera sit. 460
 Prophetiæ Balaam Ethnici. 540
 Prophetiæ Christi enuntiæ in evangelis. 279. Illæ de Christo. 171. Et de ejus gloria, & triumphis. 269
 Prophetiæ Dæmonum quales. 376
 Prophetiæ Sanctorum in novo testamento. 309
 Prophetiæ Sybillarum. 544
 Prophetiæ veteris testamenti. 170.
 Hæ probant veritatem Christianæ Religionis. 29. Et miraculorum Christi. 344. Male negantur ab Incredulis. 257
 Prophetæ sunt in omni ætate conditione sexu. 169. Et tempore. 420
 Publicanus erat publicus peccator. 539
 Pythonissæ versus Samuel apparuit. 540

R

R Aptus quid. 69
 Regis Petri definitio miraculi. 114. 126
 Regulæ ad dignoscenda miracula. 79. 451
 Relevantia miraculi quid. 81

Religio operantis miracula ex his non probatur esse bona. 552
 Reliquiarum usus sanctissimus. 163. 284. 400
 Resurrectio Christi, qua hora facta ignotum. 339. facta tamen demonstratur. 333
 Resuscitationes. 197. Illæ submersorum quid sint. 356
 Revelationum dignoscendarum regulæ. 461
 Rousseau **L. I.** 102. Malus coniectur. 379. Sibi contradicit. 379. Affirmat, & negat Dei existentiam, cognosci ex Mundo. 468. Et dari miracula. 474. Hæc inutilia dicit. 476. Nec ulla vult facta a Christo pro Christianismo. 481. Et negat ulla esse, quæ suscipiant demonstrationem moralem. 335. Ne illa quidem Evangelii. 254. 364. 451. Excludit omnes prophetias. 460. Male interpretatur, quod dixit Christus de Jona in ventre ceti. 481. Moysen cum incantatoribus comparat. 153. Et Mahumetem cum Prophetis. 265. Admittit interea resurrectionem naturalem. 356

S

Sacramenta novæ Legis sunt causæ morales gratiæ. 533
 Sacrificia ex hominibus apud Ethnicos. 328
 Sadducæi negabant Spiritus. 357. Et miracula. 165
 Salomonis sapientia. 179. Exorcismi illi attributi sunt superstitionis. 348
 Salvatores qui appellantur. 426. 350. 351. Sunt fabulosi vel Dæmoniaci. 548

Samaritani erant Pagani. 244
 Samuel apparuit Pythonissæ. 540
 Sanationes per miraculum quomodo cognoscantur. 454. An dentur sanationes subitæ sine miraculo. 353
 Quando sint miracula tertii gradus. 34. Et quando secundi. 35. Utræque debent esse diluturnæ. 458. Illæ quæ narrantur in Veteri Testamento. 191. & quæ de Christo in novo. 284
 Sciniphes quid. 153
 Sensibilitas miraculi debet esse communis. 85. sufficit, quæ sit per effectus. 82
 Sermo sapientiæ quid. 57
 Sermo scientiæ quid. 58
 Serpens æneus medicina morsus serpentium. 206
 Signum cur pro miraculo sumatur. 11
 Simonis magi miracula. 101
 Sinenfes quales. 329
 Sol stans ad imperium Josue. 180.245
 Sozomenus mentitur. 157
 Spinosa negat possibilia miracula. 128. Ejus definitio miraculi. 125
 Stella in Cathedra Cassiopeæ. 148. Illa a Magis visa. 260
 Stigmata S. Francisci. 421. 427
 Stillingsfleetus negat diluvium universale. 217. Nova poscit miracula. 485. & alia opponit ridicula. 367. Contemnit Bollanditas. 411
 Suarezij definitio miraculi. 117
 Suffocati quomodo curentur. 356
 Supernaturalis variæ significationes. 1. & 7.
 Sybillæ an extiterint dubium est. 544
 Quot sint. 544

T

T Almu'd a quo compositus, & quando. 127

Telliamedij opinio de diluvio. 236
238
 Tenebræ prodigiosæ. 185
 Terra forte populosa magis ante diluvium. 225
 Testamentum novum est Verbum Dei. 311
 Testes ex Jure qui possint esse. 446. Et quot. 447. Eorum uniformitas qualis esse debeat. 450
 Theodorus Mopsuestenus damnatus. 157. Negat prophetias. 259
 Tobiz visus recuperatus an miraculum. 56
 Tutia Vestalis tulit aquam in cribro. 547

V

V Aninus Atheus. 381. 384
 Velschius auctor negligens. 250
 Veritas præcedit falsitatem. 381
 Verneti definitio miraculi. 109
 Vespasiani ficta miracula. 371
 Vestalium quarundam miracula. 156
 Victoriæ per miraculum. 196
 Vigilantius negat miracula. 166
 Virgo Deipara habuit donum linguarum. 76
 Vires admirabiles. 193
 Vires creatæ quid. 474
 Vires naturæ quid. 118. 124
 Virtutes cur dicantur miracula. 14
 Visio dicitur prophetia coniuncta cum ejus intelligentia. 66
 Vossius negat diluvium universale. 217

W

W Arburtoni liber de Juliano. 282
 Whistonij opinio de diluvio. 235. 237
 Wierus Jo. negligens auctor. 250
 Woodwardij opinio de diluvio. 231
 Wooltonius Thomas. 262. 369

ERRATA

CORRIGE.

Pag.	Lin.	
26	33.	collocandis collocando
136	25	Evangelistis tanquam Evangelistis dixit fumenda esse tamquam
145	7	quam
289	1	tibi fibi

